

როლანდ გიორგაძე

სილოზე  
ამთქანგული  
მზე

თბილისი  
2024

როლანდ გიორგაძე – ტილოზე ამოქარგული მზე  
ROLAND GIORGADZE – SUN EMBROIDERED CANVAS

რედაქტორი: ზაალ ბოტკოველი  
Editor: Zaal Botkoveli

გარეკანის მხატვრობა: მერაბ გენაძე  
Cover art: Merab Getsadze

მხატვარი: ნინო კოხტაშვილი  
Artist: Nino Kokhtashvili

კომპიუტერული უზრუნველყოფა: ნიკა ხვედელიძე  
Page make-up: Nika Khvedelidze

© როლანდ გიორგაძე – ტილოზე ამოქარგული მზე

ISBN 978-9941-34-507-4



გამომცემლობა „მერიდიანი“  
დაიბეჭდა შ.პ.ს. „შარავანდის“ სტამბაში

ნიგნის გამოცემის უზრუნველყოფისთვის დიდ მადლობას ვუხდით  
შ.პ.ს. „შარავანდის“ დირექტორს ბატონ თამაზ შარიქაძეს!

ავტორი

## ანგელოსთა საუფლოში

„რაც გინდა პატარა იყოს სამშობლო ქვეყანა, პატიოსანს გულში დიდი ადგილი უჭირავს“, – წერდა ილია ჭავჭავაძე – წმინდა ილია მართალი და ასე აფხიზლებდა საღათას ძილს მიცემულ ქართველობას. არადა, უმძიმესი პერიოდი უდგა იმდროინდელ საქართველოს. რუსული ცარიზმის საცეცებში მომწყვდეული ქვეყანა თანდათანობით კარგავდა საკუთარ იდენტობას, მეობას, ტრადიციებს და, რაც ყველაზე სამწუხაროა, ენას. ივერთა მიწის მკვიდრნი ლამის თაკილობდნენ მშობლიურ ენაზე საუბარს და ამაყად, მედიდურად და, ამავე დროს, საოცარი თავმოდრეკით, მონურად ეთაყვანებოდნენ რუსულს...

ახლაც თითქმის იდენტური ვითარებაა. ყველაფერი, რაც აგრერიგად ძვირფასი იყო თითოეული ჩვენგანისთვის, რითაც თავი მოგვწონდა და სალოცავ ხატად მიგვაჩნდა, ყოველდღიური აგრესიის სამიზნედ ქცეულა. ქართული ანბანის გაბიაბრუებასაც კი არ მოერიდნენ პროფესორის მანტიას ამოფარებული მუცლითმებლაპრეები, რომლებიც ნანვიმარზე ამოზრდილი სოკოებივით მრავლდებიან. თუმცა „ნანვიმარი“ რა მოსატანია, ამას ახლა გრანტი ჰქვია, რომელიც რასაც უნდა იმას ათქმევინებს და ჩაადენინებს შოშიას ბარტყებივით პირდაღებულ არაკაცებს.

ჰოდა, ახლა დიდი სიფრთხილე და სიფხიზლე გვჭირდება სცილასა და ქარიბდას შორის მოქცეულ ღვთისმშობლის წილხვდომილ ქვეყანას. სული უნდა ვუბეროთ ჩვენს დედასამშობლოს, დედაეკლესიას, ქართულ დედაბოძებს, ბურჯად რომ უდგანან ჩვენს ოჯახებს და სიმტკიცისკენ, შეუპოვრობისკენ,

ვაჟკაცობისკენ მოგვიწოდებენ, რათა ამ ქვეყანაში დედას დედა ერქვას, მამას კი – მამა, ქალიშვილს – ქალიშვილი, ვაჟიშვილს – ვაჟიშვილი.

რატომ ვწერ ამას? ალბათ, იმიტომაც, რომ ეს წიგნი, რომელსაც თავის დროზე ხელს შეახებთ და გადაშლით კიდეც, მიგახვედრებთ, რომ მისი ავტორი სწორედაც რომ ილია მართლის გზაზე შემდგარი შემოქმედი, ისეთი შემოქმედი, რომელსაც დაუყვედრებლად შეიძლება ილიელი ვუწოდოთ.

ამ წიგნს მართლაც რომ უქათქათესი, მჭვირვალე ანგელოზები მფარველობენ და უნათებენ სავალ გზას.

ამ წიგნში მკითხველი ვერ შეხვდება იზმებით გამოჭედილ ტექსტებს, ვერც ფილოსოფიურ მსჯელობებს წუთისოფლის წარმავლობაზე, ამაოება ამაოთაზე.

არა, ბატონებო, წიგნის ავტორს, მისი მოთხრობებივით სადასა და უბრალო პროზაიკოსს როლანდ გიორგაძეს, რომელიც თავისი არსით ქართველ გუთნისდედასა თუ მეზვრეს მოგვაგონებს, ერთი მეტად საპატიო ამოცანა დაუსახავს მიზნად: თავის საესავ სამშობლოს, თავის საესავ თანამოძმეთ შეახსენოს, თუ რანი, როგორნი ვიყავით გუშინ თუ გუშინწინ, ათი, ასი, თუ ათასი წლის წინ საუკუნეების უღრანებში ხეტილისას, და როგორ უნდა შევინარჩუნოთ ფარნავაზისა და დავით აღმაშენებლის, გიორგი ბრწყინვალისა თუ პატარა კახის, თევდორე მღვდლისა თუ უსახელო უფლისციხელის სული, რათა თავანულებმა შევაბიჯოთ მომავალში...

ამ წიგნში სულ რამდენიმე მოთხრობამ დაივანა, სადიდომაც და საბავშვომაც და კიდეც ერთმა პუბლიცისტურმა სტატიამ, რომელიც ბევრ საჭირობოროტო პრობლემაზე ამახვილებს ყურადღებას.

როლანდ გიორგაძის ლიტერატურული გმირები ჭეშმარიტი ბანოვანები და ვაჟკაცები არიან, რომელთაც იციან ნამდვილი სიყვარულის ფასი და თუ ზოგჯერ ცხოვრება ისე არ გრძელდება, როგორც ეს მათ წარმოედგინათ, ისინი მაინც სათუთად ინახავენ ამ წმიდათანმიდა გრძნობას, სულს უბერავენ და ათწლეულების შემდეგაც ამ დიადი გრძნობის ერთგულნი რჩებიან. როგორ არ

ნააგავს მათი წარმოდგენა ამ უდიადეს სუბსტანციაზე თანამედროვე ფსევდოდემოკრატიის ზოგიერთი მედროშის სექსუალურ ფანტაზიებს, არაფრით რომ არ ჩამორჩებიან როზა ლუქსემბურგისა თუ კლარა ცეტკინის იდეალებს.

ამ მოთხრობების ავტორი სერიოზულადაა შეწუხებული ქართული განათლების სისტემის ზოგიერთი ასპექტის გამო, სრულად აქვს გასიგრძეგანებული პედაგოგის, მასწავლებლის როლი ამ ურთულეს, ფეთქებადსაშიშ გარემოში. ამის დასტურია მოთხრობა „ბოლო გაკვეთილი“, რომლის მთავარი პერსონაჟი გამუდმებით ფიქრობს, თუ რა გზებით, რა საშუალებებით უნდა გავუღვივოთ ახალგაზრდა თაობას მშობელი ქვეყნის სიყვარული, იცის, რომ მხოლოდ სულიერების პრიმატის მომძლავრება გადაგვირჩენს მოზარდ თაობას, რომ არ უნდა დაირღვეს კავშირი თაობებს შორის, თაობები არ უნდა აღმოჩნდნენ ცხოვრების მთავარი დინების სხვადასხვა ნაპირზე, რომ დროს ადამიანები ვქმნით და არა პირიქით.

ერთ-ერთი მოთხრობის გმირს, საავადმყოფოს რეანიმაციაში უმძიმეს მდგომარეობაში მყოფ პაციენტს ზმანებაში უფლის ანგელოზი გამოეცხადება და წვრილად მოაყოლებს მისი ცხოვრების განვლილ გზას. ისიც ჰყვება, ჰყვება და აღმოაჩენს, რომ არაერთი შეცდომის მიუხედავად, არ გამხდარა სატანისა და ეშმას არჩივი, არ უღალატია იმ პრინციპებისათვის, რისთვისაც ადამიანები მოვლინებული ვართ ამქვეყნად. ჰოდა, მოხდება სასწაული – სასიკვდილოდ განწირული კაცი გამოჯანმრთელების გზას დაადგება.

სულ დამავიწყდა მეთქვა, რომ ამ წიგნში შესულ მოთხრობებს ერთი მთავარი პერსონაჟი ჰყავს და მას სიკეთე ჰქვია. სიკეთე და მადლი ამოძრავებს მართლ ამ მოთხრობებს კი არა, ავტორის მოკრძალებული აზრით, სამყაროსაც.

მოთხრობაში „თეთრი მტრედი“ მოქმედება ცივ ზამთარში, სუსხითა და ყინვით გაჯერებულ გარემოში ხდება. ახალგაზრდა ცოლ-ქმარი, რომლებიც დღე-დღეზე შვილის დაბადებას ელოდებიან, იძულებული არიან ქუჩაში დადგნენ და მომავალი მამის – ჩინებული მევიოლინის დაკვრით იშოვონ თანხა, რომელიც

სამშობიარო სახლისთვის სჭირდებათ. ერთ-ერთ ებოში შესულ აძაგაგებულ წყვილს ფანჯრიდან თვალს მოჰკრავს მოხუცი მამაკაცი, რომელიც მყისიერად ჩავა ებოში და ახალგაზრდებს ფულის მოზრდილ შეკვრას გადასცემს. ვითომც არაფერი, მაგრამ საქმე ხომ ის გახლავთ, რომ ამ ფულს ის სულკურთხეული ძალიან დიდხანს აგროვებდა მშობლიურ სოფელში სახლის შესაკეთებლად. დიახ, თანაგრძნობა ერთ-ერთი უმთავრესი ნიჭია ადამიანისა, რაც უხვად აღმოაჩნდება, ალბათ, მრავალჭირნახად მოხუცს. სიკეთის კეთების სურვილით გამოირჩევა მეორე მოთხრობის „მარინეს“ მთავარი გმირიც – მუსიკალური სკოლის დირექტორი, რომელიც დახმარების ხელს გაუნვდის პატარა გოგონას და მას ჩინებულ მუსიკოსად აღზრდის.

თუ რამისკენ მოგვიწოდებს როლანდ გიორგაძე, იმისკენ მოგვიწოდებს, რომ ჩვენ, ყველანი, რა გაუსაძლის პირობებშიც არ უნდა მოვხვდეთ, რა გაჭირვების თუ პრობლემის წინაშეც არ უნდა აღმოვჩნდეთ, არ უნდა გავბოროტდეთ, არ უნდა ავივსოთ სული შურითა და შხამით, ბოღმითა და სამსალით. და თუ ეს მოვახერხეთ, მაშინ მაინც გავაღწევთ სამშვიდობოს.

როლანდ გიორგაძისათვის ცხადზე უცხადესია, რომ თუ რამ გადაარჩენს ქართველ კაცს წუთისოფლის ინროებში გადაჩეხვისაგან, ადგილის დედასთან, სოფელთან კავშირის შენარჩუნებაა, უფრო სწორად რომ ითქვას, თავად სოფლის გადარჩენაა უმთავრესი, რომელიც ჩვენთვის, ანთელისისა არ იყოს, ძალისა და ენერჯის მიმცემია. სოფელთან კავშირს ფესვებთან კავშირი ჰქვია და თუ ამ ყველაფერს ზურგს აქცევ და მოსწყდები, ფესვები ამას არ გაპატიებენ, უფუნქციოდ დაგტოვებენ და შენი ცხოვრებაც ფუჭად, ამოღ ჩაივლის.

რა საინტერესოდ ხატავს მწერალი გლეხიკაცის მარჩენალი ხარის ისტორიას. ნიკორა და მისი პატრონი ლამის ერთ სულად და ხორცად არიან ქვეულნი და ისე ეწევიან ცხოვრებისეულ ჭაპანს...

მწერალმა კარგად იცის, რომ ადამიანი საკუთარ თავს ვერსად გაექცევა და ვერსად დაემალება, რომ ადამიანისთვის ყველაზე მთავარი ორთაბრძოლა საკუთარ თავთან შერკინებაა

და თუ ამ ბრძოლიდან გამარჯვებული გამოხვედით, შენი მომრევი ამქვეყნად არავინ იქნება.

„შიშს არა განსაცდელთა მონევნაი იქმს, არამედ გონების უძღურებაი“.

იოანე ოქროპირის ამ შეგონებას, როგორც ჩანს, კარგად იცნობს მწერალი და მთელ მის შემოქმედებას, ამ კრებულში შესული მოთხრობების ჩათვლით, ლაიტმოტივად გასდევს ადამიანის სულიერი სიმტკიცე, ადამიანის რწმენა და ქედუხრელობა ყველა დაბრკოლების მიმართ. ამიტომაცაა, რომ შიში მის პერსონაჟებს თითქმის დაძლეული აქვთ. თითქმის-მეთქი რომ ვაცხადებ, იმას ვგულისხმობ, რომ ერთი შიშის დაძლევა წარმოდგენელია და მას სამშობლო ქვეყნის იავარქმნის შიში ჰქვია. ამ შიშის გარეშე ხომ აქამომდეც ვერ მოვალწევდით.

ვწერ ამ სტრიქონებს და გონებაში XX-XXI საუკუნეების ერთ-ერთი დიდი მწერლისა და მოაზროვნის, ოთარ ჭილაძის ციტატა წამომიტივივდა:

„ადამიანი ჰგავს იმ ქვეყანას, რომელსაც მისი სამშობლო ჰქვია, ხოლო სამშობლო თავს ურჩევნიათ ადამიანებს და არა მონებს“.

დიახ, ბატონებო, შემძლია გულზე ხელი დავიდო და ისე განვაცხადო: როლანდ გიორგაძე – მწერალი და მოქალაქე, საოცრად ჰგავს მის სამშობლოს. როლანდ გიორგაძე არ დაბადებულა მონად (ღმერთმა დაიფაროს) და ამიტომაც იგი ადამიანია, ჭეშმარიტი ადამიანი, ალიკვალის მისი ბედკრული ქვეყნისა.

ამბობენ, ოცნება მღვიძარეთა სიზმარიად და თუ ასეა, მაშინ თქვენს სიზმრებს გაუმარჯოს, ბატონო როლანდ, მტკიცედ გვწამს, რომ თქვენი და ჩვენი სიზმრები ერთ დიდ ვულკანურ ძალად გადაიქცევა, წალეკავს ამქვეყნად არსებულ ყველა ბოროტებას, ყველა უწმინდურებას და გადაარჩენს თქვენსა და ჩვენს სათაყვანებელ სამშობლოს, რომელსაც სრულიად სამართლიანად, ანგელოსთა საუფლოდ მიიჩნევთ.

**ზაალ ბოტკოველი**







მთხრობები



# წილობე ამოქანგრული მზე





## ტილოზე ამოქარგული მზე

საიმედო ვერაფერი უთხრეს – მედიცინას გასაოცარი მიღწევები აქვს თვალის დაავადებათა თანამედროვე მეთოდებით მკურნალობაში და ეს უწყვეტი პროცესიაო. კიდევ ბევრი რამ თქვა ექიმმა. ოთარი ზრდილობის გამო უსმენდა. მისთვის ყველაფერი ნათელი იყო – ყველაზე უარესისთვის უნდა მომზადებულიყო. იმ დღიდან მოყოლებული ცდილობდა, თვალდახუჭულს ევლო. ნაბიჯებით ზომავდა მანძილს სახლიდან ავტობუსის გაჩერებამდე, ბაღში ტოტებგაშლილ, უბარმაზარ ხის ძირას ჩაბეტონებულ ძელსკამამდე. სახლში ყველა ნივთს აკვირდებოდა, წვერსაც კი თვალდახუჭული იპარსავდა. ჯერჯერობით მთლად საგანგაშოდ არ ჰქონდა საქმე, მაგრამ ფერთა გამაში თეთრი ფერი გაბატონდა და ეს უკვირდა ექიმს, იშვიათი შემთხვევაა ჩემს პრაქტიკაშიო, უფრო სიმუქეს უჩივიანო. არ უნდოდა მწარე ხვედრს გულხელდაკრეფილი შეხვედროდა. გულში კი გაივლებდა, იქნებ დავასწრო ამ განსაცდელს და თვალხილული გავიდე სააქაოდან. ყველაფერი ღვთისგანაა, მის ნებას ვინ გადაუვაო. თხოვნაც კი ერიდებოდა, რა წმინდა ცხოვრებით მე მიცხოვრია, ჩემი თხოვნა ღმერთმა შეისმინოსო. დღეებს დაეშურა, ადრინად გადიოდა სახლიდან, ათვალიერებდა არემარეს. დიდხანს შესცქეროდა ცის თაღს, მზეს, იმახსოვრებდა ფერებს, დაჟინებით აყურადებდა ფოთოლთა შრიალს, ფრთოსანთა მხიარულ ჟივილ-ხივილს და ცდილობდა, ჩიტები ჭიკჭიკის მიხედვით გამოეცნო.

იმ დღესაც ადრინანდ დაადგა გზას, ბალამდე ათასი ნაბიჯი იყო. პატარა შადრევანთან ჩამოჯდომა უყვარდა, სადაც ბელურები ბანაობდნენ ხოლმე. ჩაიყურყუმელავებდნენ, მერე ფრთებზე გადავლებულ წყალს დაიფერთხავდნენ და სივრცეში აიჭრებოდნენ, ბაღს წრეს დაარტყამდნენ და ხეზე ჩამოსხდებოდნენ. შადრევანთან მის სათაყვანო შაშვს თვალი ვეღარ მოკრა. შაშვის გალობა ყველაფერს ავინყებდა. იჭდა გარინდებული და მოგონებების უკიდევანო სივრცეში ინთქმებოდა...

\* \* \*

ქალი დიდხანს იჭდა სარკესთან. ცივი შუშიდან არეკლილი ორეული შესცქეროდა, დაჟინებით უმზერდნენ ერთმანეთს. დანანებით გადაიქნია თავი. მერი შერვაშიძის ფოტოს დაჰყურებდა ხშირად. უკვირდა, როგორ შეინარჩუნა ღრმა სიბერემდე მომხიბვლელობა და მოხდენილობაო. მას კი თმა არასოდეს შეუღებავს. უცნაური, ვერცხლისფერი კი არა, უფრო ფერფლისფერი შეფერილობის თმა ახალგაზრდობიდან გამოჰყვა, რომელიც შინაგანად თბილს, ამაყ და გოროზ იერს აძლევდა და მის მიმართ კრძალვით განაწყობდა ყველას. კიდევ ერთხელ შეავლო თვალი ორეულს, აქნილ წარბებზე თითები გადაისვა და წამოდგა. შარვალი თუ კაბა? შარვალი ამჟობინა, უფრო დამაჯერებლად გრძნობდა თავს. ისევ მოხდენილად დადიოდა, თვალსაც კი გააყოლებდნენ ხოლმე... ქალი ეზოში გამოვიდა და ნაცნობ გზას დაადგა.

ამას წინათ ქუჩაში მიდიოდა. მოზრდილი გოგონები შეეფეთნენ. თამამად ჩაცმულნი, მოშილიფებულნი. ფეხი შეანელეს და ცნობისმოყვარეობით ახედეს, ჩაიფრუტუნეს და გადაიკისკისეს. ყურში მოესმა, როგორ თქვა ერთმა – მოხდენილად კი გამოიყურება, მაგრამ მის ასაკში შარვალი მეტისმეტიყო. ჰმ, ჩაიცინა, ერთი პირველთაგანი იყო, ვინც შარვლით შეიმოსა. ეჰ, გოგოებო, მოვა დრო და მიხვდებით, რომ თითოეული ადამიანი ნაუკითხავი წიგნია და ყველას როდი ხელეწიფება მისი წაკითხვა.

\* \* \*

ზაფხულის ხვატი იდგა, ჰაერი არ იძვროდა. მიუხედავად აუტანელი სიცხისა, მკვირცხლად ამოირბინა აღმართი. მდინარეში ნაბანავებს სველ ტანზე მიკვროდა სამოსი. ბეჭებზე დაცემულ თმებსაც ვერ მოესწრო გაშრობა. ქვაყუნციასთან ღარის წყალს დაენაფა, გული გაიგრილა, მერე სახეზეც შეისხა და აღმართს აუყვა. მაღლობიდან ამაყად იმზირებოდა ორსართულიანი ოდა სახლი. პირველი სართული ქვითკირისა იყო, მეორე სართული – მთლიანად ნაბლის ხის, რომელიც განსხვავებულ, მისთვის დამახასიათებელ სურნელს აფრქვევდა, სასიამოვნოს. სახლში არავინ იყო. კიბე აირბინა. ბევრი ლხინისა და ქეიფის მომსწრე აივანი ისეთი გრძელი იყო, ას კაცს თავისუფლად უმასპინძლებდა. აივნიდან თვალწარმტაცი ხედი იშლებოდა მდინარე უძინარას ხეობაზე, თავისი მაღლობებითა და დაბლობებით, ყანებითა თუ ვენახებით. ჩამოჯდებოდა აივანზე თოთხმეტი წლის ახტაჯანა, ობოლი გოგონა, რომელსაც არც მამა ახსოვდა და არც დედა, მამა ომმა შეინირა, დედა – დარდმა. შეუხორცებელი იარა მის გულში ვერც დრომ და ვერც ასაკმა შეახორცა. თავისი სამყარო ჰქონდა და მის სამყაროში არავის ახედებდა. ბაბუა თუ გამოაფხიზლებდა და ირეალურიდან გამოიყვანდა: არ გადმოვარდე, არ დამღუპო შვილო, აივნის მოაჯირი ცხენი ხომ არ არის, რომ შემოსკუპებულხარო. ყველა სურვილის შემსრულებელი ბაბუა მხოლოდ თოფთან მიახლოებას უკრძალავდა. ცნობილი მონადირე იყო ბაბუა. იმ საშინელი ომის, შიმშილისა და სიდუხჭირის დროს იმდენი ნანადირევი მოჰქონდა, მებობლებსაც კი უნაწილებდა... თოფი ქალის საქმე არ არისო, – იტყოდა ხოლმე და თვალისჩინივით უფრთხილდებოდა, – ბაბუაჩემის ჩამოტანილია ტრაპიზონის ომიდანო. გოგოს კი ანდამატივით იზიდავდა იარაღი, ერთი სული ჰქონდა ხელი შეეევლო. ჩქარი ნაბიჯით გადაჭრა აივანი და დიდ ოთახში შევიდა. მოპირდაპირე კედელზე გაკრულ უზარმაზარი ხალიჩიდან ამაყად გადმოსცქეროდა ქორბუდა ირმის დატოტვილი თავი. აქვე ეკიდა ხმალი, ხანჯალი და მისი სანუკვარი ორლულიანი სანადირო თოფი. მიუახლოვდა, ფრთხილად მიიდგა სკამი და საოცნებო ნივთი

კედლიდან ჩამოხსნა. ემძიმა, კონდახზე ფრთხილად ჩამოუსვა ხელი, თითქოს ეალერსებოდა. ძირს დაუშვა, ამოაბრუნა და ლულაშიც ჩაიჭყიტა. მერე ჩახმახსაც შეავლო ხელი და აივანზე გავიდა. მერცხლების გაუთავებელი ჟღურტული ისმოდა. გოგონამ თოფი შემართა, ბაბუსასავით მხარზე მიიყრდნო, ნიკაპიც მჭიდროდ მიაბჯინა. უხილავ მტერს მიაძახა: ბუჰ, ბუჰო! მერე რამდენიმე ნაბიჯი გადადგა და მისდაუნებურად სასხლეთს თითი გამოჰკრა. იქუხა, რასაც თვალი შეასწრო, ლულიდან გამოვარდნილი ალი იყო. საშინელმა ტკივილმა ძირს დასცა და გონი დაკარგა. თოფის ქუხილზე ყანიდან მომავალი ბაბუა მოვარდა. ტყვიას მერცხლის ბუდე ნაფლეთებად ექცია და რამდენადაც გასაკვირი არ უნდა იყოს, აივნის წინ აშოლტილ მსხლის ხიდან ყვავიც გადმოეგდო. კარგა ხანს გაჰყვა მხრისა და ყბის ტკივილი.

\* \* \*

მიუყვებოდა გზას მოხდენილი ასაკოვანი ქალი და ფიქრებს ელაციცებოდა. რა ქარმა გადმოაგდო ნეტავ ეს კაცი, ჩემი ადგილი რომ დაუმიხებია? თვითონაც არ იცოდა, რატომ არ ჩამოისვენა ამოჩემებულ სკამზე. მოერიდა იმ მამაკაცის, რომელიც მხცოვანების ბილიკს შესდგომოდა. საკმაოდ მოხდენილი კაცი იყო. თითქმის ყოველდღე ხედავდა. იმ დღეს თვალებით შეეფეთა. შედრკა. სხეული ჟრჟოლამ მოიცვა. სწრაფად დახარა თავი და რომ არ ნაქცეულიყო, სკამზე ჩამოესვენა. კაციც შეცბა. კვლავ ქალს შეავლო მზერა. შეუძლებელია... ბედისწერად ქცეული, ცრემლის ტბაში მოტივტივე ორი გიშერი. სწრაფად ნამოდგა და ფეხარეული აგურისფრად მოკირწყლულ ბილიკს გაუყვა. ქალი კარგა ხანს იყო გაოგნებული. წარსულიდან მომზირალმა ნაცნობმა თვალებმა ისეთივე თრთოლა მოჰგვარა, როგორც შორეულ ყმანვილქალობაში. აფორაჯებულმა და აფორიაქებულმა თავი ჩაღუნა, თავისდაუნებურად წარბებზე ცერა თითები გადაისვა. უკან მიიხედა, სიყრმეს მიაპყრო მზერა და იქაურობა კარგად მოჩხრიკა. ნუთუ ის არის?!



\* \* \*

მზეს ჯერ კიდევ ვერ მოეკრიბა ის ძალა, საჩრდილობელს რომ მოგაძებნიებს. სისხამზე სიმიდს ნამბული დჰკრავს, მიწასაც დაანოტიოებს და ყანაც ადვილად ითოხნება. არაფერი ისე არ ართმევს კაცს არაქათს, როგორც თოხი, ოფლს ღვარად დაგადენს. ყველა სათოხარში იყო გაკრეფილი. ზღვასავით ლივლივებდა წელამდე ამოზიდული სიმიდის ყანა. თინიკოკი სახლის მეთვალყურედ იყო გამწესებული. დილის საქმეები მოითავა, ქათმებიც დააპურა და ღორიც გადააბა. ახლა თავის საყვარელ აივანზე, სკამზე იჯდა. ბაბუამ გააფრთხილა, აივანის მოაჯირზე შემომჯდარი აღარ გნახო. წელს სკოლას ამთავრებ, გასათხოვარი გოგო ხარ უკვეო. რას ამბობ ბაბუ, სანამ ჩემი პრინცი არ ჩამოიგეღვებს და აივნიდან არ მომიტაცებს სახლიდან ფეხის გამდგმელი არა ვარო, – უპასუხებდა კისკისით. ვატყობ, დიდი ლოდინი არ დაგჭირდება, შენ რა გიჭირს, მე რა მეშველება უშენოდო. შენც თან წაგიყვან, ბაბუკელო, შენ როგორ დაგტოვებო და კისერზე ჩამოეკიდებოდა ბერიკაცს. იჯდა ღიმმორეული, იდაყვებზე თავჩამოყრდნობილი და ნაცნობ პეიზაჟს გასცქეროდა. მზე უშურველად აფრქვევდა მწველ სხივებს. მერე კი ყველა სხივი ერთ დიდ კონად შეკრა და მდინარეში მოელვარე სვეტივით ჩაუშვა. ცოტა ხანში წყალი აფუთფუთდა, ამოდუღდა და მთელი ხეობა რძისფერ ნისლში გაეხვა... ყმანვილი ქალი უცნაური ზმანებიდან ცხენის ჭიხვინმა გამოიყვანა. თავი წამოსწია. ეს ხომ მერცხალაა, ნეტავ მართორად მოვიდა? სადაა დედამისი? დედა მართლაც რომ დინჯი ჰყავდა. იმდენად უწყინარი და მშვიდი, ფაშატს დინჯა შეარქვეს. თინიკოკს არაერთხელ ამხედრებულა დინჯაზე, – შეკაბმულზეც და უბელოზეც. მაგრამ გამორჩეულად მაინც მერცხალა უყვარდა – ყორანივით შავი ულაცი, თითქმის მის ხელში რომ გაიზარდა. არაფერს არ აკლებდა, ბანდა, ასეირნებდა. ნატეხი შაქარი სულ ჯიბეში ედო და მალულად აჭმევდა, იმიტომ, რომ ბაბუა უშლიდა – კბილებს გაუფუჭებსო. დაინახავდა თუ არა ცხენი, ჩიჩვირით ჯიბეში უძვრებოდა. თინიკოკს შემოეხვეოდა ყელზე და ხან ფაფარს უვარცხნიდა, ხანაც უწნავდა. განუყრელი მეგობრები

იყვნენ. ბაბუამ ბოლო დროს მის გახედნაზე დაიწყო საუბარი. ჯერ უნაგირს უნდა შეეჩვიოსო. რამდენჯერმე შეეცადა აღეკაბმა უნაგირით, მაგრამ არ იგუა. თრთოდა, ჭიხვინებდა, ყალყზე დგებოდა, კინალამ ღობეები დალენა. ბაბუა იცინოდა და ამბობდა: რამდენიც არ უნდა იხტუნოს, მაინც მოუწევს თავის ხვედრთან შეგუებაო... მაგრამ მე აღარ შემიძლია, კარგი ვაჟკაცი უნდაო... თინიკო გულში ფიქრობდა: რალა ვილაც უცხო უნდა შეასკუპდეს ჩემს გაბრდილ ცხენსო. მე ვიქნები პირველი, პირველობას არავის დავუთმობო. გაიხედ-გამოიხედა, არავინ ჩანდა. ამაზე ხელსაყრელი დრო არ მექნებოდა და ეზოში ჩაირბინა.

– მერცხალ, მერცხალ! – დაიძახა. ულაცმა ყურები ცქვიტა. ჩაიხვიხვინა და თინიკოს მიუახლოვდა.

– აი, ჩემი საჩუქარი, ჩემო ლამაზო, – თინიკომ ერთი მუჭა ნატეხი შაქარი გაუნოდა. ცხენმა ხრაშახრუში აუტეხა ნუგბარს, – ხომ ხედავ, მე ყველანაირ სურვილს გისრულებ, ახლა შენც უნდა შემისრულო, მე უნდა ვიყო ის პირველი, ვინც შენზე ამხედრდება.

თითქოს რალაცის მოლოდინში ცხენი აცახცახდა. თინიკომ ისიც კი გაიფიქრა, ხელი ხომ არ ავიღო ჩემს განზრახვაზე, მაგრამ ეს იყო ნამიერი ორჭოფი. ცხენს მიუახლოვდა, თვალეებზე ეამბორა, ფაფარი გადაუვარცხნა, ხელი კისერზე მოუთათუნა და მერე ელვის უსწრაფესად ბურგზე მოექცა. ცხენი ჯერ გაოგნდა, მერე ყალყზე დადგა, დაიჭიხვინა, ადგილიდან უსწრაფესად მოწყდა და ხის დაბალ ჭიშკარს გადაეველო. გოგო ჭინკასავით ჩააფრინდა ფაფარში, ფეხები შემოასალტა და კისერზე განვა. ერთსხეულად ქცეულნი ქარზე უსწრაფესად მიფრინავდნენ. თავქვე მიმქროლავ გოგონას უფრო და უფრო უჭირდა თავის შემაგრება. როგორმე უნდა შევაჩერო, როგორმე უნდა შევაჩერო! რეკდა გონება. ქვიან შარაზე გადმოვარდნა სიკვდილის ტოლფასი იქნებოდა. ცხენი კი ყოველნაირად ცდილობდა აბეზარი ტვირთისგან გათავისუფლებას. გასცდა თუ არა ორლობეს, ცხენი თქარათქურით მწვანედ აბიბინებულ ყანებს შორის განოლილ საურმე გზას დაადგა. ყანების ბოლოს დიდკლდოვანი ხევი იყო, საიდანაც მდინარე უძინარას შემზარავი ხაფი ხმა და გუგუნი ისმოდა. გოგო შიშმა შეიპყრო, ცხენის შეჩერების არანაირი

ძალა აღარ გააჩნდა. განწირულმა რამდენჯერმე დაიკვილა – მიშველეთ! მიშველეთო! მემორადეები<sup>1</sup> კანტიკუნტად გამოვიდნენ ყანიდან. ტყვიასავით ჩაიქროლა ულაცმა. ცხენი საბედისწერო ხევეს უახლოვდებოდა. თავზარდაცემული, საძრაობადაკარგული გლეხები შიშით შესცქეროდნენ თავანწყვტილ ულაცს, საკუთარი უილაჯობით დათრგუნვილნი მხოლოდ ხელებს ასავსავებდნენ და ხმამაღლა გაჰყვიროდნენ... ყვირილზე ყანის ბოლოდან თმაშეკრული ჭაბუკი გამოხტა, წამიერად შეყოვნდა, მერე თოხი შორს გასტყორცნა და გაცოფებულ ცხენს წინ გადაუდგა. ცხენმა ფეხებით ჰაერი დატორა და ფლოქვები მიწას დასცხო. ბიჭმა პატარა შეყოვნებით ისარგებლა და ცხენს კისერზე ჩამოეკიდა. დამფრთხალმა და ქანცგამოცლილმა გოგომ თავი ველარ შეიმაგრა და სიმინდის ზღვაში გადაეშვა. ჭაბუკი გოგოსთან მიიჭრა, ფრთხილად გადმოაბრუნა... ტკივილისგან კი არა, სირცხვილისგან ალანძული, ნუკრივით დამფრთხალი გოგოს ცრემლების გუბიდან ორი გიშერი იმზირებოდა... გადარჩა, გაიფიქრა ბიჭმა და ღიმილადქვეულმა თავისი ბეცასავით კრიალა თვალები შეანათა. შუბლიდან სახვევი მოიხსნა, საფეთქელთან ახლოს გამოჟონილი სისხლი ფრთხილად მოწმინდა. შუბლზე ხელი გადაუსვა და ჩამოშლილი თმა უკან გადაუნია, მერე კი ფრთხილად შეუკრა. ხელის შეხებისას გოგოს უცნაურმა ჟრუანტელმა თხემით ტერფამდე დაუარა. იწვა დარცხვენილი და გარინდებული. ოფლიანი თავსახვევის სუნი ცხვირს უწვავდა და მისდა გასაოცრად ზიზღის ნაცვლად რაღაც გამოუცნობ ბურუსში ხვევდა. ეს არ იყო მართო ოფლის სუნი, მას კიდევ რაღაც სხვა სურნელი ახლდა, რომელმაც მისთვის შეუცნობელ სამყაროში გადაისროლა...

\* \* \*

ფეხარეულ კაცს დიდხანს არ უვლია. საშინელმა მოთენთილობამ შეიპყრო. არ წავიქცეო, გაუელვა გულში. მტირალა ტირიფს შეაფარა თავი, წვრილი ტოტები ქალის თმასავით რომ ჩამოშლოდა. ძელსკამზე ჩამოჯდა, ბეჭებით საბურგეს მიესვენა.

<sup>1</sup> მორადი – ყანის მეორედ გათონა.

ასევე ჩამოშლოდა გოგოს იმ საბედისწერო დღეს სახეზე თმა, რომლის მიღმა, ცრემლებში მობანავე ორმა გიშერმა სააქაოს მოსწყვიტა ბიჭი. ვერც ვერასოდეს დაივიწყა. რომ არა ის შემთხვევა, ნეტავ როგორ წარიმართებოდა მისი ცხოვრება?

\* \* \*

ხომ შეეძლო ცხენს ოთარი გადაეთელა? სად იყო ფიქრის დრო, განწირულმა ყვირილმა გამოაგდო ყანიდან და რაც შემდეგ მოხდა, ღვთის სასწაულად მიიჩნია. არც ხალხის შეძახილები ესმოდა, ვერც თვალცრემლიან მოხუცს ხედავდა, რომელიც გულში იკრავდა. ვაჟკაცის სახელი გაუვარდა. დიდი ღვთისმშობლის გადაიხადა თინიკოს ბაბუამ. თინიკო მეზობლის ქალებთან ერთად სუფრას ემსახურებოდა. გამომშვიდობებისას თინიკოს ბაბუამ, გერასიმემ შვილიშვილს დაუძახა, – შენ გადამრჩენელს, ჩვენ გადამრჩენელს მადლობა უთხარი შვილო, მადლობა უთხარი, რომ არ დავიღუპეთ და გამწარებული არ გამიშვა სამარეში. ოთარს მისი მადლობა რად უნდოდა, თვალები ისედაც ყველაფერს ამბობდნენ. მოსაუბრეებს მეზობლის ენაკვიმატი ქალი ფოტინე მიუახლოვდა, ხელში თეფშები ეჭირა და პირველი სართულისკენ მიემართებოდა. სანამ კიბეს დაუყვებოდა თავი მოსაუბრეებისკენ მოაბრუნა და სიცილგარეული ხმით თქვა: გერასიმე, გერასიმე, ბედი კარზე მოგდგომია, ხელი არა ჰკრაო! ბაბუას უცბად არ უპასუხია, პირველად სახე შეეკუშტა, მერე ღიმილმა გადაჰკრა და უპასუხა: ეჰ, ფოტინე, ფოტინე, აქამდე უბრად იმიტომ იყავი, ეგ რომ გეთქვა? მართო მე კი არა, მთელი სოფელი ასე ლაპარაკობს, უკეთეს სასიძოს სად იპოვისო. ახალგაზრდებს ალმა გადაჰკრათ სახეზე, უხერხულობისგან აღარ იცოდნენ, საით გაეხედათ. ისევ ბაბუამ განმუხტა სიტუაცია, – რა დროს სიძე-მაცრობაა, ფოტინე, ესენი ხომ ჯერ ბავშვები არიან! – პატარა პაუზის შემდეგ კი დაამატა: – ხომ გაგიგონია, ადამიანთა ბედი აქ კი არა ზეცაში წყდება, ზეცაში... მეტი არაფერი უთქვამს. უკან შებრუნდა და სუფრაზე შემორჩენილ მოქეიფე სტუმრებისკენ გაემართა. თინიკომ ჭიშკრამდე გააცილა სტუმარი. დამშვიდობებისას ოთარმა ხელი გაუნოდა. მის ვაჟკაცურ ხელში გოგოს ნაზი თითები ბელურასავით

აფართხალდა. მხოლოდ ორი სიტყვა უთხრა – მალე გნახავო და თავქვე დაეშვა. თინიკოს ხელი ისე უხურდა, გეგონებოდა ნაღვერდალში შეეყო. უცნაური გრძნობისაგან აფორიაქებულმა სირბილით გასწია სახლისკენ.

\* \* \*

ოთარმა ხელები მოიფშვინტა, მუხლებზე დაიკრა და ფეხზე წამოდგა. გამოვიდა ტირიფის კორომიდან, მიიხედ-მოიხედა, დეკორატიულ ქვის კედელთან მოწანწკარე წყალი შენიშნა, ახლოს მივიდა და ცივი წყალი სახეზე შეისხა, მერე დაენაფა, გული გაიგრილა და ისევ ტირიფის კორომში შეძვრა. ჩამოჯდა, თავი ჩაქინდრა და განწყვეტილ ფიქრს აედევნა.

\* \* \*

ოთარი მეზობელი სოფლიდან იყო, დედუღეთში ბებიასთან და ბაბუასთან ხშირად ჩამოდიოდა, მართოდ დარჩენილ მოხუცებზე ზრუნავდა და ეხმარებოდა.

იმ წელს მისაღები გამოცდები უნდა ჩაებარებინა თბილისის სახელმწიფო უნივერსიტეტში, ფილოლოგობას აპირებდა. დავბრუნდები სოფელში, ოჯახს შევქმნი და მასწავლებლად ვიმუშავებო. სამხედრო სამსახურში მოულოდნელმა განვევამ მთელი ცხოვრება აურია. თინიკოც კი ვერ ნახა. გზიდან წერილი მოწერა და სიყვარულიც წერილით გაუმხილა. სამწლიანი განშორება ადვილი არ იყო.

სამხრობისას ცაგო თინიკოს ჭიშკარს მიუახლოვდა და დაიძახა:

– თინიკო! თინიკო!

პირველ სართულზე სამზადის ორნამენტებიანი, ნაბლის მძიმე კარი გაიღო და თმაშეკრულმა თინიკომ გამოიხედა.

– ცაგო ბიცოლა, აქ რას დგახარ, შემოდი! – შინ შეიპატიჟა მასპინძელმა.

– სად მცალია გოგო, ისეთ დღეში ვარ, ცეცხლი მიკიდია, სტუმრები ჩამომვიდნენ დედაქალაქიდან, მეტად საპატიო სტუმრები, არ მინდა რომ შევრცხვე, უნდა დამეხმარო. მერე მე ვიცი

შენი პატივისცემა, – არ ცხრებოდა ცაგო. – მეტად საპატიო სტუმრებია, საკადრისად უნდა დავხვდეთ.

– ცაგო ბიცოლა, რა პატივისცემაზეა ლაპარაკი. სიმინდის ფქვილს ვსრიდი, ბაბუსთვის მჭადები მინდოდა გამომეცხო.

– რა დროს მჭადებია, – არ დაამთავრებინა ცაგომ, – სალამოსთვის სუფრა გვექნება. რა თქმა უნდა, ბაბუაც დაპატიჟებულია. კარგად გამოიპრანჭე, ქალაქელი გოგოებია, ერთი მზეჭაბუკიცაა, თვალი უნდა დავუყენოთ გოგო, თვალი! – ეშმაკურად გაიღიმა, მხრები შეარხია, თავი მალლა ასნია და წარბებიც აძვია.

– კარგი, ცაგო ბიცოლა, დაგეხმარები. – ცოტა შეცბუნებულმა უპასუხა თინიკომ.

სალამოს გერასიმე შვილიშვილთან ერთად მეზობლის ოჯახს ესტუმრა. დიდებული, ნამდვილი ქართული სუფრა იყო გაშლილი. ქალაქიდან არცთუ ისე ბევრი სტუმარი იყო ჩამოსული – ოცდაათს გადაცილებული მამაკაცი, მისი ორი და, და ბაბუას ტოლი მხცოვანი მამაკაცი – მათი მამა. კარგად მოილხინეს. ახალგაზრდა მამაკაცი, მისდა გასაკვირად, ძალიან მალე გაუშინაურდა, უმრავ რამეს ეკითხებოდა და ისიც გულუბრყვილოდ ყველაფერზე პასუხობდა. რამდენჯერმე მოხუცი კაცის მშენა დაიჭირა, მუშტრის თვალით რომ ათვალეიერებდა. არ ესიამოვნა, მოინყინა და სახლში წასვლა დააპირა.

– ბაბუ, ბაბუ, – მკლავში ხელი მოჰკიდა და ყურში ჩასჩურჩულა – სახლში მინდა წასვლა.

– რას ლაპარაკობ, შვილო, სირცხვილია, თუ პატივისცემაა, ოჯახს ბოლომდე უნდა ვცეთ პატივი, ასეთია ბაბუა სუფრის წესი.

ლხინი გახურდა. ცელქმა ცოლიკაურმა ყველა გაახალისა და ისედაც თბილი ატმოსფერო კიდევ უფრო დაათბო. სიმორცხვის და უხერხულობის გუშაგებმაც მიიძინეს. ახალგაზრდა კაცი გიტარას დასწვდა და ქალაქური მელოდია დაამღერა. ვერაფერს იტყვი, საუცხოოდ მღეროდა. მოხდენილი კაცი იყო, შავგვრემანი და შავთმიანი, ლამაზად ჩანკნიკებული თეთრი კბილებით. უხდებოდა ღიმილი, რომელიც სახეს სანდო იერს აძლევდა. თინიკომ რამდენჯერმე მისი მშენაც დაიჭირა. შეკრთა,

დაირცხვინა და ლხინის დამთავრებამდე მისკენ აღარც გაუხედავს. დაახლოებით ერთი კვირა დარჩნენ სტუმრები და ერთი კვირა ეხმარებოდა თინიკო ცაგოს. ახალგაზრდა კაცს თენგიზი ერქვა, მის დებს – ია და ეკა. ია გვერდიდან არ შორდებოდა თინიკოს და საქმიანობაში ეხმარებოდა. ათას რამეზე საუბრობდნენ, უფრო სწორად ია საუბრობდა. ხანდახან მოხუცი კაციც ჩაერეოდა და თავის ჭროლა, მჩხრეკავი თვალებით შიშს ჰგვრიდა თინიკოს. ერთი ორჯერ ბიჭიც ჩაერია, ლამაზი ქართულით საუბრობდა. ჰკითხა ისე, სასხვათაშორისოდ, სკოლა როდის დაამთავრეთო. ეს იყო და ეს. კვირის ბოლოს ცაგოს სტუმრები ქალაქს გაემგზავრნენ.

თინიკოს ყველაზე დიდი სიხარული ოთარის წერილის მიღებისას ეუფლებოდა. მიუხედავად იმისა, რომ უჭირდა მისთვის მოულოდნელი გაქრობა ეპატიებინა. ჩემს უნახავად როგორ წავიდა, ყველაფერი უნდა ელონა, რომ ვენახეო.

ამ ამბიდან არცთუ ისე დიდი დრო იყო გასული, ბაბუამ თინიკოს რომ უთხრა: ბაბუ, თუ სადმე გახვალ, დროულად დაბრუნდი, უნდა ვისაუბროთო. შეფიქრიანებული ჩანდა ბაბუა. თინიკოს გაუკვირდა:

– ბაბუა, რა სასაუბრო გაქვს, ახლავე მითხარი, სადამომდე რა გაძღვებს. თუ კარგი ამბავია ახლავე მითხარი, საჩუქარი მიყიდე? – არ ისვენებდა თინიკო. – არ მითხრა ახლა, ველოსიპედი გიყიდეო.

– ხომ არ დაგავინწყდა, ქალი რომ ხარ, მთელ სოფელში გინდა მომჭრა თავი? – ბაბუა სასტიკ უარზე იყო, – ჯერ იყო და ცხენით კინალამ დამღუპე, ახლა კიდევ ველოსიპედი? არა, ბაბუ, ველოსიპედი არაა ქალის საქმე, ვინ დადის ჩვენთან ველოსიპედით. მხოლოდ ქალაქში ვნახე, ვიღაც ქალი ველოსიპედით რომ დადიოდა, იქაც უამრავი ცნობისმოყვარე უცქერდა.

– კარგი, ბაბუ, რა გაეწყობა, შენზე უკეთესი მოსაუბრე ვინ მყავს, შენთან საუბარი ყოველთვის სახალისო და სასიამოვნოა. გადავდებ ყველა საქმეს, არ ვნახავ არც ლელას, არც მაგდას და სადამოს ვისაუბროთ, ისე, როგორც ბავშვობაში, ზღაპარს რომ მიკითხავდი, – თქვა ღიმილმორეულმა. – შევთანხმდით

ხომ, წავედი ახლა მე, ერთი სული მაქვს, როდის მოვა საღამო, ცნობისმოყვარეობა მკლავს.

– ნადი, ბაბუ, ნადი!

თინიკომ შენიშნა, ბერიკაცს თვალები დანამვოდა. ცხოვრებისაგან სვებედგამწარებული და გულგაკერპებული მხოლოდ ერთხელ ნახა ცრემლიანი. ცხენიდან რომ გადმოვარდა, მაშინ. ნეტა რა ხდება?

ვახშმობის შემდეგ ბაბუა აივანზე გავიდა, სკამზე ჩამოჯდა, თინიკოს მოუხმო და უცნაურად დაიწყო:

– რა მშვენიერია, ბაბუ, სამყარო, რა მშვენიერია ჩვენი კუთხე, ამაზე უკეთეს სამოთხეს სად ნახავ, – მერე ცოტა შეყოვნდა, გულისჯიბიდან სიგარეტის კოლოფი ამოიღო, ძლივს გახსნა. ხელები უკანკალებდა, ეტყობოდა, რომ ძალზე ღელავდა. ერთი ღერი ამოიღო, მოუკიდა და გააბოლა, – ლამაზია, ბაბუ, წუთისოფელი, მაგრამ ამასთან ერთად მაცდური და დაუნდობელი, – ისევ შეყოვნდა, ჩაფიქრდა. ცოტა ხანში სახეზე ღიმილმა გადაჰკრა და გააგრძელა, – გახედე ერთი უძინარას ხევს, მზე როგორ გადაგორდა მთის მიღმა, რა ფერებია, გეგონება მთის თავს აღმური ასდისო.

უკვირდა თინიკოს, ადრე როგორც ბავშვს ისე ესაუბრებოდა, ახლა კი – როგორც მის ტოლს. რალაც მნიშვნელოვანი ხდებოდა მის ცხოვრებაში. სკამი ბაბუასთან მიაჩოჩა და სმენად იქცა.

– შეხედე, ბაბუ, შეხედე, რა სილამაზეა. სიკვდილი იმიტომ უჭირს ადამიანს, ამ სილამაზესთან განშორება რომ უნევს. ერთი რამე გახსოვდეს კარგად, ისე არაფერი აბრძენებს კაცს, როგორც ეს ტიალი წუთისოფელი.

– რა იყო, ბაბუ, რა გაცეებული მიყურებ? – შვილიშვილი შიშმა შეიპყრო.

– მოინი, აქეთ მოინი და კარგად მომისმინე. ოღონდ არ შეშინდე, ჭკვიანი კაცის ნათქვამია, შიში დროის უქმი დაკარგვააო. ბაბუაშენს იმდენი რამე აქვს ნანახი და განცდილი, შიშის გრძნობა კარგა ხანია დაკარგა და არც მეგონა თუ ოდესმე გამახსენებდა თავს. ექიმთან ვიყავი, სასიკეთო ვერაფერი მითხრა, გარდაუვალზე მიმანიშნა მხოლოდ. თავს გა-



უფრთხილდით, ნაკლები ჯაფა და მეტი დასვენებაო. სიკვდილს ვინ გაქცევია, ჩემო პატარა, მაგრამ არ მეგონა, თუ ასე ახლოს დაძრწოდა. სიკვდილის არ მეშინია, შენ გამო შემომეპარა შიში. ყველაფრისთვის მზად უნდა იყო.

თინიკოს ცრემლი წასკდა.

– ბაბუ! ყველა უბედურებამ ჩემთვის რატომ მოიცალა, ნეტავ რით მოვხიბლეთ? დედა მე არ მახსოვს და მამა, არც მათი ალერსი და ჩახუტება. მათ ჯავრს ბებიაც გადაჰყვამ, ნუთუ საკმარისი არ არის? ნეტავ კიდევ რა მელოდება წინ? შენ იყავი ჩემი ბურჯი და იმედი და შენც მტოვებ? მე რა გამაძლებინებს, ვის უნდა შევეკედლო?

– ჰოდა, მაგაზე მინდა დაგელაპარაკო, ჩემო ერთავ და ჩემო ანგელოზო. ოღონდ მშვიდად მომისმინე და მერე მშვიდად გადავწყვიტოთ. ცაგოსთან სტუმრად ოჯახი რომ იყო ჩამოსული, ხომ გახსოვს? – პატარა ხანს ჩაფიქრდა, სახეწამონითლებულმა ღრმად ჩაისუნთქა და პირგამშრალმა ძლივს ამოთქვა, – იმ ოჯახს რძლად უნდინარ. ხო, რძლად ბაბუ, რძლად. კარგი ოჯახი აქვთ, შეძლებულებიც არიან და ეს ცოტას არ ნიშნავს. დედაქალაქში ცხოვრობენ, შენს სწავლა-განათლებლაზე ისინი იბრუნებენ. არაფერს არ მოგაკლებენ. სასიძო არ არის ურიგო ბიჭი, არც შეხედულება აკლია და არც ჭკუა-გონება. ხელის გულზე ეყოლები, – ჩქარა ლაპარაკობდა ბაბუა, უნდოდა სათქმელი სწრაფად ჩაეთავებინა. გაოგნებულმა გოგომ რომ არაფერი თქვა, თავჩალუნულმა განაგრძო, – ვიცი არ არის ადვილი გადასაწყვეტი. იფიქრე ხვალამდე, ისე კი იცოდე, მე დამშვიდებული მაშინ გავალ ამ ქვეყნიდან, როცა მეცოდინება, რომ შენ თავშესაფარის გაქვს, ოჯახიც და სარჩო-საბადებელიც. ვიცი, ბაბუ, ვიცი და ვიხედები შენს გულში, სიყვარულზე დიდი და ამაღელვებელი გრძნობა ამქვეყნად არ არსებობს, დიდი ბედნიერებაა სიყვარულით შექმნილი ოჯახი, მაგრამ ცხოვრებას თავისი უცნაურობები ახასიათებს, რომლის ამოხსნა ყოველთვის არ ხერხდება. ჩვენს სოფელში ოჯახების უმრავლესობა გაცნობა-გარიგებითაა შექმნილი, სადაც თვალისჩინივით უფრთხილდებიან ოჯახის სინძინდეს, სიმტკიცეს. მოწონებით იწყება ყველაფერი, იმ ბიჭს

ძალიან მოსწონხარ, მოწონება და ურთიერთპატივისცემა კი დიდ სიყვარულში გადაიზრდება.

რა ექნა ბაბუას, შექმნილი მდგომარეობიდან მხოლოდ ერთადერთ გამოსავალს ხედავდა:

– ახლა გვეყოფა, ჩემო პატარავ, ოღონდ ჩახუტების გარეშე არ დამტოვო ცხოვრებისგან დანიხლული ბერიკაცი.

თინიკო ფეხზე წამოვარდა, ცრემლდადენილ და აცახცახებულ ბაბუას გამხმარ მკერდში ჩაეხუტა.

გერასიმემ თავის ერთას კარგი ქორწილი გადაუხადა. სამ დღეს ილხენდნენ. თინიკოს ქორწილისთვის გადანახული შუმი ღვინით სავსე ჭურს მოხადეს თავი. გარეგნულად ყველაფერი ბრწყინავდა. ბაბუა გახარებული იყო, ჩემს შვილიშვილს საიმედო პატრონი და ღირსეული ვაჟკაცი გამოუჩნდაო. სნეულებაც კი გადაავიწყდა. მხოლოდ ერთხელ უსიამოდ ეჩხვლიტა გულში, როცა ფოტინემ უთხრა: გერასიმე, ვითომ გააბედნიერე შვილიშვილი? იმ ბიჭს რაღას ეუბნები, სიკვდილს რომ გადაგიჩინაო.

ახალი ოჯახი თინიკოს თან ჰყვებოდა, რომ იტყვიან, ხელისგულზე ატარებდა. დედოფალივით იყო, ყველა სურვილს უსრულებდნენ. ქმარი გვერდიდან არ სცილდებოდა. თუ მეუღლეს უგუნებობას შეამჩნევდა, სანამ არ გაამხიარულებდა, თავს არ ანებებდა. შესაშური ხასიათი ჰქონდა, დიდსულოვანი პიროვნება იყო. თინიკო უცხო ენების ფაკულტეტზე მოეწყო. მის ბედს ბევრი შენატროდა. ყველა ხორციელი სნეულება მოშუშების შემდეგ დავინწყებას მიეცემა ხოლმე. სულის ჭრილობა კი მარადიულია და განკურნებას არ ექვემდებარება. ღამე არ გაივლიდა ისე, მის ზმანებებში ოთარის ხატება რომ არ ამოსვეტილიყო. ვერაფერი მოუხერხა, რამდენიც არ ეცადა, ვერ ჩაგმანა ის კარი, ვერ გაახვია დავინწყების ბურუსში. ოჯახს მემკვიდრე სურდა, თინიკოს კი შვილი არ უჩნდებოდა.

ოჯახის უფროსი ნუხილს აშკარად გამოხატავდა: ისე არ მინდა მოვკვდე, შვილიშვილს რომ არ მოვესწრო. თინიკო თვითონაც განიცდიდა. ძნელი გასაძლებია, როცა ბურგს უკან ჩუმ-ჩუმი საუბარი ისმის და შენს მიახლობაზე ჩუმდებიან. ერთდერთი, ვინც ამას ყურადღებას არ აქცევდა, მეუღლე იყო.

ისევ ძველებურად შესცივინებდა, წამოავლებდა ხელს და ოთახებში დაარბენინებდა. თავდავინწყებით უყვარდა თავის სიფრიფანა, გიშრისთვალეობა მეუღლე, მაგრამ ერთ დღეს, როცა ოჯახის უფროსმა ყველას გასგონად თქვა, უნაყოფო ხეს ჭრიანო, ყველაფერი დამთავრდა.

არანაირმა ხვეწნა-მუდარამ არ გაჭრა, თინიკომ კატეგორიულად მოითხოვა განქორწინება. მე შვილი არასოდეს მეყოლება და არ მინდა ეს ოჯახი უშვილძიროდ დარჩესო. მეუღლემ შესთავაზა, ბავშვი ვიშვილოთ და გავზარდოთო. თინიკო უარზე იყო: მამაშენს თავისი სისხლი და ხორცი უნდაო. რას იზამდნენ, დაშორდნენ ერთმანეთს. გაყრის მიუხედავად, მეუღლე სიცოცხლის ბოლომდე არ აკლებდა მზრუნველობას, კეთილმოწყობილი ბინაც უყიდა. დაშორებიდან ორი წლის თავზე, ოჯახის დაძალებით, თენგიზმა სხვა ქალი შეირთო, ბავშვებიც გაუჩნდათ. თინიკოს სიყვარული იყო თუ სხვა მიზეზი, ბოლო ხანს სმას მიჰყო ხელი, უკურნებელი სენი შეეყარა და გარდაიცვალა. თინიკომ მტკივნეულად განიცადა თენგიზის სიკვდილი, სამძიმარზეც იყო და ჭირისუფლებს დაკრძალვამდე არ მოშორებია. ნუხდა, თავს იდანაშაულებდა, მეც მიმიძღვის ბრალი მის სიკვდილშიო.

სხვა მრავალ სატკივართან ერთად თინიკოს გულში ხინჯად ჰქონდა ჩარჩენილი, ბავშვობისას, მის მიერ გასროლილმა თოფმა როგორ იმსხვერპლა მერცხალი და მისი ბარტყები, არც ყვავს დაუშავებია რამე. ბარტყები რომ ვიმსხვერპლე, ალბათ, ამიტომ არ მომცა ღმერთმა შვილიო. ხეების დარგვა დაიწყო. ყოველ წელს სახლის გარშემო ნარგავებს რგავდა, გაიზრდებიან და ჩიტები ბუდეებს გაიკეთებენო. მართლაც გაიკეთეს ჩიტებმა ბუდე, ბარტყებიც გამოჩეკეს და კიდევაც დააფრთიანეს.

თინიკოს გათხოვების ამბავი იმდენად მოულოდნელი იყო ოთარისთვის, ეგონა ფეხქვეშ საყრდენი გამოეცალა და ცა დაემხო. ღალატით დანავსულმა სულის ტკივილმა ცხოვრების საზრისი დაუკარგა, ავად გახდა და ჰოსპიტალში მოათავსეს. საშინელი მეღანქოლია ტანჯავდა. ექიმებმა ვერაფერი გაუგეს და ერთი თვის თავზე ისევ სამხედრო ნაწილში დააბრუნეს. დრომ ყველაფერი თავის ადგილზე დააღაგა. სამხედრო სამსახურის

დამთავრებისთანავე დედაქალაქში დაბრუნდა და ფილოლოგიურზე მოეწყო. თავდადებით შრომობდა. ცნობილი ფილოლოგი გახდა. ცხოვრობდა რიგითი ინტელიგენტი კაცის ცხოვრებით. ჰქონდა იმდენი, რაც არსებობისთვის იყო საჭირო. არასოდეს არ ყოფილა ნივთიერთ გატაცებული. საბედისწერო შემთხვევამ და უიღბლო სიყვარულმა, გულში ჩაბუდებულმა ქალის ხატებამ საქალეთი გადაავიწყა, ოჯახიც კი არ შეუქმნია და შეხორცებული ჭრილობა კვლავ გაიხსნა, ააფორიაქა და საგონებელში ჩააგდო.

\* \* \*

ყოველ დილით ასაკოვანი ქალი და მამაკაცი თითქმის ერთდროულად ქუჩის სხვადასხვა მხარეს აჩქარებული ნაბიჯებით მიუყვებოდნენ გზას. პარკის შესასვლელთან ცოტა ხანს ჩერდებოდნენ, თითქოს გზას უთმობდნენ ერთმანეთს, მერე კი ამოჩემებულ სკამებზე სხდებოდნენ. ერთმანეთს არასოდეს გასაუბრებიან, მხოლოდ თვალებს თუ შეანათებდნენ ხოლმე. მერე ქალი წამოდგებოდა და თავის გზას გაუყვებოდა. კაცი კი მოგვიანებით დაადგებოდა შინისაკენ მიმავალ გზას.

ოთარი იმ დღეს ჩვეულებისამებრ გაუყვა ქუჩას. შევიდა ბაღში და შადრევანთან სკამზე რომ უნდა ჩამომჯდარიყო, თვალში მოხვდა გამჭვირვალე ცელოფნის პარკში ჩადებული თეთრი ფერის ქსოვილი. გაიფიქრა, ალბათ, ვინმეს დარჩა და მოაკითხავსო. ჩამოჯდა, იქაურობა მოათვალიერა, არც ქალი ჩანდა შადრევნის მოპირდაპირე მხარეს. ალბათ, რაღაც საქმე გამოუჩნდა და მოგვიანებით მოვაო. აწრიალდა, წამოდგებოდა, იქვე გაივლ-გამოივლიდა და ისევ ჩამოჯდებოდა. მტანჯველად გაიწელა დრო, ჩამოცხა. ქალი კი არ ჩანდა, არც ნივთს აკითხავდა ვინმე. ცნობისმოყვარეობამ ქსოვილზე გადაატანინა მხერა. მიწვდა, გახსნა. პირსახოცი იყო, ოღონდ ძველებური, ოდნავ გახუნებული. გადაატრიალა, მისი ყურადღება ტილოზე ამოქარგულმა მშემ მიიპყრო. თითქოს რაღაც გაახსენდაო, კიდევ ერთხელ გულდასმით შეათვალიერა და შეცბუნებულს კინალამ ხელიდან გაუვარდა. ეჭვგარეშეა, ეს ხომ ბებიას ნაჩუქარი პირსახოცია მშითა და მისი ინიციალებით ამოქარგული,

რომლითაც მაშინ თინიკოს სისხლი მოწმინდა და თავი შეუკრა. გაოგნებული კაცი სკამზე ჩამოესვენა, კარგა ხანს იყო გარინდული. როდის-როდის გამოერკვა, ცას ახედა, ტყვიასავით ჩაუქროლა აჭახჭახებულმა შაშვმა, მისმა საყვარელმა ფრთოსანმა. სახეზე ღიმილმა გადაჰკრა, წამოიწია, აქეთ-იქით მიმოიხედა, აფართხალებულ გულზე პირსახოცი მიიკრა და პატარა ბიჭვით აცუნდრუკებული ჩქარი ნაბიჯით გაუყვა გზას.



ჩამოდი, ჩამოდი!.







## ჩამოდი, ჩამოდი!..

– რას აიკვირებ, რა გინდა ექიმთან, სამოცდახუთს გადააბიჯე, პატარა უკვე აღარ გეთქმის, სიბრძნის ასაკია, ძმაო. ან ვინ არის ახლა ჯანმრთელი, რაც ქვეყანაში ხდება, იმას ჯანმრთელი საზოგადოება ჩაიდენს? არა, ხომ? ჰოდა, მაგაშია საქმე, მიხვალ, გამოგიწერს ტონა წამალს, გადაგაყრევინებს უამრავ ფულს. ის წამლები, რაც ჯანმრთელი გაქვს, იმასაც დაგიზიანებს. რა ვუყოთ, თუ ხანდახან თავი აგტკივდება, გაგაბანცალებს, ხან წნევა აგითამაშდება, მერე რა? მადლობა უთხარი ღმერთს, რომ აქამდე მოატანე. დატკბი ყოველი დღით. გიხაროდეს, გამთენიისას აჭახჭახებული შაშვი ფანჯარასთან რომ ჩაიფრენს, ჟრუანტელს მოგგვრის და თვალს გაგახელინებს, გიხაროდეს, დილით მზის სხივი რომ შემოგიჭყიტინებს თვალში და თავს დაგახრევინებს უზენაესის წინაშე. მერე გადაუდებელ საქმეზე მანქანის გასაჩერებელს იპოვი, შეიძლება სიხარულით გული აგიჩუყდეს. შენ კიდევ ნევროპათოლოგიო. მაგას არ ჯობია, ყოველ საღამოს, ძილის წინ, მე რომ წითელი ღვინო ჩამოგიტანე, თითო ჭიქა მიირთვა, ძილიც კარგი გექნება, სიზმარიც და ნერვებიც, – ებასებოდა ბადრის ოთხმოცს გადაცილებული უფროსი ძმა, – ნაბოლარა ხარ, ფუფუნებაში გბრდიდნენ, ყველაზე პატარა იყავი და ყველანი შენ დაგფოფინებდნენ, ცივ წიავს არ გაკარებდნენ. მთელი ცხოვრება კაბინეტებში გაატარე და ქე გამოხვედი ჭიანი. მე ვიცი შენი წამალი. ხომ ხარ პენსიაზე, მიატოვე ყველაფერი, ჩამოდი ჩემთან სოფელში, მოგცემ ოციან თოხს და ისე გამოგაჯანმრთელებ, შენიანები ვერ გიცნობენ.

– ბაბუ, მულტფილმი ჩაგვირთე, – შემოესმა ტყუპის ორ ხმაში ნამღერი.

– რა დროს მულტფილმია, გათენდა ჯერ? ანდა რა არის იქ საყურებელი. არ გახსოვს, გუშინნინ, ღამით ლოგინიდან რომ წამოვარდი ყვირილით, ბაბუაა, მიშველე, ბზიკები გამორბიან ჩემი თვალებიდანო. გაგიჟდება კაცი, მაინც რა უბედურებებს აჩვენებენ ბავშვებს. ანდა რა არის სულ ინგლისურენოვანი ფილმები, ამათ ინგლისური უფრო კარგად ესმით, ვიდრე ქართული, – მიუბრუნდა უფროს ძმას ბადრი, – განგაშის ზარია შემოსაკრავი. ცოტა ხანში ამათთან სასაუბროდ თარჯიმანი დამჭირდება, გესმის?

– ჰოდა, ესენიც წავიყვანოთ და გავაქართველოთ. თავიანთ ფესვებთან და ძირებთან სიახლოვე კეთილისმყოფელ გავლენას მოახდენს, თავის ტოლებთან თამაში და ურთიერთობა მშობლიური ენის სიყვარულს ასწავლით. ამასთან, ცოცხალი ბუნების ნაწილადაც იქცევიან და კარგ მამულიშვილებად აღიზრდებიან. აქაური საზოგადოება ცივია, სამი დღეა აქ ვარ და ერთი მეზობელიც კი არ შემოსულა, ან შენ გადაგვარდი, ან ისინი არ უქნია ღმერთს. უბრებივით ხართ ერთმანეთთან, არ იციან აქ სიყვარული, უსიყვარულო ადამიანს ნევროზიც შეჭამს და ფსიქოზიც, ნამოდი ჩემთან, დამიჯერე.

ბადრი უფროს ძმას გადაეხვია.

– ბიჭო, ცოტა ხანს მადროვე, შენ გეხუმრება და ახლა მე მკითხე. შემჭამეს ჩემებმა, ექიმი, ექიმიო. შვევივლი ექიმთან, ვნახოთ რას იტყვის.

– კაცო, მორჩი ოცნებებს? ექიმთან რომ ხარ წასასვლელი, ხომ არ დაგავინწყდა, – შეეხმიანა მეუღლე, – კიდევ არ გადადო, რამე არ დაგემართოს და ხათაბალაში არ გაგვხვიო.

– ხედავ, ძმაო, ასეთ დღეში ვარ. შენ არ შემოგჩივი და ბოლო დროს თავის ტკივილი დამჩემდა, ყურებიც მიწივის და უძილობაც მტანჯავს. გადამეკიდნენ, სანამ სხვისი სათრევი გახდები, დროულად მიაკითხე ექიმსო. ჭირივით მეჭავრება სამედიცინო დაწესებულებაში მისვლა. გასინჯვები, ანალიზები, ექიმების რჩევები ჯანსაღი ცხოვრების წესის შესახებ, ყალბი

თანაგრძნობები. რაც იქნება, იქნება, მივალ ექიმთან. ისე რომ წამოვიდე, ესენი გაგიჟდებიან.

– სულაც არ ვხუმრობ, – წარბები მაღლა აზიდა უფროსმა ძმამ ისე, რომ ღიმილი არ მოშორებია სახიდან, – წამოდი, მე შენ გეუბნები, წამოდი, სანამ ოთახში გამომწყვდეული ჩრჩილად არ იქეცი. გამოგაჯანმრთელებ და გამოგიშვებ. დამიჯერე, კაჟივით გახდები. საღამოობით, მერაბასთან ერთად, ჩემი დაწურული უებარი ძილის წამალიც მივიღოთ, ცოტაც სამ ხმაში, მოგუდულიც შემოვძახოთ და ისე ტკბილად დაგეძინება ძალღმაც რომ გათრიოს, ვერ გაიღვიძებ. დამიჯერე, უფროსი ძმა გეუბნება!

ექიმის მისაღები სავსე იყო ხალხით. იკითხა:

– ბოლო ვინ არის?

ახალგაზრდა ქალი წამოინია სკამიდან და უთხრა:

– ბოლო მე ვარ, ჩემ შემდეგ იქნებით.

ჩამოჯდა. თითქმის ყველა ასაკის პაციენტი იყო. გაუკვირდა, ახალგაზრდები სჭარბობდნენ. ნეტავ ამათ რაღა დაემართათ? ჟამის დღესავით ეჯავრებოდა რიგში დგომა და ლოდინი. დრო რომ მოეკლა, ბოლთის ცემა დაიწყო. მივიდოდა ფანჯარასთან, თვალს შეავლებდა აჩორჩხლილ კორუსებს შორის ეულად მდგარ, სასწაულებრივად გადარჩენილ ჭადრის ხეს და ისევ უკან ბრუნდებოდა. ახლა მზერა პაციენტებზე გადაიტანა, ქალის უცნარმა ქცევამ მიიქცია მისი ყურადღება, რომელიც მაღიმალ წამოდგებოდა, დაჯდებოდა, მონაცვლეობით ფეხს ფეხზე გადაიდებდა, წამდაუნუმ თმას ისწორებდა, მერე ყვითლად გალაქულ ფრჩხილებზე დაიხედვდა, ხელს გადაუსვამდა, გახედავდა, სიმკვრივეს თუ სილაპლაპეს ამონმებდა. მერე ისევ ფეხზე წამოვარდებოდა, შუბლს მოინიავებდა, ჩქარი ნაბიჯით ფანჯარასთან მივიდოდა, უინტერესოდ შეავლებდა თვალს სივრცეს და ისევ სკამისკენ გაეშურებოდა. მოხდენილი, ლამაზი ქალი იყო. კარგად მოვლილი. თავისიანებს გადანვდა ფიქრით, აიკვიატეს ექიმი და ექიმიო. ამ რიგში დგომით მართლაც საექიმო გახდება კაცი, ბუზღუნებდა გულში. როგორც იქნა მისმა რიგმაც მოაწია. დააკაკუნა. შემოდითო, შეეხმიანენ შიგნიდან. შევიდა. საშუალო ასაკს მიღწეული ქალი სათვალის ზემოდან შესცქეროდა:

– დაბრძანდით.

ჩამოჯდა.

– აბა, მითხარით, რას უჩივით? გარეგნულად შესანიშნავად გამოიყურებით, – ნაიკველუცა ქალმა და ღიმორეული შეაცქერდა.

ალბათ, ღიმილი ვიზიტის საფასურში შედის. ისე კი, ძნელი იქნება ყველას უღიმო, გაუელვა თავში. სწრაფად გამოერკვა და თავის პრობლემებზე უამბო.

– აბა წამოდექით! – ექიმიც წამოდგა. მაგიდიდან სამედიცინო ჩაქუჩი აიღო და მის წინ დადგა, – ხელები გაიშვირეთ, კარგია, ახლა თვალები დახუჭეთ და მარცხენა ხელის საჩვენებელი თითი მიიდეთ ცხვირთან. ახლა მარცხენა, კარგია. ისევ დახუჭეთ თვალები. წინ რამდენიმე ნაბიჯი გადმოდგით, საკმარისია. ახლა ტახტზე ჩამოჯექით, – თქვა და მინიატურული ჩაქუჩი მოიმარჯვა.

ხომ ხარ ახლა იმის ღირსი, პატარა თავშიც ჩაგიჩაჩქუნოს. მითითებულ ტახტზე ჩამოჯდა და ექიმს შეაცქერდა. საშუალო სიმაღლის, ასაკს შეჭიდებული, მკერდმაღალი, სანდომიანი ქალი შესცქეროდა.

– ოღონდ თავში არა, ექიმო, – იხუმრა უგერგილოდ.

– ვნახოთ, ვნახოთ, – ხუმრობაში აჰყვა ექიმი. ჩაქუჩი ჯერ მარჯვენა მუხლზე მიუკაკუნა, მერე მარცხენაზე, მერე მონაცვლეობით იდაყვებზე.

– საკმარისია, – თქვა ექიმმა, სკამზე ჩამოჯდა და ფეხი ფეხზე გადაიდო. მუხლზევით გაქცეულმა სიშიშვლემ თვალი მოსჭრა, წამსვე ჩალუნა თავი! მაღლა რომ აიხედა, ექიმი კომპიუტერში რაღაც ტექსტს ანყობდა. რამდენიმე წუთში ტექსტი მზად იყო, – აქ თქვენი დაუზუსტებელი დიაგნოზია და რეკომენდაცია გამოკვლევების შესახებ. ძილის მოსანესრიგებლად მცენარეული საძილე საშუალება დაგინიშნეთ.

კაცმა ფურცელს გადაავლო თვალი: „მდგრადობის დარღვევა, ჩაძინებისა და ძილის უწყვეტობის დარღვევები, შუილი ყურებში“.

– გაიკეთეთ გამოკვლევები და შემომიარეთ.

– ქალბატონო ნათა, – ექიმის სახელი კარზე ამოიკითხა, – სახლში მეუბნებიან, ნევროზზე იმკურნალო.

– ჩემო კარგო, დღევანდელი ცხოვრებიდან გამომდინარე ახლა ნევროზი თითქმის ყველას აქვს, – გაუშინაურდა ექიმი.

– ღვინო თუ შველის ნევროზს? გამიგონია, მსმელებს ნევროზი არ ანუხებთო.

– მერწმუნე, ლოთობა ურო ძნელი განსაკურნია. მცირე რაოდენობით, ასი გრამი წითელი ღვინო არავის ავნებს. ისეირნეთ, არ ჩაიკეტოთ საკუთარ თავში. კარგ შედეგს იძლევა ცოცხალი კონტაქტები ხალხთან. საუბრები და მხიარული განწყობა. ცოცხალი დიალოგი საუკეთესო საშუალებაა მდგომარეობიდან გამოსასვლელად. დაკავდით რაიმე ახლით, ისეთით, რაც აქამდე არ გაგიკეთებიათ. მიეცით გონებას ახლებურად ამბროვნების საშუალება. გამოგაცოცხლებთ და გაგახალისებთ. უხალისობა კი დამთრგუნველია და ყველაზე დიდი სატანჯველი ყველა არსებისათვის. დღეს გვეყოფა. თავისუფალი ბრძანდებით, – ექიმი ფეხზე წამოდგა და კარამდე მიაცილა.

– მგონი მართალია ჩემი ძმა. ასი გრამიო. ასი გრამიდან იწყება თავდავიწყება და ხალისი. ისე კი, უფუნქციობა ყველაზე დამთრგუნველია. ყოველი დღე რომ შაბათად გექცევა, ნევროზზე უფრო მეტი რა შეიძლება დაგემართოს, – გაიფიქრა დერეფანში გამოსულმა და კიბეს აუყვა.

ეპა დახურული სივრციდან ჰაერზე გამოსვლა. არემარე შეათვალიერა. კორპუსები, მიჯრით მიწყობილი კორპუსები, სავაჭრო ცენტრები, პტარა ბაზრობები, ქუჩებში დახლზე გამოფენილი სხვადასხვა საქონელი, ჭიანჭველებივით მობორილად ხალხი და მანქანების განუწყვეტელი სროლა და ღმუილი. ხალხთან ცოცხალი კონტაქტებით. მიდი და გააჩერე ვინმე და გაუბი საუბარი, ვინ გაგიჩერდება? გიჟი ეგონები. ხომ ხედავ, დაოთხილი დარბიან. მართლაც, სოფელში ხომ არ წავიდე? არადა, რა ჯობია გულმართალ და ალაღ გლეხკაცებთან საუბარს, მაგრამ სადღაა გლეხები, გლეხის მცნება საერთოდ ამოვარდა სამეტყველო ლექსიკიდან. ფერმერი, ბიზნესმენი და სხვა უამრავი გაფეტიშებული უცხოური სიტყვები და უცხო ენებზე საუბარი. არადა, ვინ გაძალებს, შე დალოცვილო, ისაუბრე ტკბილქართულად, ღმერთის ენით. სამწუხაროდ, ვისაც ენის მოვლა, დაცვა და

მზრუნველობა ევალება, ის ყველაზე მეტს სცოდავს. ხო კიდევ, რა თქვა ექიმმა, ფეხით იარეო, ისეირნეო, არ იქნება ადვილი უაზროდ წინ და უკან ხეტიალი. მოულოდნელად ამოვარდნილი ქარი მშიერი ძალღვივით ეძგერა, შეატორტმანა და თავი ჩააღუნინა. პატარა შეყვანების მერე ფეხს აუჩქარა, ცას ახედა, შავ და თეთრ ქულა-ქულა ღრუბლებს მარულა გაემართათ, ხან ერთმანეთში ირეოდნენ, ხან ბურთად შეიკვრებოდნენ, ხანაც ფარდასავით გაიშლებოდნენ, გაიცრიცებოდნენ და ღრიჭობიდან მზეც გამოანათებდა ხოლმე. როგორც მოულოდნელად ამოვარდა ქარი, ასევე უჩუმრად მიინავლა. მგონი გადავურჩი წვიმას და დასველებას, – გაიფიქრა კაცმა. ეს რა ახალი სამკურნალო თერაპია მოიგონა ექიმმა, საუბრები და კონტაქტებიო. ვის გინდა ესაუბრო და რაზე უნდა ისაუბრო?

კიდევ ერთი უძილო ღამის შემდეგ დილით ადრიანად წამოვარდა ლოგინიდან და იქვე, ახლოს მდებარე, ახლად აშენებულ, სასპორტო მოედანს მიაშურა. რამდენიმე წრეს დავარტყამ, იქნებ ჩემსავით მოცლილი ვინმე გამოჩნდესო. ხელოვნური მიწდორი ახლად აბიბინებული მწვანე მოლივით ხასხასებდა და ფეხქვეშ შრიალებდა. რამდენიმე ნაბიჯის გადადგმის შემდეგ კინალამ ძაღლის უწმინდურობაში ჩაკრა ფეხი. გულს შემოეყარა, რა სიმდაბლე და უკულტურობაა, როგორ შეიძლება სავარჯიშო მოედანზე ძაღლებით სეირნობა. მაინცდამაინც, აბრა უნდა ჩამოკიდო, რომ ძაღლებით სეირნობა აკრძალულიაო?

მოედანზე დაახლოებით მისი ასაკის მამაკაცი შემოვიდა და დინჯი ნაბიჯებით შეუდგა სიარულს. მისდა გასაკვირად უცნობი მიესალმა. წამსვე დაუბრუნა სალამი. იქვე, მაყურებლებისთვის განკუთვნილ სკამზე ჩამოჯდა. ნუთუ ესეც ნევროპათოლოგმა გამოაგდო გარეთ სისხამზე? მზე კორპუსებს გადმოცდა და მოედანს უხვად დააბერტყა მწველი სხივები. საიდანღაც მტრედები მოფრინდნენ და ლულუნ-ლულუნით მოედვნენ მოედანს. საოცარია, აქ რა საკვები უნდა მოიძიონ. მტრედები ერთმანეთს ელულუნებოდნენ, იფხორებოდნენ და კუდში დასდევდნენ. შესანიშნავი საპაემლო ადგილია და სიყვარულის ახსნის დრო.

გაზფხულია, ბუნების კანონს წინ ვინ აღუდგება, გაიფიქრა ღიმმორეულმა. ფიქრებიდან ფეხის ხმამ გამოიყვანა. უცნობი მამაკაცი მიუახლვდა, ისიც ჩამოჯდა.

– მგონი პირველად გხედავთ, მე აქ ყოველდღე დავდივარ, ადრე არ შემხვედრიხართ, – თქვა კაცმა.

– პირველად გამოვედი, ექიმის რჩევას ვასრულებ, ჯანმრთელობისა და ჯანსაღი ძილისთვის დილა-სალამოს სეირნობა საუკეთესო საშუალებააო.

– მე ბაკური ვარ, – ხელი გამოუწოდა ჭარმაგმა მამაკაცმა.

– ბადრი.

– ამბობენ, ყველა ასაკს თავისი ხიბლი აქვსო. მომკალი და ვერანაირ ხიბლს ვერ ვხედავ სიბერეში. ხო, გარდა ერთისა, უწლოვან შვილიშვილებთან ურთიერთობა ენით გამოუთქმელ სიამოვნებას მანიჭებს.

როგორც ჩანს გულღია კაცია, გაიფიქრა ბადრიმ და დაკვირვებით შეათვალიერა მოსაუბრე. წარმოსადეგი კაცი იყო, უკან გადავარცხნილი შეთხელებული, დატალღული თმით. პირხმელ სახეს უხდებოდა მოკლე უღვაში. ტანად საკმაოდ შევსებული იყო.

– მეც ჯანმრთელობის პრობლემამ მომიყვანა, ინსულტი გადავიტანე.

– არაფერი გეტყობათ თქვენ ინსულტგადატანილის.

– როგორც ჩანს, კარგად არ დამაკვირდით, ვკოჭლობ ცოტას. არ უნდა დამმართვოდა ეს მე, პედაგოგ კაცს.

პატარა ხანს ჩაფიქრდა ბაკური და სივრცეში გაიბნა მზერით. რა უშუალო და გულახდილი კაცია, გაიფიქრა ისევ ბადრიმ.

– ოცდამეერთე საუკუნის ჯილდოა ჩემთვის. მოგეხსენებათ, როგორი არეული დრო იყო, ჭირდა დასაქმება. პედაგოგობიდან შემოსული მწირი შემოსავალი არ ყოფნიდა ოჯახს. ბიზნეს-მენობა მოვიინდომე, ნაცნობებ-მეგობრებში მცირე ოდენობის თანხა შევაგროვე, სამშენებლო მასალების მალაზია გავხსენი. შენება და გაფართოება ხომ ადამიანთა მოდგმის თანმდევია, რაც გამოქვაბულიდან გამოძვრა. შენ წარმოიდგინე, კარგად წამივიდა საქმე. რამდენიმე მალაზია კიდევ გავხსენი, საკმაო კაპიტალიც მოვაგროვე. ამოვისუნთქეთ და წელშიც გავიმართეთ,

– პატარა ხანს შეყოვნდა, ცას ახედა, მზის სხივებისაგან თვალები მოიჩრდილა და ტკივილშერეული ხმით გააგრძელა, – ერთ დღესაც მომადგნენ და მითხრეს, მოგესხნებათ, არჩევნებია კარს მომდგარი და პატარა ხელი გაგვიმართეთ.

ნეტავ ესეც ნატასთან მკურნალობს? ალბათ, ამასაც უთხრა, კონტაქტები და საუბრებიო, – გაიფიქრა ბადრიმ.

– როცა მათმა ლაპარაკმა შედეგი არ გამოიღო, მუქარაზე გადავიდნენ და ჩათრევას ჩაყოლა ვამჯობინე. ასი ათასი წამართვეს. არ გასულა ერთი თვე და ახლა უკვე სახლში მომადგნენ. უარზე დავდექი, აღარ მაქვს-მეთქი. ანთოკებული ცოლ-შვილის თვალწინ შუალამეს წამართიეს და ციხეში მიკრეს თავი. რაც კი რამ მქონდა უძრავ-მოდრავი, ყველაფერი წამართვეს. ოთხწლიანი პატიმრობის შემდეგ ახალმა ხელისუფლებამ გამომიშვა. თავისუფლების სიხარულის განცდაც კი ვერ მოვასწარი, მეორე დღეს ინსულტი მივიღე. ნერვების გლეჯამ ლამის ფატალურ შედეგამდე მიმიყვანა, – მძიმედ ამოიხვნეშა მოსაუბრემ. შეყოვნდა, ისევ ზეცას ახედა, მერე მოედანზე შემოვარდნილი ძაღლისკენ გაექცა თვალი, რომელსაც საბელით ქალიც შემოჰყვა. ახლა, კი ხედავ, თოკზე გამობმული ამ ძაღლივით წრეებს ვარტყამ, – დასძინა ნაღვლიანად.

– რას იზამ, მეგობარო, სამყარო უღმობელი, სასტიკი და დაუნდობელია. სოფელში იცოდნენ თქმა – შენი წილი თაფლიც უნდა მიიღო და სამსალაცო.

– წავედი ახლა მე, შვილიშვილებს უნდა მივაკითხო ბაღში, მათი ჭიკჭიკი ყველაფერს მავინყებს. ისე, ჩემი თავის მიკვირს, სიხლიანმა უსამართლობამ ვერც გამასასტიკა, ვერც გამაბოროტა, მწარე აბივით მივიღე. ციხეში კი სულ სხვანაირად ვფიქრობდი. აბა, დროებით.

ამ კაცისგან ისწავლე. გითხრეს, ისაუბრეო. შენ კი ზიხარ და მხოლოდ უსმენ. ხვალღიდან შევეცდები, იქნებ რამე გამომივიდეს.

მეორე დღესაც მიაკითხა მოედანს, დინჯად დაიწყო სიარული. მოედანი ოთხივე მხრიდან მიჯრით ჩაწყობილი კვიპაროსისა და ნაძვის ხეებით იყო შემოსარტყლული. დილის ნიავი ნაზად არხევდა წინწნარს, ხის კენწეროები მიახლოებისას ტანს



არხევდნენ და მისალმების ნიშნად თავს უხრიდნენ ერთმანეთს. ყვავილობის პერიოდი ჰქონდათ. ბუნების ყოველ ამოსუნთქვაზე ყვავილთა მოყვითალ-მოყავისფრო მტვერი უწვრილეს ნაწილაკებად იბნეოდა სივრცეში და სასიამონო სურნელს აფრქვევდა. ისუნთქე ღრმად, ამ მტვრისთვის ხალხი ბაკურიანში დადის და უამრავ ფულს ხარჯავს, შენ კი სახლთან მუქთად შეგიძლია ისუნთქო. ნევროზს უსაგნო ფიქრი იწვევს. ის, რისი შეცვლაც არ შეგიძლია, ფიქრადაც არ ღირს. ფიქრის ტყვეობიდან უნდა გამოხვიდე. მესამე წრეს ამთავრებდა, ბაკური რომ წამოეწია და ხელის აწევით მიესალმა:

- როგორ მიდის საქმე, მერამდენე წრეზე მიდიხარ?
- მესამეზე.

- ახლა შემობრუნდი და საპირისპირო მხარეზე იარე. ცოტა ხნის შემდეგ ჰვარედიწმე, ტვინის სავარჯიშოდ არის კარგი. საოცრად ბარმაცი ორგანო ყოფილა ტვინი, თუ არ ავარჯიშე, მახსოვრობის პრობლემებს იწვევს, ჩემმა ნევროპათოლოგმა მითხრა. წარმოგიდგენია, ცნობილი ექიმია, ექვსი თვე ვიდექი რიგში. ისე, რა გითხრა, და დაულაგებელი ცხოვრების გამო მთელი ქვეყანაა დანევრობებული, ვერ გაგვირკვევია საით მივდივართ. რამდენჯერ ვიდექით არჩევანის წინაშე. ვერასოდეს სწორი გადაწყვეტილება ვერ მივიღეთ. თაობები და მომავალი ეწირება არასწორ გადაწყვეტილებებს. ხომ ხედავ, რა მოვლენები ხდება მსოფლიოში. მსოფლიოს ხელახალი გადანაწილება მიმდინარეობს. ისინი, ვინც ადრე ცეცხლითა და მახვილით ინაწილებდნენ მსოფლიოს, დღეს დემოკრატიის დროშითა და ფულით იმონებენ ქვეყნებს. გამოხატვის თავისუფლების ლოზუნგით ათახსირებენ მწეობას და საფრთხის ქვეშ აყენებენ ეროვნულ თვითმყოფადობას. მოდიან ფულით, არა დასახმარებლად, არამედ დასამონებლად. ფულის მუქთად შოვნის დიდი საშუალებებია დღეს საკუთარი ქვეყნის ლაღატისა და გაყიდვის ხარჯზე. ამ ახალ კოლონიზატორებს, ყველაზე მეტად, ეროვნული ხელისუფლების ემინიათ და სძაგთ ყოველივე ეროვნული. საკუთარი განვითარების არჩევანის საშუალებას არ გაძლევენ – ან ჩემნაირი უნდა იყო, ან საერთოდ არ უნდა იყო.

და ასეთ ქვეყნებში, დემოკრატიის დროშით ახდენენ სახელმწიფო გადატრიალებებს და აჩაღებენ სამოქალაქო ომს უეროვნებო, სულგაციდული ინდივიდების ხარჯზე. ქვეყნის გადრჩენას ჭკვიანი და მოხერხებული ხელისუფალი სჭირდება, ხელისუფლება, რომელიც ემსახურება ღმერთს და ემსახურება ხალხს. თუ ქვეყანას თავისი საკუთარი განვითარების გზა და იდეოლოგია არ გააჩნია, მომავალი არ აქვს. არ შეიძლება ყველას უქნიო თავი. რა კარგად აქვს ნთქვამი პოეტს, სუყველაფერზე თავის კანტური საქციელია არაქართულიო. ასე ვფიქრობ მე. თავი ხომ არ მოგაბებრეთ?

– არა, რას ბრძანებთ.

– ხვალ თუ მოხვალთ, ერთ საინტერესო კაცს გაგაცნობთ. რაც მე მოგახსენეთ, სულ იმ კაცის ნააზრევია. ხომ მოხვალთ?

– აბა რას ვიზამ. ვითვალისწინებ ექიმის რჩევებს.

საღამოს ძმამ დაურეკა სოფლიდან, ისეთი თბილი სიტყვებით მოესიყვარულა, თითქოს წლების უნახავი ყოფილიყო. შერცხვა. ამას ისევ ის პატარა ბიჭი ვგონივარ, ბურგზე რომ შემისვამდა და მდინარეზე მიმარბენინებდა ხოლმეო. დამშვიდობებისას კი შეახსენა:

– პირობაზე როგორ ხარ? შენი კლასელებიც გელოდებიან, ერთი სული აქვთ, როდის ჩამოხვალ, ბავშვობა გავისხენოთ და ჩქიფებით წავიდეთ სათევზავოდო. მოვარდნილმა წყალმა ნიგვრებში დიდი მორევი გააკეთა და შესანიშნავი საბანაო ადგილია, ბავშვობაში სელაპივით ხომ სულ წყალში ეგდე, შენი გასართობი ხომ სულ წყალი და ბურთი იყო.

ჩვენკენ კარგი ამბებია. რაიონი შევანუხეთ მთელმა სოფელმა, სხვა სოფლებმაც დაგვიჭირეს მხარი და ცენტრალურ კანალიზაციას ვაკეთებთ. ჩემები, ნარეცხი და ნაღვარი წყალი ჭებს აბინძურებს. ეგეც რომ არ იყოს, ჩემებით როგორ შევალთ ევროპაში ან სტუმრად იქოური რომ გვენვიოს ხომ მოგვეჭრა თავი. იცინე შენ. ჩვენ სოფელი ქალაქურ ყაიდაზე გადაგვყავს, ეს კიდევ ერთი საშუალება იქნება ახალგზრდობის სოფელში დამაგრების, სადაც ჯერ კიდევ ღვთის წყალობით ძარღვიანი ქართული ენანავება ყურს. თუ სოფელი გატიალდა, ქვეყანასაც დედა ეტირება. აბა, ეგაა საქმე? რას დაამსგავსეთ, ბიჭო, დედა-

ქალაქი, უცხო ქვეყანაში მეგონა თავი, ქართულის გაგონება მოგენატრება მანდ კაცს. ბავშვებიც წამოიყვანე. მშობლიური მიწის სიყვარულს ვასწავლი და იქნებ უკანმოუხედავად არ გაიქცნენ ქვეყნიდან. თქვე ბედოვლათებო, ვის უტოვებთ ქვეყანას, ან გზები რად გინდათ, ან ეგ ცივი აჩორჩხლილი შენობები, საიდანაც ქართულად მეტყველება ყურს არ ენანავება. გამაგებინეთ, ვის უშენებთ? ჩამოყარეთ მოყვალე უსაქმურები და აქ დაასაქმეთ. ცრემლები მომდის ამდენი დაუმუშავებელი მიწისა და დაკეტილი სახლების შემყურეს. ყურში მესმის მათი ზღუქუნი და თავჩალუნული, გულატკიებული გავცვლები ხოლმე. ჩამოდი, ჩამოდი! შენმა დარგულმა, შენსავით უცნაურმა ვაშლის ხემ, რომელსაც ნაყოფი მხოლოდ ერთ გვერდზე უნითლდება, უხვად მოისხა, შეუნამლავია და ჯანსაღი. ჩამოდი, იქნებ მოფერიანდეთ, ადამიანებს დაგამსგავსოთ.

ბადრის მართალმა და მწარედ ნათქვამმა ყველა სათქმელი ყელში გაუჩხირა და ძლივს ამოღერღა:

– აუცილებლად ჩამოვალ, გპირდები, აუცილებლად.

ზაფხული ძალას იკრებდა, წვიმიანი და ნისლგარეული დღეები მზიანმა ამინდებმა ჩაანაცვლა. მზე დღითიდღე უმატებდა მცხუნვარებას. დათქმულ დღეს მივიდა მოედანზე, ორი წრე დაარტყა და ჩრდილქვეშ, სკამზე ჩამოჯდა. ძმასთან გუშინდელი საუბრის შემდეგ ნაღველი მორეოდა. სოფელს გადასწვდა ფიქრით, გაცოცხლდა ბავშვობის დღეები, ყველაზე უდარდელი და უბრუნველი. თვალწინ წამოიშალნენ მეზობლები, კლასელები, ერთ დროს ენერგიულენი ახლა კი ასაკით დამძიმებულნი და დადინჯებულნი. რამდენიმე უკვე მარადიულში გადასახლდა, როგორც ამბობენ ხოლმე, უდროოდ. მაგრამ მხოლოდ ერთმა ღმერთმა იცის, სულის გაყრა სხეულიდან დროულია თუ უდროო. მის მიერ დარგული ვაშლის ხე გაახსენდა. ნერგი დედამ მოიტანა საიდანღაც. საოცარი ნაყოფი ჰქონდა, მხოლოდ ნახევარი მხარე უნითლდებოდა, გეგონებოდა, მხატვრის ფუნჯით არის შეღებილი. ახლა გემოს არ იკითხავ?

– მეგობარო, რა მძიმედ ჩაფიქრებულხარ, ხომ მშვიდობაა შენს თავს?

ბადრი მოგონებებიდან გამოერკვა, ბაკურს მიესალმა და უთხრა:

– ეულ კაცს ფიქრი სად არ წაგიყვანს.

– დღეს, როგორც ჩანს, არ გივარჯიშია, განწყობა უნდა ყველაფერს, ბაკურ ბატონო, განწყობა. ჩამოჯექით, შეისვენეთ.

ბაკურიც მის გვერდზე მაყურებელთათვის განკუთვნილ პლასტმასის სკამზე ჩამოჯდა. მდუმარედ ისხდნენ მცირე ხანს.

– დაგპირდი, მაგრამ იმ კაცს დღეს ვერ გაგაცნობ, რაიონშია მგონი წასული. რომ ჩამოვა, აუცილებლად შეგახვედრებ. ორმოც წლამდე ასაკის კაცია, ჯან-ღონით სავსე, მუდამ მშვილდივით დაჭიმული და ისარივით შემართული. პოლიტოლოგიისა და თეოლოგიის პროფესორია, მგონი, – ბაკურმა თავი მოაბრუნა ბადრისკენ, მისმენს თუ არაო. ბადრი უსმენდა, – შეიძლება უცნაურ კაცად მოგეჩვენოს და შეიძლება ახირებულად. ჩვენს მიძინებულ მდგომარობას მარჯვედ იყენებენ ჩვენი მტრები და თუ არ გამოვფხიზლდით, აუცილებლად გადავგვარდებით, ჯერ ამროვნების წესით, რომელიც ფიზიკური გადაშენების ტოლფასია.

და ჩვენ ნეტავ რა შეგვიძლია, გაიფიქრა ბადრიმ, რომელი ილია ჭავჭავაძე მე ვარ, ქვეყანა რომ გამოვაფხიზლო.

– რაღაც არ მომწონხარ, არ ხარ შენ დღეს სერიოზული ლაპარაკისთვის განწყობილი. იმ კაცის გაცნობამდე პატარა შემზადება მინდოდა შენი. სხვაგან ქრის შენი გონება.

ბაკური წამოდგა, დაემშვიდობა და წავიდა. ცოტა ხნის შემდეგ ბადრიც წამოდგა. მოედანი ნელ-ნელა ივსებოდა ბავშვებით, აჟრიაშულდა და ახმაურდა იქაურობა. სახლისკენ აპირებდა წასვლას. ნეტავ რატომ უნდა გამაცნოს ის კაცი, გაიფიქრა და ცხოველი ინტერესი გაუჩნდა უცნობის მიმართ. რამდენიმე ნაბიჯის გადადგმის შემდეგ შეჩერდა, სტადიონთან ახლოს მდებარე ეკლესიისკენ გაიხედა, შემობრუნდა და იქით წავიდა.

ბადრიმ ცხოვრების წესად გაიხადა ყოველდღე, დილა-ადრიან გამოსულიყო სახლიდან. მიაშურებდა პატარა მოედანს და დინჯი ნაბიჯებით გარს უვლიდა. დაღლას რომ იგრძნობდა, შეჩერდებოდა, პატარახანს ჩამოისვენებდა ხოლმე. მერე წამოდგებოდა, მსუბუქად ნაივარჯიშებდა და მოედანს მიბმულ

პატარა სკვერში გადაინაცვლებად. კოპნია და ლამაზი სკვერი იყო. რამდენიმე ღიად გადახურული საფიხვნო მოენწყოთ, მრგვალი მაგიდით და მოხერხებული ხის სკამებით. საბავშვო გასართობები: საქანელები, სასრიალოები, ხელოვნური კლდე პატარა შვერილებით მომავალი მეკლდეურებისათვის. სკვერის ცენტრში ლამაზად მოპირკეთებული წრის ფორმის მოედანი იყო, საიდანაც სოკოებივით იმზირებოდა სხვადასხვა ფერის სანათები. მუსიკის ჩართვისას აფერადებული მოცეკვავე წყლის ჭავლი ამოისვეტებოდა ხოლმე. გაისმებოდა თუ არ მუსიკის ჰანგები, ბავშვები შეცვივდებოდნენ და წუნაობდნენ. იყო ერთი გნისი და მშობლების ნივილ-კივილი, მაგრამ ვის ესმოდა. როგორც ჩანს, ფრინველებსაც ძალზედ მოსწონდათ, ტოლს არ უდებდნენ ბავშვებს, შეფრთხილდებოდნენ, გადაიცურებდნენ ფრთებზე წყალს, ხანაც დაენაფებოდნენ და გახალისებულნი ისევ ზეცაში აიჭრებოდნენ. დილით, სანამ მზე ძალას მოიკრებდა, სიმშვიდე იყო სკვერში.

უამრავი განსხვავებული ხასიათის, მწე-ჩვეულებისა და ტემპერამენტის თმაშვერცხლილი მამაკაცი შეიკრიბებოდა მრგვალ მაგიდასთან და მსჯელობდნენ სხვადასხვა საკითხზე. რა ამბავს, რა ჭორ-მართალს არ მოისმენდი. წუხდნენ, მოუმზადებელი შევხვდით ამ ახალ წყობილებასო. ბადრი უსმენდა და არაფერს ამბობდა, იშვიათად თუ ჩაერეოდა საუბარში. ბაკურზე ფიქრობდა, რამდენიმე დღეა, რაც არ გამოჩენილა. წუხდა, რამე ხომ არ შეემთხვაო. ჯავრობდა, რატომ ტელეფონის ნომერი არ გამოვართვიო. მზე რომ შემანუხებლად დააჭერდა, წამოდგებოდა და სახლისკენ გაემართებოდა. ერთ დღესაც, გაცხარებულ მსჯელობას შეესწრო. მისთვის უცნობი, სრულიად აახალგაზრდა კაცი თანამოსაუბრეებს ეკამათებოდა: ასე ცხოვრების გაგრძელება აღარ შეიძლებაო, ქვეყანა ერთ ადგილზე დგას და უმოქმედობით უფსკრულისკენ მიექანებაო, აქამდე მოტანილი, ნალოლიავები, სხეულდაკორძილი ერთიანი საქართველო ნაწილებად იშლება, ნუ ხართ მიძინებულები, ყველამ თავისი წვლილი უნდა შეიტანოს ქვეყნის გადარჩენაში, მარტო აქ დგომით და ქაქანით ქვეყანა არ ამენდებაო. ჩვენ რაღა შეგვიძლია აწიო, სიტყვა ჩააგდო ერთმა.

თქვენც ბევრი შეგიძლიათო, ფასდაუდებელია თქვენი გამოცდილებათ. მალე არჩევნები ჩატარდება, ფხიზლად იყავით, თქვენი ხმები არ გაანიავოთო. გაცნობებთ, რომ ასპარეზზე გამოდის ქვეყანაზე უზომოდ შეყვარებული ნაწილი ახალგაზრდობისა, მამაპაპური ტრადიციების მიმდევარი, ახლებურად მოაზროვნე, რომელთა მიზანი არა ფული, არა ქონება, არა მლიქვნელობა ქვეყნის გარეშე ძალებთან, არამედ საკუთარი სიცოცხლის ფასადაც კი ქვეყნის გადარჩენააო. დამთავრდა, მორჩა ერთი ადგილის ტკეპნა. უკან დასახევი გზა აღარ გვაქვს, უკან დახევა ქვეყნის უფსკრულში გადაჩეხვა და ჩვენი ერის ისტორიიდან გაქრობააო. სულ მალე გაიგებთ ამ ახალი ძალის შესახებ. ფხიზლად იყავით, მოუხმეთ გონიერებას და საჭირო დროს შესაბამისი სიფხიზლე გამოიჩინეთო. მერე ცოტა ხანს შეყოვნდა, მოსაუბრეებს გაუღიმა და თქვა, შიში არ ჯდება ქართველის ხასიათში, ჩვენ აუცილებლად გავიმარჯვებთო. მხნედ იყავით, სხვებსაც გადაეცით ჩემი ნაუბარიო. მერე წამოდგა, კიდევ ერთხელ გაუღიმა მოსაუბრეებს, თავი დაუკრა და ნელი ნაბიჯით გავიდა სკვერიდან.

ისაუბრეო, იკამათეო, ჩაები საუბარშიო, შენ კიდევ მიხარ და დუმხარ თევზივით, არ ასრულებ ექიმის მითითებებს, ასე არაფერი გამოგივა, ასე ვერ განიკურნები, შეუძახებდა ხოლმე თავის თავს ბადრი. რა საუბარში ჩავერთო, სიტყვები, სიტყვები და სიტყვები. არაფერი მესაქმება აქ, მგონი სოფელში ჯობია წასვლა. ბაკურისკენ გაექცა ფიქრი, საუბარი მასაც კარგად შეეძლო. მერე ისევ იმ უხილავ უცნობს გადასწვდა – ნეტავ ვინ არის ის კაცი, ჩემთვის რომ უნდა გაეცნო. ფიქრების კორიანტელი თავს უბრუებდა. არათუ საუბარი, შემთხვევით შემოფრენილი ფრაზაც კი ქვეშეცნეულ კვალს ტოვებს ადამიანის გონებაში. ბავშვობისდროინდელი შემთხვევა გაახსენდა. მეზობლად ერთი მრავალშვილიანი ოჯახი ცხოვროდა. ძალზე ჭირდა იმ დროს ცხოვრება, მათაც უჭირდათ. შვილებიდან ერთ-ერთს ხელი წასცდა, რაღაც მოიპარა. იმ დღეს მათთან იყო გადასული, მის ტოლა ბავშვთან ერთობოდა, რიკ-ტაფელას თამაშობდნენ. შუა თამაშში იყვნენ, როცა სამთვლიანი მოტოციკლეტით უბნის ინპექტორმა მოაკითხათ. ჭიშკარი ღია იყო და თავისუფლად

შემოვიდა ებოში. დედას დაუძახეთო, გვითხრა. დაძახებაც არ დაგვჭირვებია, ოჯახის დიასახლისი მოტოციკლეთის ხმაზე გამოვიდა. ჩვენ შეშინებულები ავინურეთ. დიასახლისმა მილიციელი კაკლის ძირში, მრგვალ მაგიდასთან მიიპატიჟა. დაჯდა მილიციელი, წითელლენტიანი კოკარდიანი ქუდი მოიხადა და ოფლიანი შუბლი მოიწმინდა. მერე ტყავის საქალაღიდან ფურცელი და ფანქარი ამოიღო და პირდაპირ საქმეზე გადავიდა:

– ეჰ, ქეთო, ქეთო, მცალია ახლა მე უსაქმური და ხელმრუდი ახალგაზრდების სადევნელად? მშვენიერი შვილები გყავს, შე დალოცვილო. ის ორი, უფროსები, განსაკუთრებით სანაქებოები არიან, ხშირად გაზეთშიც წერენ მათ შესახებ. ეს ვის დაემსგავსა ოჯახისა და სოფლის თავისმომჭრელი. იქნებ მითხრა, სად იმალება, მაინც ვიპოვით.

ქალი პატარა ხანს შეყოვნდა, მერე თავსაბური შეისწორა, დონიჯი შემოირტყა და თითქოს მოსწავლეს გაკვეთილს უხსნისო, მოსაუბრეს დინჯად მიმართა:

– აბა, რა გითხრა, პლატონ, სოფლელი კაცი ხარ და არ გესწავლება. შეგიძინევია, ალბათ, ხეს რომ გადაჭრი, შხოლარებს ამოიყრის ხოლმე, იქიდან ზოგი სწორად წავა, ზოგი კი მოიღვლერჭება, – ეს იყო და ეს, მეტი არაფერი უთქვამს.

შეცბუნებულმა მილიციელმა ქვემოდან ახედა ქალს, მერე ქალაღდა და ფანქარს საქალაღდეში უკრა თავი, ფეხზე წამოვარდა, ქუდი თვალებამდე ჩამოიფხატა და უთქმელად და უკანმოუხედავად გავიდა ებოდან. ისე, საინტერესოა, რაღა ახლა ამოსხლტა გონებიდან ეს მივიწყებული, ბავშვობისდრონდელი ამბავი, რომელსაც არანაირი კავშირი არა აქვს ამ ახალგაზრდის საუბართან. ვერვის ხელეწიფება ქვეცნობიერში ჭვრეტა. როგორც ჩანს, სოფელი მიხმობს, უმჯობესია მალე წავიდე. ისე კი, შეიძლება მართლაც კარგი რამ ხდება. შეიძლება მართლაც გამოჩნდეს საშველი. ღმერთმა ქნას, მეც მოვესწრო ქვეყნის სასიკეთო ფერისცვალებას და გულდამშვიდებული გავიდე ამ წუთისოფლიდან.

სამი დღის შემდეგ ბადრი სოფლისკენ მიმავალ გზას დაადგა. ოჯახის წევრებს უთხრა, ჩავალ, მოვინახულებ იქაურებს, გა-

ვივლ-გამოვივლი, ამ მომბებზრებელი ყოველდღირობისაგან და ქაოსური ფიქრებისაგან ცოტა ხანს დავისვენებო. ექიმმაც მირჩია ქალაქიდან გასვლა. რამდენი ხანია არ ვყოფილვარ იქ, ყველაფერი მომენატრაო. დაგირეკავთ და თუ ყველაფერი კარგად იქნება, ბავშვები ჩამომიყვანეთო. ძმა არ გაუფრთხილებია ჩასვლას რომ აპირებდა. დაინწყებს შემზადებას, მოცდება საქმიანობას, აანრიალებს მეზობლებს, ხომ ვიცი მისი ამბავიო.

სამხრობას მიადგა მშობლიურ სახლს. ჭიშკარი შეალო და შევიდა. დახატული, კოხტად მოვლილი ეზო სახლ-კარი სტუმართმოყვარე და გულმხურვალე მასპინძელივით შეეგება. ეს რამდენი რამე გაუკეთებია ძმას, როგორ გაულამაზებია სახლი. თანამედროვე, ამასთან ქართული ელემენტებით დატვირთული ფართოაივნებიანი კაპიტალური შენობაა. ნახე, ის ძველი სახლიც არ დაუნგრევია, რომელშიც გაიზარდნენ. ნაბლის სახლი საუკუნეებთან შეასაჭიდებლად კიდევ შზად იყო. ერთი კი გაიფიქრა, ამდენი ხალხი აქ როგორ ვეტევოდითო. გასცდა თხილებს და მისი დარგული ვაშლის ხისკენ გასწია. ვაშლის ხის ძირში ძმა დაინახა, რომელიც დინჯად და გულისყურით რაღაცას თლიდა. თავს რომ წამოადგა, წამოინია, შუბლი მოიჩრდილა და გაკვირვებულმა თქვა:

– მეჩვენება, თუ მართლა შენა ხარ, ბიჭო?

– ეჰ, გრიგოლ, გრიგოლ, შენი ცხოვრება სულ ხუმრობაში როგორ უნდა გაატარო, როგორ ისაწყლებ თავს. აქედან დანიელის სერზე გადაფრენილ ფრინველებს ერთმანეთისაგან არჩევდი და მე ველარ მცნობ?

– ჯანსაღი ხუმრობა, ყმანვილო, სიცოცხლეს ახანგრძლივებს. კარგად დაიმახსოვრე, ასე მოვდივარ მე აქამომდე და ქე მხედავ, როგორცა ვარ. აბა გაყვითლებული ქალაქელებივით ცხვირჩამოშვებული ხომ არ ვივლი. მოგაფერიანებ, თუ კაცი ვყოფილვარ, – ფეხზე წამოიმართა გრიგოლი და გადაეხვია, – დაგერეკა, შე დალოცვილო.

– რად უნდოდა დარეკვა, ჩემს სახლში მოვდიოდდი. ჭირ-შკარს ისევ არ კეტავთ?



– ვის დავეუკუტო ჭიშკარი, ყველას ძველებურად დავხვდებით, – ანა! – გასძახა მეღღეს.

ძველი წაბლის ხის სახლის კარი ჭრიალით გაიღო და ქალმა გამოიხედა.

– ნახე ვინ გვესტუმრა, გამოიხედე, ქალო, აქეთ!

ქალმა შუბლი მოიჩრდილა:

– ეჰ, ბერიკაცო, რა ვუთხრა სიბერეს, ხომ იცი, ამ ბოლო დროს თვალი მღალატობს ცოტას, – მოისანყლა თავი ანამ. სამოცდაათს გადაცილებული ქალი წელში გამართული მაინც ყინჩად მოემართებოდა. მიუახლოვდა მოსაუბრეებს და სიხარულით შეჰკვივლა, – ბადრი ხარ, კაცო? დიდება უფალს! წუხელ ისეთი სიზმარი ვნახე, ვიცოდი, რაღაც აუცილებლად გამეხარდებოდა. ამაზე მეტი სიხარული რაღა გინდა, – თვალზე მომდგარი ცრემლი მოიწმინდა და სტუმარს გადაეხვია. მერე უკან დაიხია, კიდევ ერთხელ შეავლო თვალი, თავი გადაიქნია და კითხვები დააყარა, – რატომ აქამდე არ ჩამოხვედი, ასე რატომ მოგვანატრე თავი. მეუღლე, ბავშვები, შვილიშვილები რატომ არ ჩამოიყვანე?

– ანა, ზოგი კითხვა ხვალისთვისაც დაიტოვე. ჩამოსვლა იყო მაგის ნება, ხომ მოვიხელთეთ, და მაგის გამშვები ვარ ან მე? ვერ ხედავ რა ფერზეა, მაგის გაშვება იქნება?

– ხო, ცოტა კია ფერმკრთალი, – დანანებით თქვა ქალმა და ლოყაზე ხელი ჩამოისვა.

– გეყოფა, ანა, დაკითხვებს გირჩევნია ნამგზავრი კაცი სახელდახელოდ დააპურო, საღამოსთვის კი სათანადოდ მოემზადე, ხუმრობა საქმე ხომ არ გგონია, უძღები შვილი დაუბრუნდა მამულს. საღამოს მეზობლებთან ერთად მაგრად უნდა ვიქეიფოთ... – ხალისობდა უფროსი ძმა, – შენ კი, ყმანვილო, ჩამოჰქეი შენი დარგული, უცნაური ვაშლის ძირში. ნუ გეძინია, ჯერჯერობით ნაყოფი თავში არ დაგეცემა, ცოტა კიდევ უკლია დამწიფებას. ისე მოსწონთ მეზობლებს ეს ხატულა ვაშლი, გაზაფხულზე კვირტები მიაქვთ დასამყნობად.

ძილბურანიდან ამოუცნობი ფრინველის გალობამ გამოიყვანა. ნეტარების მომგვრელი ხმით გალობდა. გაიღურსა, სუნთქვაც შეიკრა, არ დავაფრთხოლო. ნეტავ რა ჩიტია? შაშვი არ

არის, მისი ხმა ადვილად გამოსაცნობია. ბოლოშავა თუ მესკია? ბოლოშავა და მესკია გალობს თუ არა ისიც კი დაგავინწყდა, სოფლის ყოფის მხოლოდ ლანდებია შენში შემორჩენილი. მამლის ომახიანმა ყვილმა საბოლოოდ გამოაფხიზლა. თვალები მოიფშვნიტა და გაიზმორა. სასიამოვნო მოთენთილობას მოეცვა სხეული. რამდენი ხანია სუფრას ბოლომდე არ შერჩენია და არც ამდენი ღვინო შეუსვამს. მისდა გასაკვირად, არც თავი სტკიოდა, მხნედ გრძნობდა თავს. მაინც რა იყო ეს? ამდენი მის ცხოვრებაში არ უძღერია, რამხელა სიყვარული და სიხარული სუფევდა სუფრაზე. ყოველი დღე დაკარგულია, თუ ის სიხარულით არ არის სავსე. ლოგინში კოტრიალს აზრი აღარ ჰქონდა. ფეხზე წამოიწია, ფანჯარასთან მივიდა და გაიფიქრა – მადლობა ღმერთს, რომ კიდევ ერთი დღე გაუთენდა შერყეულ სამყაროსო.

მომდევნო დღეებში კიდევ რამდენჯერმე შეიკრიბნენ, ერთმანეთთან საუბრებით გულიც იჯერეს. ყველა სათქმელი ითქვა, ბევრ მოგონებაზეც იოხუნჯეს. როცა ყველა ემოცია და მღელვარება დაცხრა, ნელ-ნელა ყველა თვიათ ყოველდღიურობას დაუბრუნდა. ეკ, ბადრი, ბადრი, არ ასრულებ ექიმის მითითებებს, გუებნიან ისაუბრეო, შენ კი ძუნწი ხარ საუბარში, მოსმენაში კი ბადალი არ გყავს. სოფელი არ პატიობს კაცს უქმად ყოფნას, მუდამ ფხიზლად შემართული უნდა იყო, თუ არა და, გატიალდება ყველაფერი. რამდენჯერმე ძმასაც გაჰყვა სათოხარში, რამდენჯერმე თოხიც მოიქნია. დიდი მთოხნელი არც სიჭაბუკეში ყოფილა, და მით უმეტეს, ახლა მის ასაკში. ყოველი დღე მდორე მდინარესავით მიედინებოდა. სხვა ნიადაგზე გადარგული ვეღარ ეგუებოდა სოფლის ყოველდღიურობას. ფიქრობდა – მე ჩემს სამშობლოში, ქალაქს შეხიზნულ კაცს როგორ გამიჭირდა სანატრელ მშობლიურ გარემოსთან შეგუება და წარმომიდგენია, რა დღეში ჩაცვივდებიან უცხოეთში გადახვენილი ჩემი თანამემამულენი თუ ოდესმე დაბრუნდებიანო. მოწყენა რომ არ შეემჩნიათ ნაცნობი ადგილების მონახულება დაიწყო. რამდენჯერმე მდინარეზე ჩავიდა. მდინარე ყველა მოსახვევში მორევს იკეთებს ხოლმე, საცურაო ადგილებსაც იქ ირჩევდნენ სოფლის მკვიდრნი. დადიოდა წლებით დამძიმებული და სიყრმეს

ელაციცებოდა. თევზაობაც მოსინჯა. ადრე, მის ბავშვობაში, ქვაზე ქვის დაცემითაც თევზაობდნენ. მოზრდილ სიპ ქვას ქვაზე დაახეთქებდნენ ხოლმე. დარტყმისას, თევზები ბრუვდებოდნენ და ადვილად იჭერდნენ. უროსაც ხშირად იყენებდნენ. ჩქიფი ბადე და ანკესი, ყველაფერი მოსინჯული ჰქონდა, მაგრამ დიდად გატაცებული არცერთით არ ყოფილა. ბურთი უყვარდა და მას დასდევდა დიდობამდე. საცურაო ადგილებიდან ყველაზე საშიშ ადგილად რაფი მიიჩნეოდა, უფრო სწორად ქადაგიძის რაფი და იქით გასწია. ახლომახლო სოფლებში ქადაგიძის გვარის მაცხოვრებელი არავინ იყო და უკვირდა, თუ რატომ ეწოდებოდა ქადაგიძის რაფი. სხვადასხვა მოსაზრება არსებობდა სახელთან დაკავშირებით. ამბობდნენ, რომ ოცდაათიან წლებში თბილისიდან მოავლინეს ვინმე ქადაგიძე, ინჟინერი და მისი სახელი შემორჩა დღემდე. ამ პატარა კაშხლის აშენების მიზანი წისქვილი იყო. შეგუბებული წყლის ერთი შტო, არხის მეშვეობით, წისქვილისკენ მიმართეს – ძირითადი ნაწილი კი კაშხლიდან ეშვებოდა. კლდეებს შორის მოქცეული მდინარე კაშხლიდან ლამაზად ეშვებოდა და მზიან ამინდში ცისარტყელას ფერებში ელვარებდა. წყლის ვარდნილმა საკმაოდ დიდი ღრმული გააჩინა. იმ ადგილს უძიროს ეძახდნენ. ყველა ვერ ბედავდა ცურვას, განსაკუთრებით ბავშვებს აფრთხილებდნენ, წყალქვეშა ქვაბულებია, შესვლა არ გაბედოთ, თორემ წყალი შეგითრევთო. მართალია, აუკრძალეს, მაგრამ მოგეხსენებათ, რა ხიბლი აქვს აკრძალულს. იქ თუ იცურავებდი და კლდიდანაც თუ გადმოხტებოდი, კაცი იყავი ქვეყანაზე. მთავარი შიშის დაძლევა იყო. ბაყაყურით გაუყვებოდა წყლისგან ანალოკ კლდოვან ნაპირს და გამოუყვებოდა. თავისუფლად ცურავდა. შეეჩვია და შიშიც გაფერმკრთალდა. მერე სხვების მიბაძვით კლდის შვერილებიდან გადმოხტომა დაიწყო. ჯერ წყლის ზედაპირიდან ახლოს, მერე მოუმატა სიმაღლეს. წყალი ისე ღრმა იყო, ფსკერამდე მზის სხივი არ ატანდა. კაი ბიჭობად ითვლებოდა, თუ ფსკერიდან მუჭით სილას ამოიტანდი. რამდენჯერმე სცადა. სადამდეც მზის სხივი ატანდა იქამდე ადვილად ყვინთავდა, მაგრამ, როგორც კი სიბნელეში შეყოფდა თავს, შეშინებული უკან ბრუნდებოდა, აქაოდა კლდის

შვერილს თავი არ ავკრაო. ერთ დღეს ეს ბარიერიც დასძლია – აჯობა თავის თავს. კარგა ხანს იდგა კლდის ქიმზე, მერე ღრმად, ფილტვების ატკივებამდე ჩაისუნთქა ჰაერი და კლდის ქიმს მოსწყდა, გასცდა ნათელს, ძალუმად მოიქნია მკლავები და მრუმე სივრცეში შეცურდა. საუკუნედ მოეჩვენა წყვდიადში ცურვა, როგორც იქნა თითებით სილიან ფსკერს მიაწყდა, ჩაბლუჯა სილა, ამოტრიალდა და ნათლისკენ იწყო სწრაფვა. თითქმის ნახევარი ტანით ამოვარდა წყლიდან, მწყურვალავით დაეწაფა ჰაერს და შეჰკივლა, არის! მერე მომუშტული ხელი გახსნა და სველი სილა თანატოლებს მიაყარა. თანდათანობით ყველა საოცნებო სიმაღლეები დაიპყრო, გარდა ერთისა. რაფის თავზე მინდორი იყო გაშლილი, რომელსაც საურმე გზა და წისქვილისაკენ მიმავალი პატარა ბილიკი კვეთდა. ეს იყო ყველაზე მაღალი წერტილი. იქიდან გადმოხტომა საშიში იყო. კლდის თავზე, არხის პირს, წყლის მოყვარე ჯუჯა ხე-ბუჩქნარი შესეოდა და წყლისკენ მაცქერალს სამზერს უკეტავდა, მხოლოდ მდინარის პატარა ზოლი ჩანდა და მეტად გაბედულები და თავგებულადღებულები თუ ახერხებდნენ იქიდან გადმოხტომას. მიღწეულმა წარმატებებმა გაათამამა. დაუოკებელი სურვილი, ჟინი, მოსვენებას არ აძლევდა – უნდა გადმოხტარიყო. ზაფხულის ჩვეულებრივი დღე იდგა, სამხრობის ჟამი. აცდა კლდოვან ნაპირს. გაივაკა, გაიარ-გამოიარა, გადამხმარი ბალახი ფეხის გულზე უღიტინებდა. გაივლიდა, გამოივლიდა, მიუახლოვდებოდა კიდეს და ისევ უკან ბრუნდებოდა. თავის თავს შესძახა ან დღეს ან არასდროსო. კარგა ხანს იდგა კბოდესთან. მერე ნელი სვლით, დინჯად უკან დაიხია დაახლოებით ოც ნაბიჯზე, ისევ შეყოვნდა. გარშემო გორებს მოავლო მზერა, რომლებიც თითქოს ეჩურჩულებოდნენ, რაღას უცდიო. მზისკენაც გაექცა თვალი, რომელიც ნელ-ნელა დასავლეთისკენ მიიზღაზნებოდა. მერე თითქოს წამიერად სტყორცნა მზერა და გაკვირვებულმა ჰკითხა, ისევ მანდ დგახარო? რაღაც უხილავმა ძალამ ზურგში ჰკრა ხელი და ადგილიდან მოწყდა. ბუნება გაიყურსა, ფრინველების კი გაირინდნენ. კბოდესთან მაღლა ახტა და ფეხებით მონანავე ტალღებში გადაეშვა. თავქვე ვარდნისას მოეჩვენა

თითქოს ხე-ბუჩქნარმა ზეცისკან დაიწყო ფრენა. ნამებში და-  
კთავრდა ყველაფერი.

ამოყურყუმელავებისას ისევ ზეცისკენ გაექცა მზერა, კეთი-  
ლად ილიმებოდა მზე. ბუნებაც ისევ ახმიანდა და აშრიალდა.  
კარგა ხანს ტკებოდა უზომო ბედნიერებით. არ გასულა დიდი  
დრო, როცა მაცდურმა ფიქრმა დაუწყო ხვრა. სრულყოფილი  
მხტომელი მაშინ გახდები თუ თავით გადაეშვებიო. ფიქრი არ  
ასვენებდა – არც დღე და არც ღამე. სიზმრისეულმა ზმანებებმა  
გატანჯა, სულ თავით ეშვებოდა წყალში, მაგრამ ძირამდე ვერ  
აღწევდა, რალაც ძალა ჰაერში აშეშებდა და წყალს ზემოდან  
დაჰყურებდა. უძილო ღამეები აუძღურებდა და აძაბუნებდა.

იმ დღეს ღამენათევი და გამოუძინებელი მიადგა ნაპირს.  
ცოტა ხანს ჩამოჯდა, მერე განიძარცვა სამოსისაგან და შევიდა  
თავთხელში, შეისხა წყალი სახეზე, ტანზე და შეცურა. გაცუ-  
რა და გამოცურა. მერე ნაპირთან მოზრდილ ქვაზე ჩამოჯდა,  
ჩამოისვენა. ახედა კლდოვან ნაპირს, ძალზე მაღალი მოეჩვენა.  
უმზეო დღე იყო. შეაჟრჟოლა. წამოდგა, აუყვა კლდოვან ციცაბოს.  
მიდიოდა, მაგრამ ფეხები თითქოს უკან რჩებოდა. ვილაც კი და-  
ჟინებით უკიჟინებდა, არ შეჩერდე, გააგრძელე სვლა, ახლა უკან  
დახევა სილაჩრეაო. მერე სისხლის გამყინავი ხარხარი მოესმა.  
უკან მოიხედა, არავინ ჩანდა. გრილი ამინდი იყო, მოცურავე-  
ბიც კანტიკუნტად ჩამომსხდარიყვნენ ქვებზე. მინდორზე გადა-  
ვიდა, ჩაიციუცქა და ქვემოთ გადაიხედა. ხებუჩქების გარდა არა-  
ფერი ჩანდა. წამოიწია, რამდენჯერმე გაიარ-გამოიარა. გაიხედა  
გორაკებისკენ, რომლებიც დამაშვრალი კაცებივით თვლემდნენ.  
ცას ახედა, მშის კვალიც კი არსად ჩანდა. გაგულისებულმა  
მაშინდელივით ოცი ნაბიჯით უკან დაიხია, გამოექანა, ჰაერში  
აინია, ფრინველივით კამარა შეკრა, მოიშვვილდა და გადეშვა.  
ვარდნისას დროულად ვერ გაიშალა და გვერდულად დაეხეთქა  
წყალს. დარტყმის ძალამ წყალი ააჩქეფა, ქვებზე მსხდომნი  
განუნა და ფეხზე წამოყარა. ძლივს მიაღწია ნაპირამდე, ცალკე  
ტკივილი და ცალკე სირცხვილი წვავდა. მთელი თვე სტკიოდა  
გვერდი, დედისთვისაც კი არაფერი გაუმხელია. დაიზაფრებოდა  
საწყალი ქალი. იმ დღის მერე რაფს აღარ გაჰკარებია. ახლა

კი მხცოვანი გადაჰყურებდა მდინარეს. მაშინდელივით შეაჟრ-ჟოლა. შეიძლებოდა იმ დღეს ყველაფერი დამთავრებულიყო. ფეხზე წამოდგა, შარვალი დაიფერთხა და ბონდის ხიდისკენ გაემართა.

დრო ტაატიო მიუყვებოდა უსასრულო გზას. ემოციებიც დაცხრა. ერთფეროვანი და დუნე ცხოვრება მოსაწყენი გახდა. სული ვერ ეგუება ერთფეროვნებას.

დიდებულადაა ნათქვამი წმინდა წიგნში: „არ არსებობს დაფარული, რომ არ გაცხადდეს და არც რამ საიდუმლო, რომ არ გამჟღავნდეს“. შეამჩნიეს მასპინძლებმა მონყენილობა და შეწუხდნენ.

– არა, არა, ბადრი, ადგილის დედას დიდხანს რომ მოსწყედები, მერე დედინაცვლად გექცევა. გაკვირდებოდი, როგორი გახალისებული იყავი და რა უცებ მოგეწყინა. ისევ ახრჩოლებული ქალაქი მოგენატრა. არა მარტო ქალაქი, არამედ პატარებიც.

– და კიდევ, ერთი მოთხრობა მაქვს დასასრულებელი, ფინალმა გამტანჯა. დავბრუნდები ქალაქში, ბებია-შვილიშვილს აქეთ გამოვუშვებ. მე ცოტა ხანს დავრჩები და მერე ისევ ჩამოვალ.

– არა ხარ შენ აქეთ ჩამომსვლელი, ჩემო ბადრი, არა. აღარ არის ეს გარემო შენთვის მშობლიური და შთაგონების მომცემი. კარგი, როგორც გადაწყვიტე, ისე გააკეთე, მაგრამ სანამ წახვიდოდე, ერთ შეკრებაზე უნდა წავიდეთ, ხვალ იმართება ჩვენს კლუბში. ვიღაც თეოლოგი თუ პოლიტოლოგი ჩამოდის დედა-ქალაქიდან.

– რა, კიდევ ახალი პარტია იქმნება? ამ უსაქმურებმა გაატიპლეს ქვეყანა. მგონი საქართველო გინესის რეკორდების წიგნშია შეასაყვანი, არც ერთ ქვეყანაში არ არსებობს ამდენი პარტია. კარგი, წავიდეთ, გულს მაინც გადავაცოლებ, ცოტა განსხვავებული დღე იქნება.

დარბაზი მთლიანად არ შეივსო, მაგრამ მაინც საკმაოდ ბევრი ხალხი მოგროვდა. ბადრი ძმასთან და მეგობრებთან ერთად პირველ რიგში დაჯდა. მის გაკვირვებას საზღვარი არ ჰქონდა, როცა პრეზიდენტში ბაკური შენიშნა, რომელიც ძალზე სახიერი მამკაცის გვერდით იჯდა. პრეზიდენტში მსხდომთა-

გან ერთმა ქალმა მიიქცია ყურადღება, რომელიც იდაყვებით დაყრდნობოდა მაგიდას და ხელებს იფშვნეტდა, ხან გაშლიდა, წამიერად დააქცერდებოდა თითებს, მერე ისევ ერთმანეთს გადააჭლობდა. გაიფიქრა, რა ნაცნობი სახე აქვსო, ნეტავ სად შემხვედრიაო. კარგა ხნის ფიქრის შემდეგ აღმოხდა: ჰოი, საკვირველებავ, მოდი და ნუ გაოცდები, ეს ქალი ხომ ექიმის მისაღებში ნახა, ყვითელფრჩხილებიანი ქალი, რომელიც წამდა-უნუმ ფეხს ფეხზე იდებდა, წრიალებდა და ერთ ადგილზე ვერ ისვენებდა. ეს წარმოსადეგი მამაკაცი ალბათ, ის კაცია, ბაკურს ჩემთვის რომ უნდა გაეცნო. მართლაც საკვირველია საქმენი შენი, უფალო. ნუთუ შემთხვევით მოხდა ყველაფერი, მაგრამ ამდენი დამთხვევა? რაღაც ეჭვი შეეპარა. ფიქრი შეწყვიტა და სმენად იქცა.

საღამო ჩვეულებრივად დაიწყო, როგორც ყველა საღამო იწყება, ისე. მონვეული სტუმრები საზოგადოებას სოფლის თავკაცმა გაბრიელ მაღლაკელიძემ წარუდგინა. შესავალი სიტყვით კი ის ყვითელფრჩხილებიანი ქალი გამოვიდა.

– მეგობრებო, უნდა მოგახსენოთ, რომ ქვეყანაში შექმნილი სავალალო მდგომარეობა გვაიძულებს, ლამის კარდაკარ ვიაროთ და ყოველ ადამიანამდე მივიტანოთ ჩვენი საზოგადოების მიზნები და ამოცანები. სოციალური ქსელის მეშვეობით ბევრმა იცის ჩვენ შესახებ, მაგრამ, სამწუხაროდ, იმედგაცრუებული საზოგადოების გამოფხიზლება მაინც ძალზე ძნელია, ყველა თავის პირადი სატკივართაა დაკავებული. საზოგადო და საქვეყნო საქმის ინტერესმა ყოფითი სატკივრის მიღმა გადაინაცლა. აპათიამ, უიმედობამ დაისადგურა, ჩვენ მაინც ვერაფერს შევცვლითო. სარგებლობენ რა ხალხის ინერტული მდგომარეობით, უკუღმართ კანონებს ამოფარებული მდიდრები კიდევ უფრო მდიდრდებიან, ღარიბები კი თავს ვერ აღწევენ დუხჭირ ცხოვრებას. ბევრი გაიქცა, უცხოეთს შეაფარა თავი. ისე, თუ გსმენიათ, გაქცეულებს სადმე ომი მოეგოთ. სატკივარს კი არ უნდა გაექცე, უნდა შეებრძოლო, – წამიერად შეყოვნდა მომხსენებელი, მერე მოხდენილად თავი გადიქნია, თვალზე ჩამოშლილი თმა შეისწორა და მრავალმნიშვნელოვნად გადახედა დარბაზს.

და ისევ საამოდ, თავდაჯერებულად, მტკიცე ხმით განაგრძო, – რაც არ უნდა დაგვიჯდეს, უნდა შევძლოთ ამ მასის ცნობიერების გარდატეხა, უიმედობის დათრგუნვა და ქვეყნის გაჯანსაღებისა და აღორძინებისაკენ შემობრუნება. გასაკეთებელი ძალზე ბევრია. ნანვიმარზე ამოსული სოკოებივით მომრავლებული პარტიების უმეტესობა, სამწუხაროდ, მხოლოდ საკუთარი კეთილდღეობისთვის იღვწის, ბევრი კი მოლალატეებისა და კრიმინალების თავშესაფრად იქცა... ამიტომაც, რომ ეჭვით უყურებენ ყოველ ახალ წამონწყებას, მართლებიც არიან. ჩვენი სურვილია, ქვეყნის გადარჩენის ჩვენეული გეგმა თითოეულ ქართველამდე დავიყვანოთ, ურთულესია, მაგრამ ჩვენ უკანდასახევი გზა აღარ გვაქვს, უმოქმედობით უბრალოდ გავქრებით, აღარ ვიარსებებთ. და ესაა ყველაზე სანუკვარი მიზანი მოყვარის ქურქში გახვეული მომღიმარი მტრებისა. ვერ ეღირსებიან, – მოსამართლის ჩაქუჩივით დაახეთქა ბოლო წინადადება, რომელმაც გაყურსულ დარბაზს ექოსავით გადაუარა და როცა ექომ დარბაზის ყველა წერტილ-კუნჭული მოინანავა, ორატორმა დამცხრალი ხმით საზოგადოებას მიმართა, – ახლა კი სიტყვას გადავცემ ჩვენი საზოგადოების თავმჯდომარეს დავით დიდებულისძეს.

ყოჩაღ. ხედავ, თურმე რა ენერჯია იმალება ამ წერვიულად მცქმუტავ ქალში? წინა საუკუნეების ღვანღმოსილი ქალების სული მძლავრობს მასში. ქალმა უნდა დაიბრუნოს თავისი ღირსეული ადგილი. რამოდენა მოწინება და თავყვანისცემა ჰქონდათ წარსულში ქალებს, მართო აკაკის სიტყვები რად ღირს, დედავ ბატონოო. ასევე მიმართავდა იაკობ ნიკოლაძე პარიზიდან გამოგზავნილ წერილებში თავის დედას – დედავ ბატონოო, ახლა კი?!... გაიფიქრა ბადრიმ და თავი გადაიქნია

ბადრი პატარა ხანს გულისყურით უსმენდა დავითს, მერე რატომღაც მოეწყინა, გამოსვლა ლოზუნგური მოეჩვენა, ასე როგორ მიიზიდავენ ხალხს. მოწყდა რეალურს და ირეალურში დაიწყო ხეთიალი. მერე შვილიშვილებს გადსწვდა, ნეტავ როგორ არიან უჩემოდო, თუ მოვენატრეო. ხვალვე გავქუსლავ თბილისისკენ. მომხსენებლის სიტყვებმა გამოაფხიზლა:

– მამული, ენა, სარწმუნოება ქვეყნის ფუნდამენტია, ბაზისია,



რომელზეც უნდა აშენდეს ქვეყანა. ეს ანდერძად დაგვიტოვა დიდმა ილიამ და თვალისჩინივით უნდა მოვუფრთხილდეთ ამ ძვირფას საუნჯეებს. როგორც ერთი და განუყოფელია წმინდა სამება, ასევე ერთი და განუყოფელია მამული, ენა და სარწმუნოება, რომელიც თავის თავში მოიცავს თვითმყოფადობას, ტრადიციებს, სულიერებას და მაღალ მწიგნობრობას.

ისევ შემოესია ფიქრები, წრიალი აუტყდა, თითქოს ეკლებზე იჯდა. ერთი სული ჰქონდა, როდის წამოვარდებოდა, მაგრამ ბაკურისი ვერ იდებოდა. უნახავად ვერ წავალო. ისევ მომხსენებლის სიტყვები მიაწყდა ყურს. როგორც ჩანს, გამოსვლას ამთავრებდა:

– მეგობრებო, ჩვენ რეგიონებში უნდა გავხსნათ ჩვენი წარმომადგენლობები. ამ საშური საქმის ხორცშესხმისათვის აქ, თქვენთან, ჩემი მეგობრის, ბაკურის რეკომენდაციით ჩვენს საკონსულტაციო უბანს უხელმძღვანელებს ბატონი ბადრი სიხარულიძე.

თავის გვარისა და სახელის გაგონებაზე კინალამ გული გაუჩერდა, ცივი წყალი ისე ვერ გამოაფხიზლებდა, როგორც თავისი გვარისა და სახელის გამოცხადებამ გამოაფხიზლა. გონს რომ მოვიდა, თავი ძლივს შეიკავა, რომ არ გადაეხარხარა. ღონისძიების დამთავრების შემდეგ შეხვდა სტუმრებს, მადლობა მოახსენა ნდობისთვის, მაგრამ უარი უთხრა შემოთავზებული წინადადებაზე:

– მე თქვენ არ მიცნობთ და არც არაფერი იცით ჩემ შესახებ.

– გაგიკვირდება და ყველაფერი ვიცით თქვენ შესახებ, პატარა მოთმინება და მალე ყველაფერი გაცხადდება, – უთხრა ბაკურმა, – დრო გაქვთ, არ აჩქარდეთ, მოიფიქრეთ. ყველამ უნდა გაიღოს თავისი წვლილი, ყოფნა-არყოფნის საკითხია ჩვენი ქვეყნისთვის.

სახლში მისული დიდხანს ფიქრობდა, თუ რა გზას დასდგომოდა. ააფორიაქა შემოთავაზებულმა წინადადება, ტვინში ჩასჭედვოდა, ყველამ თავისი წვლილი უნდა შეიტანოს ქვეყნის გადარჩენის საქმეში. დავუშვათ, დავთანხმდი, მაგრამ რომ ვერ შევძლო, სირცხვილით სად გინდა გამოყო თავი.

ექიმიც გაახსენდა, ისაუბრეო, ახალი მიაწოდე შენს ტვინსა და გონებასო. მეტი ახალი რაღა გინდა, მოსინჯე. არა, არა, ეს არ არის სახუმარო საქმე. ნუ გაურბიხარ სიძნელებს. აი, ახალი სამოქმედო ასპარეზიც. სახეზე ღიმილმა გადაჰკრა. აჰა, რას იტყვი, როგორც ამბობენ, წილი ნაყარია, მიიღე, ყმანვილო, ეს გამონვევა. წარსულს ბარდება უშინაარსო და უფერული დღეები.

საბოლოო გადანყვეტილების მიღებამდე ძმასაც დაეკითხა, როგორ მოვიქცეო. დაფიქრების გარეშე უპასუხა ძმამ:

– უნდა დათანხმდე. სამშობლო დღეს მართო სუფრაზე ახსენდებათ განსხვავებული სასმისით ხელში, შენც კარგა გვარიანად ჩამოარაკრაკებ ხოლმე, საქმით დაგვიმტკიცე, საქმით. სამუშაო ოთახს მე მოგიწყობ, მიდი, გვაჩვენე რა შეგიძლია. თავნება, ჯიუტი ხარ, შეისმენ კი ჩემსას?

ორი დღის მერე ბაკურს დაურეკა, თბილისს მოვივლი, შვილიშვილებს ჩამოვიყვან და მოვსინჯავ ჩემს თავს ახალ თანამდებობაზეო.

სიხარულისგან კანში ველარ ეტეოდა გრიგოლი. არ მეგონა თუ გამომომივიდოდა, ხომ მაინც მოვახერხე შენი დაბბაო! აწი მე ვიცი, თუ კაცი ვარ, შეგარიგებ ადგილის დედასთანო.

# ცანგულთა ღა გოგონა





## ცანგალა და გოგონა

დადგა მაისი და ბუნებამ მთელი თავისი მშვენიერება სრულყოფილად გამოამზეურა. კორპუსების ტყვეობაში მოქცეული ქალაქის გარეუბნის ციციქნა ბალი მწვანედ ხასხასებდა. ზოგიერთ ხეს ყვავილობა ჯერ კიდევ არ დაესრულებინა, ზოგი კი უკვე ნაყოფის მოსაცემად იყო მზად. ბავშვები ხილს დამწიფებასაც არ აცლიდნენ და ლამის კვირტიდან ახლად გამოსულს შეექცეოდნენ ხოლმე. მაკრინე ბებიაც შვილიშვილებთან ერთად ეწვია ბაღს. შესვლისთანავე დაუსხლტნენ ონავრები ხელიდან ბებოს და ხილნარს შეესივნენ. კორონა ვირუსის გამო შინაპატიმრობას თავდაღწეულნი დარბოდნენ, დახტოდნენ, ხან ხელებს შემოასალტავდნენ ხეებს, ხანაც აცოცებას ცდილობდნენ.

ბებო მაკრინე პატარა ძელსკამზე ჩამოჯდა და საქსოვი გაშალა. ყმანვილქალობიდან შეასწავლა ქსოვა მისმა ბებიამ. ქსოვდა წინდებს, კაბებს თუ სვიტერებს. ძაღზე ხელმარჯვე იყო, უსაზღვრო ფანტაზია ჰქონდა. ისე გამოაგვირისტებდა ნამუშევრებს სხვადასხვა ფიგურითა თუ ორნამენტით, მნახველთა გაცოცებას იწვევდა. ნამდვილ ხელოვნების ნიმუშებს ქმნიდა. ქსოვდა, ქალსურ ფიქრებს აყოლილი, ხან წარსულს მიეახლებოდა, ხან აწმყოს, ისე სწრაფად ქსოვდა, თვალს ვერ შეასწრებდით თითების მოძრაობას. ბავშვებს მიყურადებული მშვიდად ქსოვდა. სათვალის ზემოდან მიმინოსავით გადმოხედავდა, შეეხმიანებოდა და სიფრთხილისაკენ მოუწოდებდა. ებრალებოდა ბავშვობადაკარგული ბავშვები. ფიქრობდა: ბავშვი ბუნებასთან ჰარმონიაში თავისუფლად უნდა იზრდებოდესო.

ცოტა ხნის უკან ოთხმოცდაათს მიტანებულმა ბიძია ოთარმა

დაურეკა. ძალიან გაუხარდა, მხნედ ელაპარაკებოდა მხცოვანი, არაფრის შეგეშინდესო, ეგ კორონაა თუ რალაც შავი ჭირი მეც შემეყარა და ვერაფერი დამაკლოო. ბევრ ფიქრს უნდა შეეშვა, ღობე-ყორეს არ უნდა მოედო, მადლობელი იყავი იმით, რაც ღმერთმა მოგცა, დარდი და ნალველი გულს უჭამს ადამიანს, შეეცადე სიხარული დაითიო გულში, მიენდე უფალს და ყველაფერი კარგად იქნებაო. ხო, მთავარი კინალამ დამავინწყდა, ორ კვირაში იუბილარი ვხდები, ოთხმოცდაათი წელი მისრულდება და აუცილებლად უნდა ჩამოხვიდე. ბიძია, ნუთისოფელი სავსეა მოულოდნელობებით. სასიხარულო მოულოდნელობას გისურვებ, არ გამანბილო, აუცილებლად უნდა მენვიოო. ყველას ვეპატივები, ყველას, ჩემს სისხლსა და ხორცს უნდა მოგიყაროთ თავი, სანამ ჩემი ქვიშის საათი საბოლოოდ დაიცლება, მინდა ყველას მოგესიყვარულოთ. კაცი ყველაფრისთვის მზად უნდა იყოს, ხვალისა მხოლოდ ხვალემ იცისო. დაპირდა, აუცილებლად ჩამოვალო. ბარმა გაახალისა, ჩემს მშობლიურ ქუთაისში ჩავალ, მონატრებულ ადგილებს მოვათვალიერებ და მეორე დღეს ჩავაკითხავ სოფელშიო. საბავშვო ბაღშიც აუცილებლად შევივლი, ის ხომ ჩემი პედაგოგიური საქმიანობის აკვანია, ვნახავ ჩემი ასაკის თუ ვინმე კიდევ შემორჩაო.

თავი წამოწია, მიიხედა-მოიხედა, ვილაც ახალგაზრდა დედა მოპირდაპირე სკამზე ჩამომჯდარიყო, უწლოვანი ბავშვი მკერდზე მიეწვინა და ნეტარი ღიმილით დასცქეროდა. შვილიშვილებისაკენ გაიხედა, პატარები ჯოხით მიწას ჩიჩქნიდნენ. უცხო ენაზე საუბარი მოესმა, წამიერად შეწყვიტა ქსოვა და თავი მოსაუბრეებისკენ მიაბრუნა. სიჭარმაგეში შესული წყვილი ბალისკენ შემობრუნდა, პატარა ხანს დაყოვნდნენ, ბალი შეათვალიერეს და წელი ნაბიჯებით გაუყვნენ გზას. გაუკვირდა მაკრინეს, ქალაქის გარეუბნებში იშვიათად თუ გამოჩნდებოდნენ უცხოელები. ისინი ძირითადად ქალაქის ძველ უბნებში დასეირნობდნენ და ალტაცებით ათვალიერებდნენ საუკუნეებ გამოვლილ ციხე-კოშკებს, თუ მათთვის უცნაურ და საინტერესო არქიტექტურას. ნეტავ აქეთ რა ქარმა გადმოისროლაო, ფიქრობდა თავისთვის. წამოდგა, გაიარ-გამოიარა, ბავშვები შეათვალიერა,

რომლებიც გატაცებით აგრძელებდნენ თამაშს. ისევ სკამზე ჩამოჯდა და საქსოვს დასწვდა. მასრასავით ასრიალდნენ თითები. ნეტავ რა ენაზე საუბრობდნენ? უცხო ენამ წარსულისკენ გაახედა, ღიმმორეული მოგონებებში ჩაიძირა.

\* \* \*

იმ დღეს სამსახურში მისული ბაღის გამგემ გამოიძახა. კარზე დააკაკუნა. შემოდითო, დაიძახეს კარს მიღმა. მორიდებით შეაღო კარი. ორმცდაათ წელს მიტანებული ბაღის გამგე მაგიდაზე გადაშლილ ქაღალდებს ჩასცქეროდა, დაბუღულებული თმა თავზე ზვინივით ედგა. უცნაური ვარცხნილობით, იმ დროისათვის, ცნობილ და პოპულარულ მომღერალს – ლიუდმილა ბიკინას წააგავდა და მეტსახელად ბიკინა შეარქვეს. ისე კი, ეს სახელი გულის სიღრმეში სიამოვნებდა და ცდილობდა უფრო მეტად მიეზადა მომღერლისათვის.

– მაკრინე, შემოდი, შემოდი, გოგო! – თავი ასწია ბიკინამ, – ვინ დაგანათლა ეს სახელი, რომელი კიდობნიდან ამოაძვრეს? რა უბედურებაა, ენას ვიტეხ. ვილას არქმევენ ახლა ასეთ სახელს. დღეიდან მარინე იქნები, უფრო თანამედროვეა.

– რა გითხრათ, ქალბატონო... – კინალამ ბიკინა წამოსცდა, სწრაფად მოეგო გონს, – ქალბატონო ეკა, ბებიას სახელი დამარქვეს, – მორცხვად წარმოთქვა მაკრინემ.

იმ დღიდან მოყოლებული ნათლობის სახელით აღარც არავის მიუმართავს მისთვის. თვითონაც შეეჩვია და გაითავისა.

– კარგი, კარგი. ძალიან მალე დიდი დღესასწაული გვიახლოვდება, ბავშვები სათანადოდ უნდა მოვამზადოთ. ქალაქის ხელმძღვანელობა და განათლების სამინისტროდან სტუმრები გვენვევიან. თუ ვიყოჩალებთ, დედაქალაქში მიგვიპატიუებენ. შენ უნდა უხელმძღვანელო ამ საქმეს. არ მინდა მოსაწყენი, ტრაფარეტული ღონისძიება. რაიმე ახალი უნდა შევთავაზოთ, განსხვავებული. ისეთი პროგრამა უნდა მოვიფიქროთ, ერთ ადგილზე ვერ გაჩერდნენ და გაკვირვებისგან ღია დარჩეთ პირი. დაახლოებით მონახაზი გავაკეთე. გადახედე, სრულ თავისუფლებას გაძლევ. ახალგაზრდები სხვანაირად უყურებთ

ყველაფერს, – თავი წამოწია და ზემოთ ავარცხნილი თმა შეისწორა, – დაიხმარე, ვისაც საჭიროდ ჩათვლი, არ მოგერიდოს.

ახალგაზრდა პედაგოგმა საკონცერტო პროგრამა ხელში აიღო. შევეცდებით, ძლივს წარმოთქვა და აჩქარებული ნაბიჯით გამოვიდა კაბინეტიდან.

მეტად საპასუხისმგებლო საქმე იყო, ღამეებს ათენებდა. მეგობრებიც დაიხმარა და პროგრამის საბოლოო ვარიანტი ზიკინას წარუდგინა.

ზიკინამ სათვალის ზემოდან ეჭვით შეხედა მარინეს და პროგრამა სულმოუთქმელად ჩაიკითხა.

– ეს რა მოგიფიქრებია, გოგო, ნუთუ გამოვა?! ჯერ ნამეტანი პატარები არიან, გაიგებენ ტექსტების მნიშვნელობას?

– დედის სიყვარული დაბადებიდანვე დაჰყვება პატარებს. ასევე უნდა შეისიხლხორცონ ქვეყნის სიყვარული, დიდობაში რომ არ გაუცხოვდნენ სამშობლოს, – უპასუხა მარინემ.

– უყურე შენ! აი, თურმე როგორი ყოფილხარ! – თავი წამოწნია ზიკინამ და თბილი მზერა შეაგება მარინეს, – არ გეშინია? თუ ჩავფლავდით ციმბირს უკან დაგვატოვებინებენ.

– გამოვა, ქალბატონო ეკა, გამოვა!

– მე, რა, თითქმის გავლიე წუთისოფელი, მაგრამ შენ მეცოდები, რომ ჩავფლავდეთ კარიერას გაიფუჭებ.

– აუცილებლად გამოგვივა, ქალბატონო ეკა, ასეთი რამე თქვენს ბაღში ჯერ არ დაუდგამთ.

– რა ქალბატონობა აგიტყდა, ჩვეულებრივად მომმართე, არც თუ ისე ბებერი ვარ, – დათბა გოროზი ბაღის გამგე.

– რას ბრძანებთ, ქალბატონო...

– ჰმ, ისევ ქალბატონო.

– ნავალ ახლა მე, – მორიდებით წარმოთქვა მარინემ. ქალაღდებს ხელი წამოავლო და კარისკენ გასწია.

– რაც იქნება, იქნება! – ზიკინამ მაგიდას ხელი დაჰკრა და მარინესთან ერთად გავიდა ოთახიდან.

კარის ზღურბლთან ზიკინამ მოულოდნელად გადაიხარხარა:

– ბომბია ეს, გოგო, ბომბი! აგერ ნახავ, განათლების განყოფილების ტლიკინა გოგოს თუ თვალი არ დავუყენოთ, სულ



ზემოდან რომ დაგვცქერის. კარგი ახლა, წადი და მიხედე საქმეს, – ბავშვივით ასუნდრუკებული ზიკინა ლამის ცეკვით გაემართა მაგიდისკენ.

\* \* \*

– ბებო, ბებო!

– რა მოხდა? ხომ არაფერი იტკინეთ? – გოგონების ძახილმა მარინე სააქაოს დააბრუნა.

– მოხტუნდი, ბებო, ჩვენთან, ნახე, რა ვიპოვეთ.

– მე რომ ანი მოვხტუნდები, – ჩაეცინა მარინეს.

– ბებო, ნახე, ეკალკაბია.

– ეკალკაბია კი არა ბურთაჩხვლეტიაა, – შეეპასუხა მეორე.

– რა ეკალკაბია, რა ბურთაჩხვლეტია, – ბებომ ასაკ-შეუფერებლად ისეთი გადაისკისკისა, გაოცებულებმა შიშით ახედეს, – ეს ხომ ზღარბია, საიდან გაჩნდა აქ? ხელი არ შეახოთ, დაიჩხვლიტებით! ეკალკაბია, ბურთაჩხვლეტია, რას არ მოიფიქრებენ! პატარებო, არ დავაფრთხოთ, გავუშვათ მის ნებაზე, იქნებ თავის სახლში ეჩქარება, ვინ იცის, როგორ ელოდებიან, – გაოცებული იყო ბებო, უკვირდა, აქ ზღარბი საიდან გაჩნდაო.

ბავშვებს არ ეთმობოდათ უცნაური არსება, მაგრამ ბებოს მაინც გაჰყვნენ, თან თვალი უკან რჩებოდათ.

– პატარებო, ახლა თოჯინებით გაერთეთ. ვინ იცის როგორ მოიწყინეს, – ბებომ ჩანთა გახსნა და თოჯინები ძელსკამზე ჩამოამწკრივა.

– ჩვენი ოლაფი, მერიდაც აქ ყოფილა, კონკიაც, ავრორა, არიელი, რაპუნცელი, – წამოიძახეს პატარებმა.

– სულ უცხოელები? – ჩაეკითხათ ბებო, – ერთი ქართული თოჯინა მაინც არ გყავთ?

– ქართული? არა, ბებო, ქართველები ჩვენ ვართ მარტო.

– ჰოდა, იქართველეთ, თორემ დაგვლუპავს მარტო უცხოურის ტრფიალი, – ბებომ სკამის კიდისკენ ჩაიჩოჩა და ადგილი ბავშვებს დაუთმო. ისევ საქსოვს დასწვდა, მუხლებზე დაიდო და მზერით კაკლის წვერს მისწვდა. უკიდევანო ცაში ფრთოსნები დასრიალებდნენ, ზოგი მათგანი ხეებზე ჩამომსხდარიყო

და მრავალხმიან საგალობელს უძღვნიდა ბალის ბინადართ. მტრედები უშიშრად დაგოგმანებდნენ ბებია-შვილიშვილების ფეხებთან და საკვების მოლოდინში ღულუნებდნენ. ბებო საზურ-გეს მიეყრდნო და ისევ წარსულს აეტუმბა.

\* \* \*

საზეიმო დღეც დადგა. საპატიო სტუმრები სცენასთან ახლოს დასვეს. წარმოდგენა დაიწყო. აღსაზრდელებმა პირველ ნომრად „მრავალჟამიერი“ შეასრულეს. ბავშვური უშუალობით მღეროდნენ და ახლად დაბადებული ნაკადულივით აწკრიალებდნენ ხმებს. საპატიო სტუმრებმა ერთმანეთს გაკვირვებით გადახედეს. ბალის ბავშვები და მრავალჟამიერი?! თანაც სად?! საქმე იმაში გახლდათ, რომ ბალი რუსულენოვანი იყო, რა თქმა უნდა, ქართველი აღსაზრდელებიც ჰყავდათ. ოთხმოციანი წლების ბოლო იყო და მომძლავრებული ეროვნული მუხტი საზოგადოების ყველა ფენაში ყვავილობდა.

იმ დღეს არცერთი უცხოენოვანი სიმღერა არ შეუსრულებიათ. სიმღერას ცეკვები მოჰყვა. ეროვნულ სამოსში გამოწყობილი მოცეკვავე ბავშვები სასაცილოდ ბუქნავდნენ და ამხიარულებდნენ საზოგადოებას, ყველას ღიმილი დაჰფენოდა სახეზე.

საპატიო სტუმრების და დამსწრე საზოგადოების ყურადღება თავიდანვე ორმა მოზარდმა მიიქცია – ყველაზე მალეები იყვნენ და ქერთამიანები. აშკარად გამოირჩეოდნენ დანარჩენებისაგან თავიანთი არაქართული იერითა და აქცენტით. მომდევნო ნომერი „ცანგალა და გოგონა“ ამ წყვილმა შეასრულა. ტაშს ბოლო არ უჩანდა. განსაკუთრებით, დარბაზის შუაში მჯდომი, ახალგაზრდა წყვილი გამოირჩეოდა. ტაშისკვრისგან ლამის ხელისგულები დაიხეთქეს. ბოლო ნომერზე კი ცრემლებიც ვერ შეიკავეს. მაშინ კი, როცა გუნდმა „ქართველო, ხელი ხმალს იკარ“ წამოიწყო, ყველანი ფეხზე წამოიჭრენ. ოვაციებით დამფრთხალმა, შეშინებულმა ბავშვებმა ლამის შეწყვიტეს სიმღერა. საპატიო სტუმრები გაოცებულნი იყვნენ, ასეთი ღონისძიება აქ არასოდეს ჩატარებულაო. არც „დათუნია დრუნჩა“ უმღერიათ, არც „მიშკა კასალაპი.“ და-ივინყეს ლენინი, პარტია, პირველი მაისი.

განსაკუთრებული გაოცება და აღტაცება იმან გამოიწვია, როდესაც სცენაზე მარინემ ქერათმიანი ბიჭი და გოგო მოიწვია და გამოაცხადა:

– ძვირფასო მშობლებო და სტუმრებო, მინდა წარმოგიდგინოთ გერმანელი და-ძმა კურტი და ელზა, რომლებმაც თავისებური კოლორიტი და ხიბლი შესძინეს ჩვენს წარმოდგენას. მიუხედავად იმისა, რომ ქართული ერთი სიტყვაც არ იციან, თავი არ დაუზოგავთ. მშობლებისთვისაც კი არ უთქვამთ ამ ნომრის შესახებ. სიურპრიზი გვინდოდა მოგვეჩვენო. აქვე მინდა მოვიწვიო მათი მშობლები.

გაოცებულმა, ცრემლმორეულმა და აღტაცებულმა მშობლებმა მადლობა გერმანულ-რუსულ ენაზე გადაიხადეს. ტაში და ოვაციები გრძელდებოდა. კიდევ ერთხელ გაამეორებინეს და-ძმას „ცანგალა და გოგონა“.

ბევრს უკვირდა გერმანელების გამოჩენა სცენაზე. საქმე ის გახლდათ, რომ უცხოელები რამდენიმე თვით იყვნენ მოწვეულნი ქუთაისის ავტოქარხანაში სამუშაოდ, გერმანული დანადგარი უნდა აემუშავებინათ. მარინეს მამაც – ბიძინა მათთან ერთად მუშაობდა, უცხოელები ოჯახშიც არაერთხელ მიიწვიეს, დამეგობრდნენ კიდევ.

– ძვირფასო სტუმრებო და მშობლებო, – განაგრძო აღევლებულმა და სიხარულით სახეშეფაკლულმა მარინემ, – ასეთი გულმოდგინების, გარჯისა და მონდომებისათვის, ჩვენთან გატარებული დღეების მოსაგონებლად, ბალის ადმინისტრაციის გადანყვებილებით, ჩვენს მეგობრებს, საჩუქრად გადავცემთ ქართულ ეროვნულ სამოსს.

აღრთოვანებული ზიკინა კანში ვეღარ ეტეოდა. სცენაზე ბზრიალებდა, წამდაუნუნ დაბულულებულ თმას ისწორებდა, სრულიად უცნობ ადამიანებს ეხვეოდა, ცრემლს ღვრიდა. მარინესაც მისწვდა, ჩაბღუჯა, გადაეხვია და ლამის წელში გადატეხა:

– ყოჩაღ, ცივისსიხლიანი გერმანელების ატირება შესძელი. რამ მოგაფიქრებინა გერმანელები და ცანგალა და გოგონა?!

– ქალბატონო ეკა, აქაური ბევრი რამ დაავიწყდებათ, მაგრამ სიმღერა და ცეკვები დიდხანს დარჩებათ მესხიერებაში.

– ვითომ? – მხრები აიჩეჩა გამგემ.

– მეცნიერულადაა დადასტურებული, – საბოლოო ბეჭედი დაუსვა მარინემ.

– კარგი, კარგი, ვერ შევედავები მეცნიერებს. ხომ გეუბნებოდი, ბომბია-მეთქი, აჰა, ხომ აფეთქდა. მაგრამ ჩვენ რაფრა გოდოურჩებით ზემდგომებს, ეგ არ ვიცი. რაც არ უნდა თქვან, ფაქტი ერთია, ასეთი საღამო ამ ბაღს არ ახსოვს.

მოგონებამ ცრემლი მოჰგვარა მარინეს. არაფერი ისე არ ახალისებს ადამიანის გულს, როგორც შრომით მიღწეული შედეგი. ყველაფერი ისე ცოცხლად წარმოუდგა, გეგონებოდა ახლაც სცენაზე იდგა თავის ორ უცხოელ პატარასთან და სახე-შეფაკლული მოლოცვებს იღებდა. მარინეს მამამ უცხოელები ვახშმად შინ მიიწვია. სამეფო სუფრა გაიშალა. ქართული მრავალხმიანიც რამდენჯერმე დააგუგუნეს. მარინეს ოჯახს უცხოელები კიდევ უფრო დაუახლოვდნენ. არც სამშობლოში დაბრუნების შემდეგ შეუნყვეტიათ მათთან კავშირი. არც ბავშვები ივინყებდნენ მარინეს. მოგვიანებით, სურათიც გამოგზავნეს. მერე ქვეყანაც აირია და ბარათებიც შეწყდა.

ნეტავ როგორ არიან ახლა? – გაიფიქრა მარინემ, – რა თქმა უნდა ოჯახს შექმნიდნენ, შვილებიც ეყოლებათ, შეიძლება შვილი-შვილიც. საინტერესოა, თუ ჩავრჩი მათ ხსოვნაში. ეჰ, ფიქრები, ფიქრები, – ასაკში შესული ადამიანისათვის მიღმიერის ჰორიზონტი ფართოვდება და ყველაფერი ცხადდება, თბილი მოგონებები კი ის სიმდიდრეა, რომელსაც არც ჩრჩილი ჭამს და ვერც ვერავინ მოგპარავს. და თუ კიდევ კეთილი კვალი დატოვე გარშემომყოფელთა გულებში, ამაოდ აღარ გიცხოვრია.

საბავშვო ბაღში გამართულ უცნაურ ზეიმს უკვალოდ არ ჩაუვლია. გამგე და აღმზრდელი განათლების განყოფილებაში დაიბარეს. ჯერ შეაქეს, მერე კი ერთმა შუახანს გადაცილებულმა საოცრად მოხდენილმა მამაკაცმა ვითომ საყვედურნარევი კილოთი თქვა: გამომივიდნენ ახმეტელები – ეს რა ულტრანაციონალური რამ დაგიდგამთ. ულტრანაციონალური ეხამუშა მარინეს, შეამცივნა, შიშით გაიხედა მცოვანისკენ, რომელიც სანდოდ იღიმოდა, თვალიც კი ჩაუკრა და დაამატა, მაგრამ კარგი ქე იყო.

მოკლედ, ერთი სიმღერა ლენინზე და ერთი პარტიაზე. დახვეწეთ ნომრები და თბილისისთვის მოემზადეთო. ულტრანაციონალური ღრმად ჩარჩა გონებაში და მის გაცეხებას საზღვარი არ ჰქონდა, როცა მათთან წლების მერე სტუმრად მოსულმა ქმრის მეგობარმა გაიმეორა ეს სიტყვები. როგორც მთარული ხმები ამბობენ, სერგო ორჯონიკიძეს უთქვამს გრიგოლ რობაქიძისათვის მისი პიესის მიხედვით დადგმული სპექტაკლის „ლამარას“ ნახვის შემდეგ, ბოლოში კი დაუმატებია, კარგი ქე იყო. მაშინ მიხვდა მარინე, რაშიც იყო საქმე.

\* \* \*

ჟრუანტელის მომგვრელმა გალობამ, საქსოვი გვერდზე გადაადებინა, თავი მაღლა ასწია და ხის წვერზე შემოსკუპულ შაშვის თავგამოდებულ კრიმანჭულს მიუგდო ყური. კარგა ხანს უსმენდა, მერე კი გულში თქვა: არა ხარ შენ მიწიერი, საოცარო მგოსანო, ზეციურის მაცნე ხარ, ალბათ, მიწიერს მიჯაჭვულები ხანდახან მიღმიერისკენ რომ გაგვახედო. საფეხურებიანია წუთისოფელი, ნეტავ იმას ვინც სუფთა სინდისით ღირსეულად აივლის ამ საფეხურებს. რას იზამ, ხანდახან ჩამოჯდომაც გინევს, უფრო მიმწუხრის ჟამს და მოგონებებით ცხოვრების დროც დგება. ნეტავ იმქვეყნად თუ გაჰყვება კაცს მიწიერი მოგონებები, წაიოცნება და მერცხლებივით მოჟღურთულე შვილიშვილებს სიყვარულით გადახედა.

– მარინე, მარინე! – კორპუსის აივანიდან შვილი ეძახდა, – დედა, დედა, სტუმრები გვეწვივნენ, ამოდით!

ნეტავ ვინ არის, გაუელვა თავში. საქსოვს ჩანთაში უკრა თავი, ბავშვებს ხელი ჩასჭიდა და სახლისაკენ გაემურა.

კარი ღია დახვდა. შევიდნენ. ბავშვები თავიანთ ოთახში შეცვივდნენ, თვითონ კი მისაღებისაკენ გასწია.

– სადაა, გოგო, სტუმრები?

ღონიჭშემორტყმული ქალიშვილი იღიმებოდა და ხმას არ იღებდა.

– ეჰ, ნახე რა შენც ხუმრობის დრო, – უკმაყოფილოდ გადაიქნია თავი.

– არ გეხუმრები, დედა.

– ჯერ არ დავბრმავებულვარ, შვილო, ან იქნებ უჩინმაჩინები არიან?

– კარგი, კარგი, იწვი ხომ ცნობისმოყვარეობით?! ნება მიბოძეთ წარმოგიდგინოთ საპატიო სტუმრები, – ქალიშვილი წელში ოდნავ მოიხარა, მცირე რევერანსი გააკეთა და გაოცებულ დედას ხელში ბარათი ჩაუდო. – ნახე, რამოდენა ბეჭედი ამის? ცუდად არ გახდე, ჩამოჯექი. სულ გერმანელებზე რომ მელაპარაკებოდი, ჩამოდიან შენი პატარა მეგობრები, თუმცა რაღა პატარები... ელზა და კურტი, შენც მოგინახულებენ და ქვეყანასაც.

გაოგნებული მარინე დივანზე ჩამოესვენა და ძლივს წარმოთქვა:

– შეუძლებელია, წარმოუდგენელია, – მერე ღიმილი გაუკრთა, – როგორ თქვი, ბიძია, წუთისოფელი სავსეა მოულოდნელობებითო?! ესეც შენი მოულოდნელობა. აუცილებლად ჩავუყვან ბიძაჩემს, ნამეტანი კარგი საჩუქარი კი გამოგვივა, – ფეხზე წამოიმართა, მხრები შეარხია, თითქოს წლები ჩამოიბერტყაო და გახალისებული შვილს გადაეხვია.

# ՇՆՏՊՈՒՆ ԿՆԾՎ







## ნითელი კაბა

გოგონა იდაყვებით ფანჯრის რაფას დაყრდნობოდა და ეზოში იცქირებოდა. ცელქი სიო მალიმალ მიეალერსებოდა, აწეწილ თმას თვალებზე აფენდა და სამზერს უკეტავდა. ძირს მაცქერალი თავის აქნევით ცდილობდა ჩამოშლილი თმა გაესწორებინა. უყვარდა ეზოში ცქერა. აქ მისთვის ხომ ყველაფერი ნაცნობი იყო: ალუბალი, ლელვი, ქლიავი, მოშორებით თხილი, კიდევ უფრო შორს თუთა. ნაწვიმარზე ალუბლის ხეებს შესცქეროდა, წვიმის წვეთები კუნწულებს მარგალიტივით რომ ჩამოეკიდებოდა, დაუოკებელი სურვილი მოეძალებოდა და თითოეულ წვეთს თითებით ეხებოდა. მამა აფრთხილებდა: არ დაგინახო ნაწვიმარ ხეზე ასული, საფრთხეს არ გადაეყარო. ახლა თუთაზე გადაიტანა მზერა, როგორ გაიზარდა, გამსხვილდა და გაიტოტა. ადრე ადვილად აბობლდებოდა ხოლმე. ახლა კი გააფრთხილეს, შენი ასაკის გოგოები ხეებზე აღარ დაბლოტიანებენო. რამდენი რამე არ შეიძლება თურმე დიდობისას. ხასიათიც ცვალებადი გაუხდა. თვითონაც არ იცოდა რა უნდოდა. ნიავი კი თავისას არ იშლიდა და მომაბეზრებლად დანავარდობდა თმებში. მოფრინდა მტრედების გუნდი, ფრთხილად დაეშვნენ თუთის ძირში, მოუსვენრად, თავის ქიცინით დალულუნებდნენ და დათაფლულ ნაყოფს საქმიანად კენკავდნენ. საინტერესოა, ნეტავ ხეზე რატომ არ მიირთმევენო, გაიფიქრა და აბეზარი ნიავისგან ჩამოშლილი თმა კიდევ ერთხელ შეისწორა. ეზო მზერით შემოირბინა, მერე ფანჯარას მოწყდა და ფეხის წვერებზე შემდგარი ცეკვა-ცეკვით გაემართა როიალისკენ. თითები კლავიშებზე კალმახით დახტოდნენ და სრიალებდნენ. პატარა პაუზის შემდეგ

კი საიამოვნო ხმით წამოიწყოს – „გულს რად მიკლავ“..., არ ჩაუმაჯვრებია, წამოვარდა ფეხზე და ბებუას ოთახში შევარდა. ბებუა როგორც ყოველთვის ახლაც საკერავ მანქანასთან იჯდა, ამჯერად ქსოვდა. ეს მისი საყვარელი ადგილი იყო.

– ბებო, რავა სულ ქსოვ და კერავ, არ შეგიძლია დაისვენო, წამოწვე, წიგნი წაიკითხო, სულ ქსოვა და ქსოვა?

– რატომ შეწყვიტე სიმღერა, არც კი ჩაგიმთავრებია. ჩემი ახაგაზრდობა გამახსენა, – თითქოს შვილიშვილის ნათქვამი არც კი გაუგონია, ისე ჰკითხა ბებომ.

– რა ვიცი, ბებო, ამ ბოლო დროს გულს ვერაფერს ვუდებ. რატომღაც აფორიაქებული ვარ, ბოლომდე ვერც ერთი საქმე ვერ მიმყავს. ბედნიერი ქალი ხარ, ბებო, შეგიძლია წყნარად იჯდე, კერო ან ქსოვო.

– ასაკის ბრალია ყველაფერი, მალე გაგივლის. დრო კი ღვთის ნაჩუქარი დიდი განძია, არ შეიძლება უყარათოდ გაფლანგვა. მოკლეა, შვილო, წუთისოფელი და ძილსა და კოტრიალში არ უნდა გაატაროს კაცმა. იქ რომ მივალ, ხომ შემეკითხებიან, ნაჩუქარი დრო ფუჭად რატომ გაფლანგეო.

გოგონა ბებოს მიუჩოჩდა, კალთაში ჩაუჭდა, ისე, როგორც პატარაობისას ჭალარა თმები გადაუწია და შუბლზე ნაზად ეამბორა. მერე მაგრად ჩაეკონა და ცრემლი წასკდა.

– რა ხდება, პატარავ, რა გაგჭირვებია? აბა, დაწვრილებით მომიყვივი! ოღონდ მარწუხებისგან გამანთავისუფლე, ვეღარ ვსუნთქავ.

გოგონა მუხლებიდან ჩამოსრიალდა და იატაკზე მოკალათდა.

– ბებო, რა არის სიყვარული? შენ როგორ შეგიყვარდა?

ქალი დაიბნა, ასეთ შეკითხვას არ ელოდა. დუმილი ჩამოწვა, გოგონა გაფაციცებით ელოდა პასუხს. ბებომ სათვალე შეისწორა, ისევ საქსოვს მისწვდა და თავი ჩალუნა. ერთი თვალი რომ ამოიყვანა, გოგონას ამოხედა და ღიმილით წარმოთქვა:

– ყველაფერს თავისი დრო აქვს. ჯერ ბავშვი ხარ, ისედაც უამრავი საზრუნავი გაქვს: სწავლა-განათლება, მუსიკა, უცხო ენა, – ბებო კითხვას თავს არიდებდა.

– კარგი რა, ბებო, შემომხედე, ბავშვი ვარ ახლა მე?

ბებო თვალთ მიეალერსა, თითქოს შვილიშვილს პირველად ხედავსო.

– ხო, აღნაგობით ბავშვს აღარ გავხარ, მაგრამ ასაკით ჯერ ისევ ბავშვი ხარ. ბავშვობა, შვილო, ოქროს ხანაა, სად გეჩქარება, ზრდასრულობას მოესწრები.

გოგონამ ყურს მიღმა გაატარა ნათქვამი.

– შენ როგორ ფიქრობ, რომეო და ჯულიეტა ჩემზე უფროსები იყვნენ? შენთვის მე სულ ბავშვი ვიქნები, – ტუჩები გაბუსხა და გაბუტულმა წარბები მაღლა აზიდა.

გულზე შემოანვა ბებოს, ფეხზე წამოდგა. შვილიშვილმაც წამოინია.

– მოდი, პატარავ, ყველაფერი დაწვრილებით მიამბე, – ბებომ შვილიშვილს ხელი გამოსდო და იქვე ტახტზე ჩამოსხდნენ, – აბა, პატარავ, თამამად.

– ბებო, არ ვიცი, რა ჰქვია ამას. ერთი ბიჭია, ჩემთან ერთად ცეკვავს, ჩემი მენყვილეა, ძალიან შემანუხა თავისი ყურადღებით, – შეყოვნდა, თავი გაიქნია, მერე თვალანთებულმა ემოციურად განაგრძო, – ჩემზე ორი წლით უფროსია. შეხედულიც არის, თავაზიანიც, კიდევაც მაფრთხობს მისი გადამეტებული ყურადღება და კიდევაც მსიამოვნებს. იქნებ მითხრა, რა არის სიყვარული, რას გრძნობენ ამ დროს?

– აბა რა გითხრა, უამრავი რამ დაწერილა სიყვარულზე, სავსეა მსოფლიო ლიტერატურა სიყვარულზე შექმნილი ნაწარმოებებით, მაგრამ ზუსტი პასუხი კაცობრიობას მაინც არ აქვს, არ არსებობს სიყვარულის ფორმულა და რეცეპტი. ჩემი გადასახედიდან სიყვარულს თვალი არ აქვს, სიყვარული გულიდან იცქირება. არც ასაკი იცის, ზოგს ადრე ეწვევა, ზოგს გვიან, ბევრს კი გვერდზე ჩაუვლის. შესაბრალისია ის ადამიანი, ვის გულსაც სიყვარული არ სწვევია. იმასაც ამბობენ, სიყვარული სულის ნიჭიაო, რომელიც სადღაც გულთან ახლოს ივანებს. აბა რა გითხრა, ჩემი ისტორია არაფერში გამოგადგება. თუმცა, გულიდან მოწყენილობა რომ გადაიგდო, მოგიყვები.

ძალიან მიყვარს მაისი, ჩემი უსაყვარლესი თვეა. ბუნებაც სხვანაირად კისკასობს ამ თვეში, ყველაფერი იღვიძებს და

გრძნობებსაც აფორიაქებს. მაისის თვეში დაიწყო ყველაფერი. იმ დღეს მზის პირველი სხივის შემოჭრისთანავე წამოვვარდი ლოგინიდან. უამრავი საქმე მქონდა გასაკეთებელი, აბაზანას მივაშურე, თავი მოვიწესრიგე და საქმიანობას შევუდექი. გული სიხარულით მქონდა სავსე. როგორც იქნა შევიპირე ხელოსნები და ამდენი დაპირების შემდეგ შეუდგნენ ახალმიღებული ბინის კეთილმოწყობას. გული საგულეში აღარ მეტეოდა, ხუმრობა საქმე ხომ არა არის, საკუთარი ბინა მექნება. მართალია ერთოთახიანი, მაგრამ ჩემი. მეზობელი მიკეთებდა რემონტს და სათანადოდ უნდა მოვმზადებულიყავი. პურმარილიან ოჯახად გვიცნობდნენ და თავს ხომ არ შევირცხვენდი, კარგი სადილი უნდა გამეკეთებინა. ღიღინით ვაგრძელებდი საქმიანობას და ფუსფუსს. ხატაპური კი გამორჩეულად ჩემეული რეცეპტით გამოვაცხვე. პატარა გოგო აღარ ვიყავი და კულინარიაში კარგად ვერკვეოდი. ღვინოზე ვჭოჭმანობდი. ხელოსანი ღვინის მოყვარული იყო და ვიფიქრე, არ გამოთვრეს-მეთქი, მაგრამ ქართველი კაცისთვის სადილი ღვინის გარეშე რა სადილია. ყველა საქმე რომ მოვათავვე, მერე ვიგრძენი დაღლა. ცოტა ხანს წამოვწექი. თან ვფიქრობდი, თუ რა ჩამეცვა. ხელი ჩავიქნიე, რა მნიშვნელობა აქვს, შენც ახლა პაემანზე არ მიდიოდე. ბებიაჩემის ნათქვამმა გამომაფხიზლა, უყვარდა ხოლმე თქმა – სახლიდან გასული ქალი ყოველთვის კოხტად უნდა გამოიყურებოდესო. როგორც იტყვიან, ათასი თვალია და ათასი ყურიო. კაბები გადავათვალიერე, რომელი? ბოლოს ჩემი მოქსოვილი წითელი ფერის კაბა ავირჩიე. მაკიაჟით თავი აღარ შემინუხებია. გულახდილად რომ გითხრა, არც ვკიჟდებოდი მაიცდამაინც, მხოლოდ თვალებს შევიფერადებდი ხოლმე.

საკმაოდ მოზრდილ ჩანთას წამოვავლე ხელი. მემძიმა, ერთი კი გავიფიქრე, ამას რა ჩაათრევს იქამდე-მეთქი, მაგრამ რაღას ვიზამდი. მამა, წავედი, – შევუძახე მამას და საფეხურებზე მძიმედ დავეშვი. მეზობელ ქალს მივესალმე, რომელიც ყვავილებს დაჰფოფინებდა. ძალზე მხიარული ქალი იყო, უბოლოდ უყვარდა ყვავილები, მარტოხელა ქალი იყო და სიყვარულს ყვავილებში აქსოვდა.

– როდემდე უნდა იარო, გოგო, ეულად? – შემომძახა თავ-  
ნაკრულმა მეზობელმა, – მოგკლავს მაგ ჩანთების თრევა. სხვა  
თუ არაფერი, ჩანთის წაღებაში მაინც გამოგადგებოდა.

– მერე გამირიგე ვინმე, ციალა ბიცოლა, – გავიხუმრე მეც.

– ჩემი გარიგებული რად გინდა, ვარსკვლავებს ეთამაშები,  
გოგო.

უზომოდ სათნო და კეთილმოსურნე ქალი იყო. ყველას ასე  
მიეყვავილებოდა ხოლმე.

– ბიჭი რომ მყოლოდა, უკვე ჩემი რძალი იქნებოდი.

დავიმორცხვე.

– მოდის, ციალა ბიცოლა, მოდის, ოღონდ ძალზე შორი  
გზიდან, – ვუპასუხე ღიმილით.

– ელოდე, ელოდე, – უკვე წასულს მომანია სიტყვა.

ძლივს მივათრიე ჩანთა გაჩერებამდე. მალე ტროლეიბუ-  
სიც მოგრიხინდა. უკანა კარიდან ავედი. მომენტალურად,  
მონყვევით დაიძრა. წავბარბაცდი, ხელით ჰაერს წავეპოტინე  
და წონასწორობა დაკარგული ზურგით სახელურს შევენარ-  
ცხე. სავარძლიდან ახალგაზრდა ბიჭი წამოხტა, არც უკითხავს,  
ისე ჩამომრთვა ჩანთა, ბოდიში მომიხადა, დროულად ვერ  
დაგეხმარეო. არაფერი მითქვამს, უხერხულად ვგრძნობდი  
თავს. სახეზე წამომახურა, ალბათ, მთლად წითელი ვიყავი.  
კაცს მადლობა გადავუხადე და ჩანთის ჩამოსართმევად  
ხელი გავუწოდე. იუარა, ჩასვლამდე ჩემთან იყოსო. რა მე-  
თქმოდა. სახეშაფაკლულმა თვალი შევაავლე. ახალგაზრდა,  
მოხდენილი, შავგვრემანი კაცი იყო. გაჩერებამდე ბევრი აღარ  
იყო დარჩენილი, როცა ბიჭმა თავისუფალი ხელით ჰიბიდან  
ფურცელი ამოიღო და გამომიწოდა. ამ მისამართზე მივდივარ,  
იქნებ დამაკვალიანოთო, საუბარზე ეტყობოდა, ადგილობრივი  
არ იყო. მისამართს დავხედე, გაოცება და ღიმილი ერთბაშად  
მომერია სახეზე. ფურცელზე ჩემი კორპუსის მისამართი იყო  
მითითებული. ვუპასუხე, რა თქმა უნდა, დაგეხმარებით, მეც მაგ  
კორპუსში მივდივარ–მეთქი. ვაჟმა გაიღიმა, გამმართლებია და  
ეგ არისო. უხერხულობიდან ჯერ კიდევ ვერ გამოვსულიყავი, თავს  
ხან ძირს ვხრიდი და ხან ფანჯრის მიღმა მრქოლავ კორპუსებს

გავაყოლებდი მხერას. ერთხელ მეტად არც შემიხედავს უცნობი ვაჟისთვის. ის კი თურმე შეფარვით მათვალეირებდა. ტროლე-იბუსი ნელ-ნელა იცლებოდა, ბოლო გაჩერებაზე მარტო ჩვენ ჩამოვედით. ჩანთა არ დამანება და კორპუსისაკენ მიმავალ გზას დავადექით. უხმოდ მივდიოდით. ჩემს თავზე ვბრაბობდი, რანაირად წავფორხილდი, ალბათ, რა სასაცილოდ გამოვიყურებოდი, რას იფიქრებდა ეს კაცი, ეს რა მოუხერხებელი ვინმე ყოფილაო. გუნებაში გამეცინა. ახალი კორპუსი იყო და ლიფტი გამართულად ჯერ კიდევ არ მუშაობდა. ფეხით ავუყევით კიბეს. მეოთხე სართულზე შევჩერდი, მოვუბრუნდი და ვუთხარი, თქვენ მეხუთეზე უნდა ახვიდეთ. დახმარებისთვის დიდი მადლობა გადავუხადე. არაფერი უთქვამს, გამიღიმა და საფეხურები აიარა. გამიკვირდა, არც თავისი სახელი უთქვამს, არც ჩემი უკითხავს. პატარა ხანს დავყოვნდი. შემაფიქრიანა უცნაურმა და თავაზიანმა ახალგაზრდამ. მერე ჩემი ბინისკენ გადავდგი ნაბიჯი. ჩანთა ტყვიასავით გამხდარიყო, გავიფიქრე – რა მეშველებოდა, ეს ღვთისნიერი კაცი რომ არ გადამეყოდა.

ხელოსნები მოუთმენლად მელოდნენ. ძველ მაგიდაზე მორჩენილი შპალერი გადააფარეს, სახელდახელო სუფრა გაშალეს და მადიანად შეექცნენ. მე ღია აივანზე გავედი და ეზოში დავინწყე ცქერა. ისევ ჩემს მარცხზე ვფიქრობდი.

ბებო წამოინია, სათვალე მოიხსნა, ჩამოშლილი ჭაღარა უკან გადაივარცხნა, მხრებში გასწორდა, საბურგეს მიესვენა, სადღაც შორს, საგნებს მიღმა იცქირებოდა. კარგა ხანს იყო ასე გარინდული. შვილიშვილმა დააბრუნა საამქვეყნოს.

– მერე, ბებო. მერე რა მოხდა? გააგრძელე, მომკლა ცნობის-მოყვარეობამ, ველარ ვითმენ.

– რა შვილო და ზოგიერთი შემთხვევა ადამიანის ცხოვრებაში გადამწყვეტ მნიშვნელობას იძენს და მთლიანად ცვლის მის მომავალს. თავისით არაფერი ხდება, ამბობენ ყველაფერი ღვთის განგებას ემორჩილებათ. არ ვიცი, ალბათ ასეა.

ცოტა ხანში მეზობელმა დამიძახა, თუ არ დაგვეხმარე, ჩაგვეყრება წყალში დაგეგმილი დღე. სიგარეტი გაგვითავდა, ეგაა ჩვენი დოპინგი, მაგის გარეშე ვერ ვიმუშავებთო. ოღონდ თქვენ

არ მოცდეთ და სიგარეტს ახლავე მოგიტანთ, ვუპასუხე, ხელჩანთა მხარზე გადავიკიდე და კიბეზე დავეშვი.

მივყვებოდი გზას და მომავლის გეგმებს ვაწყობდი. ათას რამეზე ვფიქრობდი, მაგრამ რაზეც არ უნდა მეფიქრა, ჩემდა გასაოცრად, ის ახალგაზრდა ამომესვეტებოდა ხოლმე. მიკვირდა, თითქოს და არაფერი უჩვეულო არ მომხდარა. მერე რა თუ ახალგაზრდა კაცი თავაზიანობას გამოიჩინს და დაგეხმარება. ვინ მოთვლის რამდენი ასეთი შეთხვევაა დღეში. კაცმა რომ თქვას, წესიერად არც კი შემიხედავს. ქუთაისში მაისი მაისობდა და ვარდის სურნელში გახვეულ ქალაქში ცხოვრება ჩვეულებრივად მიედინებოდა. დავდიოდი სამსახურში, ვსაქმიანობდი ოჯახში, რემონტიც ბოლოსკენ მიდიოდა. ყველაფერი თავის ადგილას დადგა, მაგრამ იმ ბიჭის ხატება გულიდან თუ გონებიდან ვერა და ვერ ამოვიღე.

ერთხელაც, სამსახურიდან გამოსულს, ის ახალგაზრდა ჭიშკართან ვარდების თაიგულით დამხვდა. ხრიგინა ტროლეიბუსი გამახსენდა, ღიმილი მომერია. ნეტავ საიდან გაიგო, ვარდები რომ მიყვარს, გამიელვა თავში. – ბებო დადუმდა. თვალი გაუშტერდა, როგორც ჩანს, ფიქრებით ისევ წარსულს ელაციცებოდა. შვილიშვილი მოთმინებით ელოდა. ბებო გამოერკვა და ისევ გააგრძელა თხრობა. – წელან რომ გეუბნებოდი, ხელოსნებმა სიგარეტისათვის გამაგზავნეს-მეთქი, თურმე ჩემს იქ არყოფნაში, ეს ვაჟბატონი მუშებთან ჩამოსულა, მისაღმებია, შეუქია ნახელავი. უთქვამს, მეც დამჭირდება თქვენი დახმარებაო, ზემო სართულზე ჩემმა დამ მიიღო ბინა, მომეწონა თქვენი ნახელავი და მინდა გაარემონტოთო. ამასთან შეფარვით გამოუკითხავს ჩემ შესახებ, შეეშლებოდა თუ რა, არც სახიერება აკლდა, არც ჭკუა და მოხერხებულობა იურისტ კაცს. მეზობელს ყველაფერი ჩამოუკაკლავს. – ბებიას ღიმილი გადაეფინა სათნო სახეზე. – დიდი ხნის მერე, როცა უკვე ოჯახი გვქონდა, ვკითხე, იმ ათ წუთში როგორ მოვახერხე შენი მოხიბლვა-მეთქი? არ იკითხავ, რა მიპასუხა! შენმა უსუსურობამ და დაბნეულობამ, შენმა დამფრთხალმა თვალეებმა, შენმა კდემამ და უბრალოებამ, შენმა წითელმა კაბამ მომხიბლაო. წარმოგიდგენია, კაბის-

თვისაც კი მიუქცევია ყურადღება. ახლაც შენახული მაქვს, ხანდ-ხან ჩაცმას მთხოვს ხოლმე, ძველი დრო გავიხსენეთო.

ხედავ, კუდრაჭა, ერთმა წაბორძიკებამ რა გააკეთა? რას გაუგებ კაცის გულს. ამიტომ გეუბნებოდი, სიყვარულის რეცეპტი არ არსებობს-მეთქი. შეიძლება ერთმა შეხედვამ გადანყვიტოს ყველაფერი. იმ დღიდან მოყოლებული, ექვსი თვის განმავლობაში, ყოველ შაბათს, ერთსა იმავე დროს ჩამოდიოდა თბილისიდან და ვარდების თაიგულით მხვდებოდა. ბევრი რომ არ გავაგრძელო, მისმა თავაზიანობამ, ზნეკითილობამ და უაღრესად საინტერესო საუბრებმა, არა მარტო მე მომხიბლა და შემიყვარდა, არამედ ჩემს მშობლებებსაც შეაყვარა თავი. ასეთია, ჩემო ლამაზო, ჩემი სიყვარულის ისტორია.

დაამთავრა ბებომ, ალერსიანად გადახედა ყმანილ ქალს და თვალებზე ჩამოცურებული თმა გაუსწორა. ცრემლმორეული, სახელიმილიანი შვილიშვილი კი ჩაეკრა და ჭკნობაშეპარული ლოყები დაუკოცნა.



# თბილავი მეფაწველი





## უხილავი მფარველი

წრიალებ, წრიალებ გალიაში გამომწყვდეული მხეცივით. რას წრიალებ, რას შველის წრიალი? სანამ ფიქრები დაგახრჩობენ და სულს ამოგხდიან, რაც დაგავალა, ის გააკეთე. ღამით თავზე დაგადგა, ძილ-ბურანში ავსული გეგონა, მკრთალი ლანდივით დაბორიალებდა.

– არ შეგეშინდეს, – გითხრა მან.

მოდით და ნუ შეგეშინდება, როცა ჰაერი გელაპარაკება.

– შენს წასაყვანად ბეციდან მოვედი. ისე, სულ შენ გვერდით ვიყავი, შენ კი ვერ მამჩნევდი.

– სად მიგყავარ? – შიშისგან დაზაფრულმა ძლივს ამოვილულ-ლულე.

– ნუთუ ვერ ხვდები, – ჩაიციხა.

– ასე ადრე?

– თქვენთვის ყოველთვის ადრეა.

– პატარახანს მადროვე, ასე მოუმზადებელი სად წამოვიდე?

– ნუ გეშინია, იქ საგზალი არ დაგჭირდება, შენი საგზალი წარსული ცხოვრებაა, – მცირე ხანს დადუმდა, – კარგი, შვიდ დღეს გაძლევ, შვიდ დღეში მთელი შენი ცხოვრება ჩამოწერე. მომიტანე, გადავხედავ და დანარჩენზე მერე ვისაუბროთ.

შემეშინდა, მაგრამ თბილი, სასიამოვნო ხმა ჰქონდა.

– წამმზომი ჩართულია. შვიდი დღე, გესმის? დროს ნუ კარგავ, დაჯექი და წერე.

ნეტავ, როგორ წაიკითხავს, მკრთალი ნისლივითაა. გამაგიჟებს ეს კაცი, ოცნებების და მცონარობის დრო აღარ გაქვს.

დაინწყე, იქნებ გადაგივადოს კიდევ. ჩათვალე, რომ წერა შენი სამკურნალო თერაპიაა, გადარჩენის შანსი. დანარჩენს დრო აჩვენებს. არ გინდა შვიდი დღე ლოდინი? ნეტავ ნავეყვანე. რა ბარმაცი ხარ, წერა გეზარება? მოკლედ, შვიდ დღეში ადამიანის გადაკეთება შეიძლება? არავინ ცდილობს შენს გადაკეთებას, დაწერე იმაზე, რასაც წარმოადგენ, სულის მტანჯველი ფიქრებისგან მაინც განთავისუფლდები.

საიდან დავიწყო? რა თქმა უნდა, სანუთროში მოვლინებიდან. საოცარია, მაგრამ სიყრმის გაცრეცილი ლანდებიდან ბებია უფრო გახსენდება. ამქვეყნად მოსვლა არავის ახსოვს, საიდუმლოთი და ბურუსითაა მოცული. დედა გზრდიდა, ახალგაზრდა, გამოუცდელი დედა. ბებიას მითითებით იზრდებოდი, იმ მითითებებითა და მოძღვრებებით, რომელიც ბებიას წინა ბებიებმა ასწავლეს. გამოცდილება ხომ წაურთმეველი განძია. ხელოვნურად განყვიტეს აღზრდის ის ძაფი, რომელიც ახალგაზრდა დედას წინაპართა გამოცდილებასთან აკავშირებდა და შედეგიც სახეზეა: უფროსებისადმი უპატივცემულობა, ბილწისტყვაობა, რაც განსაკუთრებით ქალებისგანაა საკვირველი და სხვა უამრავი თავის ტკივილი.

სად გადავარდი! დავანებოთ ამას თავი. რაზე ვლაპარაკობდით? ეჰ, მახსოვრობავ! ხო, ახლად გაღვიძებული ცნობიერების პირველ მარცვლებზე. დედის მკერდს დიდხანს ვიყავი მიჯაჭვული, ძლივს გადამაჩვიეს ძუძუს წოვას. ფოფრი იყო პირველი ნივთი, რამაც შენში შიში აღძრა, გაუცნობიერებელი შიში. არც გუდიანი, არც მგელი, უბრალოდ ინდაურის ფრთიდან შეკრული პატარა კონა, რომელსაც ფოფრს ეძახიან და მაგიდას ასუფთავებენ ნამცეცებისაგან.

დედულეთში ვიზრდებოდი, პირველ ხანებში ბებია მზრდიდა, მის გვერდით ვინეჩი, ჭექა-ქუხილისგან დამფრთხალი ჩავეკვრებოდი ხოლმე მკერდში. მომეფერებოდა, თავის ბავშვობისდროინდელ ამბებს მიყვებოდა. დედ-მამა ქალაქში საქმიანობდნენ და საკმაოდ მხცოვან მამის ბებიასა და ბაბუაზე ბრუნავდნენ. კიდევ რა გახსოვს? ბევრი რამ გაქრა იმდროინდელი ამბებიდან, ბებიას ხსოვნა კი სიკვდილის კარამდე

გამყვება, რომელიც თურმე ასე ახლოს ყოფილა. შვიდი დღეო! მოგონებებიდან შვილიშვილების ხმამ გამომიყვანა.

– ბაბუ, უკვე დროა ნავიდეთ. ყვავილებზე ფუტკრები და პეპლები დასხდებიან, ფოთლები ცვივა ქარში. არ გესმის, ბაბუ, გეყოფა ნკაპუნი, ნავიდეთ ეზოში.

უნდა გავყვე, ბავშვს კი არა, დიდს ვერ აუხსნი, რაც ჩემს თავს ხდება.

– ბაბუ, კიდევ ერთი ლექსი მოვიგონე. კატოს არ აინტერესებს, წამოდი და მოგიყვები. – შემოუტიტინა უწლოვანმა ელისაბედმა.

– ბაბუ, მეც დავანკაპუნებ რა.

– მიდი და ანკაპუნე, კუდრაჭა.

თქვენში გაგრძელდება ჩემი სიცოცხლე. შეეშვი, სენტიმენტების დრო არ არის, ყოველი ნუთი ძვირფასია, ანგარიში გაქვს ჩასაბარებელი, რომელზეც შენი მომავალი დამოკიდებული. ეჰ, ისევ ამქვეყნიურზე ვფიქრობ.

კაცი წამოდგა, ბავშვებს ხელი ჩასჭიდა, წინკარში გავიდა. ეზოში ჩასვლისთანავე ბავშვები საქანელას მისცვივდნენ. უცნაური ბავშვი იყო ელისაბედი, საოცარ, ასაკს შეუფერებელ რამეებს წარმოთქვამდა. აგერ, თუნდაც ყვავილებზე ფუტკრები და პეპლები დასხდებიან, ფოთლები ცვივა ქარში. შევეკითხე ერთხელ, ბაბუ საიდან იგონებ ასე მწყობრად დალაგებულ საოცარ სიტყვებს-მეთქი? არ ვიცი ბაბუ, ვილაც მკარნახობს, ძალიან ლამაზი ქალიო. ბავშვის ფანტაზია შეუცნობელია. ეჰ, კიდევ, სხვაგან გადავვარდი.

ეგონა, მობორიალე ფიქრებს ეზოში მაინც დააღწევდა თავს. გარშემო ყველაფერი ფუტკრის სკასავით ზუზუნებდა, ყურებში განუწყვეტელი წივილი ესმოდა. ექიმთან ხომ არ მივიდე? და აწი რას გიშველის ექიმი? ეზოდან ამოსვლისთანავე კინნისკვრით მიაგდო საკუთარი თავი სანერ მაგიდასთან და ბავშვობისკენ გაინავარდა. დრო ძალიან ცოტა ჰქონდა.

ახლა დედულეთი მცირე ხნით დავტოვოთ და მამულეთში გავემგზავროთ, იქაური ამბებიც ხომ უნდა მოვჩხრიკო. აბა, დრო როგორ მოვკლათ, რა უცნაური ნათქვამია, დრო მოვკლათო,

არადა პირიქითაა. მამულეთში დიდ ბებიასთან და ბაბუასთან ვცხოვრობდით. ბებია ფიცარივით ხმელი ქალი იყო, ბაბუა უფრო შევსებული და წითური. ნაბლის ხის პატარა სახლი ჰქონდათ და ყველანი იქ ცხოვრობდნენ. კარგად მახსოვს მზეზე მიფიცხებული, დიდ ქვაზე ჩამომჯდარი ბებო, ჯოხით დადიოდა. მიუხედავად მცხოვანებისა, ძალზე მარჯვე ქალი იყო, მდინარეზეც ჩადიოდა და იქიდან მდინარისგან ჩამოტანილ ტოტებს აგროვებდა. წყლისგან გაპრიალებულ ტოტებს სპილოსძვლისფერი დაჰკრავდა, სათამაშოდ ვიყენებდი. ბებო სულ თავშალში იყო გახვეული, რომლის ბოლოთი ხშირად ინმენდდა ცრემლს. რომ წამოვიზარდე, მერე გავიგე, თურმე სამი შვილი დალუპვოდა ომში. ბაბუას, როგორც აღვნიშნე, უღალი ფერი დაჰკრავდა. ძალზე მშრომელი კაცი იყო, ომის დროს ობლებს ინახავდა. დაკორძილი თითები და ამობურცული სახსრები ჰქონდა, როგორც ჩანს სახსრების დაავადება აწუხებდა. ვერაფრით ისწავლა ჩემი სახელის სწორად წარმოთქმა, ხან რას მეძახდა, ხან რას.

დიდი ჭირიანი ბავშვი ვყოფილვარ, ხშირად ვავადმყოფობდი, სანამ ენას ამოვიდგამდი, სულ ვღნაოდი. რით არ მიწამლეს, მაგრამ ვერაფერი მომიხერხეს. გამწარებულმა დედაჩემმა აღარ იცოდა, რა ექნა. ერთხელ, მოფერებისას, თურმე ყურზე მოუხვდა ხელი და დამიქცევია ქვეყანა. მიხვდნენ, ყური მანუხებდა.

სახლის უკან უზარმაზარი კირის ორმო იყო ამოთხრილი. სულ მაფრთხილებდნენ, არ მივკარებოდი, ჩაიფუფქებო. მეც შიშით გავერიდებოდი ხოლმე. ისე კი მიკვირდა, უცეცხლოდ როგორ დავინვებოდი. წვიმიანობისას ეზო იტბორებოდა. წყლის დასაწრეტად მამამ უზარმაზარი თხრილი გაჭრა, იმდენად ღრმა, გადაფოფხებაც კი მიჭირდა. ბევრ რამეს იმახსოვრებს ბავშვის გონება და გასაოცრად ღრმა სიბერემდე ინარჩუნებს. ჩემი სახელით შეწუხებულმა დიდმა ბაბუამ მამაჩემს გული გამოუღო, სასწრაფოდ ბავშვი მოვნათლოთ და სახელიც გამოუვცვალოთ. საოცარი კაცი იყო დიდი ბაბუა, ბავშვივით გულუბრყვილო, გულწრფელი, ტკბილად მოუბარი და სინდისიერი. ღრმად

მცოვანს მხედველობა და ყურთასმენა დააკლდა, გადაწყვიტეს, ქუთაისში ექიმთან წაეყვანათ. ეს მაშინ არც თუ ისე ადვილი საქმე იყო. ორმოცდაათიან წლებში ტრანსპორტი იშვიათობა იყო. ხან ფეხით, ხან ურმით და ხან მანქანით ქუთაისამდე ჩააღწიეს და ხელდამშვენებულები ექიმს მიადგნენ სახლში. ექიმი შორეულ ნათესავად გვერგებოდა, გასინჯა ბაბუა და წამლებიც გამოუწერა.

– თქვენი დიაგნოზია... – დაიწყო ექიმმა.

– არა, ბატონო, – არ დაამთავრებია ბაბუამ, – ჩემი სახელი დიანოზია.

ექიმს ღიმილი გაკრთომია სახეზე. იმ ღამით მასთან დარჩნენ. მეორე დილით ოჯახმა საუბრე გაუწყო სტუმრებს და ფინჯანით ჩაიც მიათვავს. უყურა, უყურა ორთქლავარდნილ ფინჯანს ბაბუამ და ოჯახის უფროსისთვის მიუმართავს:

– თუ ღმერთი გნამს, ღვინო რომ მოგიტანე, ის დამალევიწე, ჩემო ბატონო. რა გლეხის საქმეა ჩაი. ჩაის ჩემი დედაკაცი გაციებისას მასმევს ოფლის მოსადენად...

ხო, ჩემს სახელზე გართულება ჰქონდა ბაბუას, არაა ქართული სახელიო. მონათვლა არცთუ ისე ადვილი საქმე იყო მაშინ, თანაც საშიში. ეკლესია, ხატი და მღვდელი ხომ სასტიკად იკრძალებოდა. ერთ დღეს დედა მეძახის, შემოდი შვილო სახლში, მკურნალი ბაბუა მოვიდა, გამოგილოცავს და ავადაც არასოდეს გახდებო. შევედი სახლში, მაგიდის თავში ვიღაც შავწვერა, შავებით შემოსილი უცნობი იჯდა, ფეხზე წამოიწია და ჩემკენ წამოვიდა. შიშისგან გული კინალამ გამისკდა და ღრიალით კარს ვეცი. თხრილთან დამიჭირეს და მალულად მომნათლეს. მას მერე, დიდობამდე, ავადმყოფობას სერიოზულად არ შევუწუხებოვარ.

ებოში მომცრო ზომის თუთის ხე გვედგა. სპილოს ყურებით ფართო ფოთლები ჰქონდა გამობმული, მწიფობისას ხშირად ვსტუმრობდი. ერთხელაც ავბობდი და პირს ვიტკბარუნებდი. დახუნძლული ტოტის მოსაწევად მეტისმეტად გადავიზინიქე, თავი ვეღარ შევიმაგრე და ძირს მოვადინე ზღართანი, ავღრიალდი. მაშინ მოუნათლავი ვიყავი. ღრიალზე მეზობლებიც მოცვივდნენ, გამსინჯეს და გამომსინჯეს. ერთმა შავოსანმა ბრძენ-

ქალმა თქვა, ეს ხე მოჰადოებულაო. მისმა სიტყვამ შეინირა ის საოცრად ლამაზი ხე, მეორე დღესვე მოჭრა მამაჩემმა. დიდხანს გამყვა იმ ხის ტკივილი, მანუხებდა, მებრალებოდა. დიდობაში მის ადგილას თუთის ხე დავრგე და ასე გამოვისყიდე ჩემი დანაშაული. არა, არა, მეტი აღარ შემიძლია, საკმაოდ დამქანცველი ყოფილა წერა. წამოვიწიე, ფეხზე წამოვდექი, დაბუხებულმა სხეულმა შვებით ამოისუნთქა.

ქვიშის საათი კი ნელ-ნელა იცლებოდა, ისევ სანერ მაგიდას მივუჯექი, ისევ წარსულის ჩხრეკა დავიწყე. ასე მონაცვლეობით ხან დედუღეთში და ხან მამუღეთში მივუყვებოდი ბავშვობის უდარდელ გზას.

ერთ ჩვეულებრივ დღეს, დედუღეთში, როცა ჩემ მიერ მოგონილი თამაშებით გული ვიჭერე და მოწყენილობისგან აღარ ვიცოდი რა გამეკეთებინა, ეზოში ჩემი ტოლა ბიჭი შემოვიდა, ზოლებიანი პიჟამა ეცვა, მუხლსქვემოთ, შარვლის ტოტები უცნაურად იყო გამობერილი და ზონარით შეკრული. გამიკვირდა, ასეთი გასივებული ფეხებით როგორ დადის-მეთქი. გამეცნო, მე არსენა მქვიაო, მეც ვუთხარი ჩემი სახელი. ბებიაჩემის ძმის შვილიშვილი ყოფილა. შორს, სოფლის ბოლოს ცხოვრობდა. ბებიაჩემს უთქვამს, შენი ტოლა შვილიშვილი მყავს, გაგაცნობო. მარტობის გამო ხშირად ვიწყენდი და ბებიას ვებრალობოდი. იმ ბიჭსაც გახარებია და ამოვიდა ჩემს გასაცნობად. ჩამოვჯექით, თვალები სულ მისი ფეხებისკენ გამირბოდა. ვერ მოვითმინე და ვკითხე:

– ფეხები რატომ გაქვს ასე გასივებული?

– რაო, – ფეხებზე დაიხედა და ეშმაკურად გაიღიმა, – ხო, ძალზე მტკივა, ძლივს ამოვედი შენამდე, – მერე მოუსვენარი ცელქი თვალები შემომანათა. მიყურა, მიყურა, გადაიხარხარა და მოცელილივით გაგორდა მიწაზე.

კაი გვარიანი შიში ვჭამე. მალევე წამოიმართა, შარვლის ტოტებს ქვემოდან ხელი გამოკრა, საიდანაც უამრავი თხილი გადმოცვივდა.

– აბა შენთან ხელცარიელი ხომ არ მოვიდოდი, – თქვა ამაყად



ბევრი ვიცინეთ, მთელი დღე ვაკნატუნებდით თხილს. დავმე-  
გობრდით, სულ ერთად ვიყავით. ხან მე ვრჩებოდი მათთან  
სახლში და ხან ის რჩებოდა ჩვენთან. მხიარულად გადიოდა  
ზაფხულის დღეები. მეტად საინტერესო ბაბუა ჰყავდა არსენას,  
გვეფერებოდა და გვანებივრებდა. კარგად უკრავდა ფანდურ-  
ზე და კარგადაც მღეროდა, მეც მამღერებდა. ძალიან გვი-  
ყვარდა. ცხოვრების გაკვეთილებს გვიტარებდა, გვასწავლიდა  
ქცევის წესებს, თუ სად როგორ მოვქცეულიყავით. ერთხელ,  
თამაშის დროს, ჰიბიდან ორი კვასკვასა წითელი ვაშლი ამოიღო,  
ისეთი ლამაზი და სურნელოვანი, ნერწყვი მომადგა პირზე.  
გაუნოდა თავის შვილიშვილს და უთხრა: ერთი შენს მეგობარს  
მიეციო. არსენა დიდხანს დაჰყურებდა ვაშლებს. ერთი შედარე-  
ბით უფრო წითელი იყო, ლამაზი და დიდი. ვერ გადაეწყვიტა,  
რომელი გაემეტებინა. ბაბუაც ყურადღებით გვიცქერდა. ბოლოს,  
რომელიც ყველაზე ლამაზი იყო, მე გამომიწოდა. გაუხარდა  
ბაბუას, გულში ჩაიკრა ბიჭი. ასე, ჩემო შვილო, სტუმარს დიდი  
პატივისცემით უნდა მოეპყრა, სტუმარი ღვთისააო. რა კარგი  
ხანაა ბავშვობა და რა მალე მთავრდება. ბავშვური უბინოება  
რომ დიდხანს მიყვებოდეს კაცთა მოდგმას, დედამინა სამოთხეს  
დაემსგავსებოდა.

ზაფხული იწურებოდა, სექტემბრიდან პირველ კლასში უნდა  
შევსულიყავი. მთელი დღეები გართობა-თამაშში გაგვყავდა. ხან  
ბურთს დავდევდით, ხან მშვილდისრობანას ვთამაშობდით, ხან  
ხეებზე დავძვრებოდით, ხან ნალიაზე ავდიოდით და ხმამაღლა  
ვმღეროდით. ყველაფერი რომ მოგვწყინდა, წყაროზე ჩავე-  
დით, გაოფლილნი მივასკდით ყინულივით ცივ წყალს. ძალზე  
ცხელოდა, გადავწყვიტეთ წყაროში გვებანავა. საკმაოდ ღრმა  
იყო, მხრებამდე შემოგვწვდა. დიდხანს ვიჭყუმპალავეთ, ვიცელ-  
ქეთ, ვიყვინთავეთ. არადა, ორი დღის წინ ბებომ გამაფრთხილა,  
დედაშენი ჩამოდის, ფრთხილად იყავი, დალილავებული ნუ  
დახვდებიო. დალილავებული არ დაფხვდი, მაგრამ სიცხიანი კი.  
ჩვენმა ბანაობამ ყინულივით ცივ წყალში ორივენი გაგვაცია.

მეორე დღესვე სასწრაფოდ დავტოვეთ დედულეთი, ისე რომ,  
სიყრმის მეგობართან გამომშვიდობებაც კი ვერ მოვასწარი.

ზესტაფონის ავტოსადგურში ხის ძირში, ქვაზე ვიჯექი და სიცხიანი თვალებით ვიმზირებოდი. უაზროდ გავყურებდი მოფუსფუსე ხალხს. ჩემი ყურადღება ასევე ქვაზე ჩამომჯდარმა, შავოსანმა დედაბერმა მიიქცია. ავდექი და მასთან მივედი. ფეხებთან შუშის, მჟავე პამიდვრიანი ქილა ედგა. არანორმალურად მომინდა მჟავე პამიდორი. ბებოსთან მივედი, ქილას დავაცქერდი. შავი თავსაფრიდან ჭალარა თმა ჩამოშლოდა და საოცრად კეთილი, სევდიანი, თაფლისფერი თვალებით იმზირებოდა. გულთმისანივით გამიღიმა, ქილიდან პამიდორი ამოიღო და გამომიწოდა. ვჭამდი და ვჭამდი მწვანე პამიდორს. შენუხებელმა დედაჩემმა აღარ იცოდა, რა ექნა და ბოდიშებს იხდიდა, ბებო კი ღიმილს ვერ იკავებდა. როგორც იქნა, შევწყვიტე ჭამა, საოცარი შვება ვიგრძენი. ალბათ, სიცხიანია, თქვა ბებომ. დედა დაეთანხმა და მოუყვა თუ როგორ ვიბანავე ცივ წყაროში. ბავშვობაში ზომამე მეტად მორცხვი ვიყავი, დღესაც მიკვირს, როგორ მივედი ბებოსთან, ჩავეხუტე და შუბლზე ვაკოცე. თვითონაც მომეხვია, დამლოცა, ჯვარი გადამწერა და ლოყაზე მაკოცა. სანამ ავტობუსში ავიდოდი, კიდევ ერთხელ შევაავლე თვალი, თავსაფრის ბოლოთი ინმენდდა ლოყაზე ჩამოცურებულ ცრემლს. ეჰ, ვინ იცის, რა ტკივილებს ინახავდა ბებოს გული. არ ვიცი, პამიდვრის ბრალი იყო, თუ ბებოს დალოცვის, სახლამდე მისულიც არ ვიყავი, სიცხე რომ გამინელდა.

– მისმენ? თუ ჩემს აზრებს კითხულობ? ხმასავით მესმის შენი ნაფიქრალი.

– ყურადღებით გისმენ, შენს წასაყვანად ვარ მოსული, შენ კი შიშით აღარ ხარ. არ მოგწყინდა ცოდვებით დამძიმებულ საწუთროში ხეტიალი?

– არ მეგონა ზემოთაც თუ ხუმრობდნენ, მანახე ერთი, ვისაც სააქაო მოსწყენია. მხოლოდ უკიდურესად სწეულს თუ წამოსცდება სამდურავი. მეპატიჟები და არც ვიცი სად, გაურკვეველ, თვალით უხილავ, ბურუსით მოცულ შეუცნობელ მიღმიეთში. არ შეიძლება ცოტა რო გადავავადოთ? კიდევ დამიმატე დღეები.

– მევაჭრები? ურწმუნო ყოფილხარ, აბა რა გიპასუხო. გააგრძელე, გააგრძელე, ჩადი ბოლოში და მერე გადავწყვიტოთ.

– თუ გადამიდებ იქ წასვლას, კარგი იქნება, ძალზე ბევრი დაუმთავრებელი საქმე მაქვს.

– გააგრძელე, გააგრძელე...

– ერთი სათხოვარი მაქვს კიდევ.

– რა სათხოვარი?

– მირჩევნია მოგიტხო, ვიდრე ვწერო. ვიტანჯები, თვალი-თაც ვვლარ ვიხედები წესიერად, პატარა ხომ აღარ ვარ!

მცირე დუმილის შემდეგ უხილავმა თანხმობა განაცხადა:

– კარგი, მიაშბე...

ღმერთო, რა სასიამოვნო ხმა აქვს, არადა, როგორ მეშინოდა, შიშის სადღაც გაქრა...

ოჯახური მდგომარეობის გამო ოთხი სკოლა გამოვიცვალე. არ დამავიწყდება სოფლის დანყებით ოთხწლიან სკოლაში სწავლა. წვიმიანი დღეები სახალისო იყო, წყალი ჩამოდიოდა კლასში და მერხებს აქეთ-იქით დავარბენინებდით. კბილის ექიმის მოსვლისას ხომ თავდაყირა დგებოდა ყველაფერი. ექიმი ცხენით მოდიოდა, რუბენა ერქვა. ვინმე მოჰკრავდა თუ არა თვალს, დაჰკვივლებდა, რუბენა მოდისო, მაშინვე ფანჯრიდან თავპირისმტვრევით ვხტებოდით და თავს ვენახებს და ყანებს ვაფარებდით.

მძიმე დრო იყო, ჭირდა ცხოვრება, ჩანთების ნაცვლად ბავშვებს წიგნებით სავსე აბგები ჰქონდათ გადაკიდებული. ბევრი ფეხშიშველა დადიოდა სკოლაში. ჩვენი ყველაზე სუსტი წერტილი რუსულის გაკვეთილი იყო. არ გვესმოდა და ვიზებოდით. ერთხელ, მასწავლებელმა ჩემ გვერდით მჯდომს გაკვეთილი მოაყოლა. გაჭირვებით ჩაამთავრა, ბოლოს ეკითხება: აბა მითხარი *Морковь*<sup>2</sup> ქართულად როგორ ითარგმნებაო, მხრები აიწურა და მე შემომხედა. მე მგონი მაკარონია, მივამსგავსე ერთმანეთს სიტყვები. გაცეცხლებული მოვარდა მასწავლებელი და ისეთი სილა გააწნა, ნაპერწკალი გააყრევინა თვალებიდან, ჩემ გამო დაისაჯა ის საცოდავი ბავშვი. ძალიან განვიცდიდი მომხდარს, მრცხვენოდა, ვინ შექაჩებოდა ენაზე. ჩემი ჭკუით დავეხმარე.

<sup>2</sup> სტაფილო.

ჩვეულებრივად ვიზრდებოდი, როგორც სოფლის ყველა ბავშვი. შეძლებისდაგვარად ვეხმარებოდი მშობლებსაც, სიმინდის გამარგვლაც ვისწავლე და ვენახის მოვლაც, საძოვარზეც დამყავდა პირუტყვი, მაგრამ ფეხბურთის თამაშს არაფერი მერჩინა. ფეხბურთის გადამეტებული სიყვარულის გამო სწავლას მოვუკელი. დედამ სასწრაფო ზომები მიიღო და ქალაქში გადამიყვანა მამასთან. მამა ქალაქში მუშაობდა, იქ სახლი გვქონდა. ცვლიანი სამუშაო ჰქონდა და თავისუფალ დროს ჩამოდიოდა სოფელში. მამის დიდი ხათრი მქონდა, იყო რაღაც ბარიერი და თანასწორივით ვერც ვერასოდეს დაველაპარაკებოდი. ცვლილებებმა კარგი შედეგი გამოიღო. ვბრუნდებოდი და ტოლებში გავინავარდებდი ხოლმე. ჩვენგან მოშორებით, დაახლოებით ათი კილომეტრის სავალზე, ნაბლის დიდი ტყე იყო. ჩემი ტოლა ბიჭები ნაბლობისას ყოველთვის დადიოდნენ. მშობლები რატომღაც არ მიშვებდნენ. დიდი ხვენწა-მუდარის შემდეგ და თანატოლების ჩარევით მშობლებმა ნება დამრთეს, მეც მომეარა ნაბლოვანი. ჩემს სიხარულს საზღვარი არ ჰქონდა. შევთანხმდით, მესამე მამლის ყვილისას გავდგომოდით გზას. ასაკით ჩემზე დიდი ბიჭებიც იყვნენ, რომლებსაც არაეთხელ მოუვლიათ ტყე, გზაც კარგად იცოდნენ.

ღამით ჟინჯილებანთებულებმა გამომიარეს. ზურგზე საგზლიანი ჩანთა მოვიგდე და ბიჭებს ავედევენე. მივდიოდი და შიშნარევი თვალებით ვათვალიერებდი გარემოს, ღამის იდუმალება მაფრთხობდა. სიჩუმეს ჩვენი ფეხის ხმა და მდინარის ჩხრიალ-დუდუნი არღვევდა, ტალღების ნაპირზე შეხეთქება და ჩქერალების ჩქაფანი, რომელიც დღისით, ცხოვრების აყალმაყალში, არც კი იგრძნობოდა. მწკრივის ბოლოში ვიყავი, ბიჭებმა სიმღერა წამოიწყეს, ავეყვი. მივდიოდით და ღამის ბინადრებს ვაფრთხობდით. საკმაო გზა გავიარეთ, არცთუ ისე ბევრი იყო დარჩენილი ნაბლნარამდე. მოკლეზე რომ გავსულიყავით, სასაფლაო უნდა გადაგვეჭრა, შიშმა ამიტანა და არამართო მე, როგორც მერე გაირკვა. მხიარულებაც და სიმღერებიც მიჩუმათდა, ხმას არავინ იღებდა, გასუსული მივდიოდით. ღამით მკვდართა საუფლოსთან მიახლოება, არცთუ ისე ადვილი იყო

მოზარდებისთვის. უეცრად ჩემ წინ მიმავალი უკან გადმოქანდა და დამეჭახა, ძირს მოვადინე ზღართანი. ნაქცეულმა შევასწარი თვალი, თუ როგორ გარბოდა საფლავებს შორის თვალეზანთებული ურჩხულის მსგავსი ოთხფეხა არსება. გონის დაკარგვას აღარაფერი მაკლდა, საამქვეყნოზე ბიჭების ხარხარმა მომიყვანა. თურმე გზაბნეული, ჩაძინებული ხბო გავალვიძეთ, დაფეთებული წამოვარდა და ჩვენც შიშით დაზაფრულები პანტაპუნტით მოვეფინეთ მინას.

რამდენიმე კილომეტრის გავლის შემდეგ ტყეში ამოვყავით თავი, კიდევ დაგვათენდა. საკმაოდ შრომატევადი ყოფილა ნაბლის მოგროვება. სამხრობამდე ვეძებდით. გამოუცდელობის გამო ბევრი ვერაფერი მოვაგროვე. წავიხემსეთ და უკან დასაბრუნებლად მოვემზადეთ. ორად გავიყავით, ერთი საათის სიარულის შემდეგ ჩვენი ჯგუფის წინამძღოლი მიხვდა, რომ გზა აერია, დიდხანს ვიხეტიალეთ. ბინდებოდა, შიშმა ამიტანა. გავიფიქრე, თუ დროზე არ გავალწიეთ აქედან, მგლების ლუკმა გავხდები-მეთქი. როგორც იქნა ტყე შეთხელდა, შორს ტბას მოვკარი თვალი. შემოვბრუნდით და ლასლასით სოფლისაკენ მიმავალ გზას გავუყევით. მოგვშივდა, საჭმელი აღარ გვქონდა და ჩვენს მოგროვილ ნაბლს შევექცით. დამე იყო, სახლს რომ მივადექი. რახან ცოცხალი მივედი, მშობლებს, მეორე დღემდე, საყვედური არ დასცდენიათ. მშიერ კუჭზე ნედლი ნაბლის ჭამამ ყველას მუცლის გვრემა დაგვმართა, ტიკებივით ვიყავით დაბერილები. კარგა ხანს მოვუნდი გამოკეთებას. ის დღე იყო და ის დღე, ტყეში წასვლის სურვილი საბოლოოდ ამოვირეცხე გულიდან. ნაბლს ახლაც აღმაცერად ვუყურებ.

– ყველაფერი მოვყვე რაც თავს გადამხდენია?

– დიახ, ყველაფერი. რაო, გეზარება? წერა გეზარება, თხრობა გეზარება, იძულებული ვარ, შეგიმოკლო დღეები...

– არა, არა, – აფორიაქდა ბერიკაცი, – კი არ მეზარება, უბრალოდ გახსენებისთვის დრო მჭირდება.

– არავითარი დრო, გააგრძელე.

რომ მოვყვე, არავინ დამიჯერებს. ეჰ, ხელი ჩაიქნია, აწი ვიღას რას მოვუყვები...

იმ წელს ოთხნაღვეს ვამთავრებდი. ერთ დღეს, გაკვეთილების შემდეგ, სკოლის დირექტორმა, რომელიც, ამავე დროს, ქართულსაც გვასწავლიდა, ბიჭები შეგვკრიბა და გვითხრა: გალმა ფერდობზე ერთი პატარა ყანის ნაჭერი მაქვს გასათოხნი და თქვენი დახმარება დამჭირდებაო. ჩვენც, რა თქმა უნდა, დავთანხმდით, მიუხედავად იმისა, რომ ყანის თოხნა-გამარგვლის დიდი გამოცდილება არ მქონდა. ის კი არა და გამიხარდა, თურმე მეც შემძლება დირექტორისთვის რაღაც დახმარების განევა... მეორე დღეს ჩვენი თოხებით გამოვცხადდით მასწავლებელთან. პატარა ნაჭერი კი არა, მთელი ფერდობი იყო გასათოხნი. გული შემინუხდა, ამას რა მოამთავრებს-მეთქი. დღის ბოლომდე გავედით ბოლოში. ჩემი თავის მიკვირდა, ნუთუ ეს მე შევძელი? ამდენხანს თოხი არასოდეს მჭერია. კი დავიქანცე, მაგრამ კლასელებთან ხომ არ შევირცხვენდი თავს. ისე, რაც მართალია მართალია, ძალიან გამიჭირდა. მკლავებს ძლივს ვამოძრავებდი.

როგორც წესი, ნაღს სუფრა მოჰყვება ხოლმე. შესანიშნავი პურმარილი გავიშალეს. მოშიებულები ვიყავით, გვარიანად შევექეცით. ჩემს გაკვირვებას საზღვარი არ ჰქონდა, როცა მასპინძელმა მაგიდაზე ხელადებით ღვინო ჩამოდგა. ჯერ გამიკვირდა, მერე კი რაღაცნაირი სიამაყე ვიგრძენი, ლამის ტოლსწორად გვთვლიდა მასწავლებელი. არადა, მხოლოდ მეოთხე-კლასელები ვიყავით. შეგვივსეს სათითურივით პატარა ჭიქები. დაგვლოცა მასპინძელმა, გავიხედე კლასელებისკენ, ყველამ წაატანა ჭიქას ხელი, შევსვით. დიდად არ მომწონებია მომჟავო ღვინო, ლიმონათი მერჩინა. ეს იყო ჩემი პირველი შეხვედრა და გაცნობა ღვინოსთან, პირველ ჭიქას მეორე მოჰყვა, მეორეს მესამე... სიმჟავეც გაქარწყლდა. გავმხიარულდი, დაქანცულობაც სადღაც გაქრა. ისე მსუბუქად ვგრძნობდი თავს, თითქოს ფრთები შემსხმოდა.

სახლამდე სულ სიმღერით მივედით. ჭიშკარს რომ მივუახლოვდი, ჩემდა გასაკვირად, მინამ ტორტმანი დაინყო, მერე ცა ამოტრიალდა, ფეხქვეშ გამეფინა და ფრთებშესხმულივით უკიდევანო ცის ოკეანეში გადავეშვი. ორი დღე მოვუნდი მინაზე

დაბრუნებას. სულ მიკვირდა, ღვინო როგორ დაგვალევიანა მასწავლებელმა. ასეთი იყო ჩემი პირველი შეხვედრა ღვინოსთან, ამ საოცარ, ღვთივკურთხეულ მაკურნებელ სითხესთან.

ღრო გადიოდა, უბრუნველი ბავშვობის წლებიც დრომ გაიყოლა. სკოლას ვამთავრებდი, სიჭაბუკის ხანა დამდგარიყო. ოჯახში მოვითათბირეთ, სწავლა უმაღლეს სასწავლებელში გამეგრძელებინა. იურიდიული ფაკულტეტი ავირჩიე. მე და დედა გავემგზავრეთ ქალაქში, შორეული ნათესავი მოვძებნეთ და დროებით მასთან დავმკვიდრდით. დედაქალაქში მხოლოდ ერთხელ ვიყავი ნამყოფი, ისიც გავლით. მამაჩემს ქარხნიდან მანგლისში, ბავშვთა სანატორიუმში, დასასვენებელი საგზური მისცეს. სანატორიუმის გარდა პიონერთა ბანაკებიც იყო, უამრავი ჩემი ტოლა მეგობარი გავიჩინე. შესანიშნავი ადგილი იყო, სუფთა და მოვლილი, მაგრამ, ჩემდა სამწუხაროდ, დიდხანს ვერ დავრჩით. დედაქალაქში ქოლერა გაჩნდა და მამაჩემმა სასწრაფოდ დამატოვებინა სანატორიუმი კარანტინის გამო. რის ვაი-ვაგლახით გავაღწიეთ დედაქალაქიდან. კაცი ჩაფიქრდა, მობორიალე აზრებს ალაგებდა, დიდხანს მოუწია დაყოვნებამ.

– რა ხდება, ხომ არ ჩაგეძინა, – შეეხმიანა მკრთალი ლანდი.

– რა ჩამაძინებს, თავის ტკივილი მკლავს, ეს დღეები სულ თავი მტკივა. თუ გასასვლელი ვარ აქედან, ხომ არ სჯობია, ბარემ გამიყვანო. ტკივილებისგან მაინც გავთავისუფლდები. ასაკი, სიბერე და უძლეულება მოსაბეზრებელია. სხეულის თითქმის ყველა ორგანო შეფეროთხილია. მარტო მე კი არ ვწუხვარ, სხვებსაც ვაწუხებ.

– გააგრძელე, გააგრძელე, შენთვის არც მოსვლა უკითხავთ და არ წასვლას შეგეკითხებიან.

ძალიან მომეწონა დედაქალაქი, ხალხით სავსე ქუჩები, შენობები, ჩემთვის ყველაფერი უცხო იყო და დიდი ინტერესით ვათვალიერებდი. განსაკუთრებით რუსთაველის პროსპექტი, მისი ღირსშესანიშნაობებით, ლალიძის წყლები და უგემრიელესი ხაჭაპურები მომეწონა.

სამწუხაროდ, იმ წელს მისაღები გამოცდები ვერ ჩავაბარე, არ მეყო ცოდნა. ოჯახურ თათბირზე გადაწყდა, სათანადოდ

მოვმზადებულიყავი და მომდევნო წელს მეცადა, ოღონდ სალამოს დასწრებულზე, საამისოდ კი დედაქალაქში უნდა ჩავწერილიყავი. მოკლედ, დედაქალაქის მკვიდრი უნდა გავმხდარიყავი. ჩაწერა დიდ სირთულეებთან იყო დაკავშირებული. მოკლედ, თბილისელი გავხდი. დავსაქმდი, თან მოსამზადებლად მასწავლებლებთან დავდიოდი. თავს არ ვიზოგავდი, მაგრამ რად გინდა, სამხედრო სავალდებულო სამსახურში განვევის დრო მოდიოდა. შეიძლებოდა თავის არიდება გარკვეული თანხის სანაცვლოდ, მაგრამ ასეთი თანხა მუშათა კლასის წარმომადგენლებს საიდან გვექნებოდა.

დილით ექვს საათზე ვდგებოდი, წავიხემსებდი და სამსახურში გავრბოდი. ხარატის მოსწავლედ ამიყვანეს. ეროვნებით რუსი, მხიარული კაცი იყო ოსტატი. ერთხელ სოფლიდან ორნახადი ჭაჭის არაყი ჩამოვუტანე. ჭკუიდან შეიშალა. ჩარხთან ახლოს მაგიდა გამითავისუფლა და მითხრა, დაჯექი და იმეცადინეო, იურისტ კაცს ჩარხი რა ჯანდაბად გინდაო. ერთი ჩართვაგამორთვას გასწავლი, ეგეც გეყოფაო. ძნელი წარმოსადგენი არ არის, ათეულობით ჩარხი ერთბაშად რომ ჩაირთვებოდა, გონების როგორი დაძაბვა იქნებოდა საჭირო, რომ რამე გესწავლა. მაინც ვახერხებდი, სალამოს მასწავლებლებთან დავდიოდი. ერთხანს ასე გაგრძელდა, მერე კომისარიატში გამომიძახეს, რადიოლოკაციის კურსების შესასწავლად. ჯარისთვის მამზადებდნენ. ამდენს კი უკვე ვეღარ გავუძელი. ქარხანა, მასწავლებლები და კიდევ რადიოლოკაციის კურსები. მამაჩემს ვუთხარი, არაფერი გამოვა ამ საქმიდან-მეთქი. უმჯობესია სამხედრო სამსახური მოვილიო და მერე გავაგრძელო სწავლა. თანაც ორწლიანი სამხედრო სტაჟი მექნება, იურიდიულისთვის ზედგამოჭრილი. ასეც მოვიქცით. მასწავლებლები შეწუხდნენ. ქართულის პედაგოგმა მითხრა, რომ ჩამოხვალ, პირველი ნაწილის მომზადების ფულს არ გამოგართმევო.

რაიონიდან მშობლებმა გამომაცილეს. რკინიგზის სადგურზე ვიდექით, დედაჩემი მალულად იწმენდდა ცრემლებს, მამაჩემი უბრად იყო. ვფიქრობდი, ნუთუ სათქმელი არაფერი აქვს-მეთქი. ორი წუთიღა იყო დარჩენილი მატარებლის გასვლამდე, დედამ



გულში ჩამიკრა და ცრემლიანი ლოყებით სახე დამინამა. ყელში ბურთი გამეჩხირა, ძლივს შევიკავე თავი, ცრემლები რომ არ წამომსვლოდა. მამაც მოვიდა, გადამეხვია და გადამკოცნა. ეს იყო მამის პირველი კოცნა თვრამეტი წლის განმავლობაში. მკაცრი და სამართლიანი კაცი იყო, ფამილარობის მოძულე. გამიხარდა, თურმე ვყვარებივარ. ბეჭებზე ხელი დამარტყა და ვაგონისკენ მიბიძგა. აბა შენ იცი, ჭკუას მოუხმე, ფრთხილად იყავი, ორი წელი მალე გავაო.

თბილისიდან არავის გავუცხილებივარ. სამგორში გაგვანანილეს და ვაგონებში ჩაგვსხეს. ჩემი ტოლა ბიჭები იყვნენ, ზოგი ჩემზე უფროსი. გავიცანით ერთმანეთი, ვაგონის მესამე იარუსზე მოვთავსდი. იყო გაუთავებელი ყაყანი და მისვლა-მოსვლა. ფიზიკურად და ემოციურად დაღლილს მალე ჩამეძინა. გამთენიისას გამელვძიდა, მატარებლის ბორბლების მონოტონური დაგადუგი ისმოდა. ფანჯრიდან მარილისფერი ტრიალი მინდვრები ჩანდა, უსახური და უკაცრიელი.

ცოტა ხანში ბაქოს მიაკვილა მატარებელმა. ჩამოგვსხეს, გაგვამწკრივეს და პორტისკენ გავუყევით გზას. არ მესიამოვნა, მე უფრო რუსეთის გაცნობა მენადა. სიცხის აუტანლობის გამო შუა აზია მზაფრავდა. პორტში პატარა ზომის გემზე გადგვსხეს, ასი კაცი ვიყავით საქართველოდან. პირველად ვნახე ზღვა, გემით მოგზაურობაც პირველი იყო. ყველაფერს ეჩვევა ადამიანი, თვალი ზღვასაც შეეჩვია და გემსაც, პირველი შიშაც გაქრა. ზღვაზე მეტად მასში ამოსვეტილმა კოშკებმა – ნავთობის ჭაბურღილებმა გამაოცეს. მიკვირდა, როგორ ჩერდება წყალზე, როგორ დაამაგრეს-მეთქი.

ყველაზე დიდი გაოცება ზღვის მეორე ნაპირმა გამოიწვია. გემზე კიბე ჩამოუშვეს და ნაპირზე გადავედით. ბევრი ჩვენგანი ზღვაშიც შეტყაპუნდა, სახეზეც შეისხეს წყალი, გაგრილდნენ. დამთრგუნავი იყო სანაპირო – თაკარა მზე, გადახრუკული გარემო, არცერთი ხე, მხოლოდ კავშირგაბმულობის ბოძები. არც ბალახი. სილა, სილა და სილის გორები. შემეშინდა, ღმერთო, აქ არ დამტოვო-მეთქი. ისევ დაგვამწკრივეს, გავუყევით გზას.

რკინიგზის სადგურს მივუახლოვდით. პატარა სადგური

იყო, რამდენიმე შემადგენლობა იდგა. ვაგონები თბომავალს იყო ჩაბმული და ხანდახან ჭვარტლიანი ბოლი ამოიფრქვეოდა. ირგვლივ მიმოვიხედე, ჭრელაჭრულა კაბებით შემოსილმა პატარა გოგონებმა მიიქციეს ჩვენი ყურადღება. უცნაურად იყვნენ გაკრეჭილნი, შუბლიდან კეფამდე და ყურიდან ყურამდე საკრეჭი მანქანა იყო გადატარებული – ჯვრის ფორმის. როგორც შემდეგ ამიხსენეს, ამგვარად გაკრეჭილნი წამოზრდილ თმას ადვილად ინწავდნენ.

შეგვყარეს ვაგონებში და გავუდექით გზას, რომელიც არც ვიცოდით, სად მიგვიყვანდა. ცოტა ხანში ვაგონში ვაშლი ჩამოატარეს, რომელსაც ძალზე იაფად ყიდდნენ. ის იყო უნდა შეგვეძინა, რომ მეთაურმა კინწისკვრით გაყარა მოვაჭრენი და გვიყვირა: არ მიეკაროთ, დიზენტერიას აიკიდებთო. პირველად გავიგონე მაშინ სიტყვა დიზენტერია, რომელმაც სულ მალე შემახსენა თავი.

მეშვიდე დღეს მივადექით დანიშნულების ადგილს. გადმოგვსხეს ვაგონებიდან. ღამე იცრიცებოდა. დაგვამწკრივეს ასი კაცი და არეული ნაბიჯებით გავუყევით გზას. დაგვათენდა. პატარა დასახლებაში შევედით, ერთსართულიანი თეთრად შეფეთქილი სახლები ჩამწკრივებულიყო გზის ორივე მხარეს. თვალში მომხვდა ურიცხვი წყლის საქაჩები და მწირი მცენარეულობა. უწყლო ქვეყანაში მოვხვდით. მივხვდი, რომ მავნე კლიმატის გამო ძალზე რთული იქნებოდა აქ სამსახური. როგორც შემდგომ გავარკვიე, კონტინენტური ჰავა იყო – ზაფხული ცხელი, ზამთარი გრძელი და ყინვიანი.

ერთ შენობასთან გაგვაჩერეს, რომელზეც დიდი ასოებით, რუსულად, ეწერა აბანო. დაგვშალეს, დაგვაცალკევეს, თმა გადაგვპარსეს და შეგვრეკეს აბანოში. უცნაური აბანო იყო, უშხაპო. ტაშტებით იყო იქაურობა მოფენილი, ავაკსებდით წყლით და გადავივლებდით ტანზე. მერე სამხედრო ფორმა ჩაგვაცვეს. სასაცილოდ გამოვიყურებოდით, ყველანი თავგადაპარსულნი, ხაკისფერი ტანსაცმლით შემოსილნი, ერთმანეთს ველარ ვცნობდით. იყო რია-რია, გადაძახილ-გადმოძახილი.

ნეტავ რატომ მაყოლებს? დავიღალე ამდენი ქაქანით, ნუთუ

არ მოსწყინდა ან არ დაიღალა? გაიფიქრა ბერიკაცმა. და ისევ ხმა:

– გააგრძელე, გააგრძელე, ბევრი აღარ დაგრჩა, მალე გადაწყდება ყველაფერი.

სხვა რა გზა იყო, ისევ გავაგრძელე თხრობა.

მიგვიყვანეს სამხედრო ნაწილში, დაგვირიგეს ნემსი, ძაფი და სამხრეები სამხედრო ფორმაზე მისაკერებლად. მე არაფერი გამომივიდა, ვერაფრით ვერ მივაკერე სამხრე. ხან მხრის წინ გადმოდიოდა და ხან მხრის უკან. შევეცოდე სანოლის მეზობელს და თვითონ დამიკერა. სანოლები კი უცნაური იყო, ორსართულიანი. ორი ბენარი – ერთი სანოლზე გასაშლელი, მეორე ზემოდან გადასაფარებელი და „ადეალა“. იმ დღეს ბევრი არაფერი გაგვიკეთებია. ვსწავლობდით ფეხზე სახვევების შემოფენას. ზოგმა ადვილად აითვისა, ბევრს გაუჭირდა. არადა, თუ წესიერად არ შემოიხვევდი, ჩექმა ფეხზე ტყავს გაგაძრობდა.

იმ დღეს ჩვენს ნებაზე ვიყავით, არავის შევუწუხებოვართ. მერე სადილზე წაგვასხეს, თითო მაგიდას ათი კაცი უსხდა. სანამ მთელი შემადგენლობა არ შემოვიდა, ფეხზე ვიდექით. დამერწმუნეთ, არ არის ადვილი მშიერი კაცისთვის განწყობილი სუფრის ყურება. როგორც იქნა გაისმა დასხდომის ბრძანება, მაგრამ რად გინდა, წყალწყალა ბორში, რაღაც ფაფა და კომპოტი. საშინელი საჭმელი იყო, ვერაფერს პირი ვერ წავაკარე. ვიფიქრე, კომპოტს მაინც დავლევ და პურს მივაყოლებმეთქი. გული კინალამ ამერია, რკინის ფინჯანში მოცურავე მატლები რომ დავინახე. მხოლოდ ორი ნაჭერი პური შევჭამე. ისედაც აბზილაკი მჭამელი ვიყავი, როგორც დედა ამბობდა ხოლმე და ასეთმა საჭმელმა მთლად მომიღო ბოლო. სხვა გზა არ იყო, უნდა შევჩვეოდი. შეგუება მიჭირდა, ძალზე გავხდი...

ჯარში ყველაფერი ბრძანებებით სრულდება, ათ წუთში გამოგვრეკეს გარეთ. მივაშურეთ ჩვენს ყაზარმას და არაქათ-გამოცლილებს მალევე ჩაგვეძინა. დილის ექვს საათზე ხრინ-ნიანი მამლის ხმის მსგავსმა შეკივლებამ გამოგვაღვიძა:

ასეულო, ადექი! – გაჰკიოდა ჩემზე მეტად ჩამომხმარი, დაბალჩინიანი ოფიცერი.

წამოვიზღაბნეთ, ძლივს მოვახერხეთ ჩაცმა, განსაკუთრებით

ფეხის სახვევებმა და ჩექმებმა გაგვანვალეს. ერთმანეთს ვე-  
ჯახებოდით, ვბორძიკობდით და ძირს მწიფე მსხლებივით ვეხეთ-  
ქებოდით. რის ვაი-ვაგლახით ჩავდექით მწყობრში. ხრინწიანმა  
ხმის პატრონმა, თეძობებზე ხელები შემოიჭდო, ბოლთის ცემას  
მოჰყვა, თან გვესაუბრებოდა.

– ახალგაზრდებო, ჯარში ხართ და ყველაფერი ისე უნდა  
შეასრულოთ, როგორც ჯარს შეეფერება. სამხედრო სამსახურში  
ხართ და სამხედრო წესებს უნდა დაემორჩილოთ. ჩაცმის დრო  
ორმოცდახუთი წამია.

ისევ გვიბრძანა დაწოლა, ისევ ვერ ჩავვტიეთ დროში. ერთი  
სამჯერ დაგვანვინა და აგვაყენა.

გადიოდა დრო და ნელ-ნელა ვეჩვეოდი სამხედრო სამსა-  
ხურს. ძალზე გამიჭირდა ჯარისკაცულ სადილთან და კლიმატ-  
თან შეგუება. ასეთმა კვებამ, ცისტერნებით მოზიდულმა წყალ-  
მა და უსუფთაობამ დიზენტერია დამმართა. დაავადებულები  
ცალკე ყაზარმაში გადაგვიყვანეს, სიცხე ორმოცს ასცდა, რასაც  
საშინელი კუჭის აშლა მოჰყვა. ძლივს ვასწრებდით თუალეტამდე.  
სალამოს ნაწილის უფროსი შემოვიდა შემოწმებაზე. გამიზომეს  
სიცხე, თერმომეტრი ორმოცდაორს აჩვენებდა. სასწრაფოდ  
მანქანა, დაიღრიალა უფროსმა. ხუთი წუთის შემდეგ, საბარგო  
მანქანაზე ჩემი საწოლიანად შემაგდეს და გზას გამიყენეს.

მიგრინინებდა მანქანა სტეპში, მხოლოდ ვარსკვლავებით  
მოჭიქულ ცას ვხედავდი. ნუთუ ასე ხანმოკლე უნდა ყოფილიყო  
ჩემი ცხოვრება, მე ხომ ჯერ არაფრისთვის მიმიღწევია. სახლი  
გამახსენდა, ოჯახის წევრები, კიდევ კარგი დედაჩემი ვერ ხედავს  
ჩემს მდგომარეობას, გული გაუსკდებოდა საწყალს.

გათენებას ბევრი არაფერი აკლდა სამხედრო ჰოსპიტალს  
რომ მივუახლოვდით. გადმომსვეს მანქანიდან, შევედით მისა-  
ლებში. გულმოდგინედ გამსინჯეს, სიცხეც გამიზომეს. თეთრ-  
ხალათიანმა თავი გადაიქნია და დაიძახა: ალთინაი! ახალ-  
გაზრდა ტანთხელი, აზიური გარეგნობის გოგო მოცქრიალდა,  
მას ჩამაბარეს. გამომყვეო, მითხრა. პატარა ოთახში შემიყვანა,  
ისტორია გახსნა. რაღაცებს მეკითხებოდა და ჟურნალში იწერდა.  
სასიამოვნო გოგო იყო, სულ ილიმებოდა. შებორკილი ვიყავი.

რაც ჯარში ვმსახურობდი, ქალთან ასე ახლოს არასოდეს ვყოფილვარ. ხომ არ გეშინიაო. როგორ ვეტყვოდი რომ მეშინოდა. აბა, მუცელზე დანეჭი და შარვალი ჩაიწიე, ნემსი უნდა გაგიკეთოთო. ახალგაზრდა ლამაზი გოგოს წინაშე უკანაღლის მოშიშვლების შემრცხვა, თანაც მართლა შევშინდი, არასდროს არ მქონდა ნემსი განაკეთები. მერე რაღაც ტაბლეტები გადამაყლაპა, ნახევარი ქილა გლუკოზაც დამალევიანა. ისეთი უჩვეულო სიტუაცია იყო, სულ დამავინწყდა ავადმყოფობა. ამ პროცედურებს რომ მოვრჩი, მითხრა: გამომყევით. გავიარეთ გრძელი დერეფანი, ბოლოს საშხაპესთან შევჩერდით. შედი, დაიბანე, ტანსაცმელი კი სკამზე დააწყვეო. შევედი და პირველად ამ ხნის განმავლობაში ადამიანურად ვიბანავე. რომ გამოვედი, სკამზე ტანსაცმელი აღარ დამხვდა, მხოლოდ გრძელი, ზოლებიანი ნიფხავ-პერანგი იყო გადაფენილი. შარვლის მსგავსი გრძელი ნიფხვის წინა მხარეც ჩახსნილი იყო და უკანაც, თასმებით იკვრებოდა. დამიძახეს, რა ქენი, ჩაიცვიო. როგორც იქნა მოვირგე, სირცხვილით ანურული გარეთ გამოვედი. ალთინაი კი იდგა დერეფანში და იცინოდა. მერე პალატაში შემეყვანა და სანოლზე მიმითითა. ყველაფერი ისეთი სუფთა და გაკრიალებული იყო, კურორტზე, სხვა სამყაროში მეგონა თავი. ალთინაიმ მალე გამოჯანმრთელება მისურვა და დამტოვა.

ოცდაერთი დღე დაყვავი ჰოსპიტალში, ეს იყო ბედნიერებისა და ადამიანური ცხოვრების ნათელი დღეები. ავადმყოფობა ვიღას ახსოვდა, გაკრიალებული, შარიშურა თეთრეული, ბზილა თეფშები, ჭიქები, ჩანგლები, კოვზები და ფაიფურის ფინჯანით ჩაი. ყველაფერს ამას დანატრებული ვიყავი. გამახსენდა სამხედრო სასადილოს ცხიმიანი რკინის ჯამ-ჭურჭელი, რომელიც ხელიდან ცურავდა და გულზე შემომანვა, მენანებოდა ჰოსპიტლის დატოვება.

დავბრუნდი სამხედრო ნაწილში. მალე შუა აზიის უმაღლესი სამხედრო უწყებიდან ჩვენთვის გასახარი ბრძანება მოვიდა. დილით მოედანზე გამოგვიცხადეს, ოცდაოთხ საათში უნდა დაგვეტოვებინა ღმრთისგან დავინწყებული ეს მრუმე დასახლება.

ერთი ღამის მგზავრობის შემდეგ ეშელონიდან გადმოგვს-

ხეს და სამხედრო ნაწილში მიგვიყვანეს. წინასთან შედარებით შესანიშნავი ადგილი იყო. უზარმაზარი მდინარე, რომელშიც სამდინარო გემები დაცურავდნენ, ქუთაისისხელა ქალაქს ორ ნაწილად ყოფდა.

სამხედრო ნაწილი აეროდრომთან ახლოს იყო, ისეთი ხმაურით ფრინდებოდნენ და სხდებოდნენ ზებგერითი სამხედრო თვითმფრინავები, ყაზარმები ზანზარებდა. ძილში რამდენჯერ წამოვვარდნილვარ შიშით. მალე შევეჩვიე და მთელი დღის ნაჯაფარს თვითმფრინავების ღმუილი იავნანასავით ჩამესმოდა.

ასი უღვაშებშეღერებული, ძალ-ღონით სავსე ქართველი ჭაბუკი ვმსახურობდით ნაწილში. სამი თუ ოთხი სომეხი, ამდენივე ბერძენი, ერთი აზერბაიჯანელი და ოთხი აფხაზი. აფხაზები ახლოს არ გვეკარებოდნენ. მათ შორის იყო ერთი უცნაური ახალგაზრდა, გვარად იოსელიანი. მიკვირდა და ვეუბნებოდი, იოსელიანი აფხაზი როგორ ხარ-მეთქი. თავს იკლავდა, აფხაზი ვარო. მერე შემოგვეჩვია, ცოტაოდენი ქართულიც ისწავლა. ძნელი დასაურვებელი იყო ამდენი ქართველი ერთად. ხან ერთი გაიპარებოდა ქალაქში და ხან მეორე. იყო ძებნა და ვაი-უშველვებელი.

ერთ დილით, ბატალიონის უფროსმა, პირადი შემადგენლობის დათვალიერებისას იკითხა, თუ რა სიტუაცია იყო ნაწილში. საკუთარი საღორე ჰქონდა ნაწილს და პირველად ყოველთვის ღორებს მოიკითხავდა – ღორები ჯარისკაცებზე მეტად უყვარდა. მოახსენეს, რიგითი გუმბა აქამდე არ გამოჩენილაო. განრისხდა, გადაირია, როგორც კი გამოჩნდება ეგრევე კარცერშიო.

– Выйдут для́дъ здесъ Гумба, Цумпа...<sup>3</sup> – რასაც ცხრასართულიანი გინება მოაყოლა.

მართლაც შესანიშნავი საღორე მოაწყო, შვილებივით უვლიდა. მეღორეებად რუსები დანიშნა, მაგრამ თვეში ერთი-ორი მაინც ეკარგებოდა. გამოყარა რუსები, ახლა ქართველები დანიშნა. იგივე განმეორდა. იმიზებდნენ, რაღაც უცნაური სენია შემოჩენილი, ჩვენ რა ვქნათ, მოვლას არ ვაკლებთო. ბიჭო, რაღა მაინცდამაინც გოჭებს დარია ხელიო. ძალიან კარგად ხვდებოდა ნაწილის უფროსი რომ არანაირი ჭირი არ იყო. მომვლელი

<sup>3</sup> ამის დედაც... გამოვლენ აქ გუმბა, ცუმბა.

მელორეები ისე დამრგვალდნენ და გამშვენიერდნენ, გადაადგილებაც კი უჭირდათ. მე თქვენ გიჩვენებთ ჭირსო, დაიქაღნა ნაწილის უფროსმა და რუსებს ქართველებიც მიაყოლა, ღორების მოვლა კი უბბეკებს მიანდო. იმ დღიდან დამთავრდა ჭირიანობა, შვებით ამოისუნთქეს ღორებმაც და ღორების მოყვარულმა ნაწილის უფროსმაც. გახარებული იყო, აქამდე როგორ ვერ მოვიფიქრე, მუსულმანები ხომ ღორის ხორცს არ ჭამენო?!

ერთ დღით, შეკრებაზე, ნაწილის უფროსმა ქართველებისთვის გასაკვირი რამ ბარ-ზეიმით გამოაცხადა:

– Усы носить разрешается только грузинам.<sup>4</sup>

გადაირივნენ ბიჭები, ყველამ მოუშვა ულვაში. განსაკუთრებით თვალში საცემი იყო ერთი ჩვენი თანმემამულის ულვაში, რომელიც მეტად მოხერხებული, ოინბაზი, ენაკვიმატი და ხუმარა ახალგაზრდა იყო. რას არ მოიგონებდა, ულვაში იმსიგრძეზე ჩამოუშვა, ნიკაპს გასცდა, რაღა სააკაძის და რაღა მისი ულვაში. ერთ დღით, მორიგი სამწყობრო დათვალიერებისას, ნაწილის მეთაურმა მწკრივის წინ ჩამოიარა და გრძელუღვაშასთან შეჩერდა, გაოცებისგან კინალამ თვალები გადმოცვივდა:

– Товарищ солдат, выйти из строя.<sup>5</sup>

გრძელუღვაშა გამოვიდა.

– Блядь, что за усы? немедленно стричь.<sup>6</sup>

– ამხანაგო პოლკოვნიკო, ჩვენ ქართველებს...

– Молчать, – დაიღრიალა, – Бегом в быткомнате, немедленно стричь усы.<sup>7</sup>

გამოვარდა გრძელუღვაშა და მეგრულად, მამაპაპურად შეუკურთხა:

– სკანდიდა... – ჩაამთავრა და გაიქცა.

– Стой товарищ солдат, никакой скандинавия...<sup>8</sup>

სიცილისაგან დაოსებული ქართველები კინალამ დავცვივ-

<sup>4</sup> ულვაშის ტარება შეუძლიათ მხოლოდ ქართველებს.

<sup>5</sup> ამხანაგო ჯარისკაცო, გამოდი მწყობრიდან.

<sup>6</sup> ამის დედაც, ეს რა ულვაშია, დაუყოვნებლივ გაიპარსე.

<sup>7</sup> გაჩუმიდი! სირბილით საყოფაცხოვრებო ოთახში, დაუყოვნებლივ გაიპარსე ულვაში.

<sup>8</sup> სდექ ამხანაგო ჯარისკაცო, არავითარი სკანდინავია...

დით. იყო ერთი ხარხარი და ხორხოცი. ჯერ გაუკვირდა პოლკოვნიკს, მერე კი თვითონაც გადაიხარხარა, ეს რა მოსწრებული რამ ვთქვიო.

ნახევარი საათის შემდეგ დაბრუნდა ულვაშყოფილი და მეთაურთან სირბილით მივარდა.

– Разрешите встать в строй.<sup>9</sup>

შეხედა პოლკოვნიკმა ჯარისკაცს და ისეთი ჩაბჭირდა გვეგონა ნაიქცეოდა. უკულმართ ჯარისკაცს ულვაშები ჰიტლურვით დაეყენებინა.

– Блядъ, эти Грузины что только не придумывают.<sup>10</sup> – მოუქცია სალდაფონურად პოლკოვნიკმა.

კარგა ხანს ჰქონდათ ჯარისკაცებს სკანდინავია სალაპარაკოდ. ორი დღის შემდეგ ჰიტლურის ულვაშიც მოაპარსინეს.

– მეგობარო! მეგობარო! – მიმოიხედა, ვერავინ შენიშნა, – მე თქვენი სახელი არ ვიცი და იძულებული ვარ, ასე მოგმართოთ, სად ხარ?

მკრთალი ლანდი არსად ჩანდა.

– არ ვიცი სად ხარ, ვერ გხედავ. კარგი, იყავი, სადაც ხარ. რა მნიშვნელობა აქვს, ისედაც გესმის ყველაფერი. როგორც მოვახერხე, ისე გაუწყე ჩემი ცხოვრების შესახებ, ზოგი სამხიარულო, ზოგი სევდის მომგვრელი, უმეტესი კი სათქმელი დამრჩა. გულახდილად რომ გითხრა, ძალიან დავიღალე, ლოდინმა დამღალა და შეუცნობლის შიშმა. მომწყინდა, მეტს აღარაფერს გიამბობ. ან რა საჭირო იყო ამდენი აბდაუბდის თხრობა. თავდაპირველად მართლაც შემეშინდა, რომ მითხარი უნდა წაგიყვანო, ახლა აღარ მეშინია, ახლა მე გეხვეწები – წამიყვანე! კაცი რომ სიხარულის განცდას დაკარგავს, ყველაფერი ბებრდება, ამქვეყნიური ცხოვრებაც კი. გეხვეწებოდი, ცოტა მადროვე-მეთქი, მაგრამ აღარ მინდა, უსიხარულო ცხოვრება რა ცხოვრებაა, დარდმა და ნალველმა მომიღო ბოლო. იცი რა ხდება ჩემს ქვეყანაში? სამოთხის მსგავს ქვეყანაში, რომელიც დღეს უპატრონოდაა მიგდებული? მებრალეობა დიდი წარსულის მქონე დაბეჩავებუ-

<sup>9</sup> მწყობრში ჩადგომის ნება დამრთეთ.

<sup>10</sup> ამის დედაც, რას არ მოიფიქრებენ ეს ქართველები.



ლი ქვეყანა, სადაც საშინელი ქაოსია, სადაც საშინელი გაუტანლობა და ურთიერთმტრობაა. ეზიზღებათ ერთმანეთი, კლავენ ერთმანეთს, გარბიან ქვეყნიდან, დაკარგეს სამშობლოს განცდა და სიყვარული. ნაწილ-ნაწილ ყიდიან ამ ნალოლიავებ, ნასისხლარ მიწებს და მკვიდრდებიან უცხოტომელები, ისაკუთრებენ ჩვენი ბედოვლათობის გამო ქვეყანას. მალე ძირძველი მოსახლეობა მათი მონები და მოსამსახურეები გახდებიან. თუ განვითარება გინდა, შენ ქვეყანას შენ უნდა უპატრონო, მაგრამ ვინ განებებს პატრონობას. ვისაც არ ეზარება, ყველა ჩვენს საქმეში ერევა. გამოჩნდნენ ვითომ მეგობრები, რომლებიც სინამდვილეში ჩვენი ყველაზე დიდი მტრები არიან. ცეცხლითა და მახვილით ებრძვიან ჩვენს ზნეობას, ჩვენს თვითმყოფადობას, ჩვენს ტრადიციებს. ის გამაერთიანებელი, რასაც სამშობლოს სიყვარული ჰქვია, ფულის სიყვარულმა ჩაანაცვლა. სატკივარზე ბევრი საუბრობს, მაგრამ სატკივარის მოშუშების და გამოჯანსაღების გზისთვის ვერ მიგვიგნია. არც ზეციდან გვეხმარებიან, იქნებ შენ მაინც მოგვივლინო ვინმე, როგორც წარსულში მოგვივლენდით ხოლმე. გამოსავალის ძიების მაგივრად ძე შეცთომილები დავერიეთ ერთმანეთს მიწიერი კეთილდღეობისა და სიამოვნებისათვის. უსუსურობა მკლავს, ჩემდა სამწუხაროდ, ვერაფერს ვცვლი, ყოველივე ამის შემხედვარეს რალა მინდა აქ, ტყუილად გეხვეწებოდი დატოვებას. არა, არა, ძალიან კარგ დროს მოხვედი, კარგ დროს. აღარ მინდა გადაგვარებულ და გადაჯიშებულ ქვეყანაში სიცოცხლე. წამიყვანე, გესმის? წამიყვანე! იღრიალა კაცმა...

ახალგაზრდა, სანდომიანი, ეშხიანი ექიმი ქალი რეანიმაციის განყოფილებისკენ მიიჩქაროდა. ხელში ავადმყოფობის ისტორიები ეჭირა. პალატებში შედიოდა და აპარატურაზე მიერთებულ ავადმყოფების მონაცემებს იწერდა. ერთი ძალზე მძიმე პაციენტი ჰყავდა, ცოცხლებში თითქმის აღარ ეწერა. უსაშინლეს ავარიაში მოჰყვა და ხიდიდან მანქანით გადავარდა. აგერ, უკვე, მეშვიდე დღეა გონდაკარგულია. გუშინ ესაუბრნენ მეუღლეს და შვილებს.

– აზრი არ აქვს ასეთ მკურნალობას, მხოლოდ აპარატურაზე მიერთებით წერია ჯერ კიდევ ცოცხლებში, – უთხრათ განყოფილების გამგემ.

ძალიან განიცადეს, განსაკუთრებით მისმა ახალგაზრდა, მომხიბვლელმა ვაჟმა.

– იქნებ, ცოტა კიდევ ვადროვოთ.

– აზრს ვერ ვხედავ, – თქვა ექიმმა.

ცრემლით დაენამა ახალგაზრდას სახე. ცრემლის დანახვისას ქალს გააჟრჟოლა და სრულიად უადგილო ფიქრმა გაუელვა, ნეტავ ცოლი თუ ჰყავსო.

მიუახლოვდა პალატას, შეყოვნდა, ისტორიები მარცხენა ხელში გადაიტანა, მარჯვენათი კარი გააღო. შევიდა და მოულოდნელობისგან ადგილზე გაქვავდა, აკანკალებული ხელიდან ისტორიები დაუცვივდა და კინაღამ შეჰკივლა. იმიერინიდან მობრუნებული პაციენტი წამომჭდარიყო და გაოცებული თვალებით იცქირებოდა.

– როგორც იქნა მოხვედით, რამდენს ვყვიროდი!

საძრაობის უნარდაკარგულმა ქალმა ძლივს ამოიღო ხმა და უაზროდ იკითხა:

– ვის ეძახდით? მე მეძახდით?

– არ ვიცი თქვენ იყავით თუ სხვა, სახეზე ვერ გავარჩიე, თითქოს ნისლით იყო შებურვილი, სახე არ უჩანდა. რამდენი ვეხვეწე, წამიყვანე-მეთქი.

ექიმი, როგორც იქნა, გონს მოეგო, მიეჭრა პაციენტს, სანოლზე წამოაწვინა.

– არ შეიძლება თქვენი წამოჭდომა, უნდა იწვეთ.

– ნეტავ ვინ იყო ის არსება, განუწყვეტლივ რომ მელაპარაკებოდა?

– თქვენ უნდა თქვათ, მეორედ დავიბადეო. ღმერთს ჰყვარებიხარ, ბაბუ, ღმერთს! დიდება შენდა უფალო, არსება კი არა მფარველი ანგელოზი ყოფილა.

რას გაიხარებს მისი ვაჟიშვილი! რას არ შეესწრება კაცი საავადმყოფოში, კიდევ იტყვიან სასწაულები არ ხდებაო. ამაზე დიდი სასწაული რაღა გინდა. აჰა, იხილეთ მკვდრეთით აღმდგარი კაცი!

– ახლავე ყველას უნდა შევატყობინო! – წამოიძახა ხმა-მაღლა ექიმმა და კარს მიაშურა.

# Ինքնահիշատակա Քյոթի Մշակույթ





## პატარძალი ჩემი შვილია!..

შემოდგომის დღეები ნელ-ნელა ინაცრებოდა, მზე ისე ძალუ-  
მად ველარ აცხუნებდა და დილის სასიამოვნო სიგრილეს სუსხიც  
შეეპარებოდა ხოლმე. ყოველი სულდგმული ნეტარებით ღრმად  
ისუნთქავდა დილის გრილ და მაცოცხლებელ, ოდნავ ნოტიო  
ჰაერს. ზაფხულის ხვატისაგან გადახრუკული ბალახის საფარი  
შემოდგომის ნამიან და გრილ ამინდებს ისევ გადაემწვანე-  
ბინა. ბალახზე დავანებული დილის ფთქორი მცხუნვარებადაკარ-  
გული მზის სხივებისაგან ბრილიანტის თვლებივით ციმციმებდა.  
გუნდ-გუნდად შესეული ბელურები ნამიან ბალახში ბანაობდნენ.  
მერე სველ ფრთებს დაიფერთხავდნენ, პანანა ფეხებით ბალახს  
გადაქექავდნენ და გულმოდგინედ ეძებდნენ დილის საზრდოს.  
ყოველი ცოცხალი არსების დილა ხომ საზრდოს მოძიებით იწყება.

მშვენიერი დღე გათენდა, უღრუბლო და მზიანი, შემოდ-  
გომის გაზაფხული. აქა-იქ ყვავილებსაც კი ნამოეყოთ თავი.  
შუადღისკენ კიდევ უფრო დათბება და არც საღამოს დატოვებს  
გულნაკლულს ნამდვილი საქორწინო დღეა, დღეს ხომ ჩემი  
ნათლულის ბედნიერების დღეა, ფიქრობდა მაკა. – რა სწრაფად  
გარბის დრო. გუშინდელ დღესავით მახსოვს ნათლობა სიონში.  
მერე სწავლა, მერე უცხოეთი. რა ჭკვიანი ნათლული მყავს,  
ეროვნულ ცნობიერებაზე აღზრდილი. არც უცხოეთში დარჩა, არც  
იქაური ქალი შეირთო, დაბრუნდა სამშობლოში, მოძლიერდა  
ეკონომიურად, თავისივე თანამემამულეზე დაქორწინდა და  
კიდევ ერთი ქართული ოჯახი შეიქმნა. ნეტავ, ბევრს გადასხმო-  
დეს მისი წყალი. მოფრთხილება უნდა ქართულ გენოფონდს...

ყველა ეპოქას თავისი დამახასიათებელი ნიშან-თვისებები გააჩნია. უცვლელი მემკვიდრეობით გადმოცემული ტრადიციები და მწე-ჩვეულებები უნდა იყოს, რომლებსაც მოფრთხილება და შენარჩუნება სჭირდება და რომლებიც საწინდარია ერის თვითმყოფადობისა და უკვდავებისა. ძალზე მძიმე დროა, ერთა აღრევის დრო. ბევრს არ ვეხატებით გულზე, რა დასამალია და, შურთ ჩვენი, ჩვენი ნიჭიერების, ჩვენი სილამაზის და ჩვენი ისტორიის, რომელიც, როგორც ახლა აღიარებენ სინდისიერი უცხოელი მკვლევარები, კაცთა მოდგმის ისტორიის საწინდარია და კაცთა მოდგმის აკვანი. გაფრთხილება სჭირდება ამას და გაგრძელება. და ყველაზე მთავარი როლი მასში ქალს ეკისრება, თავდაჭერილსა და ზნეკეთილ ქართველ ქალებს.

მხნედ მიუყვებოდა გზას თმაშევერცხლილი, საშუალო ასაკს გაცდენილი, ფიქრებს აყოლილი, წელში გამართული, ჯერ კიდევ ლამაზნაკვთიანი, სახელიმილიანი ქალი. მაკა ყოველ დილით გამოდიოდა სისხამზე და ცხელი პური მოჰქონდა შვილიშვილებისთვის, რომელთა სიყვარულმა ყველა სხვა მიწიერი სიყვარული გადაავინყა... სანამ სახლში ავიდოდა, ეზოში უბარმაზარი, ტოტებგადაშლილი, უცნაური ხის ქვეშ ძელსკამზე ჩამოისვენებდა ხოლმე. კაცმა არ იცოდა, რამდენი წლის იყო ეს ხე, სამი კაციც კი ვერ შემოუნვდენდა ხელს. უცნაური იმიტომ, რომ არავინ იცოდა, რა სახეობის, რა ჯიშის ხე იყო. მსგავსი ახლომახლო არსად იდგა და სხვაგანაც არ უნახავს. ვინ იცის, ქარმა რომელი ქვეყნიდან შემოიტყუა. ყვავილობაც უცნაური იცოდა, ყვავილსაც არ ჰგავდა, თეთრად აფეთქებული მსხვილი ღეროებივით ეკიდა. ფოთლები კი ჩვეულებრივად, სხვა მცენარეებივით აუმწვანდებოდა ხოლმე. სამაგიეროდ, შემოდგომისას აფერადდებოდა უცნაურად, ბუნების ყველა ფერს აიკრეფდა და გაგაოგნებდა. გრძნობიერი და ემოციური ადამიანისათვის ფოთოლცვენა სევდის მომგვრელია, ძირს მოფენილნი მარადისობაში გადასვლამდე ამბეურებულნი, ქარის ოდნავ წამოქროლებზე აშრილდებოდნენ თითქოს გეჩურჩულებოდნენ, თითქოს ეწადათ ეთქვათ თავიანთი წარმოშობის, თავიანთი წარმომავლობის შესახებ... ფერთა სიუხვე დაგარეტიანებდა, ფეხს შეგიბორკავდა და სულს შეგიკრავდა, თავს

მაღლა აგანწევინებდა, მერე სამყაროს ყველაზე დიდი მხატვრის წინაშე ქედს მოგადრეკინებდა. ფერთა სიმფონია, მათი აცისარტყელება კრძალვით განგანწყობდა და მორიდებით გათქმევინებდა – მომიტევეთ, თქვენს მშვენიერებას ფეხით რომ ვეხებიო. შემოდგომის ფერთა სიუხვესთან ახლოსაც ვერ მივა გაზაფხული.

რამდენჯერ წაუოცნებია, ბავშვობაში რომ დამაბრუნა რამდენიმე წუთით, სულ რამდენიმე წუთით, როგორ სიამოვნებით გადავგორდებოდი და ტანით შევიგრძნობდი ძირს მოფენილ ფოთოლთა ფერთა ლიცლიცს, შარიშურს, გულს გავუხსნიდი, მოვეფერებოდი თითოეულ მათგანს და იქნებ კიდევ ეჩურჩულათ კაცთათვის დაფარული საიდუმლო.

საქორწინო წყვილმა ჯერ ტაძარს მიაშურა, ჯვრისწერის შემდეგ – რესტორანს, ხელის მოწერის ცერემონიაც იქ ჩატარდა. მეტალის კონსტრუქციის ულამაზესი თაღის ქვეშ გაიარეს. თაღი მოჩუქურთმებული იყო სხვადასხვა ორნამენტითა და ყვავილებით. თაღის სამაგრი სვეტები ჩვილსახიან ანგელოზებს ისე ეჭირათ ხელში, გეგონებოდა, ეს-ესაა, ცაში აიჭრებიანო. თაღის იქით მექორწილეებს ყვავილების ცოცხალი თაღი შეექმნათ. ადრე ხმლების ქვეშ ატარებდნენ, ახლა კი – ყვავილების ქვეშ. ძალზე მიმზიდველი სურათი იყო. ცოცხალი თაღის იქით, პატარა მაგიდასთან, ქორწინების სახლის წარმომადგენლებმა ხელი მოაწერინეს ახალდაქორწინებულებს და ოჯახის შექმნა იურიდიულად გააფორმეს.

მაკა, სიხარულით გასხივოსნებული თვალებით შესციცინებდა წყვილს. ხელის მოწერის შემდეგ მიუახლოვდა ჯერ ნათლულს – სიძეს ეამბორა ლოყაზე, შემდგომ პატარძალს. დალოცა, ბედნიერება და მოშენება-გამრავლება უსურვა მათ. მერე გვერდზე გადგა, მომლოცველები გაატარა და ყურადღება სტუმრებზე გადაიტანა. თვალს ვერ აშორებდა მოხდენილად ჩაცმულ, მომღიმარ ახალგაზრდებს, მათ მხიარულ სახეებს. ჩაცმა-დახურვა მისი ყველაზე სუსტი წერტილი იყო და ბავშვობიდან ყოველთვის უზადოდ იცვამდა.

მაღე სტუმრები მაგიდასთან მიიპატიჟეს, ერთ მხარეს – სიძის

ნათესავეები, მეორე მხარეს – პატარძლის. ლხინიც გახურდა. მაკას ყურადღება პატარძლის მხარეს მჭდომმა, მისი ასაკის ქალმა მიიქცია, თითქოს ეცნო. ქალი წამოდგა და მუსიკოსების მხარეს გაემართა. მოძრაობაც ნაცნობი, ჩაცმის სტილიც. ერთმანეთთან შეუხამებელმა სამოსმა ახალგაზრდობის სამსახური გაახსენა და დაწესებულების ხელმძღვანელი, რომელმაც მოურიდებლად მიახალა თავის ერთ-ერთ თანამშრომელს: – გოგო, რავა ბაზრის დედაკაცავით ჩაცმული დადიხარ, პედაგოგი ხარ, ბავშვებთან გაქვს საქმეო. დიდი მოურიდებელი ქალი იყო, თვითონ ყოველთვის პენენიკად შემოსილი, ვერ იტანდა სამსახურისთვის შეუსაბამოდ ჩაცმულ ახალგაზრდებს. რამდენი რამეა გონების კუნჭულში ფერფლმიყრილი და ამოუცნობი, სიოს პატარა წამობერვისას მუგუზალივით აგიზგიზდება ხოლმე... ნაცნობმა სახემ მოგონებები აუშალა და წარსულს გადასწვდა ფიქრით...

\* \* \*

მოხდენილი ქალი იყო მაკა, თხელი და მაღალი, მწყაბარსახიანი და ხიბლიანი. ქარხნის საბავშვო ბაღების საერთო კომკავშირის კრება იყო იმ დღეს ჩანიშნული. შესაბამისად გამოეწყო. მოდის მიმდევარი იყო, მკაცრი, აკადემიური სტილი მოსწონდა, ზედმეტი სიშიშვლების გარეშე. იმ დროს, თავისი შესაძლებლობის ფარგლებში, ყველა მოხდენილად იცვამდა. არა ისე, როგორც დღეს ნაწილი ახალგაზრდებისა, მუცელმოშვლებილნი, პირში სიგარეტგაჩრილნი, დაბოლილნი და შარვალჩახდილნი რომ დადიან.

საქართველოში, ყველა ეპოქაში, ლამაზად ჩაცმის კულტი იყო გაბატონებული. ამას უცხოელი მოგზაურებიც ადასტურებენ. ბატონობდა პრინციპი – წარსდგა მშიერი და ვერა ტიტველიო... დღეს კი პირიქითაა. საზოგადოების თავშეყრის ადგილებზე ხდებოდა ხოლმე, მოდის ყივილის გამომზეურება, თეატრი იქნებოდა, კინო თუ სხვა რაიმე ღონისძიება.

კრების დაწყებამდე საზოგადოება დერეფანში რუზრუზებდა. ჯგუფ-ჯგუფად იყვნენ დაყოფილნი. ბაღის გამგე ნატო, მეთო-



დისტი ღია, მეორე ცვლის მასწავლებელი ეკა და სამეურ-  
ნო ნაწილის გამგე ლუიზა, რომელსაც ჭორბიუროს ეძახდნენ,  
ქალი, რომელმაც ყველაფერი იცოდა და ყველაფრის საქმის  
კურსში იყო, მის თვალსა და ყურს არაფერი გამოეპარებოდა.  
კრების დაწყების მოლოდინში ქალური ჭორებით ერთობოდნენ.  
მეორე ცვლის მასწავლებელი, ეკა, ეგრეთ წოდებული „სვეტსკი“  
წრის დამა იყო. ეკონომიურად დალხენილი ცხოვრების გამო,  
სამსახურით მხოლოდ ერთობოდა, სულ სამი საათი მუშაობდა.  
შეხედული, ლამაზი, მაღალი საზოგადოების წრის შესაფერისად  
იცვამდა. ჩაცმა-დახურვაში თანასწორი არ ჰყავდა. სამოცდა-  
ათიან წლებში ძალზე მოკლე კაბები იყო მოდაში. მასწავლებელი  
არ ერიდებოდა, ყოველ შესაძლო შემთხვევაში გამოემშვეურებინა  
თავისი მოხდენილი ტანი, ლამაზი და გრძელი ფეხები.

– გაიგე, ქალო, ბუთხუზა და ულვაშიანი გოგო ხათუნა ვის  
ნაჰყოლია? – მიუბრუნდა ბალის გამგეს ლუიზა.

– აბა, ვის? – ახალი ჭორის მოლოდინში ყურები ცქვიტეს  
გოგონებმა.

– კვდებით ხომ, ცნობისმოყვარეობით? ფრთხილად იყავით,  
არ დავარდეთ – მეზღვაურს, გოგოებო, მეზღვაურს.

– ჭკვიანი ყოფილა ის მეზღვაური, გულდამშვიდებით შე-  
უძლია იცუროს თვეების განმავლობაში, – თქვა ბალის გამგემ  
მთელი სერიოზულობით.

გოგონებმა ჩაიკისკისეს.

– შენ რომ არ იტყვი, ისეთი რა იქნება, – სიცილით თქვა  
„სვეტსკი“ დამამ.

– იცინეთ თქვენ, იცინეთ, სულ მალე ვნახავ, როგორ ჩა-  
დგებით ახალი „შმოტკების“ რიგში ხათუნასთან. – ხმას აუწია  
ლუიზამ.

– მოიცა, მოიცა, მაგაზე მერე... ნახე, ვინ მოდის? ჩვენი მაკა.  
ჩვენებაბეა მოსული მგონი ეს შეჩვენებული. შეხედე, შეხედე, რა  
მოხდენილად აცვია. მიიქცევს ყურადღებას, აბა, რა იქნება. შავი  
„ბარხატის“ პალტო, ლამის ბენვით, შავი ზამშის ჩექმა, წითელი  
„რედიკიული“, წითელი ტყავის ხელთათმანები, ყელზე წითელი  
შარფი და მარგალიტის საყურეები. მიჯოკრავს დღეს მაკა, ოო,

ლამის შურმა წამილოს. აი, ქალი, შეხედავ და აფორიაქდები. ყოჩაღ, გოგო! – ხალისით წარმოთქვა „სვეტსკი“ დამამ.

– გამაგიუებთ თქვენ, გაგყრით სამსახურიდან, გადამირევთ თანამშრომლებს. მაინც სად ჯანდაბაში შოულობთ ასეთ სამოსს?! – გადაირია გამგე.

– სად შოულობენ და იმ მეზღვაურთან. მალე დამიწყებთ ხვენწას, გაგვაცანი, გაგვაცანიო, თქვე ტანსაცმლის ჭიებო, – ნიშნის მოგებით, თავანუღმა ამაყად თქვა ჭორბიურომ.

საუბარი კრების დაწყებამ შეანყვეტინა თანამშრომლებს. კრება ჩვეულებრივად ჩატარდა, როგორც იმ დროს ტარდებოდა ხოლმე. ზოგი შეაქეს, ზოგს გამოსწორებისკენ მიუთითეს. მაკა კი საბავშვო ბაღების კომკავშირის კომიტეტის მდივნად აირჩიეს, მოადგილეებიც დაუნიშნეს ყველა ბალიდან. გაუკვირდა და არც დიდად გახარებია, კიდევ ერთი თავის ტკივილიო – საზრუნავი ხომ ისედაც საკმაოდ ჰქონდა...

პასუხისმგებლიანი და თავმოქმონე გოგო, მონდომებით შეუდგა საქმიანობას. სხვა საქმეებთან ერთად, კომკავშირის სანევრო შესატანებიც მის ფუნქციებში შედიოდა. ხელფასების მიღების დღეს კრებდა ხოლმე სანევროებს. იმდენად უმნიშვნელო თანხა იყო, გადანყვითა, მთელი წლის ერთად შეეკრიბა. ჩამოუარა თანამშრომლებს, მეორე ცვლის პედაგოგთან, ივლიტასთანაც მივიდა. კარგად არ იცნობდა, შორიდან თუ მიესალმებოდნენ ხოლმე ერთმანეთს. შავგვრემანი, დაბალი, თხელი, ფიქრიანი გოგო იყო ივლიტა. სიავე და ნალველი გამოკრთოდა მისი თვალებიდან. ამასთან უგემოვნოდ და შეუფერებლად იცვამდა. მიესალმა ღიმილით და მოახსენა მისვლის მიზეზი.

– რას იტყვი, ივლიტა, მთელი წლის სანევრო მთლიანად რომ შევაგროვოთ? სხვებთანაც ვიყავი, თითქმის არავინაა წინააღმდეგი.

ივლიტას მრისხანებისაგან თვალები უელვარებდა. როგორც იტყვიან, ქვა ააგდო და თავი შეუშვირა.

– ეგ როგორ შეიძლება?! ეგ ხომ კანონის დარღვევაა.

შეცბუნებულ მაკას ბაგებზე მიეყინა სათქმელიც და ღიმილიც, სასწრაფოდ დატოვა ოთახი. მართალი იყო ივლიტა, მაგრამ

ხომ შეეძლო მშვიდად ეთქვა, როგორ ცეცხლწაკიდებული-  
ვით მომახალა, ჟრუანტელმა დამიარა მთელ ტანში, როგორი  
სირცხვილი ვჭამე. მეტი დაფიქრება გამართებს, მაკა, მეტი  
დაფიქრება. ისე, გულთმისანი უნდა იყო, ადამიანის ბუნება რომ  
ამოიფნო, – ფიქრობდა ალელვებული.

სანეწროებზე სირბილმა მაკას ისე მოაბეზრა თავი, გადა-  
წყვიტა ყველას მაგივრად თავის ჯიბიდან გადაეხადა. კაპიკები  
იყო გადასახდელი, არ ღირდა წვალეზად. იმ დღეს ბალის გამგეს  
თათბირი ჰქონდა ჩანიშნული. როგორც კომკავშირის კომიტეტის  
მდივანი, აუცილებლად უნდა დასწრებოდა. მოგვიანებით მივიდა.

– ასმანეთიანი ხელთათმანები, მაკა?! – წაუმღერა „სვეტსკი“  
დამამ და ტაში შემოჰკრა.

– ამის თვალს ხომ არაფერი გამოეპარება, რავა ტყუილად  
აცდენს ადგილს, – შენ ბაღში რა გინდოდა, ეკა, შენი ადგილი  
კრიმინალისტურ სამსახურშია, – სათვალის ზემოდან გადახედა  
გამგემ.

– რავა, ტყულია თუ? – გაიცინა ეკამ.

– რა უბედურებაა ასი მანეთი ხელთათმანებში, – ხელები  
გაშალა და შურნარევი ავი თვალეზით გახედა ივლიტამ მაკას.

გამგემ მიატოვა ქალაღდების ქექვა, სკამიდან წამოიწია,  
შემობრუნდა, თავი მალლა ასწია, ივლიტა ისე შეათვალეზა,  
თითქოს პირველად ხედავდა და მკაცრი ტონით მიმართა:

– გოგო, რავა ბაზრის დედაკაცივით ჩაცმული დაიარები,  
საბავშვო ბაღია, ბავშვებთან გაქვს საქმე.

თანამშრომლები გაიყურსნენ, მერე თითქოს ეუხერხულა და  
ნათქვამი შეარბილა:

– მე არ გეუბნები, გინდა თუ არა, ძვირად ღირებული ტან-  
საცმლით შეიმოსე-მეთქი. რაც გაქვს, კოხტად მოირგე.

მაკას გულზე მოხვდა გამგის უხეშად კი არა, უზრდელად ნა-  
თქვამი. შეწუხდა, ჩემი მიზეზით გაილანძლა ეს გოგო, ჯერ ისედაც  
არ მოვდიოდი თვალში, აწი ალბათ გამარჯობასაც არ მეტყვისო.  
იმ დღის მერე ივლიტა მართლაც ამრეზით უყურებდა მაკას.

უსიამო შემთხვევის შემდეგ, მაკა ივლიტათი დაინტერესდა.  
ფიქრობდა – უცნაური გოგოა, ყველასგან გამორჩეული, თითქოს

გარიყული. ნეტავ, რატომაა ასეთი ცივი და უსიხარულო? პასუხი რომ ვერ იპოვა, გადანყვიტა, ლუიზასთვის მიეკითხა. სამუშაო საათების შემდეგ შევიდა ლუიზასთან, რომელიც გვიანობამდე რჩებოდა ხოლმე და სულ რაღაცას ანგარიშობდა. მაკას შესვლისთანავე შეწყვიტა საანგარიშოს ტკაცუნი, გვერდზე გადადო, თავი შემოაბრუნა და გაკვირვებით შეხედა.

– შემოდი, შემოდი, ჩამოჯექი. როგორც ჩანს, მდივნობა ბევრ თავისუფალ დროს გართმევს, ადრე არ რჩებოდი სამუშაო საათების შემდეგ. – მერე ღრმად ამოისუნთქა და გააგრძელა, – რაღა გითხრა და, არც მე ვარ უკეთეს დღეში. დამტოვებს ეს ოხერი ბალანსი გაუთხოვარს. ისე კი, ერთ უფასო, მაგრამ ჭკვიანურ რჩევას მოგცემ, – ჭკვიანურის თქმის დროს მარჯვენა ხელი მაღლა ასწია და საჩვენებელი თითი გააქნია, – ნამეტანი ნუ გადაჰყვები საქმეს, მაინც არავინ დაგიფასებს. ქალმა პირადი ცხოვრებისთვისაც უნდა მოიცალოს. კარგად დაიმახსოვრე, სამსახურს პირადი არ უნდა გადააყოლო, თუ არა, მტრისას გაუთხოვარი ქალი, მაკა, მტრისას. ბაბუაჩემი იტყოდა, გაუთხოვრობას მეკურტნის ცოლობა ჯობიაო. ხომ არ იცი, რას ნარმოადგენდნენ მეკურტნეები. არა? თუმცა, რა მნიშვნელობა აქვს. თავს გაუფრთხილდი, თვალები გაახილე, ჩემსავით არ ჩამოიბერო თავი. ოცდაათ წელს გადაცილებული ქალი აღარავის უნდა. რაღა გითხრა და, მომბებრდა მარტობა, – სინანული გაერია ხმაში. – რა გაკვირვებული მიყურებ? ყველა ქალს აქვს თავისი სუსტი წერტილი, შენთან კი ყველაფრის თქმა შეიძლება. კარგი, კარგი, გვეყოფა მოთქმა-ვაება. აბა, მითხარი, რამ შეგანუხა? ცხადზე ცხადია, ხარჯების შემონქმებისთვის შენ არ მოხვიდლოდი. რაშია საქმე?

სკამზე მოხერხებულად მიესვენა, მოსასმენად მოემზადა და ცნობისმოყვარე თვალებით შეაცქერდა. მაკა შეაცბუნა და დააბნია ლუიზას სულის ანარეკლის გამომზეურებამ. ასეთ ლუიზას პირველად ხედავდა. წამიერი გარინდებიდან ხმამ გამოიყვანა.

– დაღამდა, მაკა, რაღას უცდი?

მაკა შეფუცხუნდა და ღელვანარევი ხმით დაიწყო:

– ლუიზა, იქნებ მიაშობო რამე ივლიტას შესახებ, სადაურია, სად ცხოვრობს. სულ ამრეზილია, რალაც დაჩაგრულად გამოიყურება, იშვიათად ლაპარაკობს და სულ თავჩაღუნული დადის.

– ხო, შენ ეგრე გეგონოს! – იფეთქა ლუიზამ და სკამიდან წამოინია, – კიდევ კარგი, ბევრს რომ არ ლაპარაკობს, კარგი მაინც არ ამოდის პირიდან. – მერე თითქოს უთანაგრძნობსო, ღრმად ამოიხვნეშა და გააგრძელა, – ცხოვრებისგანაა გოგო გამწარებული, ძალზე ხელმოკლედ ცხოვრობს, არც ჯანმრთელობა უწყობს ხელს, დედაც ავადმყოფი ჰყავს. მამა კი კარგა ხანია, რაც გარდაეცვალა. რას იზამ, ცხოვრებაზეა დაბოღმილი და ყველას კბენს, შური ახრჩობს მაგ საცოდავს, შური. ყველასი შურს. შური კი ისეთი ვერაგი დაავადებაა, ადამიანს საღ ამრს აკარგვინებს. ისე კი, მეზრალეზა. მეშინია, რამე არ აუტეხოს თავს.

ნათქვამმა ძალზე იმოქმედა მაკაზე.

– ალბათ, ამიტომაც ვერ იმოსება შესაფერისად და შეიძლება, ესეც იყოს რთული ხასიათის მიზეზი, ლამაზად ჩაცმა ყველა ქალს უყვარს, მით უმეტეს, თავმოძმონე ახალგაზრდა, გასათხოვარ გოგოს. შენ კარგად იცი, რომ ტანსაცმლის გაჭირვება არ მაქვს, შემოძლია ვაჩუქო. – იმ წუთში მეტი ვერაფერი მოიფიქრა მაკამ და გააგრძელა, – გახსოვს, იმ დღეს ბალის გამგემ რა დღე დაანია?! ჰოდა, ნამეტანი უზრდელად მოიქცა, როგორ შეიძლება ადამიანის ასე დამცირება! – პატარა პაუზის შემდეგ კი წამოიყვირა – რას ამბობ, გოგო, ისეთი ამაყი, უკადრისა და ამპარტავანია, დაგცოფავს, მარა მადლი კი იქნება. – ღიმილი მოეფინა სახეზე.

– ეჰ, მაკა, მაკა, კაბა კი არა, მაგ საცოდავებს ისე უჭირთ, მაცივარიც კი არ უდგათ სახლში, – ჩურჩულით თქვა ლუიზამ, თითქოს დიდი სახელმწიფო საიდუმლოება გაანდო.

ამ საუბრიდან არ გასულა დიდი დრო, სამეურნეო ნაწილის გამგე, თანამშრომლების მცირე ჯგუფთან ერთად, ივლიტას რომ მიადგნენ სახლში. მაკა მათ შორის არ იყო. მაცივარი და ახალთახალი სხვადასხვა სტილის სამოსი უსაჩუქრეს, ეს ბალის პროფკავშირებისგანო. ძლივს გაეხსნა სახე ღიმილისთვის მასპინძელს...

დღეები დღეებს მისდევდა და ფერები ფერებს. ბავშვებით აჟრიაშულებული ბალი თავის სისხლსავსე ცხოვრებას განაგრძობდა.

მეთოდისტს, დღის მეორე ნახევარში, სამსახურში დროდადრო სოფლიდან მამლი აკითხავდა, გამოართმევდა გასაღებს და ძმისშვილები მიჰყავდა სახლში. ძალზე მოხდენილი, ლამაზი ბიჭი იყო, ქალივით ლამაზი. ბუნებრივი სილამაზე ჰქონდა, ამასთან დაუხვეწავი მიხვრა-მოხვრა და მანერები. საუბრისას სინითლევ გადაჰკრავდა ხოლმე სახეზე. მეთოდისტთან ნახა ივლიტამ ვაჟი, გულში ჩაუვარდა და ააფორიაქა. ცდილობდა, იმ დროს შესულიყო ლიასთან, როცა მამლი მიაკითხავდა ხოლმე. ივლიტა, როგორც შეეძლო, მაღავდა ამ უცნაურ გრძნობას. შეიცვალა, კუმტ სახეზე დროდადრო ამოუცნობი ღიმილი გადაეფინებოდა. თვითონ კი მაღავდა, მაგრამ ქალების თვალს რა გამოეპარება. ბევრმა ქირქილი დაიწყო, ეგ ბიჭი მაგისკენ გამხედავი არ იქნებაო. სხვა კიდევ, – სამაგიეროდ, ჩაესიძება, ქალაქელი გახდება და ბინაზეც საზრუნავი არ ექნებაო.

პარასკევს, დღის ბოლოს, მაკა ბალის გამგის კაბინეტს მიადგა. სოფელში აპირებდა ნასვლას მშობლებთან ერთად, ბებია-ბაბუის მოსანახულებლად. შემოუთვალეს, ბებია ავადმყოფობსო. ფიქრობდა, შაბათ-კვირა ისედაც უქმეებია, კაცმა არ იცის რა მდგომარეობაში დაგვხვდება ბებო, შეიძლება ორშაბათიც დაგვჭირდეს და დავეთხოვებითო. კარზე დაკაკუნება არ დასჭირვებია, ღია იყო.

– შემოდი, შემოდი, მაკა.

კაბინეტში მეთოდისტი და ვილაც უცნობი ბიჭი დახვდა. მაკამ მოუბოდიშა გამგეს და უთხრა, მოგვიანებით შემოვალო.

სოფლიდან ჩამოსულმა მამლმა იმ დღესაც მიაკითხა რძალს, მოიკითხეს ერთმანეთი, მერე გასაღები გამოართვა, გასვლისას კი მორიდებით ჰკითხა:

– ბალის გამგესთან ჩვენი საუბრისას რომ გოგო შემოვიდა, ვინაა ის გოგო?

– მოგეწონა? – ღიმილით ჰკითხა ლიამ.

ვაჟმა დაირცხვინა, წამიერად ელვასავით სინითლემაც გადა-

ჰკრა სახეზე, პატარა შეყვონების შემდეგ კი ღიმმორეულმა მომახიანად გააგრძელა:

– ჰა, რას იტყვი? მგონი, არც მე ვარ ურიგო ბიჭი, – და მხრები შეათამაშა.

– ბენა! ეგლა გვაკლია, – გადაიკისკისა რძალმა.

– ხუმრობა იქით იყოს და, გამირკვიე ყველაფერი, სერიოზულად გეუბნები. ქალებს ეს გეხერხებათ. მგონი, მაკა ჰქვია, არა?

– სახელიც რომ დაგიმახსოვრებია!

ივლიტას არ გამოჰარვია ღიას მაზლის სტუმრობა, კვირები ელოდა ხოლმე. ახლაც კარს უკან იდგა და შესაფერის დროს ელოდა, როგორმე შესულიყო. მაკას სახელის ხსენებაზე გონება დაებინდა, მორიდების ყველა ზღვარი დაკარგა და ჭკუაზე გადასულივით, ქარივით შეიჭრა ოთახში. ძლივს მოასწრო განზე განევა ვაჟმა, ივლიტა ერთიანად აფორაჯებულ-ანითლებული მრისხანებას ძლივს იკავებდა. – ისევ მაკა? ჩემს საჭირბოროტოდ არის გაჩენილი, აქაც გამომეჩხირა ეს კოხტაპრუნა, არ დავუთმობ, არა! – ფიქრობდა გამწარებული.

– რა მოგივიდა, ივლიტა? ცუდად ხარ? ჩამოჯექი. – სკამი მიუჩოჩა დაბაფრულმა ღიამ. – დამშვიდდი, დამშვიდდი. – აკანკალებული ხელით გრაფინიდან წყალი ჩამოასხა და მიანოდა.

– ექიმს ხომ არ გამოვუძახოთ? – აწრიალდა შეცბუნებული ვაჟი.

გონს მოეგო ივლიტა, შერცხვა უმგვანო საქციელის გამო და მოიბოდიშა.

– არა, არა, არაა საჭირო. ბავშვებმა გამომიყვანეს წყობიდან, მალე გადამივლის. – ვაჟის მზრუნველობით გახარებულმა ცრემლები ძლივს შეიკავა.

რძალმა გულთან ახლოს მიიტანა მაზლის თხოვნა და მთელი სერიოზულობით შეუდგა საპატიო დავალების შესრულებას. ხელსაყრელ დროს ელოდა, რომ ბუნებრივ, არაოფიციალურ, მეგობრულ გარემოში სუფრაზე ან სხვა რაიმე საზეიმო ღონისძიებაზე მომხდარიყო შეხვედრა და გაცნობა. მოულოდნელად ეს ხელსაყრელი დროც დადგა. დედამთილი გაუხდა ავად, სოფლიდან ჩამოიყვანეს და ქალაქის საავადმყოფოში დაანვინეს.

მოსანახულებლად ბაღის თანამშრომლები შეიკრიბნენ და საჩუქრებითა და ყვავილებით ხელდამშვენებულნი ავადმყოფს ეწვივნენ. შეეშლებოდათ თუ რა, კარგი თანადგომა იცოდნენ მაშინ, გაჭირვებაში მართო არავის ტოვებდნენ. მოიკითხეს, თბილი სიტყვები უთხრეს და მალე გამოჯანმრთელება უსურვეს.

ლამაზი ქალი იყო სწული. ვაჟიც თავს ადგა. საოცრად ჰგავდნენ ერთმანეთს. ეჭვიც კი არ შეგეპარებოდა, რომ დედაშვილი იყვნენ. მაკამ შეამჩნია, რომ სწული გამორჩეულ ყურადღებას იჩინდა მის მიმართ და თვალს არ აშორებდა. ეუხერხულა, თანამშრომლებს ამოეფარა და ფანჯარაში დაინყო ყურება. საავადმყოფოში გაცნობა არ შედგა. არ აენყო ისე ყველაფერი, როგორც ღიას სურდა. დედამთილის მხლებლებს მაკა ძალზე მოეწონათ. თვითონაც ძალიან მოსწონდა და დიდი სურვილიც ჰქონდა, მისი რძალი გამხდარიყო. ყველანაირად ცდილობდა, დაახლოებოდა და მაზლი გაეცნო. იმ დღის მერე კიდევ უფრო გააქტიურდა, ყოველ ხელსაყრელ დროს, საუბრისას, ხან რას გადაუკრავდა ხოლმე მაკას და ხან რას. არც თანამშრომლებისთვის დაუმაღავს – ჩემს მაზლს ძალიან მოსწონს მაკა და არ ვიცი, როგორ ვუთხრაო. ივლიტაც შეესწრო ამ საუბარს, გაცოფდა და აღშფოთება ვერ დამალა:

– რა გახდა ბოლოს და ბოლოს ეს მაკა, ყველა როგორ გადაგრიათ. რითია მოსაწონი ერთი გაფშვიკებული და აყუდებული გოგოა, ხორცი მაგას არ აქვს და ფერი, მართო ცარიელი ტანსაცმელია. ან იქნებ ლამაზი კაბებით და ხელთათმანებით მოგხიბლათ, თუ სახლ-კარით? სხვასაც აქვს სახლ-კარი. – არ ცხრებოდა განიწმატებული.

რა ექნა საცოდავ ივლიტას, ოცნების კოშკები ხუხულასავით ენგრეოდა. ვინ იცის, კიდევ რამდენ სალანძღავს იტყოდა, „სვეტსკი დამა“ რომ არ ჩარეულიყო და ყურებამდე შეყვარებულს დაურიდებლად მიახალა:

– რა გჭირს, გოგო, შენ?! რამ გადაგრია, რას ემართლები, რის გამო აგითვალწუნებია, ასე აგდებულად და ზიზღით რომ მოიხსენებ? არა მართო ლამაზად და კოხტა ჩაცმით მოსწონს ყველას, არამედ შენგან განსხვავებით, ღირსეული საქციელით.



რალამც არ მოისვენე, პირდაპირ გეტყვი, აქამდე თავს ვიკავებდი. შენი უსაქციელობა ყველას ყელში ამოუვიდა, იქნებ დაცხრე და დაოკდე. ეგ კაბა და სახლში მაცივარი რომ გიდგას, შენ გგონია, მართლა პროფკავშირმა გაჩუქა?! მეტი საქმე არ ჰქონდა პროფკავშირს, ვისთვის უყიდა, ერთი მითხარი. დაფიქრებულხარ ამაზე? მაკას ნაყიდა ყველაფერი, მაკასი.

გაოგნებულ ივლიტას ენა დაება, ხმა ველარ ამოიღო და კინალამ ჩაიკეცა.

– და რალამც დავინყე, ბარემ ბოლომდე ვიტყვი. რომ იცოდე, ტყუილად ნერვიულობ შენს პრინცზე. მაკა ვერ იქნება შენი შემცილე, თუ თვალს გაახელ, მიხვდები, რომ ეგენი არ შეეფერებიან ერთმანეთს. მართო გარეგნული სილამაზე არ კმარა სერიოზული ურთიერთობისთვის. მართო სილამაზით არ იხიბლებიან, ბუნებით და ინტელექტით უნდა იყვნენ ერთმანეთთან ახლოს.

კამათში შეცბუნებული მეთოდისტი ჩაერია და მოკამათენი დააშოშმინა. ალანძულმა ივლიტამ უკანმოუხედავად დატოვა მოსაუბრენი. ლია კი აღელვებულ ეკას მიუბრუნდა.

– კი, მაგრამ მე აქამდე ჭურში ვიჭექი?

– შენი გამკვირვებია, ლია, სულ შენ კართან რომ იყო ატუბული, როგორ ფიქრობ, შენ ენატრებოდი? მოკლედ, აღარ მინდა ამაზე საუბარი.

ლიამ ყურს მიღმა გაატარა ნათქვამი, მკლავი გამოსდო, მოსაუბრეებს მოსცილდა და თითქმის ჩურჩულით, მიკიბ-მოკიბვის გარეშე უთხრა:

– ეკა, ძალიან გთხოვ, იქნებ გამიგო, მაკას შეყვარებული თუ ჰყავს. თქვენ ხომ მეგობრები ხართ, შენ არ დაგიმაღლავს.

რა ექნა ლიას, მაზლის დავალება უნდა შეესრულებინა. ოღონდაც ეს უსიამო საუბარი რაც შეძლება მალე დამთავრებულყო, „სვეტსკი დამა“ ყველაფერზე თანახმა იყო.

– რა თქმა უნდა, გაგიგებ. – უპასუხა მოკლედ და სასწრაფოდ გასცილდა.

ლიამ შვებით ამოისუნთქა. სამი დღის შემდეგ, საბეიმო კონცერტის დაწყების წინ, ლია დერეფანში მიმავალ „სვეტსკი

დამას“ წამოეწია, ისევ გამოსდო ხელი მკლავში და ჰკითხა, დანაპირები თუ შემისრულეო.

– რა თქმა უნდა, შეგისრულე. ჰყავს, ღია, ჰყავს და მაკა ძალიან მალე ქუთაისს დატოვებს. მე ძალზე დამაკლდება, როგორ ამშვენებს ჩვენს ბაღს, ნათელი წერტილივითაა. უნდა მივულოცოთ და ღირსეული გაცილება მოვუწყოთ.

ახალი ამბის შესახებ, რა თქმა უნდა, ყველამ გაიგო. ივლიტას სიხარულს საზღვარი არ ჰქონდა. გადანყვითა, გაკვეთილების შემდეგ მიეკითხა მაკასთვის. დარცხვენილი და აწურული იყო. ფიქრობდა, მივალ, ბოდიშს მოვუხდი ჩემი უსაქციელობის გამო, მრისხანებისა და გაუგებრობისთვის და თანაც მადლობას ვეტყვი დახმარებისთვისო. კარგა ხანს იდგა კართან თავჩაღუნული, ყოყმანობდა. მოულოდნელად რაღაც ძალამ ტანში ელდენივით დაუარა, მოსხლიტა, ძალა წაერთვა, მოეშვა, გაიყინა, თითქოს ტყვია ჩასხმოდა ფეხებში, ბიჯიც კი ვერ გადადგა, მერე კი გაფითრებული შემობრუნდა და წელმონწყვეტილი ლასლასით გაუყვა გზას...

\* \* \*

ქორწილში ლხენამ პიკს მიაღწია. სამხიარულო ხმებმა და ჟრჟოლის მომგვრელმა ომახიანმა ქართულმა მრავალხმიანმა სიმღერამ მოგონებების ბურუსი გაცრიცა, მიღმიერიდან საბოლოოდ მაკა ბეჭბე ხელის მოთათუნებამ დააბრუნა. შემობრუნდა და ფეხზე წამოდგა, ცრემლმორეული ქალი დასდგომოდა თავს. მდუმარე ცნობისმოყვარეობით შეაქქერდა. ღიმილადქცეულმა, სახეგაბადრულმა და მხრებაცახცახებულმა ქალმა ხელები გაშალა, მოეხვია, მაგრად ჩაეკრა და ჩასჩურჩულა:

– ივლიტა ვარ, გოგო, ივლიტა. მომილოცე, პატარძალი ჩემი შვილია!..

# მეჩინე





## მარინე

### *ვუძღვნი მეუღლეს მარინე ტორონჯაძეს*

– გივი, გეყურებაა?! – გასძახა ტელევიზორს მიციებულ მეუღლეს ასაკოვანმა, სანდომიანი სახის ქალმა, – მალაზიაში ჩავალ და მალე ამოვალ.

სანამ პარმალს გადააბიჯებდა, სარკეში თავის ორეულს შეავლო თვალი. შეყოვნდა. – წლები, წლები, ჩემო მარინე... – ჩამოისვა სახეზე ხელი. – ზოგი ფულს აგროვებს, შენ კი – წლებს. სარკიდან წარსული სილამაზის ანარეკლი იმზირებოდა, რომელსაც ჯერ კიდევ არ დაეკარგა მომხიბვლელობა. პირისახე ნაზი და ელასტიკური, თვალები შუქიანი, მსუბუქი ღარები ჯერჯერობით მხოლოდ ცხვირის, თვალის და ყელის არედან იმზირებიან ნაკადულის დამშრალი შენაკადებივით. – უცქირე, უცქირე, ჯერ კიდევ შეიძლება ცქერა. უცქირე, სანამ დაჭმუჭნილ ფურცელს არ დამსგავსებია. უკ, დიდი ამბავი, მერე რა, ოდესღაც ხომ ვიყავი ახალგაზრდა, ლამაზი და მომხიბვლელი! – გაეპრანჭა ორეულს. – იქე, თავი იქე, რავა, ტყუილია თუ რა? ახალგაზრდულ ასაკში ყველა ლამაზი და მომხიბლავია. ისე, რომ იცოდე, სულაც არ მეშინია ღარების, გესმის შენ?! – შეეხმიანა სარკეს შიგნიდან, არსიდან, სულიდან. – აქ ისეთივე ახალგაზრდა და მომხიბვლელი ვარ, აქ ვერ მომწვდება შენი მსახვრალი ხელი, გაიგე? სულაც არ მეშინია შენი, სარკევ! – და ენა გამოუყო. ბავშვობიდან გამოყოლილ ჩვევაზე გაეღიმა, სარკეს ნიშნის მოგებით რომ გამოუყოფდა ხოლმე ენას. აბა, რა გეგონა შენ? – ნავედი, კიდევ ერთხელ გასძახა მეუღლეს და კიბეზე დინჯად დაეშვა. დაბლა

სართულიდან მუსიკის ხმა შემოესმა, ვიღაც თავგამოდებით უკრავდა. შეყვინდა. ყური მიუგდო. აზარაშვილის ნოსტალგია. – ვერაფერს იტყვი, კარგად უკრავს. – გაელიმა. მუსიკამ ყმანვილქალობა და სამუსიკო სკოლა გაახსენა.

– პატარა თუ არ დავისვენე, მეტი აღარ შემიძლია, გამიშეშდა თითები. – ცამეტიოდე წლის კიკინებიანი გოგონა სკამიდან წამოიწია და როიალს მოშორდა. თმაზე ხელი მოისვა და კიკინები შეისწორა. – რა აკვიატება იცის დედაჩემმა, რაღა დროს ჩემი კიკინებია, ცამეტი წლის ვარ. სანოტე ჩანთით და კიკინებით ყველაზე ლამაზად გამოიყურებით – მეტყვის ხოლმე. ის კი არ იცის, მოსაქაჩადაც რომ კარგი საშუალებაა, ხან ვინ მწვდება და ხან ვინ. გამორჩეულად ვახტანგი – ბურძგლა. რა დღეშია! როგორც კი დროს იხელთებს, ეგრევე კიკინებში მწვდება. ვინ იცის, იქნებ მოსწონს კიდევ, – გაიფიქრა და გაელიმა. – ისე, არც თვითონაა კარგ დღეში, გაბურძგნული და უხეში თმის გამო, ყველამ ბურძგლა შეარქვა. ჩემი გულისთვის ფიზკულტურის მასწავლებელმა სასტიკად გააფრთხილა, „შენ, ბიჭო, ჭურის სარცხელს რომ მიგიგავს თავი, ეგ გოგო აღარ შეანუხო თუ არა, გაბურძგვლა მერე ნახეო“. ვითომ მეხუმრებიან. ეს რა ხუმრობაა!

გოგონა სასკოლო კონკურსისთვის ემზადებოდა. ფიქრობდა, თუ გავიმარჯვე, მერე საქალაქო კონკურსშიც მივიღებ მონაწილეობასო. „თუ გავიმარჯვე, თუ გავიმარჯვე“... რეკავდა თავში ზარივით. ასკინკილით სარკესთან მიირბინა. სარკიდან თხელი და სიფრიფანა გოგო შემოსცქეროდა. წაბლისფერი თმა, წაბლისფერი თვალები, რომლებიც ბავშვურ უშუალობას ასხივებდნენ, ოდნავ კეხიანი ცხვირი და თხელი ტუჩები, რომლის ბოლოს მორცხვი ღიმილი გაკრთებოდა ხოლმე... მისი ტოლი გოგოები ნელ-ნელა უკვე ქალური ფორმებით ივსებოდნენ. თვითონ კი გაჩხიკული და ფიცარივით იყო, თუ არ ჩავთვლით უმნიშვნელო, პატარა შემალღებას მკერდზე, რომელსაც მის გარდა ვერავინ ამჩნევდა. ისე კი, ბოლო დროს რაღაც უჩვეულოდ გრძნობდა თავს, თითქოს სხეულში ვიღაც ჩაუსახლდა, რომელიც მისი ნების გარეშე მოქმედებდა. თავბრუც ხშირად ეხვეოდა, ერთხელ სკოლაში გრძნობაც კი დაკარგა. ცივი წყლით მოასულიერეს.

სკოლის ექიმმა, თვალეებბრიალა, შნოიანმა ნათიამ ეშმაკურად გაუღიმა, თავზე ხელი გადაუსვა და უთხრა: – ეგ არაფერი, ქორნილამდე დაგავინყდებო... დედისთვის არაფერი უთქვამს და გადალლას დააბრალა. გავიმარჯვებ კონკურსში, დავისვენებ და ყველაფერი კარგად იქნებაო. ისევ კიკინებს მისწვდა, სახე დამანჭა და სარკეს ენა გამოუყო. მერე შემობრუნდა, კლასობანას თამაშით, ხტუნვა-ხტუნვით აივანზე გავიდა, სადაც ბაბუა გაზეთს ჩაჰკირკიტებდა. თავი წამოსწია მხცოვანმა.

– გოგო, წლები რომ გემატება, ჭკუა აღარ უნდა მოგემატოს? რაღა დროს კლასობანაა? შენი ასაკისა ბებიაშენი უკვე გათხოვილი იყო და ოჯახს უვლიდა.

– მართლა? – გაიკვირვა თმაკიკინებიანმა. – კარგი რა, ბაბუ, ვისვენებ. თითები აღარ მივარგა, მთელი დღე როიალთან ვზივარ. ხვალ კონკურსზე უნდა გავიდე. თუ გავიმარჯვებ, უფრო დიდ კონკურსში მივიღებ მონაწილეობას და აუცილებლად დაგპატივებ.

– მოდი აქ, ჩემთან, თხაბელა, მოდი. „თუ გავიმარჯვებ“ კი არ უნდა თქვა, აუცილებლად გავიმარჯვებ-თქო!

გოგონა მიუახლოვდა ბაბუას, რომელმაც ხელები მოხვია, გულში ჩაიკრა და თმაზე ეამბორა.

– აუცილებლად გაიმარჯვებ, ბაბუ, აუცილებლად! ახლა კი, აქ ხტომიალს გირჩევნია, ცოტა ხნით ეზოში ჩახვიდე და ბავშვებთან გაერთო? პატარა განიავდები, მერე კი ისევ მიუჭექი ინსტრუმენტს.

ბაბუა ურთულესი კრიმანჭულის უბადლო შემსრულებელი იყო მთელ რაიონში, კარგად იცოდა მუსიკისა და შრომის ფასი. ბევრს საოცნებოდ ჰქონდა მასთან ერთად სალხინო სუფრაზე მოხვედრა და ქეიფი. არაფერი ჯობდა მისი და მისი შვილების ხმაშენყობილი ნამღერის მოსმენას.

სამუსიკო სკოლა ორ ნაბიჯში იყო, ქუჩის მეორე მხარეს. გულშემატკივრები არ გაუყოლებია, ბაბუასაც კი უარი უთხრა, – ბაბუ, შენ რომ იქ იქნები, ვინერვიულებო. დედ-მამას ისედაც არ ეცალათ, სამსახურით იყვნენ დაკავებული. შეიმოსა იმ დროის შესაბამისად, ლამაზად და კოხტად, გაისწორა კიკინები და სანოტე ჩანთა მხარზე მოიგდო. ბაბუამ დაუძახა:

– დამენახე, გოგო, მაინტერესებს, როგორ გამოიყურები. – თავიდან ფეხებამდე შეათვალიერა შვილიშვილი. ჯერ გაეღიმა, მერე კი ხშირი, ჭალარა წარბები მალლა აზიდა და მკაცრი ხმით უთხრა: – რამდენჯერ გითხარი, ასეთი მოკლე კაბა არ ჩაიცვამეთქი! დიდი ხარ, ბაბუა, უკვე დიდი. რას იტყვიან?! უჭირთ, ალბათ, მისი ზომის კაბა ვერ შეუძენიათო. არა გვაქვს, ბაბუ, ჩვენ მაგის გაჭირვება, ერთი მტკაველით მეტი ზომის კაბა რომ ვერ შევიძინოთ. სირცხვილია, ბაბუ, სირცხვილი. ამ გრძნობას ძვირფასი განძივით უნდა მოუფრთხილდე. იცოდე, თუ კაცმა სირცხვილი დაკარგა, თავსაც დაკარგავს.

– მოდაშია, ბაბუ, მოდაში.

– კარგი, დღეს მიპატიებია, საზემო დღე გაქვს, მეტს არაფერს გეტყვი.

ბაბუა შვილიშვილს მოეხვია, მერე კარები გაუღო და გზა დაულოცა. გულში კი გაიფიქრა: ხვალიდან მაგ კაბის ლანდსაც ველარ იპოვი. ანდა რა უბედურებაა ასეთ მოკლე კაბები? რა მოდაა, როგორ შეიძლება უსირცხვილობა მოდა იყოს?! თუ ამ ტემპით გააგრძელეს კაბების დამოკლება, მალე ადამ-ევას ეპოქაში ამოვყოფთ თავს.

გოგონა კიბებზე დაეშვა ღიღინით, თან ფიქრობდა, ყველას ასე აცვია და მე ბებია ეფროსინესავით ხომ არ შევიმოსებო.

კონკურსმა მშვიდ ვითარებაში ჩაიარა. გოგონას აზრით, კარგადაც დაუკრა და პირველი ადგილიც დაიმსახურა. სიგელი მისცეს და თან გააფრთხილეს, საფუძვლიანად მოემზადე, საქალაქო კონკურსში მიიღებ მონაწილეობას და ჩვენი სკოლა არ შეარცხვინო.

საქალაქო კონკურსი ერთი თვის შემდეგ უნდა ჩატარებულიყო. გულმოდგინედ მეცადინეობდა, საათობით. საქალაქო კონკურსში გამარჯვება გზას უხსნიდა დედაქალაქისკენ. არც თავს იზოგავდა და არც ოჯახის წევრებს. მეზობლებსაც კი დაუკარგა მოსვენება. კონკურსის დროც მოვიდა. ბაფხულის მზიანი და დარიანი დღე იყო. ფრინველთა ჭიკჭიკს და გალობას საზღვარი არ ჰქონდა. განსაკუთრებით მის აივანს შესეული მერცხლები ჟღურტულებდნენ. გაკვირვებული იყო, როცა დაკვრას



დაინყებდა, მერცხლები ჩუმდებოდნენ და როცა დაკვრას შეწყვეტდა, მაშინ აჭიკჭიკდებოდნენ. ბაბუამ უთხრა, გეჯიბრებიანო.

კონკურსზე ამჯერადაც არავინ გაუყოლებია. დათქმულ დროს მივიდა. შევიდა კულისებში და კონკურსანტების დაკვრას მიუგდო ყური. ძალზე ნერვიულობდა, მღელვარებისაგან ხელებიც კი უცახცახებდა. გამოაცხადეს ქალაქში ცნობილი სამუსიკო სკოლის წარმომადგენლის გვარი და სახელი. მისი ტოლა ბავშვი იყო. პირველ ნომრად კონკურსანტმა ვაჟა აზარაშვილის „ნოსტალგია“ შეასრულა. მეორე ნომრად – შტრაუსის ვალსი. თვითონაც ეს ნაწარმოებები უნდა დაეკრა. იჯდა გაყურსული. ყურში მონანილეთა ჩურჩული ჩაესმა – ეს ბავშვი ქალაქში ძალზე ცნობილი პედაგოგის მოსწავლეაო. ყურადღებით უსმენდა. დაკვრის ოსტატობამ და საშემსრულებლო ხელოვნებამ გაკვირვება, გაოცება და აღტაცება გამოიწვია. მონუსხული ფიქრობდა – რა მაღალკვალიფიციურ დონეზე უკრავს! შესრულების რა ტექნიკაა! როგორ გრძნობს მუსიკას! რა თავდაჯერებულია! არ იგრძნობა შიში და შესულია მუსიკაში მთელი არსებით. ეტიუდს ისეთი სისწრაფით უკრავდა, თვალს ვერ შეასწრებდი თითების მოძრაობას. ლამის ცუდად გახდა, შიშისაგან გული მისდიოდა. მიხვდა, რომ ასე ვერ დაუკრავდა და მაღალ შეაფასებასაც ვერ მიიღებდა. ამ აღმოჩენამ, მისდა გასაკვირად, შიშისაგან განათავისუფლა, დამშვიდდა და დაწყნარდა. ახლა მოვალეობის მოხდის მიზნით თუ მიიღებდა მონანილეობას. კონკურსისადმი ყოველგვარი ინტერესი დაკარგა, მხოლოდ იმას ფიქრობდა, თუ როგორ მოხვედრილიყო წარჩინებული კონკურსანტის პედაგოგთან.

კონკურსანტმა დაასრულა ნომრის შესრულება. ტაშმა დაანგრია დარბაზი. მიუხედავად მარცხისა, კონკურსიდან ძალზე კმაყოფილი და ბედნიერი წამოვიდა. მიაგნო იმას, რაც აკლდა. თუ როგორ უნდა გრძნობდე მუსიკას, როგორ უნდა იღებდე ბგერას და ეფერებოდე თითოეულ ნოტს.

სახლში მისულს ოჯახის წევრები შემოეგებნენ.

– ისეთი სახემცინარი ხარ, ალბათ, გაიმარჯვე. – ყველას დაასწრო ბაბუამ.

სახემცინარი ღუმდა.

– ე, გოგო, გაგვაგებინე, რა მოხდა! ვახშმისთვის მოვემზადეთ და ერთი-ორი სტუმარიც გვენვევა. როგორაა საქმე? – ჩაეკითხა მამა.

გოგონამ მოკლედ უპასუხა:

– ვერ გავედი კონკურსში.

ახლა გაოცებულმა დედამ ჰკითხა:

– აბა, რა გიხარია?

– ძნელი ასახსნელია, მაგრამ გეტყვით: მე, მართალია, კონკურსში ვერ გავიმარჯვე, მაგრამ ისეთი პედაგოგის შესახებ შევიტყვე, თუ მის სკოლაში გადამიყვანთ, მომდევნო კონკურსში აუცილებლად მივაღწევ წარმატებას. დედა, შენ უნდა დამეხმარო, აუცილებლად უნდა გადამიყვანო იმ სამუსიკო სკოლაში, უნდა მოველაპარაკოთ სკოლის დირექტორს.

ყველანი ღუმდნენ.

– რა მოგივიდათ, რამ დაგაღონათ? დამიჯერეთ, მე იმ პედაგოგთან აუცილებლად მივაღწევ წარმატებას. მეტი რაღა გითხრათ? ახლა კი მე და დედამ მართლ უნდა ვისაუბროთ.

ყურებჩამოყრილი კაცები ცალკე ოთახში გავიდნენ. მარინეს დედა მუსიკაში დიდად ვერ ერკვეოდა, მაგრამ ნოტების ჩანთა გადააკიდებულს რომ დაინახავდა შვილს, სიხარულისაგან კანში ველარ ეტეოდა. რამდენჯერმე ცრემლიც კი მოდგომია თვალებზე.

– დედა, წარმოგიდგენია? მე ასეთი ალტაცებული და კმაყოფილი არცერთი კონკურსიდან არ წამოვსულვარ. გიკვირს, ხომ? ჩემი წინა გამოსვლები იმ ბავშვებთან შედარებით გართობა და თამაშობაა. მე მივაგენი იმას, რაც მაკლია. ამ აღმოჩენით ბედნიერი ვარ. დედა, მე ჩემსას აუცილებლად მივანევ, თუ იმ სამუსიკო სკოლაში გადამიყვან. ძალიან მინდა იქ სწავლა. გესმის, დედა?! ჩვენ აუცილებლად უნდა შევხვდეთ იმ სკოლის დირექტორს. მისი სახელი თურმე მთელ ქალაქში ქუხს. მისი ბავშვები კი არ უკრავენ, დაფრინავენ ინსტრუმენტზე. – ემოციებს ვერ ბოჭავდა მარინე.

გაოცებული შესცქეროდა დედა შვილს.

– მარცხით ასეთი გახარებული შენ გარდა არათუ არ შემხვედ-

რია, არც გამიგონია. შვილო, შენ დაწყნარდი, დამშვიდდი, ჩვენ აუცილებლად შევხვდებით დირექტორს.

– დედა, ამბობენ, ძალიან მკაცრიაო.

– მერე რა? თუ სხვებს ღებულობს, ჩვენც მიგვიღებს.

– დედა, შეხვედრით კი შეგვხვდება, მაგრამ როგორმე უნდა დავარწმუნოთ, მიგვიღოს სკოლაში.

– კიდევ ერთხელ გეუბნები, დამშვიდდი, პატარავ. ხომ გაგიგონია, სიმშვიდე და მოთმინება წარმატების საწინდარიაო. ნუ გავუსწრებთ მოვლენებს წინ.

დედა შვილს მოეხვია, კიკინებზე მოქაჩა და შუბლზე აკოცა.

– ხვალვე წავიდეთ, შევხვდეთ. ვნახოთ, რა ქალია.

მეორე დღეს დედამ სამსახურიდან თავი გაინთავისუფლა და შვილთან ერთად ხსენებულ სკოლაში გაემგზავრნენ. დირექტორის კაბინეტი მეორე სართულზე იყო. მოსაცდელში ერთი გოგონა ყვავილებს დაჰფუსფუსებდა. ვარდისა და იასამნის თაიგულს საყვავილეში ანაწილებდა. გამაბრუებელი, საამო სურნელი იდგა. დედა-შვილი გოგონას მიესალმნენ და მოახსენეს მოსვლის მიზეზი.

– დაბრძანდით, – თავაზიანად მიუთითა ჩამწკრივებულ სკამებზე. – ახლავე მოვახსენებ, – და კარს მიღმა გაუჩინარდა. მალევე გამოვიდა და გამამხნევებელი ღიმილით კაბინეტისაკენ მიუთითა.

მათი შესვლისთანავე წამოდგა დირექტორი და გრძელ მაგიდასთან მიიწვია სტუმრები. დედა-შვილს დამაბრმავებლად ლამაზი ქალი შესცქეროდა. ძლივს გადადგა ფეხი მარინემ, მისმა სილამაზემ მონუსხა და დააბნია. წუთიერი გარინდება და უხერხული სიჩუმე დედამ დაარღვია. ყოველგვარი შესავლის და მიკიბ-მოკიბვის გარეშე დაიწყო:

– მე მინდა, რომ ჩემმა შვილმა თქვენს სკოლაში ისწავლოს.

წამიერად შეცბა დირექტორი, ყურადღებით შეათვალიერა დედა-შვილი, მერე თავი ოდნავ გვერდზე შეაბრუნა, ლამაზი წარბები მალლა აზიდა, ამაყად და ამასთან ერთგვარი თანაგრძნობით, უმშვენირესი ხვეწვით, რბილი ხმით, თითქოს ყველა სიტყვას ეფერებაო, თქვა: – მე, ქალბატონო, სხვა

მუსიკალური სკოლიდან არ გადმომყავს ბავშვები. მე თვითონ ვზრდი და ჩემი ბავშვები საუკეთესოები არიან. მაპატიეთ პირდაპირობისთვის, მაგრამ თქვენ რომ გინდათ, ეს ჩემთვის ბევრს არაფერს ნიშნავს.

ცივი დუმილი ჩამონვა, რაღა ეთქმოდათ, დედა-შვილი უსიტყვოდ წამოდგნენ ფეხზე და გასავლელისკენ გაემართნენ. ბავშვს ცრემლები წასკდა. კართან არ იყვნენ მისული, დედა რომ შედგა, შემობრუნდა და დირექტორს მიმართა:

– მე კი არ მინდა, ქალბატონო... ისე, რომ იცოდეთ, მუსიკალური სკოლა სახლის გვერდით მაქვს. როგორც მშობლისთვის, ჩემთვის ის უფრო მოსახერხებელია, მაგრამ ჩემმა შვილმა, კონკურსზე, სადაც თქვენი მოსწავლეები მონაწილეობდნენ, მათი დაკრულით აღტაცებულმა დანანებით მითხრა: მე თუ ამ სკოლაში არ გადავედი, მაღალკვალიფიციურ მუსიკალურ განათლებას ვერ მივიღებ და საშუალებებში ჩავიკარგებიო. ქალბატონო, მუსიკის ბევრი არაფერი გამეგება, მე უფრო ბავშვის მომავალი მანუხებს. ღამეები არ სძინავს... მაგრამ რა გაეწყობა, როცა თავს ზემოთ ძალა არ არის.

დედა კარისკენ შებრუნდა, ბავშვს ხელი ჩასჭიდა და გასასვლელისკენ გაემართა.

– ერთი წუთით, ერთი წუთით, ქალბატონო.

დედა-შვილი შემობრუნდა.

– დაბრძანდით!.. – მოსმენილმა ძალზე იმოქმედა დირექტორზე, თითქოს რაღაც გალღვა ამაყ ქალში, უჩვეულო მდგომარეობაში იყო. – მომიტევეთ, ცოტა ხანს დაყოვნდით, ბავშვს გავესაუბრები. თქვენი სახელი? – შემობრუნდა ბავშვისკენ და კდემით სავსე, საოცრად ლამაზი, მაყვალისით შავი თვალები შეანათა.

– მარინე. – მორიდებით უპასუხა ბავშვმა.

– მარინე, მომიყვები, მუსიკალური ნომრის შესრულებისას რა იგრძენი და რას მიხვდი. რატომ გინდა ჩემს სკოლაში გადმოსვლა?

მარინემ დაწვრილებით მოუთხრო თავისი განცდებისა და შთაბეჭდილების შესახებ, დასასრულს კი დაამატა და კიდევ ერთხელ გაუსვა ხაზი:

– მასწავლებლო, კონკურსმა მე დამანახვა თქვენი სკოლის სიძლიერე. ბავშვი, რომელიც ნაწარმოებს უკრავდა, რაღაც გასაოცარი გრძნობით იღებდა ბგერას და გრძნობდა ნაწარმოებს. მეორე ბავშვი, რომელიც ეტიუდს ასრულებდა, უკრავდა საოცარი ტექნიკით. ამ ორი ბავშვის მერე, საერთოდ აღარ მინდოდა გამოსვლა. მათი მოსმენის შემდეგ მივხვდი, რომ მათ ძალზე ჩამოვრჩებოდი და თუ თქვენს სკოლაში არ მიმიღებთ, ვერასოდეს გავხვდები ისეთი შემსრულებელი, როგორც თქვენი ბავშვებია. – ისევ ცრემლები მოაწვა აღელვებულ ბავშვს და ცერა თითით მორცხვად მოიწმინდა.

– დამშვიდდი, დამშვიდდი და განაგრძე, – თბილად უთხრა პედაგოგმა და ბეჭზე ხელი მოუთათუნა.

– კონკურსის შემდეგ მივედი ბავშვებთან. ვკითხე, თუ სად იყო თქვენი მუსიკალური სკოლა და იქ გავიგე თქვენ შესახებ. მეც დავუკარი კონკურსზე და, მიუხედავად წარუმატებლობისა, ბედნიერი წამოვედი... დავამთავრე, მასწავლებლო... – მორიდებით წარმოთქვა თავჩაღუნულმა.

ღრუბელივით ჩამოწვა დუმილი. საიდანღაც შემოფრენილი ხატულა პეპელა თავდავინწყებით აწყდებოდა ფანჯრის მინას. დირექტორი წამოდგა, ფანჯარა გააღო. ტყვეობიდან განთავისუფლებული პეპელა ხალისიანად, ფარფატით შეერია სივრცეს. მასწავლებელმა თვალი გააყოლა, მერე შემობრუნდა, დუმილი დაარღვია და წყნარად წარმოთქვა:

– გასაოცარია! – ჩამოშლილი თმა შეისწორა და აგზნებული სახე ხელით გრაციოზულად მოინიავა. – გასაოცარია! – გაიმეორა კიდევ ერთხელ. – მარინე, შენმა ნათქვამმა გადამარწმუნა და ჩემი პრინციპების საწინააღმდეგოდ განმანყო. გაკვირვებულის ვარ და გახარებულის. გაკვირვებული იმით, რთულ მუსიკალურ ნიუანსებს ეს პატარა ბავშვი როგორ ჩაწვდი. გახარებული იმით, რომ ასეთი ჟინი და მონდომება სწავლისა, ზოგადად, დიდ იშვიათობას წამოადგენს. ახლა ასეთ წინადადებას შემოგთავაზებთ – მოგცემ ნაწარმოებებს და ექვსი თვის განმავლობაში იმეცადინებ ჩემთან. თუ შევატყობ, რომ მომყვები, იქნები ბეჯითი და მივიღებ ისეთ შედეგს, რომელიც

მე მაკმაყოფილებს, მიგიღებ ჩემს მუსიკალურ სკოლაში. ისე, რომ იცოდეთ, მე ბავშვებს აღარ ვამეცადინებ. მარინე, გესმის, პატარავ? შენმა მონდომებამ, დაუოკებელმა სწრაფვამ სწავლისა ფარ-ხმალი დამაყრევინა. ხვალიდან ვინცებთ მეცადინეობას. აბა, ხვალამდე! – წამოდგა დირექტორი და სტუმრები კარამდე მიაცილა.

სიხარულით გაცისკროვნებული დედა-შვილი ფრთაშესხმული გამოვარდნენ კაბინეტიდან.

...და დაიწყო გზა გოლგოთისკენ. ყოველდღიური ვარჯიში იწყებოდა გამებით ოთხ ოქტავაში, აკორდებით, არპეჯიოთი, ქრომატიული გამებით. მარინე ხვენდა ტექნიკას, ხელის სისწრაფეს. უზარმაზარი პასუხისმგებლობა მხრებზე აწვა და თავის აღების საშუალებას არ აძლევდა. არაადამიანურმა ძალისხმევამ და თავგანწირულმა მეცადინეობამ შედეგი გამოიღო, კმაყოფილმა მასწავლებელმა ბეჯითი მოსწავლე თავის სკოლაში მიიღო...

ეჰ, რამდენი დრო გავიდა! ეს ბავშვიც რა კარგად უკრავს...

როცა მეგობართა წრეში საუბარი მუსიკაზე ჩამოვარდებოდა, თავის მასწავლებელზე იტყოდა ხოლმე: ასეთი მოხდენილი ქალი არასდროს შემხვედრია – საშუალოზე მაღალი, შავი თმა და შავი თვალები, მერცხლის ფრთასავით მოქნეული წარბები, თეთრყრმობა სახე, ზომიერი ტუჩები, ბალერინასავით ყელი, ხელის დახვენილი მოძრაობა, პლასტიკური მიხვრა-მოხვრა, არისტოკრატიული ჩამომავლობა... მთელი ქალაქი მასზე იყო შეყვარებული. რა სიტყვა-პასუხი! საუბრობდა დახვენილი, კლასიკური ქართულით, არცერთი უცხოური და გაურკვეველი სიტყვა, კუთხურობის არანაირი ნიშანი; ქალი-მშვენიება, უაღრესად პატიოსანი, გულმონყალე, კეთილი, თავაზიანი და ამავე დროს პრინციპული. ჩემთვის ის ღმერთ-ქალივით იყო. ჩვენი ქალაქის კოლორიტი... ძალიან მინდოდა, მას დავმსგავსებოდი და ისეთივე ელევანტური გავმხდარიყავი. ძალზე მიყვარდა. უსაზღვროა მისი ღვანლი ჩემს პიროვნებად და მუსიკოსად ჩამოყალიბების საქმეში. ყველაფერში ვბაძავდი. რამდენი რამე ვისწავლე მისგან და დღესაც მის ნაკვალევს მივყვები, დიდი სიყვარულით და პასუხისმგებლობით ვაგრძელებ პედაგოგიურ

საქმიანობას. ჩემი მანათობელი ვარსკვლავი იყო ცხოვრების გზაზე. როცა ცხოვრებაში რთული მომენტები დამიდგებოდა, გავიფიქრებდი ხოლმე, – ნეტავ, ჩემი მასწავლებელი როგორ მოიქცეოდა-მეთქი. ამ ქალმა მე სხვა სამყარო დამანახვა, იდუმალებით მოცული ჯადოსნური მუსიკალური სამყარო.

მთელი სიცხადით გაუკრთა თვალწინ მისი ცხოვრების სა-  
ეტაპო მოვლენა, რომელმაც მთლიანად განსაზღვრა მისი მომავალი.

დაკვრა შეწყდა. უკანასკნელი აკორდების ექო სადარბაზოს კედლებს მიეფინა. მარინე გამოერკვა, შეფუცხუნდა, – დავტოვე კაცი მშიერიო, გაიფიქრა და აჩქარებული ნაბიჯებით ჩაუყვა კიბეს.





# Եօզուհի





## ნიკორა

– მაროო! – პასუხი რომ ვერ მიიღო, უფრო ხმამაღლა დაიძახა, – მაროო! ნეტავ სად დაიკარგა?

შეფიქრიანებულმა შუახანს მიტანებულმა მამაკაცმა სახლის კარი გამოაღო, ეზოში გავიდა, მიმოიხედა. არავინ ჩანდა კოინდარს შესეული ქათმების გარდა, რომლებსაც ყინჩი მამალი დაჰფოფინებდა და ხანდახან ომახიანად შეჰყვივლებდა ხოლმე. სად წავიდოდა, ბოსტანშია ალბათ გადასული, გაიფიქრა და კაკლის ხისკენ გაემართა, თავისი ხელით გაკეთებულ მოსალხენ მაგიდასთან ჩამოჯდა, იდაყვებით დაეყრდნო და ნაცნობ პეიზაჟს შეავლო თვალი. ჰერ ზეცას ახედა, მერე შორეთს მიაპყრო მზერა. ჩამავალი მზის სხივები თეთრად გადაჰენტილ კავკასიონს ცისარტყელას ფერებში ხვევდა. საოცარია სამყარო, იდუმალებით სავსე და უზომოდ ლამაზი. დიდება შენს ძალმოსილებას, უფალო, ერთ მხარეს ცისკენ ამართული თოვლიანი მწვერვალები, მეორე მხარეს კი დაყურსული შემოდგომა – სურნელოვანი ნაყოფით დახუნძლული, ნაჯაფარი ბერიკაცივით წელში მოხრილი ხეები, ტალავერს შესეული დაუღალავი ფუტკრების გამაბრუებელი ზუზუნი. ფრთოსნებს არ იკითხავთ? დაუპატიჟებლად, შინაურივით შესევნიან დამკრახულ მტევნებს და დათაფლულები ისეთ გალობას წამოიწყებენ, თავს დაგავიწყებენ და სააქაოს მოგწყვეტენ.

წამიერი გარინდებიდან გამოსულმა კაცმა ბოსლისაკენ გასწია და ისევ დაიძახა:

– მაროო!

ხომ მშვიდობაა ნეტავ ჩემს თავს? შეფუცხუნდა კაცი.

– რა იყო, რა მოხდა, შე კაცო? – ქალმა ჯერ თავი გამოყო, მერე განზე განუული ხელები – ერთში თუჯია ეჭირა, მეორეში კი მოსარევი თხილის ჯოხი.

კაცს გულზე მოეფინა და ხუმრობის ხასიათზე დადგა.

– რავა ნაწილ-ნაწილ გამოდიხარ შე დალოცვილო, რამდენი ხანია არ მინახავხარ, გამოდი, დამენახვე, გადამელია გული.

– შენ გეხუმრება ნიკიფორე და ახლა მე მკითხე?

– რა მოხდა? – დასერიობულდა კაცი.

– ძალიან შემადიქრიანა ჩვენმა ხარმა, კოჭლობს ძალიან. ისევ გაუსივდა ფეხი, – თქვა ქალმა და კაცთან ერთად ბოსელში შვიდა.

– ნიკორა, ჩემო მეგობარო, რა მოგივიდა, წოლისა და კოტრიალის დროა ახლა?

ხარმა ბრიალა თვალები მოსულეებს შეანათა და დაიბღავლა, თითქოს თქვა: იტყვი რა შენც, ნიკიფორე, ყელში ამომივიდა ამ სიბნელეში ყოფნა და კოტრიალი. კაცი ხარს მიუახლოვდა, ქედზე ხელი მოუსვა, რქებსაც მისწვდა, შუბლიც მოფხანა და ყურში ჩასჩურჩულა:

– ახლა ღალატი იქნება, ბიჭო? მთელი წლის ნაამაგარი დასაბინავებელი. გამცალეს ჩიტებმა, ცოტაც და დავრჩებით უღვინოდ. სირცხვილით სად გინდა გამოყო თავი.

ხარმა ნიკიფორეს ნაღვლიანი თვალებით უპასუხა: ელაპარაკე ახლა ამას, როდის მიღალატნია? მომირჩინე ფეხი და მერე შენი ხმალი და ჩემი კისერი.

– ნიკიფორე, დროულად უნდა დავაყენოთ საშველი, ან ეს ხარი უნდა მოვარჩინოთ, ან სხვისი ვინათხოვროთ.

– მყავდა ექიმთან, ნემსიც გაუკეთა, მალამოებიც მოგვცა, მეტი რა ვქნათ, ვაცალოთ კიდევ ცოტა ხანს და მერე გადავწყვიტოთ. ეჰ, მებრალეება, უფრო მეტად კოჭლობს, ჭამასაც უკლო.

– ავადაა და იმიტომ. მჯერა, ნიკორა არ გვიღალატებს, მალე გამოკეთდება.

ხარმა დაიბმუვლა და თავი ძირს დახარა.

– მარო, ქალაქიდან ხომ არაფერი ისმის, ჩვენები ხომ არ შეგხმიანებიან?

– არა. – ნაღვლიანად თქვა ქალმა.

კაცი ცოტა ხანს ჩაფიქრდა, ჯერ მაროს მიაპყრო მზერა, მერე ხარს:

– არისტოსთან გადავალ, გამოცდილი კაცია, ხომ გაგიგონია – გამოცდილება ჭკუის გვირგვინიაო, დავეკითხები, იქნებ გვირჩიოს რამე. მეცოდება ნიკორა, მგონი ჩვენზე მეტად ნერვიულობს, დღესვე მიინდა ნახოს.

– ახლა რაღა დროსია, შე კაცო, დაღამდა. უმჯობესია დილით გადმოვიყვანოთ.

– არა, არა, გადადებული საქმე ეშმაკისაა, ტფუი მაგის სახელს, – პირფვარი გადაინურა კაცმა. – შენ პატარა ვახშამი მოამზადე. სუფრასთან ლაპარაკს სხვა ეშხი და ლაბათი აქვს, უფრო საქმიანი გამოდის. ნითელი ღვინოც არ დაგავიწყდეს, ხომ გახსოვს, რა თქვა ექიმმა, ორი ჭიქა ნამალიაო.

– დაჯერებულხარ კი ოდესმე ორ ჭიქას?

– კაი, ახლა, მარო, – ხელი გადახვია კაცმა, თან ჩამოშლილი ჭაღარა თმა გადაუნია და სიყვარულით ჩახედა თვალებში. რა ვუყოთ, ხანდახან ორ ჭიქას ორს ვუმატებ ოთხი სახარების პატივსაცემად.

– მიზეზი არ გელევა, ნიკიფორე, მიზეზი.

– არისტო, არისტო, გამოიხედე ერთი ნუთით! – შესძახა ნიკიფორემ მებობელს.

– რავა უცხოსავით იქცევი! შემოდი, შვილიშვილები მენვივნენ, ბავშვებთან ვთამაშობ. – შინიდან გამოსძახა არისტომ.

ნიკიფორემ კარის ზღურბლს გადააბიჯა.

არისტო ბავშვებთან მატარებლობანას თამაშობდა. თვითონ ელმავალი იყო, ბავშვები კი ვითომ ვაგონები. მიფლატუნებდა არისტო და ბავშვებთან ერთად გაჰკიოდა: ჩუქ-ჩუქ! ჩუქ-ჩუქ! მერე ნაუძღერა: თეთრი რელსები... ბაბუკელებო, უკვე ბორჯომში ვართ. ელმავალი დაიღალა, ცოტა ხანს შევისვენოთ. ხედავთ, ბაბუა გვენვია. პატარებმა სათამაშოებთან ჩაიშუხლეს და თამაში განაგრძეს.

– რას არ გაგაკეთებინებენ ეს ონავრები, გადამიყვანეს ჭკუიდან. გამკვირვებია პირდაპირ, ჩემებია ასეთი ჭკვიანი თუ სხვებიც.

– შენები, რა თქმა უნდა, არისტო, შენები.  
– ბაბუას გვანან. – გაიღიმა არისტომ.  
– ყველა ბაბუას თავისი შვილიშვილი გენიოსი ჰგონია, ასე ვარ მეც, – გახალისდა სტუმარი, – მაინც რამ გაგაკვირვა ასე, ჩემო არისტო?

– მოდი და ნუ გაგიკვირდება, ლექსებს წერს ეს უწლოვანი, კაცო, ჯერ მხოლოდ ოთხი წლისაა.

– წერაც იცის, არისტო? – გაიკვირვა ნიკიფორემ.

– არა, წერა არ იცის, ზეპირად გამოთქვამს. ელისაბედ, მოდი ბაბუკელა ჩემთან. მოუყევი ბაბუას ლექსი. ე, გოგო, არ შემარცხვინო ახლა და არ მომჭრა თავი. სოფელი ტრაბახით ავიკელი, პოეტი შვილიშვილი მყავს-მეთქი.

პატარა მოცუნცულდა, ცნობისმოყვარე თვალები ნიკიფორეს შეანათა და გაკვირვებულმა იკითხა:

– ბაბუ, მე რამდენი ბაბუა მყავს?

ნიკიფორეს გადახარხარებას არაფერი უკლდა.

– გამაგიჟებს ეს ბავშვი. კარგი, კარგი, წადი ახლა და სხვა დროს მოგვიყევი.

ნიკიფორეს ჩაეცინა, ბოკონა სკამისკენ მიიწია და ჩამოჯდა.

– იცინე შენ, იცინე, მართლა ჰყვება თავის ლექსებს.

– ეჭვიც არ მეპარება, არისტო. ბავშვები საოცრებებს სჩადიან. განსაკუთრებით დღევანდელი ბავშვები. იმდენ რამეს ისმენენ და იმდენ რამეს ხედავენ, რაღა უნდა გაგიკვირდეს. ისე კი, დიდი ბებიასაგან გამიგონია, უწლოვანი ბავშვები ანგელოსის პირით ლაპარაკობენო, ამიტომ ეჩვენება უცნაურად ჩვენს ყურს და გონებას.

– უჰ, ბავშვებმა ყველაფერი გადამაზინწყეს. მომიტევე, ჩემო ნიკიფორე, ხო მშვიდობაა თქვენს თავს, რაღაც აფორიაქებული მეჩვენები. რამ შეგანუხა?

– რამ შემანუხა და ჩემმა ცალუღელამ. ვერ არის კარგად, ფეხს იტკიებს, ვერაფერი გავუგე. იქნებ შენც გენახა, გამოცდილი კაცი ხარ, უამრავი ხარი გყოლია.

– ხომ არაფერი შეესო? ან ხომ არაფერმა უკბინა?

– არა მგონია. ავადმყოფობის დროა ახლა, არისტო? – თქვა კაცმა დანანებით – მოსავალი დასაბინავებელია.

– მაგაზე არ იდარდო, ჩემ ხარებს გათხოვებ. შენ ხარს კი ხვალ ვნახავ. ტაბლასთან მოაჩოჩე შენი სკამი, ქალს ყველაფერი გაუმზადებია.

– მაგის დროა ახლა, არისტო? – ბოკონადან წამოიწია ნიკიფორე.

– მოდი, მოდი ნუ გავანბილებთ ქალს. ლექსიც უნდა მოგასმენინო, ტყუილში რომ არ ჩამეთვალოს.

კაცები მაგიდას მიუსხდნენ. სამი ჭიქის შემდეგ ნიკიფორე წამოდგა:

– მეტს ვერ დავლევ, აკრძალული მაქვს. ამ ბოლო ჭიქით ოჯახს დაგილოცავ და წავალ.

– ელისაბედ, ბაბუა, ნიკიფორე ბაბუა გავაცილოთ, თან ლექსი უთხარი, მე რომ მიყვები, ამ ბაბუასაც მოუყევი, ძალიან, ძალიან უნდა, რომ მოგისმინოს.

ნიკიფორეს გასაკვირად ბავშვმა თამაში მიატოვა, მივიდა და დაიწყო – ისე ამბობდა, თითქოს მღეროდა:

ფოთლები მღერიან, ნოტებიც მღერიან,  
ღრუბლები ჯარად ცას მიჰყვებიან,  
და მზეც ანათებს!

– აა, ხომ გითხარი, ღლაპი რომ ამ ასაკში ასეთ ლექსს დანერს, დიდობაში რას იზამს, – ჩაეხუტა შვილიშვილს არისტო, – გაიხარე, ბაბუ, ჩემო სიცოცხლე. წადი ახლა ეკატერინესთან, განაგრძე თამაში. ხომ ხედავ, რა გულწრფელადაა ნათქვამი, ყველაფერი ცხადია და გასაგები.

– მე ხარების სპეციალისტი მეგონე, შენ კი თურმე ლექსებშიც ერკვევი. ჩუმ-ჩუმად შენც ხომ არ წერ, არისტო?

– ბავშვობაში ვწერდი. ლიტერატურა ძალიან მიყვარს. ადრე უფრო კარგად წერდნენ. აკაკისთან ყველაფერი ნათელია, გალაკტიონი კი მგონი მინიერი არ იყო.

– ვერ შეგედავები, პოეზიაში კარგად ვერ ვერკვევი, მაგრამ ისეთი ლექსი კი მომწონს, სიმღერას რომ მოგანდომებს.

არისტომ მეზობელი ჭიშკრამდე მიაცილა და დაემშვიდობა.

ღამის სიჩუმეში მხოლოდ ორღობეში მიმავალი კაცის ფეხის ხმა ისმოდა. რაო, როგორ თქვა იმ კუდრაჭამ, – ფოთლები მღერიან, ნოტებიც მღერიან, ღრუბლები ჯარად ცას მიჰყვებიანო.

– მგონია რაღაცას მატყუებ, არისტო, – ხმამაღლა თქვა კაცმა და ცას ახედა. ზემოდან გაბრდღვიალებული მთვარე და ვარსკვლავებით მოჭიქული ცა დასცქეროდნენ, – ღმერთო, რა სილამაზეა, სუნთქვა შეეკრა, ფეხი შეანელა, მიწიერს ნამიერად მოსწყდა და ოცნებით ვარსკვლავეთში გაინავარდა.

მეორე დილით არისტო სისხამზე დაადგა თავს ნიკიფორეს. ნიკიფორე ტალავერის ქვეშ იდგა და ყურძენს ათვალთვლებდა. ერთმანეთს მიესალმნენ. არისტომ ვაზსს ახედა.

– აგვიანებ, ნიკიფორე, აგვიანებ, თუ დროულად არ დაკრეფ, დაგრჩება მარტო ფოთლები. ნავედით, ნავედით, ვნახოთ რა სჭირს შენს ხარს.

მეზობლები ბოსლისაკენ გაემართნენ.

– ოღონდ გარეთ გამოიყვანე, – თქვა არისტომ.

ნიკიფორე ბოსელში შევიდა, ბაგაზე მიბმული ხარი ახსნა და ეზოში გამოიყვანა. ხარი გვარიანად კოჭლობდა, ფეხიც შესიებოდა. არისტომ ჩაიჩოქა, შესიებულ ფეხზე ხელი მოუსვა. ხარი შეტოკდა და ამშუვლდა. არისტომ ხარის ფეხი ყურადღებით შეათვალიერა:

– ნალებს მიღმა რა ხდება ძნელი დასადგენია, ჩლიქებს შორის კი ჩირქიანი გამონადენია, ხედავ?

– ადრე არ ჰქონდა. რას იტყვი, არისტო, როგორ მოვიქცე?

– აბა, რა გითხრა, – თავი მოიქექა არისტომ, მერე კიდევ ერთხელ შეათვალიერა ფეხი და ხარს დაზიანებულ ადგილას ხელი მძლავრად მოუჭირა. ხარმა საბრალობლად შებღავლა და ფეხი გამოსტაცა. – ხედავ, როგორ ტკივა? გაქანებული ჩირქოვანი ანთებაა, ჩემი აზრით, კარგი იქნება თუ მჭედელთან ჩაიყვან. თუმცა მჭედელთან როგორ ჩაიყვან? უმჯობესია აქ ამოიყვანო. ნალს მოაძრობს, ჩლიქებს დაუმუშავებს. სანამ არ მოშუშდება, დაჭედვა გამორიცხულია. ვეტერინარის დანიშნულებაც გავაგრძელოთ და დავვლოდოთ.



– რომ არ უშველოს, მაშინ?  
– ყასაბს უნდა მიუყვანო.  
– რას ამბობ კაცო!  
– სხვა გამოსავალს ხედავ? სამფეხა ძაღლი მინახავს, მაგრამ სამფეხა ხარისგან რა ხეირია?

ნიკიფორეს გული მოეწურა, შვილივით გაბრდილი, სალსალამათი ხარის დაკვლა ვერ წარმოედგინა. ხარი კომპის ხეზე მიაბა და არისტოსთან ერთად გასასვლელისკენ გაემართა. მაროს კაკლის ძირში მაგიდა გაეწყო – მსუბუქი საუზმე, არაყი და წასახემსებელი.

– ეს რაღა საჭირო იყო, კაცო.  
– აბა, დაულოცავად ხომ არ წახვალ? – ნიკიფორემ სირჩებში არაყი ჩამოასხა.

– დილის მადლი შეგვენიოს, – არისტომ თავი მაღლა ასწია და გადაჰკრა. კაცს თვალებიდან ლამის ნაპერწკლები გადმოსცვივდა და სულშეგუბებულმა ძლივს ამოთქვა – რა არის კაცო ეს, მკლავ? ცეცხლია თუ არაყი?

– ხომ უნდა იგრძნო? – გაელიმა ნიკიფორეს.  
არისტო დაჭრილ ვაშლს მისწვდა და ჩაახრამუნა.  
– ერთი კიდევ, არისტო, ცალი ფეხით ხომ არ ხარ მოსული, ბიჭო.

– უამრავი საქმე მაქვს, ამის მერე რაღა გავაკეთო.  
– გააკეთებ, არისტო, უფრო უკეთესად გააკეთებ. ეს მწარეა და ჩვენ ტკბილად გვამყოფოს ღმერთმა.

მეზობელმა გადაჰკრა და ლამის სირბილით გასწია ჭიშკრისკენ.

– ნუ გადადებ, დღესვე აჩვენე მჭედელს, გეყურება? – მიაძახა ჭიშკარს გაცდენილმა არისტომ.

ნიკიფორემ იმ დღესვე ამოიყვანა მჭედელი. წამოაქციეს ხარი და შეუკრეს ფეხები. მჭედელმა ნაღისგან გაათავისუფლა ნიკორა. რაღაც დანის მსგავსი, ბასრი, მოკაუჭებული ხელსაწყოთი მანამდე ათალა ჩლიქი, სანამ სითეთრემდე არ დაიყვანა. ნალურსმნებიც კი აღარ ეტყობოდა. მერე სპირტით დაუმუშავეს, ცხეს მაღამო და შეუხვიეს.

– ნიკიფორე, შეშუპება თუ მუხლისაკენ წავიდა, მეეჭვება რაიმე ეშველოს. სანამ ფეხი მთლიანად ჩირქად არ ექცევა, კალენიკეს მიუყვანე.

ნიკიფორეს პატივისცემის გარეშე არ გაუშვია მჭედელი. მისმა ნათქვამმა საგონებელში ჩააგდო.

სანამ საბოლოო გადაწყვეტილებას მიიღებდა, ნიკიფორე მეუღლესაც დაეკითხა:

– რას იტყვი, მარო, როგორ მოვიქცეთ? ჩავაბაროთ, თუ დავვლოდოთ, იქნებ თავისით გამოკეთდეს?

– გულქვა კალენიკეს როგორ მოვაკვლევიწო ჩვენი მარჩენალი. მაგის სახლთან რომ გავივლი, სასიკვდილოდ განწირული პირუტყვის ბლავილზე მუხლები მეკეცება.

– კალენიკეს რას ერჩი ქალო, რა მაგის ბრალია, მასეთი კაციც საჭიროა, სოფელიც ემადლიერება. აგროვებს პირუტყვს და კვირაში ერთხელ მიყავს ჩასაბარებლად. თვითონაც სარგებელს ნახულობს და სოფელიც. არაფერს უღმერთოს არ აკეთებს ეგ კაცი. ღვთისგანაა დადგენილი საქონლის ხორცი საკვებად. ეჰ, მარო, მარო! – ისეთი ამოიოხრა კაცმა, გეგონებოდა გული თან ამოატანაო, – განა მე არ მტკივა? როგორი გასამეტებელია ოჯახის წევრით გაზრდილი არსება დასაკლავად. სხვა გამოსავალი გვაქვს?

ორი დღის შემდეგ ნიკიფორემ ხარი კალენიკეს ჩააბარა.

– აფსუს! რა ხარია, ბიჭო! ჯანსალი, მოვლილი და ნაპატიები. მენანება დასაკლავად, ნუთუ ვერაფრით უსაშველეთ? – თქვა კალენიკემ.

– ვერაფრით. კარგი, რა გაეწყობა. – ნიკიფორემ აჩქარებული ნაბიჯით დატოვა კალენიკე. ჭიშკრამდეც კი არ იყო მისული, ხარის განწირულმა ბლავილმა ადგილზე რომ გააქცავა. ისე ბლაოდა, გეგონებოდა დანა გამოუსვენს ყელშიო. კარის ბლურბლთან შეყვონდა, აცრემლებულმა ღრმად ამოიხვნეშა და გულდამძიმებულმა ლასლასით გასწია შინისაკენ.

კვირა დღე იწურებოდა, მარო მინდვრიდან რომ მოდენიდა ინდაურებს. კალენიკეს სახლთან რომ ჩაიარა, ნაცნობმა ბლავილმა ფეხები შეუბორკა. ეზოში გადაიხედა, მისი ხარი ბლა-

ოდა საწყალობლად. თვითონაც არ იცოდა, რა ძალამ აიძულა ებოში შესულიყო. ცრემლმორეული მიუახლოვდა ხარს, ხელი მოხვია, მოეფერა. ეხუტებოდა, კოცნიდა და მოსთქვამდა:

– ეს რა დღეში ჩავვარდით, ჩემო ნიკორა, ეს რა დღეში. რა უბედურება გვეწვია, ვინ გაგთვალა. რა გჭირდა შენ სასიკვდილო. რაც სახლიდან წამოგიყვანეთ, კაცს ველარ ველაპარაკები. სულ აღრენილია. უბრად ვართ, ერთმანეთის შეხედვის გვრცხვევია. რა ვქნათ, რა მოგიხერხოთ.

ხარმა შეზმუვლა, ხაოიანი ენით სახე აულოკა. მაროს ლოყაზე ნალვერდალივით ცხელი წვეთი დაეცა. თავი ასწია და გახევდა. ხარს თვალებიდან ღაპალუპით სცვიოდა ცრემლები. გული კინა-ღამ გაუჩერდა, რომ არ წაქცეულიყო, კისერზე ჩამოეკიდა, მწარედ აქვითინდა. არ ახსოვს, რამდენ ხანს იყო ასე გახევებული. ბჭებზე ხელის შეხებამ გამოაფხიზლა.


– მარო, მარო! – ქალის წინ ფერწასული კალენიკე იდგა, ხელში ბანარი ეჭირა. – მარო, ხარს ვერ დავიტოვებ, ვერ მოვიხმარ მისი სიკვდილით მიღებულ გასამრჯელოს. მეც ადამიანი ვარ და არ მაქვს ქვის გული. არ მეგონა თუ კიდევ რამე გამაკვირვებდა, ვერ წარმოვიდგენდი, ხარს თუ ასეთი ტირილი შეეძლო. – სვენებ-სვენებით ღაპარაკობდა კალენიკე, – ჩემი დაკვირვებით, შეშუპება შეჩერებულია, უფრო შორს არ წასულა, წაიყვანე, ღმერთმა ხელი მოგიმართოთ. – ბანარი ხელში შეაჩეჩა და სწრაფად გაეცალა.

მარომ ბანარს მოქაჩა. ხარი თვინიერად გაჰყვა. ცოტა ხნის შემდეგ ქალი შედგა, მობრუნდა და პირუტყვს შეაცქერდა. ხარის სახე ცრემლებს ჩამოერეცხა და ხნულივით დაეტოვებინა კვალი.

– აუცილებლად გიშველით, ჩემო ნიკორა, აუცილებლად. – იმედიანად თქვა ხმამაღლა და ჭიშკარს გასცდა.



# მოლაპარაკე კაკლის ხე





## მოლაპარაკე კაკლის ხე

– გეყოფა ახლა, გეყოფა, ხვალ გავაგრძელოთ.

– რა გავაგრძელოთ?

– ყოველდღიური მომაბეზრებელი ყოფისა და მცონარების გამო, შეუძლებელია არსში წვდომა. გამოუცნობია ადამიანის შინაგანი ბუნება, სხვისი კი არა, საკუთარი თავის შეცნობაც ჭირს. თმენის უნარის გარეშე შეუძლებელია მოაზროვნე არსებამ რამეს მიაღწიოს. თმენის უნარი ღვთის უდიდესი ნიჭია და ერთ-ერთი უმთავრესი სათნოება, გზამკვლევი ჭეშმარიტების შეცნობის გზაზე.

ზამთრის პირველი თვე იდგა, რბილი, ნაკლებად სუსხიანი. ჟინჟლავდა. ცა ყომრალი. აივნოდან კაკლის ხეს გაჰყურებდა, რომელიც მობუზულიყო, თითქოს სციოდა. შეყვითლებული ფოთლები უსიცოცხლოდ მიციებოდნენ ხის ტოტებს. მერე კი ხან ერთი მოწყდებოდა და ხან მეორე, ხანაც – რამდენიმე ერთად. სიო არ იძვროდა, ფოთლები კი ცვიოდა და ფიანდაზად ეფინებოდა პირქუშ და გრძნობადაკარგულ მიწას. მოხუცი გასცქეროდა ფოთლების ფარფატს და საკუთარ სიკვდილს უმზერდა...

– რამ დაგაფიქრა, ბერიკაცო, სიკვდილზე ფიქრობ? ეჰ, თქვენი სიკვდილი რა სიკვდილია, ერთ დიდ დღესასწაულს ემსგავსება, მუსიკით და ტაშ-ფანდურით გაცილებენ, ზოგი ცრემლსაც გამოგაყოლებს ხოლმე. თქვენ რა გიჭირთ, თუ მოკვდებით, ერთხელ მოკვდებით. მე კი ყოველ შემოდგომაზე ვკვდები. თქვენ ვერც კი წარმოიდგენთ, როგორ მტკივა შესამოსელისაგან რომ ვიცლები და ვშიშვლდები. როგორ მტკივა მათი ცრემლები. მეც ჭირისუფალივით დავტირი. ეგ კიდევ

არაფერი, შევეჩვიე. რას იზამ, ბუნების კანონია, ღმრთისგან დადგენილი კანონი, რომელსაც ვერავინ შეცვლის. მაგრამ მე ყველაზე მეტად მაინც ის მტკივა, მთელი წლის ნაშრომ-ნაამაგარი ზედ რომ მახმება. კაცი არ გამოჩნდა, რომ ჩამობერტყოს. თუ შენი ნაშრომით არავინ ისარგებლა, ამაოა ეს შრომა, უსარგებლო და მტკივნეული. ხანდახან ყვავი და კაჭკაჭი შემომასხდებიან ხოლმე, დამჩხავიან და დამყრანტალებენ თავზე. სტუმარმასპინძლობის წესია, იმათაც უნდა გავუმასპინძლდე. ბუნებაში ზედმეტი არაფერია, ისინიც ღვთისგანაა გაჩენილი, თავისი ხმა და ფერი აქვს და სამყაროსაც უფრო ჰარმონიულს ხდის. ეს ჩემთვის გასაგებია, მაგრამ ჩვენი მოდგმის მთავარი და უმნიშვნელოვანესი ფუნქცია – ადამიანებისთვის სარგებლობის მოტანაა. ეს ზემოდან გვაქვს ნაბრძანები, ჩვენ ვიცავთ ღვთის კანონებს ისე, როგორც დაგვინებს. თქვენ კი იცავთ? რა გახდა კაკლის ჩამობერტყვა? ეს ხომ ყველაფერი თქვენთვისაა. თქვენ კი თქვენი სიზარმაცის გამო ჩვენ მთავარ ფუნქციას გვაკარგვინებთ. თუ რას ნიშნავს უფუნქციობა, რაც დრო გავა, კიდევ უფრო მეტად შეიგრძნობ. წელან მოვკარი ყური, თუ როგორ ებაასებოდი საკუთარ თავს.

– ვინა ხარ, კაცო, შენ, ყურში რომ ჩამჩურჩულებ? – თვალები დააჭყიტა ასაკოვანმა კაცმა. – ვერავის ვხედავ, ჩემ წინ მხოლოდ კაკლის ხე დგას.

– ჰო, მე ვარ, მე, კაკლის ხე. გაგიკვირდა, რომ გესაუბრები? ჩვენ ყოველდღე გესაუბრებით, მაგრამ მხოლოდ ერთეულებს ესმით. შენც იმ ერთეულების რიცხვში ხარ. ა, მოგახსენე ჩემი გულისტკივილი. ხალხი არა ხართ?! ისარგებლეთ ჩემი მონეული ნაყოფით, თუ არა, ჯავრით მოვკვდები. მოვკვდები და ჩემი სახსენებელიც გაქრება. ან ზეზეულად გავხმები, ან ვინმე დაგვხერხავს და ავეჯად გამოგვიყენებს. ერთს იტყვიან მხოლოდ, კაკლის ძვირფასი ჯიშის მაგიდააო. მე კი ველარაფერს ვიგრძნობ. ჩვენ იქამდე ვართ ცოცხალი, სანამ ნაყოფის მოცემა შეგვიძლია. თუ კაცი ხარ, მომავალი წლისთვის იქნებ ვინმე ახალგაზრდა მოძებნო, რომ ჩამოგვბერტყოს და ჩემი ნაშრომით ისარგებლოს. ფესვები გამცვდა ზაფხულში წყლის ძებნაში.



მოიხედე ჩემკენ! ჰო, შენ გელაპარაკები, ნუ გაქვს, კაცო, ეგეთი გაოცებული სახე, მოიხედე და მომისმინე. ერთ კარგ რჩევას მოგცემ – ნუ იჭყლეთ ტვინს ამაოებაზე ფიქრით. აქაო და, აღარ შემიძლია, ფიზიკურად დაუძლურებული ვარო. მერე ვის რად უნდა შენი ფიზიკური შრომა, დაგავინყდა, რომ ფასდაუდებელ განძს ფლობ?

– კაი ერთი, ნუ გამაციანებ. მერე რა არის ეს ფასდაუდებელი განძი, რომელიც თურმე მე დამვიწყნია?

– შენ რა, მეხუმრები?

– რას გეხუმრები, კაცო! კარგი, რალამც შენ არ გინდა აღიარო, ან უსაქმურობის თუ თვითგვემის გამო დაგავინყდა, მე შეგახსენებ – შენი განსწავლულობა და იდუმალი ცოდნა, რომელიც ყოველთვის გაშინებდა. „ცოდნა თან დასდევს მცოდნელსა“... ასაკს არა აქვს მნიშვნელობა.

ახარხარებული კაცი რომ არ ნაქცეულიყო, თავის შესაკავებლად აივნის მოაჯირს წაეტანა.

– მაგარი ხუმარა ვინმე კი ყოფილხარ. – სული რომ მოითქვა, მერე ცრემლმორეულმა უპასუხა. – მერედა, ვის რად უნდა ჩემი ცოდნა და განსწავლულობა, ვის გავუზიარო? უცხოები კი არა, შინაურებიც აღარ მისმენენ. მეუბნებიან, ყავლგასულია შენი სწავლებებიო.

– მოიცა, მოიცა, დამშვიდდი და მომისმინე. აბა, გაიხსენე, რა წერია წმინდა წიგნში? კარგი, კარგი, თუ დაგავინყდა, მე შეგახსენებ: „არ არსებობს წინასწარმეტყველი პატივის გარეშე, თუ არა თავის მამულში, თავისიანებს შორის და თავის სახლში“. ჰა, რას იტყვი?

– კარგი რა, კარგი რა, მნახე მეც წინასწარმეტყველი!

– ეგ მხოლოდ წინასწარმეტყველებზე არ არის ნათქვამი. ეჰ, უმადური გახდით ადამიანები. რამდენი ნიჭი გიბოძათ არსთა განმრიგემ, თქვენ კი უსარგებლოდ ანიაგებთ. მე რომ მელაპარაკები და ჩემი რომ გესმის, ეს პატარა ნიჭია?! კარგად გაიხსენე წმინდა წიგნი, თუ რა დაემართა ერთი ტალანტის დამმარხველს!

– უკმაყოფილო ხმით შეეპასუხა მოპაექრე. მერე თითქოს დაუყვავა და გააგრძელა: – ისე, კარგს იზამ, თუ კიდევ ერთხელ

ნაიკითხავ. ბიბლიაში მთელი საღვთო და საკაცობრიო სიბრძნეა თავმოყრილი.

იდუმალი ხმა ცოტა ხანს მიჩუმდა, მერე ტკბილ-ქართულით განაგრძო:

– დღეს გვეყოფა, მეშინია, ნამეტნავად არ დაფრთხე, რავა-რია მოლაპარაკე კაკლის ხე! როცა მზად იქნები, განვაგრძოთ. ჰა, რას იტყვი, ხვალ რომ გავაგრძელოთ?

აღმოსავლეთის ქარმა კაკლის გაშიშვლებული ტოტები ააჭრიალა და ერთმანეთს შეაჯახა. ობლად დარჩენილი უკანასკნელი ფოთოლიც ფარფატით მონყდა და ჟრჟოლაატანილი სანამ გაირინდებოდა, კაკლის ხეს ამოხედა საბრალობლად. ასაკოვანი წამოინია, შუბლი მოიჩრდილა, კორპუსებს მიღმა ცის თაღს შეავლო თვალი, მერე მობუზულმა აივნის კარი გააღო და სანამ პარმალს გადაკვეთდა, ისევ ფიქრმა გაუელვა: რავა-რია მოლაპარაკე კაკლის ხე, თანაც ხვალ განვაგრძოთო. ხმა არ დაგცდეს სადმე, მხცოვანო, ისედაც არავის ესმის შენი. თუ არა, ჭკუიდან გადასულად ჩაგთვლიან და ვერც გაამტყუნებ! ჰმ, მოლაპარაკე კაკლის ხე... ესლა გაკლდა...

მხცოვანი ორი დღე არ გაკარებია აივანს, სუსხიანი და ცივი დღეები იდგა. მესამე დღეს მზემაც გამოანათა და ისე უჩვეულოდ დათბა, გაზაფხულის მოახლოებისას რომ იცის ხოლმე. აბებარმა ბუბებმაც კი გამოყვეს თავი და რეტდასხმულივით ბზოდნენ. მხცოვანმა მოაჯირთან სკამი მიაჩოჩა, იდაყვებით დაეყრდნო, თავი ხელებში ჩარგო და მზერით ჩამოუარა უსახურ, აჩონჩხილ კორპუსებს. ბოლოს კაკლის ხეზე შეაჩერა მზერა, რომლის გაბურდულ ტოტებში მცხუნვარე მზე გაჩხერილიყო.

– მშვიდობა შენს მოსვლას, მომენყინა უშენოდ. ისევ სიკვდილზე ფიქრობ, კაცო? – ჩაესმა ყურში მოხუცს. – მესმის შენი, ასაკმა და ჭარბმა დრომ იცის. სიკვდილი რთული ფენომენია. ვის შეუძლია მისი ახსნა? სიკვდილი ყველა ხორციელს აფრთხობს და აშინებს, ყველა გარდაუვალის მოლოდინშია. მხოლოდ მართალს და სულით ძლიერ მორწმუნეს არ ეშინია სიკვდილის. ზოგი ესწრაფვის კიდევ. წმინდა მამა პაისი სამედიცინო გამოკვლევაზე იყო, იქიდან გამოსულს უთხრეს, კიბო

დაგიდგინესო. როგორც იქნაო, – ასე უთქვამს წმინდანს. ურთულესია რწმენაში შესვლა და ურთულესია ამ გზაზე სიარული. ღვთის შეწევნის გარეშე შეუძლებელია ჭეშმარიტი სარწმუნეობის მოპოვება. კაცობრიობის უმეტესი ნაწილი ეჭვანარევი რწმენით ცხოვრობს და ამაშია მათი უბედურება. თუ არ გნამს, არ გჯერა, ლოცვას მადლი არ მოჰყვება. უმადლოდ ცხოვრება კი ტანჯვას გაგიმრავლებს.

– შენ როგორ გგონია, არ მიფიქრია მაგაზე? ადვილი გგონია ლოცვა? მე რომ მკითხო, ამ გზაზე ლოცვა ურთულესია. როგორია, დაივიწყო ყოველივე, როცა ხორცში ხარ და როცა ხორცი ზეობს შენზე. ავისმქმნელიც ხომ ყოველთვის გვერდზე გიდგას, პირველი ფრაზის წარმოთქმისთანავე უკუღმართ აზრებს შემოგისევს. მოდი და გაუძელი, თუ ბიჭი ხარ! მიძინებული სწეულებებიც მაშინ წამოყოფენ თავს და ამქვეყნიური საზრუნავებიც ყელში გწვდებიან.

– ახალი ამბავი! აბა შენ რა გეგონა, ამ გზაზე სიმშვიდისა და მოთმინების გარეშე ვერაფერს მიაღწევ. ახლა ასაკიც ისეთი გაქვს, ხორცზე მეტად სულზე უნდა ზრუნავდე.

– შენ რა, სასიკვდილოდ მამზადებ?

მოპაეფრეს გაეცინა.

– მეგობარო, კაცი ყველაფრისთვის მზად უნდა იყოს. არავინ იცის მაგ წუთის შესახებ, მაგრამ სანამ პირში სული გიდგას, სულ უნდა იღვანო. ხომ იცი, შენი განძსაცავი ზეცაშია, იქ უნდა აგროვო. აქ წაგროვები ქარისაა და ქარს მიაქვს, იქ არ წაგადგება და ვერც გამოიყენებ, ასე წერია წიგნთაწიგნში. კი, გაუთავებელი წინააღმდეგობები მყუდროებას და სიმშვიდეს გირღვევს და მოუსვენარი ხდები, მაგრამ ცხოვრება ხომ წინააღმდეგობების დაძლევაშია. აღიარე, ბოლომდე რომ დახარჯულიყავი და არ გეზარმაცა, არც თავის მართლება დაგტირდებოდა. თავის მართლებამ დაღუპა ადამი და კაცთა მოდგმა და მის ნაყოფს დღემდე იმკის. ხოლო ხვალ რაც იქნება, ის ხვალემ იცის. წუთისოფელში მოვლინება უდიდესი პატივია და ამასთანავე ყოველდღიური მუხლჩაუხრელი, გაუთავებელი ბრძოლა. კიდევ ერთხელ გიმეორებ, იბრძვი? ესე იგი, ცოცხალი ხარ. უმოქმედო

და უშინაარსო კაცი ცოცხალი ლეშია – „არც კაცი ვარგა, რომ ცოცხალი მკვდარსა ემსგავსოსო“.

– ვერასოდეს წარმოვიდგენდი, თუ კაკლის ხისგან მოვის-  
მენდი ქადაგებას. შენ როგორ ფიქრობ, ახალი მითხარი რამე?

– ახალი არა, შეგახსენე. რა უნდა თქვა ახალი, ყოველივე  
ახალი მივიწყებული ძველიაო. წყლის წვეთისა და ქვის ამბავიც  
მოგეხსენება, სათნოებებით სავსე სიჯიუტით ყველაფრის მიღ-  
წევა შეიძლება. სიზარმაცემ არ დაგრიოს ხელი, მოჭარბებულმა  
დრომ იცის ხოლმე ასე.

– მოდი რა, ნუ შემომიჩნდები!

– ეგ არის და შემოგპარვია სიზარმაცის სენი.

– კაცო, არ შეგიძლია ცოტა ხანს მარტო დამტოვო? ჩრდილში  
მინდა ყოფნა.

– ეგ შეუძლებელია და არც არასდროს მოხდება. ადამიანს  
ვერანაირი საბურველი ვერ დაიფარავს, ის სულ სცენაზეა და  
შიშველი. ვერც გაიქცევი და ვერც დაიმალეები. ვინ გაქცევია  
საკუთარ თავს? ასეა ეს, ვერ მიხვდი? მოგიმნიფდება გონება და  
მიხვდება!

კაცმა გადაიხარხარა.

– ჩემს ასაკში მოუძნიფებელი გონება?

– ასაკს რა მნიშვნელობა აქვს?!

– მაშ, რას აქვს მნიშვნელობა?!

– იმას, რომ შენი გონება სულიერად ჯერ კიდევ მოუძნიფე-  
ბელია და სანამ სული ხორცშია, უნდა წვრთნა.

– ურთულესია სულისა და ხორცის ურთიერთდამოკიდე-  
ბულება. ჩემზე დიდ მოაზროვნეებს უმტვრევიათ ამაზე თავი.  
ჯორდანო ბრუნოს აქვს ნათქვამი: სულის განშორება სხეულთან  
ისეთივე მიუწვდომელი საიდუმლოებაა, როგორც სულისა და  
ხორცის მთლიანობა.

– თავის გამართლებას ნუ შეეცდები და სხვის გამონათქვამებს  
ნუ ამოეფარები. ყველა საიდუმლოს ვერ ჩანვდები, ზოგი ისე  
უნდა ირწმუნო, როგორც ჯვარზე გაკრულმა ავაბაკმა ირწმუნა.  
თომას ეჭვი შეეპარა, ავაბაკმა კი მეყსეულად ირწმუნა. აი, ამას  
ჰქვია სულის სიმნიფე. დაბრკოლებების გამო ხელი არ უნდა

ჩაიქნო. თუ გექნება მონდომება და მისწრაფება ჭეშმარიტებისკენ, აუცილებლად დაგეხმარებიან ზემოდან. შენ კარგად მოგეხსენება, რომ არაფერი ისე არ ვნებს ადამიანის სულს, როგორც უფუნქციობა და მცონარობა. ის არა მარტო სულს, ხორცსაც აძაბუნებს. სულის ამოხდამდე უნდა გაურბოდეს ადამიანი ამ ვერაგ სენს, როგორმე უნდა განთავისუფლდე მისი მომაკვდინებელი კლანჭებისაგან.

– როგორ, კაცო! მხცოვანებას მიღწეულმა კაცმა რაღა ქნას? ის ხომ ფიზიკურად ძაბუნდება.

– თუ ცხოვრების პრინციპად გაიხდი იმას, რომ შენი მთავარი არსი და არსობა სიკეთის ქმნაა, წინააღმდეგობებსაც დაძლეე და ვერც ვერაფერი შეგაშინებს. სიკეთის ქმნა სულის ნიჭია და მასზე ხანდაზმულობა არ მოქმედებს. მისი ქმნა და გაკეთება ყველა ასაკში შეუძლია კაცს, სიტყვით თუ საქმით.

ასაკოვანი ფეხზე წამოიწია. მზე უკვე შემანუხებლად აცხუნებდა, შუბლი მოიჩრდილა, ისევ კაკლის ხისკენ გაექცა მზერა.

– ფიქრებთან ომს, თავის მტვრევას და ჯანყს გირჩევნია შეეშვა, სანამ მთლად არ დაგაძაბუნა და უიმედობის უფსკრულში არ გადაგჩეხა. რა გითხარი წელან, საოცარ ნიჭს ფლობ-მეთქი. ბავშვობიდან მოგყვება. გეშინოდა ამ ხმების და ყოველთვის გაურბოდი. ახლა რისი გეშინია, საშიში სიკვდილი კი არა, გამოუყენებელი ნიჭის დასამარებაა. დაუყოვნებლივ უნდა წახვიდე სოფელში!.. შენ გესმის ბუნების ხმა, ეს ღვთის დიდი ნიჭია. გიკარნახებენ, თუ როგორ უნდა მოიქცე და ისე გააკეთე. ეს იქნება დიდი სიკეთე, სანინდარი არა მარტო შენი სოფლის, არამედ მთელი სამყაროს კეთილდღეობისა და ლამპარი საუკუნო ცხოვნებისა.

– ეს უკვე მეტისმეტია! რაო, მთელი სამყაროსიო?!

– ჰო, მთელი სამყაროსი. სულ მალე საყოველთაო შიმშილობა დაიწყება. შენ უნდა უშველო, წადი სოფელში! წადი სოფელში! წადი სოფელში!..

– ბაბუ! ბაბუ! – ჩაესმა ყურში, მერე მსუბუქი შეხებაც იგრძნო მხარზე მხცოვანმა და თვალები გაახილა. აქეთ-იქით მიმოიხედა, ჯერ კიდევ ბურუსში მყოფმა კარგად ვერ გაარკვია, თუ სად იყო.

– ბაბუ! მატარებელი აქ ცოტა ხანს ჩერდება, უნდა მოვასწროთ ჩასვლა.

ბაბუა წამოიწია, შვილიშვილმა მკლავში ხელი გამოსდო და მატარებლიდან ჩამოვიდნენ.

– ჰა, რას იტყვი, ბაბუ, გავეჭვით ვითომ ვირუსს?

– ვირუსი, ბაბუ, ჩვენ რას დაგვაკლებს. სად გვცალია მაგისტვის, როცა მთელი მსოფლიო გვყავს გადასარჩენი.

– მოიცა, მოიცა, დაოკდი, სად გეჩქარება, ყმანვილო! ნუ გარბიხარ! ერთი ეს მიპასუხე, მოლაპარაკე კაკლის ხე თუ შეგხვედრია სადმე? ჯერ არა? გაოცდი? ჯერ სად ხარ, ყველაფერი წინ გაქვს.

გახევებული, წარბეხამდე თვალაზიდული შვილიშვილის შემხედვარემ გულიანად გადაიხარხარა, ყმანვილს ბეჭმე ოდნავ უბიძგა და სოფლისკენ მიმავალ გზას გაუდგნენ.

მოხუცის ხარხარი სადგურის წინ ამოზრდილ ასწლოვან კაკლის ხესაც გადაედო, ერთი ჩაიციწ-ჩაიფრუტუნა, სამოს-შემოდარცვულმა ღრმად ამოისუნთქა და ტოტების ტაშსმიმსგავსებული ტკრციალით გააცილა სოფლისკენ მიმავალი გახალისებული ბაბუა და შეცბუნებული შვილიშვილი.

# 和平的鸽子







## თეთრი მტრედი

*ვუძღვნი ქუჩის მუსიკოსებს*

– ნავედით ლუკა, ნავედით. ადექი! დღეს ცხრასართულიანი კორპუსების წინ უნდა მოვანყოთ სანახაობა. გუშინ დავათვალიერე. შენ ჯერ იქ არ ყოფილხარ. ეზო ოთხივე მხრიდან შემოსაზღვრულია კორპუსებით, რომლებიც საბრძოლო გოდოლებს ნააგვანენ. შუაში, შემადლებულ ადგილას, სასპორტო მოედანია – ბუნებრივი ავანსცენა. თავისი პარტერით, ლოჟებით და ქანდაკრებით. ამდენი მაყურებელი „როილ ალბერტ ჰოლსაყ“ კი არ დაესიზმრება. მქუხარე აპლოდისმენტებზე ოთხივე მხარეს მოგინვეს თავის დახრა. რას იტყვი? – ღიმილი არ შორდებოდა ახალგაზრდა ქალს სახეზე, – სხვა თუ არაფერი, ოცნება ხომ მაინც შეგვიძლია. ვცადოთ, ხანდახან ოცნებებიც ხომ ხდება და თუ იღბალიც გვერდზე დაგვიდგა, აუცილებლად მივაღწევთ მიზანს, – ცოტა ხანს შეყოვნდა, ჩაფიქრდა, მერე თავი ჯიუტად გადაიქნია და შემართებით განაგრძო, – კი, ბატონო, რთული სიტუაციაა, ყველას უჭირს, ვერაგი სენი არავის ინდობს, ყველანი სახლებში გამოიკეტნენ, მაგრამ გულხელდაკრეფილი ხომ არ ვიქნებით? სანახაობა მოვუნყოთ, ჩემო ბატონო, გავართოთ და იქნებ მცირედით მაინც მოვწვიტოთ დამთრგუნველ ერთფეროვნებას, გამოვკვეთოთ გუნება-განწყობილება, გავახალისოთ. დარწმუნებული ვარ, მადლიერების ნიშნად ჩვენს შრომას სათანადოდ დააფასებენ. შენ რას იტყვი? – თითქოს ეჭვი შეეპარა თავის ნათქვამში. თვალები მეუღლეს შეანათა და გამხნელების მოლოდინში გაიღურსა. პასუხმა რომ დააგვიანა, ნაღვლიანი ხმით

დააყოლა, – ბევრს ხომ არ ვითხოვთ!... არა, არა გული კარგს მეუბნება, – ისევ მხიარული ნოტები გაკრთა ხმაში, – ცოტაც და ღვთის შეწევნით საჭირო თანხასაც მოვუყრით თავს და მერე კი სოფლისაკენ პერი, პერი! გესმის ჩემი? ტყუილად ვილაპარაკე ამდენი? გამოიღვიძე, შე ძილისგუდა!

ეკა მეუღლეს ლოგინთან ჩამოუჯდა, თმა მოუჩეჩა და ლოყაზე ეამბორა. ლუკა წამოიზლაზნა, ათივე თითით გაბურძენული ქერა თმა მოიქეჯა, ცოლი მკლავებში მოიქცია და გულში ჩაიკრა.

– როგორ არის ჩვენი პატარა? ხომ არ შეუწუხებიათ ღამე? ჰა? – მერე მეუღლეს წამობერილ მუცელზე ხელი ფრთხილად მოუსვა, ეამბორა და ფეხზე წამოვარდა.

ძალზე უყვარდათ ერთმანეთი და მიუხედავად სიდუხჭირისა სიცოცხლით ხალისობდნენ.

– გოგო თუ ბიჭი? ა, იქნებ გოგოც და ბიჭიც? – გულში გაიფიქრა ლუკამ, – რა მნიშვნელობა აქვს? შვილი მეყოლება, შვილი, მაგრამ მისი ადგილი აქ, ამ სოროში არ იქნება, – დაეჟაღნა უხილავს, – რაღაც უნდა შევცვალოთ, ჩემო ლუკა, ბოზინის დრო სად გვაქვს!

ლუკა ფიქრებიდან მეუღლის ხმამ გამოიყვანა.

– გესმის, ნუხელ უცნაური სიზმარი ვნახე. ძილში თეთრი მტრედი გამომეცხადა, თოვლივით თეთრი. ჩემ წინ ფრთებს ატკრციალებდა, მერე თავზე შემომიფრინა და მხარზე დამასკუბდა. რას უნდა ნიშნავდეს? ხომ ამბობდი, ბებიჩემი სიზმრების კოლექციონერი იყო. იქნებ ახსნაც იცოდა?

– დიდი ფანტაზიური იყო ბებიჩემი, რას არ მოჰყვებოდა, შემოიფრენდა მიწიერ და ზეციურ სამყაროს და ჰყვებოდა და ჰყვებოდა დაუჯერებელ ამბებს, მაგრამ ჩემი რა მოგახსენო, არც რა მესიზმრება და არც მჯერა მისი. ყურადღებას არ ვაქცევ, იშვიათად თუ რამე დამესიზმრება.

– შენ რაც გინდა, ის თქვი, მაგრამ მე მტრედის ლულუნმა გამომალვიძა. ისევ სიზმარში მეგონა თავი. სიზმრიდან გადმოსული თეთრი მტრედი თავისი წითელი ფეხებით ჩვენს ფანჯრის წინ დაპაკუნობდა.

ლუკა ნაამბობმა ჩააფიქრა, მაგრამ არაფერი უთქვამს. სასწრაფოდ გადაიკვა სამოსი, მიკროფონსა და ხმის გამაძლიერებელს ხელი წამოავლო და მეუღლესთან ერთად ეზოსკენ გასწია. სანამ ეზოში გამოვიდოდნენ, მეუღლეს გაცისკროვნებულ თვალებში ჩახედა. ზღვასავით უძირო და ცასავით კრიალა თვალებმა მისი სახე აირეკლა, გრძნობამორეული მოეხვია და თვალები ამოუკოცნა.

– ნავედით, ლუკა, ნავედით! დაიღალა ხალხი ლოდინით, – მხიარულად გადაიკისკისა ეკამ, მეუღლეს ხელი გამოსდო და ხმაურიანი ქალაქის მდინარეებსა შეერივნენ.

თავდავინწყებით, არაამქვეყნიური ხმით მღეროდა ლუკა. თითქოს არც არსებობდა, თითქოს უმცირეს ნაწილებად გაბნეულიყო ეთერში, ყველაფერში იყო: ქვაში, მცენარეებში, ყვავილებში, ჩიტების გალობაში, თვითონ კი არა სამყარო მღეროდა, და ამ სამყაროში მხოლოდ ერთი ხატება ციალებდა მის თვალწინ – სიცივისაგან აბუზული მუცელგამობზეკილი საყვარელი არსება. მალე შვილი გაგვიჩნდება, ნეტავ რა გრძნობაა მამაშვილური გრძნობა?! გაიფიქრა ლუკამ. მომაჯადოებელი მელოდია და ზარვიით წკრიალა ხმა არემარეს მოედო და კორპუსის ფანჯრებსაც გაეაღერსა. აქა-იქ სარკმლებიც გაიღო და ხურდა ფულიც გაჟღერიალდა ასფალტზე. ზოგი ცელოფნის პარკებში ახვევდა და ისე ისროდა. სიცივისაგან აწურულ ეკას თითებამდე ჩამოენია ჯემპრის სახელო და მორცხვად კრებდა მოწყალებას. თავდავინწყებიდან ლუკა ეკამ გამიყვანა.

– გეყოფა, ლუკა, გეყოფა! ამ კეთილმა ხალხმა რისი გაცემაც შეეძლოთ უკვე გასცეს. იქით ერთი ხუთსართულიანი კორპუსია, იქაც მოვსინჯოთ.

– კარგი, ჩემო ანგელოზო, იქაც მოვსინჯოთ, – მერე მოეხვია, დაღურჯებული თითები მოუსრისა და ხელგადახველებმა მომიჯნავე კორპუსისკენ გასწიეს.

კორპუსს სიმწვანეში ჩაფლული პატარა ბალი ამშვენებდა. ბაფხულში, სიცხისაგან გათანგული მობინადრეებისათვის შვების მომგვრელი. ბალახებისა და ყვავილების სურნელით გაჭრეხულიყო მიდამო. მიუხედავად უჩვეულო სუსხიანი მაისისა,

ბუნება ბავშვივით ცელქობდა. თავდავინწყებაში გადავარდნილი შაშვი არამინიერად და ჟრუანტელის მომკვრელად გალობდა.

– ეკა, გესმის? ამაზე უკეთესს რას მოისმენს ადამიანი, არ მინდა დავაფრთხო. შენც ნუ დააფრთხო, გაეჭიბრე...

– შაშვს?

– ჰო შაშვს!

წლებისაგან მხრებჩამოშვებული და თმაგათეთრებული მათე ტელეფონით საუბრობდა. შორეთიდან გარკვევით ისმოდა ახალგაზრდა კაცის ხმა:

– მათე ძია, ჩვენ მზად ვართ! უბანში მშენებლობის მცოდნე ბიჭებს მოვუყარე თავი. დაფინანსება გვჭირდება და შევუდგებით საქმეს. ათ დღეში შევაკეთებთ სახლის დაბიანებულ მხარეს და შეგეძლებათ მშვიდად გაატაროთ მთელი ზაფხული შვილიშვილებთან ერთად. ხომ ამბობდი, ბავშვები სოფელში ჯერ არ ყოფილანო, სამყარო სოფლიდან უნდა გავაცნოო. ა, ბატონო, ათ დღეში ყველაფერი დამთავრდება, თუ ფულს დროულად გამოგვიგზავნი.

– კეთილი, ჩემო ახალგაზრდა მეგობარო. მეც მზად ვარ, საჭირო თანხა მოგროვილი მაქვს და ხვალ უცილობლად მოგაწვდით. დიდი მადლობა ყურადღებისთვის. ჩამოვალ და დანარჩენი მერე ვილაპარაკოთ.

– როგორც იქნა ეს საქმეც დაიდრა! – შესძახა გამხიარებულმა ბაბუამ და ხელები მოიფშვნიტა, – რას გაიხარებენ ბავშვები! წარმოგიდგენია? ცოცხალი ქათამი არ უნახავთ, არც მამლის ყვილი გაუგონიათ.

– ბაბუა, ბაბუა! – შემოესმა ბავშვების ძახილი, – რამდენი ხანია გელოდებით, ხომ არ დაგავინწყდა, დღეს ნიქარას ვკითხულობთ.

– ბაბუ, მაგას რა დამავინწყებს, ახლავე წაგიკითხავთ.

პატარები ყურადღებით უსმენდნენ ბაბუას და ნელ-ნელა იმეცნებდნენ სამყაროს, მის ავკარგიანობას. ნიქარასა და ბიჭის ამბის თხრობისას ცრემლი ადგებოდათ დედინაცვლის გულქვაობაზე. უჭირდა ბაბუას ბავშვებისათვის აეხსნა ვინ იყო დედი-

ნაცვალი, რას წარმოადგენდა სიკვდილი და ასეთ ადგილებს გამოტოვებდა ხოლმე. პატარებმა მხოლოდ ბოროტი და კეთილი დაიმახსოვრეს. კითხვისას, როცა დედინაცვალს მიადგებოდნენ, ბავშვები ერთხმად წამოიძახებდნენ:

– ბოროტია, ხომ, ბაბუ. ისეთი, რაპუნცელში რომ დედაბერია, ხომ?

ახლა უკვე იმ ადგილს მიადგნენ, თუ როგორ შესჩიოდა ბიჭი მერცხალს და ევედრებოდა სალამურის მოტანას:

„საით მიფრინავ, მერცხალო  
გულთეთრო, მსუბუქფრთიანო,  
მინდორში იცი ალვის ხე?  
ცივნი წყარონი დიანო,  
პეპლებიც იქა სხდებიან,  
ტურფად ჭრელ ფრთებსა შლიანო,  
შეეყრებიან ჩიტები,  
სიმღერით დატკბებიანო“.

ვზოდან ისეთი საამო, ჩიტების გალობას შეზავებული მელოდია შემოესმა, ბაბუამ წიგნი სასწრაფოდ დახურა, ფეხზე წამოდგა და ფანჯარასთან მივიდა. ბავშვებიც წამოცვივდნენ, ბაბუას კვალს მიჰყვნენ და გვერდით ამოუდგნენ. მერე სკამები მოიმარჯვეს, ზედ შესკუპდნენ და ცხვირი ფანჯრის მინას მიაჭყლიტეს. მაღალი, ტანხმელი, ქერათმიანი ახალგაზრდა მღეროდა ნაღვლიან მელოდიაზე. გამორჩეული ტემბრის ხმა ჰქონდა. ასეთი სიმღერისათვის ნამეტანი ახალგაზრდა ხარ, ყმაწვილო, გაიფიქრა ბაბუამ. თითქოს მისი შეისმინაო, მალე ნაღვლიანი მელოდია უფრო მხიარულმა შეცვალა, ხმაც უფრო წკრიალა და სუფთა გაუხდა. ასეთი მომენტალური გარდასახვა გაუკვირდა ბაბუას. მომღერალი შიგადაშიგ ისეთს შემოსახებდა, ფანჯრის მინებს ზრიალი გაჰქონდა. თავდავიწყებული, სანუთროს სრულიად მოწყვეტილი ახალგაზრდა მიღმიერში გადასულიყო. შაშვის ჭახჭახმა დააბრუნა საამქვეყნოს, რომელ-

მაც მომღერალს წინ ჩამოუქროლა და ფიჭვს კენწეროზე მოექცა. ბიჭი გაოგნებული უსმენდა შაშვის საოცარ გალობას.

– მოდი და გაეჭიბრე თუ ბიჭი ხარ. ზეცის ანგელოზია შაშვად ხორცშესხმული, – გაიფიქრა ბიჭმა.

ბაბუას ყურადღება მომღერალივით ტანთხელმა კაფანდარა გოგომ მიქცია, რომელიც წინ და უკან მიმოდიოდა და ფანჯრებს შესცქეროდა. სიცივისაგან მობუზული, გალურჯებულ თითებს მალიმალ ისრესდა და წამობზეკილ მუცელს სათუთად ეალერსებოდა. ძალიან სციოდა გოგონას. შვილიშვილები განაბული უსმენდნენ და ცნობისმოყვარეობით შესცქეროდნენ ახალგაზრდა წყვილს. მოხეტიალე ცივი ქარი მსუბუქად ჩაცმულ გოგონას სამოსს ტანზე აკრავდა, თმას უწენავდა და სახეს მთლიანდა უბურავდა. ამაოდ ცდილობდა თავის შერხევით თმები გაესწორებინა. ნუკრისთვალეობა, დროდადრო წყლიანი თვალეობით ფანჯრებს შემოირბენდა და მერე მორცხვად დაბლა ხრიდა. კანტიკუნტად გადმოცვივდა ხურდა ფული. ბაბუა შეძრა ნანახმა. შვილიშვილის ხმამაც ცეცხლი წაუკიდა.

– ბაბუ, ნახე როგორ ცივა, ხელთათმანებიც კი არ აქვს. ხომ არ ჩავუტანოთ, რატომ მღერიან ბაბუ ქუჩაში? ბაბუ, ქუჩა სცენაა?

– ჰო, ბაბუ, ყველაზე დიდი სცენაა, ყველაზე დიდი! – ბავშვები თვალს არ აშორებდნენ მომღერალს. მობუზული გოგონას ანგელოზის სადარ თვალეობში ცრემლი კიაფობდა, – პატარებო, თქვენ აქ დამელოდეთ, ფეხი არ მოიცვალოთ, მე ახლავე დავბრუნდები.

ბაბუა მეორე ოთახში გავარდა და ცოტახნის შემდეგ ახალგაზრდასავით მკვირცხლად დაეშვა კიბეზე, პირბადეც კი არ გახსენებია. ღელვაშეპარული გოგონას მიუახლოვდა და საკმაოდ მოზრდილი სავსე კონვერტი გადასცა. უნდოდა რაღაც ეთქვა. პირგამშრლმა სიტყვაც ვერ დაძრა. აცრემლებული გოგონა წინ წამოინია, მოხუცს თავისი წყაროსავით ანკარა თვალეობით შეაცქერდა და მერე გულში ჩაეკრა. ცრემლი ღაპალუპით მოსდიოდა. ტიროდა მოხუციც, გულდამწვარმა თავზე ხელი გადაუსვა და ყურში ჩასჩურჩულა:

– ნუ გეშინია, ყველაფერი კარგად იქნება, სიყვარულის

მძლეველი არ არსებობს. გაუფრთხილდით ერთმანეთს, – მეტის თქმა ველარ მოახერხა. ნასვლისას კიდევ ერთხელ შეხედა, შემობრუნდა და რამდენადაც შეძლო, მხრებში გამართული, მაღლმოსილი სახით კიბეს მხნედ აუყვა.

გარინდებიდან გოგონა უცნაურმა ლულუნმა გამოიყვანა. ეს ხმა სულ უფრო და უფრო ძლიერდებოდა. გაოცებულმა ჯერ გახევებულ ქმარს გახედა, მერე ზეცას. ცრემლით გაკვალულ ბილიკებზე მომაჯდოებელი ღიმილის ათინათები აციაგდა. გაცხადებულმა ზმანებამ წყვილს რამდენჯერმე შემოუფრინა, მერე ფრთების ტკრციალით ზეცაში აიჭრა და სულ მალე თვალსაწიერიდან გაქრა...

*2021 წელი, თბილისი*





# ՆՈՐՈ ԲԱՅՅՅՈՒՆ





## ბოლო გაკვეთილი

ინვა გაყურსული და საკუთარ გულისცემას უსმენდა, რომელიც ონავარი ბიჭივით ხან თავდაუზოგავად გარბოდა, ხან ოჩანი ცხენივით მიჩანჩალებდა და ხანაც სულის მოსათქმელად ჩერდებოდა. ამ დროს სნეულს სუნთქვა უნელდებოდა და შიშით შეჰყურებდა მონიტორს.

– ჰე, ბიჭო, რა დროს გაჩერებაა, უამრავი საქმე მაქვს დასამთავრებელი. ბოლო გაკვეთილიც ჩასატარებელი მაქვს, ბავშვებთან გამომშვიდობების გარეშე არსად ვაპირებ წასვლას. ინამუსე და მშვიდად განაგრძე სვლა. შენი გაჩერება სიკვდილია, გინდა სიკვდილი?

– დავილაღე, – შემოუბუზღუნებდა გული და ისევ ტაატიტ აგრძელებდა გზას.

– ეჰ, გაილია ნუთისოფელი. მომაბებრებელი ერთფეროვნების გარდა აღარაფერი ჩანს. არა, არა, ჯერ არ ვარ მზად წასასვლელად, – შეუძახა თავის თავს. მიუხედავად მძიმე მდგომარეობისა ღიმილი მაინც გაუკრთა, – ჰმ, ნეტავ ვინ არის მზად მარადისობაში გადასვლისთვის.

ორი საათია, რაც მოიყვანეს, ინტენსიურ პალატაში გამოუძებნეს ადგილი. საქმიანად, ჩქარი ნაბიჯებით დადიოდა მდებერსონალი, ხან ერთ ავადმყოფთან მივიდოდნენ და ხან მეორესთან. შიშმა გაჰკრა, მეტად ახალგაზრდები იყვნენ, რთული, საპასუხისმგებლო საქმიანობისთვის. სტუდენტებს ჰგვანდნენ. მასაც მიაკითხეს, მიესალმნენ, გაუღიმეს.

– ბაბუ, პერანგის მარჯვენა სახელო აინიეთ, ვენაში „პეპელა“ უნდა ჩაგიდგათ.

გაუკვირდა, მაგრამ ხმა არ ამოუღია, მორჩილად გაუნოდა მარჯვენა. თან გაიფიქრა:

– ბიჭო, ეს „პეპელა“ რაღა უბედურებაა, ან ეს ბავშვი ვენას როგორ მოძებნის!

– ბაბუ, არ შეგეშინდეთ, ერთ ნუთში ჩავდგამ, – გოგონა თითქოს ნაფიქრალს მიუხვდა,

– შვილო, გამაგებინე, პეპელა რა უბედურებაა.

– აი, ბაბუ, ესაა პეპელა, – გოგონამ რაღაც მცირე ზომის მონწყობილობა აჩვენა, – ამის ფუნქცია ისაა, რომ ნამდიაუნუმ ვენაში არ გიჩხვლიტოთ.

შვილიშვილის ტოლა იყო, კაფანდარა და ცქრიალა.

– ალბათ, სტუდენტი ბრძანდებით, შვილო.

– კი, ბაბუ, სტუდენტი ვარ. აქ პრაქტიკას გავდივარ. მარტო თქვენ კი არა, ყველას შიში აქვს თვალებში ჩამდგარი. თავდაპირველად მეც მეშინოდა, ხელები მიკანკალებდა. ჩვენი სიმშვიდე გადამდებია, სიმშვიდე ყველაზე კარგი ნამალია, დამერწმუნეთ, ყველაფერი კარგად იქნება, – თქვა ღიმილით და ოსტატურად ჩაუდგა მონწყობილობა. მერე გულმკერდზე რაღაც სანოვარას მსგავსი რეზინის ბურთულაკები დაუმაგრა, წელზე ღვედით ოთხი თითის ტოლა ასანთის კოლოფის მსგავსი სადენებიანი ნივთი შემოართყა, მონიტორს შეუერთა და წელში გასწორდა, – გულის მონაცემები ეკრანზე გამოისახება და ყურადღებით დავაკვირდებით. რაც ნაკლებს ინერვიულებთ, მით მალე გამოკეთდებით. ახლა ექიმი გნახავთ, ისტორიაა შესავსები. – თეთრხალათიანი ფრთხილი ნაბიჯით გაშორდა. როგორ უხდება ღიმილი, არფერი ისე არ ამშვიდებს ადამიანს, როგორც იმედიანი, გულწრფელი ღიმილი.

– ჰმ, არ ინერვიულო, სათქმელად ადვილია, პატარავ. არა, არა, სად მაქვს წოლის დრო! ცოტაც გეცლია, შე დალოცვილო, უნდა იყოჩალო, მოინდომო, – მიმართა ისევ გულს, – ნუ ფართხალებ მახეში გაბმული ჩიტივით. ხომ გაიგონე, რა თქვა იმ გოგომ – სიმშვიდეო, ჰოდა, დამშვიდდი. აქედან როგორმე უნდა გავაღწიოთ. ბოლო გაკვეთილსაც ჩავატარებ და კიდევ დამთავრდება ჩემი პედაგოგიური საქმიანობა. ეჰ, ბავშვების-

თვის რამდენი რამე მაქვს სათქმელი. უნდა დამაცადო. დამეხმარე, მირჩიე რამე, მითხარი, რით დავინყო, ძალიან ვღელავ, არ მინდა რამე შემეშალოს და შევრცხვე. რა იქნება მთავარი სათქმელი? რა, რა, მითხარი. ხო, გავიგე, რა თქმა უნდა, ჩემი ბედკრული ქვეყანა.

ყველა ქართველს ახსოვს ყორღანაშვილის ღალატი. ბევრმა იცის ლიპარიტ ბაღვაშიის ამბიციურობა, პატივმოყვარეობა და გამუდმებული ბრძოლა ერთიანი საქართველოს წინააღმდეგ. არც შადიმან ბარათაშვილი დავიწყებით, მაგრამ ვინ აღრიცხავს ქვეყნის მოღალატეთა იმ ურიცხვ ლაშქარს საქართველოს საჯიჯნად რომ შემოსევია. გაგიგიათ სადმე ასეთი ავადმყოფური, შლეგური, სასტიკი ბრძოლა ხელისუფლების ხელში ჩასაგდებად, რომელსაც ქვეყნის მომავალი ეწირება და გადაგვარება-გადაშენებით გვემუქრება?! აკი გვინინას-წარმეტყველებენ ჩვენი კეთილმოსურნეები – ორმოცდაათ წელიწადში თქვენი ბურღლა აღარ იქნებაო. ნურც მოციქულ პავლეს სიტყვებს დაივინყებთ: „მაგრამ თუ ერთმანეთს კბენთ და ჭამთ, ფრთხილად იყავით, შეიძლება სულაც ამოჭამოთ ერთმანეთი“. ასეთია დღევანდელი საქართველოს ყოფა, – სნეული ცოტა ხანს ჩაფიქრდა, – მგონი ასე არ გამოვა, ასე ხომ ბავშვებს შევაშინებ, ასე ხომ გული გაუტყდებათ, მომავლის იმედი დაეკარგებათ. არადა, რეალური სურათი ასეთია. არა, არა, ასე არ ივარგებს. ცოტა უნდა შევარბილო. ახალგაზრდებო, არ შეშინდეთ, უარესი დღეებიც ჰქონია ჩვენს ქვეყანას, მაგრამ საშველი ყოველთვის გამოჩენილა. არ შეშინდეთ, მშიშარა კაცის გაკეთებულ საქმეს ხერი არასოდეს მოჰყოლია. თქვენზე ძალიან ბევრი რამაა დამოკიდებული, თქვენ ხართ ხვალინდელი დღე, თქვენ ხართ ქვეყნის მომავალი, – გულზე უმწვავესმა ჩხვლეთამ ფიქრი შეაწყვეტინა, თავი შემოაბრუნა და მონიტორს გახედა. წნევა ბევით მიიწვდა, – ერთი რამ იცოდეთ, გამოუვალი მდგომარეობა არ არსებობს. მივმართავ პოლიტიკურ ძალებს, რომლებმაც ქვეყანა ამ მდგომარეობამდე მიიყვანეს: თქვე დალოცვილებო, თუ თქვენი მიზანი ქვეყნის განვითარებაა, სხვის დაკრულზე ცეკვით არაფერი გამოვა, არც სხვისი მოიმედება ივარგებს.

ამის მწარე მაგალითები გვაქვს. რამდენჯერ უნდა დავისაჯოთ ჩვენი გულუბრყვილობისთვის, პოლიტიკაში გულუბრყვილობას სიბეცე ჰქვია. ხო, რამდენიც არ უნდა მალე და იკვლევო, ჭირს ვერ დამალავ, თუ არ უნამლე – გამოგხრავს. სიმართლეა ჩვენი წამალი, რომელმაც ხსნის გზა უნდა დაგვანახოს. წინა საუკუნის ბოლოს გზაგასაყარზე ვიდექით, ისევ მფარველის ძებნა დავინწყეთ, ისევ გაგვაფრთხილეს, ჭკუით მოიქეცითო, ისევ ვერ გავიაზრეთ წარსულის მწარე გამოცდილება და კიდევ ერთ ომში დავმარცხდით, რასაც უიმედობა, გაჭირვება და ძირძველი მოსახლეობის ქვეყნიდან გაქცევა მოჰყვა, რაც სამწუხაროდ დღესაც გრძელდება. იმას კი არ ვამბობ, რომ დამოუკიდებელი განვითარების გზა არ ვეძიოთ, პირიქით, მაგრამ დამოუკიდებლობის გზაზე შედგომისას კარგად უნდა გავიაზროთ მუდმივი მტრების სამხედრო პოლიტიკური მდგომარეობა და ჩვენი შესაძლებლობები. კარგად უნდა დავფიქრდეთ და ისე მივიღოთ ჩვენთვის შვების მომგვრელი გადაწყვეტილებები. ჩვენ სხვა მისია გვაკისრია, გადარჩენის მისია. ამიტომ სხვისი მოიმედეობა, მოდუნება და მიძინება კი არა, არამედ უემოციო, ცივი გონიერება და ზნეკეთილ მამულიშვილებთან ერთად მუხლჩაუხრელი შრომაა საჭირო, რათა რეალური დამოუკიდებლობა მოვიპოვოთ.

სანამ მოძლიერდები და დამოუკიდებლად განაგრძობ გზას, მანამ საერთო ენა უნდა გამონახო სხვასთან, იზოლირებულად არც ერთ ქვეყანას არ შეუძლია განვითარება. მოგვიწევს რაღაც დათმობებზე წასვლა ეკონომიკური მდგომარეობის გასაუმჯობესებლად. მაგრამ ეს დათმობები არ უნდა იყოს ტერიტორიების დაკარგვის, ეროვნული ღირსებისა და თვითმყოფადობის შელახვის ხარჯზე. ქვეყნის გამთლიანების საფუძველი ეროვნული ერთობა და სულიერი ფასეულობის წინ წამოწევაა. ყველაზე დიდი სულიერება სარწმუნეობაა, სარწმუნეობა კი ქვაკუთხედია ერთიანობის. ერთიანობის მტერი, გარეშე ძალებთან ერთად პარტიკულარიზმი და კუთხურობა იყო, რომლის მსახვრალობა იშვიათად, მაგრამ ხანდახან დღესაც წამოყოფს ხოლმე თავს. არაერთხელ დამდგარა ჩვენს ისტორიაში

ყოფნა-არყოფნის საკითხი და ღვთის შეწევნით გამოსავალს ყოველთვის ვპოულობდით. მგონი ნამეტანი მომდის, ბავშვებთან ბოლო შეხვედრაა, შეეცადე უფრო თბილად ისაუბრო. არა, არა! – შეეპასუხა თავის თავს, – ჩვენ არ გვცალია განყენებული თემებისთვის, სიმართლე უნდა ითქვას, მხოლოდ სიმართლე. სიმართლე ბასრი მახვილია, რომელმაც სწორად უნდა გაჭრას. კაცობრიობამ განვითარების მრავალი ეტაპი გაიარა, უამრავი ცოდნაა დაგროვილი, საჭიროა ამ ცოდნის გაანალიზება და დღევანდელ მდგომარეობასთან მისადაგება. ნუ დავინწყებთ ტყეში პანტის ძებნას, როცა თურაშაული გვიჭირავს ხელში. რით დაინყო ჩვენმა სასიქადულო მეფემ დავით აღმაშენებელმა? სულიერებაზე ზრუნვით და ამ გზიდან უღირსების ჩამოცილებით. ქვეყნის განვითარებას ხშირად უნიჭო მედროვე ან უზნეო ნიჭიერი განსწავლული აბრკოლებს, რომელთაც ქვეყნის სიყვარული კი არა, საკუთარ ხალხის გაღლეტის ხარჯზე მატერიალური კეთილდღეობის მიღწევა აერთიანებთ.

ეჰ, ბავშვებო, ხშირად მიფიქრია, ჩვენი უბედურების სათავე ჩვენს ნიჭიერებასა ამპარტავნობაში ხომ არა არის-მეთქი, ხომ არ აჯობებდა ნაკლები ნიჭიერება და მეტი შრომისმოყვარეობა? ნიჭიერება უხვად მომადლა ღმერთმა ქართველებს, მაგრამ თუ ამპარტავნობაში გადაგვებარდა, ხშირად ქვეყნის საზიანოდ ვიყენებთ. რიგითი ჯარისკაცობა არავის უნდა, ყველას მენინა-ვეობა სურს. ილიაც კი ვერ ვიგუეთ.

ისევ ტკივილმა შეანყვეტინა ფიქრი, თითქოს მისი გული ვიღაცას ეჭირა და ნელ-ნელა ნურავდა. ნწევაც მაღლა მიიწევდა. შეფიქრიანებულმა გამოძახების ღილაკს დააჭირა ხელი. ისევ ის კაფანდარა გოგო მოცქრიალდა.

– ბაბუ, მგონი ვერ არის ჩემი საქმე კარგად, მარწუხივით მიჭერს ვიღაც გულზე.

გოგონამ მონიტორს გახედა, წარბები მაღლა აზიდა.

– ძალიან ნერვიულობთ, არაა საჭირო ასეთი ემოციები, ყველაფერი დალაგდება. ახლავე მოვალ, – თქვა და სწრაფი ნაბიჯით გაეცალა.

– ემოციებს ნუ აყვები, ნუ იფიქრებო. რა ადვილია სათქმელად!

გოგონამ რაღაც აბი მოუტანა, ჭიქა წყალთან ერთად. სწულმა ამოიხვნეშა და აბი სიმწრით გადაყლაპა. ცდილობდა, ცოტა ხნით მაინც დაესვენა ფიქრებისგან. ვერ აიყვანა თავი ხელში.

– ფიქრი, ჩემო მკურნალო, სიცოცხლის თანაზიარია, ყველა მოკვდავი ფიქრის ტყვეობაშია.

გვერდზე გადაბრუნება სცადა, მაგრამ წელზე მიმაგრებულმა მონწყობილობამ შეუშალა ხელი. ირგვლივ მიმოიხედა. პაციენტები ერთმანეთისგან ფარდებით იყვნენ გამოყოფილნი. ათასნაირი აპარატურა გულის გამანვრილებლად წრიპინებდა.

როგორც კი შვება იგრძნო, ფიქრი გააგრძელა.

– საკვირველია, მაგრამ ფაქტია, ქართველებს მსოფლიოს ბევრი ქვეყანა უმართავთ და მნიშვნელოვანი წარმატებებისთვის მიუღწევიათ, მაგრამ საქართველოსთვის ვერანაირი სიკეთე ვერ მოუტანიათ. მაგალითები რამდენიც გინდა: ერაყი, ეგვიპტე, თურქეთი, ქართველების დაუაფსებელი ღვანლი სპარსეთში, ახლო წარსულში რუსეთის მაგალითიც კმარა. უცხო ქვეყანაში ღვანლს არავინ დაგიფასებს. შურთ, ეჭვიანობა ღრღნით. ქვეყნიდან გადახვეწილმა ნიჭიერმა ქართველებმა უძლიერესი იმპერია შეუქმნეს ჩვენს ჩრდილოელ მეზობელს, მათ კი წინა საუკუნის დასაწყისში ძლივს მოპოვებული თავისუფლება დაგვაკარგვინეს. მეტყვით, მაშინ სხვა დრო იყო, ძმაო, მაშინ ეპოქალური ძვრები ხდებოდა მთელ მსოფლიოშიო. განა დღესაც არ გვატენიან უცხოელი კეთილისმყოფელები და ქვეყნიდან გადახვეწილი ჩვენი თანამემამულეები ქართული სულისთვის მიუღებელ თახსირ იდეებს? ქართველს მხოლოდ ქართული მინა ასაზრდოებს, უცხოეთში კი ფესვებმოგლეჯილნი უკვალოდ ქრებიან. ძნელია ჩვენთან ლელოს გატანა, უზარმაზარ ძალისხმევას, თავგანწირვას მოითხოვს, ვისაც ამისი ნიჭი, უნარი და ქვეყნის სიყვარული არ გააჩნია და ვინც მხოლოდ საკუთარი კეთილდღეობისთვის იღვწის ქვეყნიდან გარბიან და იქ მკვიდრდებიან.

ახლა მათ გასაგონად მინდა ვთქვა, ვინც სწავლა-განათლების მისაღებად უცხოეთში მიდიან. სწავლა-განათლების გარეშე ქვეყანას განვითარება არ უწერია, აქ სადავო არაფერია, მე სხვა რამეს მინდა გავუსვა ხაზი – შე დალოცვილო, ნახვედი უცხოეთში,



მიიღე სწავლა-განათლება და გამოცდილება, ახლა დაუბრუნდი შენს გამზრდელ ქვეყანას და ამოუდექი მხარში. ასე იქცეოდნენ სახელოვანი მამულიშვილები. მარტო ივანე ჯავახიშვილის მაგალითი რად ღირს. ახლა ლუარსაბ ანდრონიკაშვილს არ იკითხავთ? კაცს ქართული თითქმის სრულიად დავინწყებული ჰქონდა და შესჩივლა ივანე ჯავახიშვილს: ენაში მოვიკოჭლებ და ლექციებს ვერ წავიკითხავო. ივანემ ენის სასწავლებლად დროც მისცა და ხელფასიც დაუნიშნა. ერთი წლის შემდეგ, რუსეთის იმპერიაში ცნობილმა იურისტმა ქართულად დაიწყო ლექციების კითხვა ქართულ უნივერსიტეტში და კიდევ სხვა მრავალი. ზოგიერთი შეიძლება ისევ შემომედავოს, მაშინ სხვა დრო იყო, ახლაც სხვა დროა – ეროვნულობისა და სულიერების წარმყვნილი მსოფლიო ლიბერალიზაცია. ამ ყბადაღებული ლიბერალიზაციის ერთ-ერთი მამამთავარი ამბობს – „ისეთი მცნებები, როგორცაა ეროვნება და სამშობლო ისტორიის სანაგვეზე უნდა მოვისროლოთო“. თუ ჩვენ ეროვნება დავკარგეთ, სამუდამოდ გავქრებით. ეროვნება, სამშობლო და სარწმუნოება ერის უმთავრესი მახასიათებელია, მისი თავისთავადობის შემნარჩუნებელი. როგორც უდაბნოში მწყურვალე უფრთხილდება წყლის ყოველ წვეთს ასევე უნდა მოვუფრთხილდე ყველა ქართველს. ისე უნდა მოვანყოთ ჩვენი ყოფა-ცხოვრება, რომ თანამემამულეებს სურვილი დაეკარგოთ, უცხოეთში გადახვეწისა. გულისფიცარზე უნდა ეწეროთ როგორც ჩვენი დიდი თანამემამულე ამბობს – უცხოებაში რაა სიამე... ამიტომ გვედრებით, არ დატოვოთ თქვენი ქვეყანა, ძალზე სჭირდებით თქვენს სამშობლოს, ჩვენი ყოფნა-არყოფნის საკითხია. ჩემი ნება რომ იყოს, ვინაც საკუთარი ისტორია არ იცის და ვინც დედაენას ვერ ფლობს, ქვეყნის გარეთ არ გაუშვებდი. მხოლოდ სასწავლებლად წადით, შეიძინეთ სათანადო ცოდნა, მამულს თანამედროვე ცოდნით შეარაღებულნი დაუბრუნდით და იღვანეთ ქვეყნის კეთილდღეობისთვის.

ფიქრი შეწყვიტა სნეულმა და პალატას შემოავლო მზერა. ბედმინდობილებს ჩასძინებოდათ, კანტიკუნტად ისმოდა მედპერსონალის ფეხის ხმაც, ნეტავ რამდენ ბედნიერს გაუთენდება ხვალინდელი დღე?

– ვფიქრობ, ესე იგი ცოცხალი ვარ, რა საამური სიცოცხლე. გულჩვილობის დროა, ბერიკაცო? რამდენი რამე მაქვს კიდევ სათქმელი. საკვირველი და უცნაური ხალხი ვართ, ვერ იქნა და ვერ შევიცანით ჩვენი თავი. რა დონეზე შეგვიძლია სიყვარული, იმ დონეზე ვმტრობთ ერთმანეთს. პარადოქსია, მაგრამ ფაქტია, როცა დამოუკიდებლობას ვკარგავთ, მაშინ ვერთიანდებით, დამოუკიდებლობის მოპოვების შემდეგ კი მტრის გასახარად ვჭამთ ერთმანეთს. შინაგათიშულობა და ურთიერთმტრობა ქვეყნისთვის ყველაზე დიდი საფრთხეა, რომლის თავი და თავი ამპარტავნობა და გულმედიდობაა. ხანგრძლივი ისტორიის მანძილზე, მხოლოდ რამდენიმე სახელმწიფომოღვანემ მოახერხა ამპარტავნობაზე, ამბიციურობაზე, პატივმოყვარეობაზე და სხვა დამანგრეველ სულიერ მანკიერებებზე მაღლა დგომა, ვისთვისაც ღმერთი და სამშობლო ყველა ფასეულობაზე მაღლა იდგა – სიცოცხლეზეც კი. ჩემს სათაყვანებელ მეფე დავით აღმაშენებელს მინდა მივუბრუნდე, რომელიც სულიერებისა და დისციპლინის განმტკიცებით შეუდგა დაქუცმაცებული და გაპარტახებული ქვეყნის აღმშენებლობას. შემოიკრიბა ერთგული, ქვეყნის მოყვარული ნიჭიერი და მამაცი თანამზრახველები და მათ დანიანურებას მიჰყო ხელი. ხოლო ორპირ, მოლაღატე და ქვეგამხედვარებს სასტიკი ბრძოლა გამოუცხადა. შექმნა იმდროისათვის უძლიერესი მსტოვრების ანუ დაზვერვის ინსტიტუტი. მის თვალსა და ყურს არაფერი გამოეპარებოდა. თუ ქვეყანაში კანონის უზენაესობა და მისი დაცვის მექანიზმი არ არსებობს, ყოველთვის ქაოსი და არეულობა იქნება. თავგასული ფეოდალები და ლალატის მოსურნენი ერთგული თანამზრახველებით და ყივჩაღებით დააშოშმინა, ერთი იდეის გარშემო გააერთიანა, დრო და საუკუნეები იცვლება, ჩვენი ხასიათი და ბუნება იგივე რჩება. თუ ადრე თავგასული ფეოდალები თავკერძობდნენ, დღეს მათი ადგილი თავკერძა პარტიებმა დაიკავეს. ხალხის არჩეულმა ხელისუფალმა კარგად უნდა იცოდეს ლოიალობა, თავზე ხელის გადასმა და შერჩეული სამართალი რყვნის საზოგადოებას. ქვეყნის ინტერესი ყველაზე მაღლა უნდა იდგეს და კანონი ყველასათვის უნდა კანონებდეს. ხომ გაგიგონიათ

რუსთველისეული სიბრძნე, შიში შეიქმს სიყვარულსაო, ხედავთ ყბადალებულმა გალიბერალიზებულმა დემოკრატიამ რა დღეში ჩაგვადო, რა კანონები მიგვადებინა? სირცხვილი დააკარგვინა ხალხს და პირუტყვს დაამსგავსა. ქვეყანა ურთიერთლანძღვის ქაოსშია გახვეული. ყველა კანონის მიღებას სხვას ვეკითხებით, რაც არ ესადაგება ჩვენს ბუნებას, ტრადიციებსა და ისტორიულ გამოცდილებას. ვერანაირ სიკეთეს ვერ მოგვცემს ფასადური ფსევდო სახელმწიფო, რომელიც საკუთარ ქვეყანაზე მაღლა უცხო ქვეყნის ინტერესებს დააყენებს. ქვეყანა ხალხის საკეთილდღეოდ რომ მართო, უზომოდ უნდა გიყვარდეს და თუ საჭირო გახდა კიდევ უნდა შეენირო. მმართველობა პრივილეგია კია არა უზარმაზარი პასუხიმგებლობაა. გონიერმა მმართველმა ნაუცბათევად არ უნდა მიიღოს გადაწყვეტილება. დავითმა, გამეფებიდან ათი წლის თავზე, შეუწყვიტა დამპყრობელს ხარკის მიცემა. ემოციებს კი არ აყოლია, სათუოდ კი არ გაუხდია გადაწყვეტილება, არამედ კარგად შეისწავლა ახლო თუ შორეული მეზობლები, მათი სამხედრო მდგომარეობა და ღვთის სასოებით მაშინ დაჰკრა, როცა ამის ყველაზე შესაფერი მომენტი დადგა. ქვეყანა გააერთიანა და გააძლიერა. შექმნა იმ დროისათვის არა მარტო კავკასიაში, არამედ წინა აზიაში ერთ-ერთი უძლიერესი სახელმწიფო, რომელსაც ჩვენი უთავობით, იქედან მოყოლებული, ვასუსტებთ და ნაწილ-ნაწილ ვკარგავთ. გადამთიელების მოიძეობა კარგს არაფერს გვიქადის. გადამთიელი ყველაფერს სათავისოდ აკეთებს ქვეყნის შიგნით მოღვაწე მედროვეების ხელშეწყობით. უკიდურეს გაჭირვების ჟამს ყოველთვის გვეხმარებოდა უზენაესი. გამოარჩევდა ვინმე ზნეკეთილს და მის გარშემო გაერთიანებით გამოვდიოდით გამოუვალი მდგომარეობიდან.

სიყვარულზე მინდოდა მეთქვა ორიოდე სიტყვა, ორიოდე იმიტომ, რომ ძალიან ფაქიზია და ამოუწურავი, – უეცრად მოდუნდა, მიილულა, თითქოს სხეულს გასცილდა და სივრცეში გაიბნა. წამის შემდეგ ფიქრიც გაუნყდა და უკუნში ჩაიძირა.

პაციენტი მეორე დღეს პალატაში გადაიყვანეს. სიცოცხლესთან შეუთავსებელი არაფერი აღმოაჩინდა, მედიკამენტურ

მკურნალობას ექვემდებარებაო. მორიგეობის გადაბარების შემდეგ ცქრიალა გოგონამაც მოინახულა:

– ბაბუ, ხომ კარგად გეძინა? ძალიან ნერვიულობდი, ღელავდი, მძიმე ემოციების ქვეშ იყავი და ამიტომ ძლიერ-მოქმედი საძილე საშუალება მოგეცით, – გოგონა გამოემშვიდობა, ჯანმრთელობა უსურვა, ალალი ღიმილით გაუღიმა და პალატა დატოვა.

პატარა პალატა იყო, ორკაციანი, ნათელი და სუფთა. მომდევნო დღეს პალატის ექიმი და ექთნები შემოვიდნენ.

– მნახველები გენვივნენ, – უთხრეს.

გაუკვირდა, კარანტინის გამო პალატაში არავის უშვებდნენ.

– როგორ ვნახო?

– ფანჯარა გამოაღე.

ფანჯარასთან მივიდა და გამოაღო. საავადმყოფოს ებოში ორმოციოდე პირბადეფარებული ახალგაზრდა იდგა, რომლებიც ფანჯარას მოუთმენლად შესცქეროდნენ. გაოცდა, ვერ გაერკვა. ახალგაზრდებმა პირბადე მოიხსნეს და ერთ ხმაში ამოსძახეს:

– შობას გილოცავთ, პატ. მასნ! შობას გილოცავთ, პატ. მასნ! შობას გილოცავთ, პატ. მასნ! – მოსწავლეთა ხმა ისე მიანყდა ფანჯრებს, გეგონებოდა მომღერალთა გუნდი მრავალხმიან საბრძოლო სიმღერას აგუგუნებსო. უსაზღვრო სიხარულმა მუხლები მოუკვცა და სკამზე ჩამოესვენა. ნიაღვარივით მომსკდარ ცრემლს ვერაფერს უხერხებდა. ისევ წამოინია, ექიმიც წამოეშველა, ფანჯრიდან გადაიხედა და დამუნჯებული დიდხანს უქნევდა ახალგაზრდებს ხელს...



**სახავუმო  
მთხრომეზი**





# უარსებუდო ქვეყანაში







## უარსებულო ქვეყანაში

წამიერად გაკრთა ელვა ცაზე, მერე იჭექა და ისეთი დაიქუხა, სახლი შეაზანზარა. მსხვილი წვიმის წვეთები ღვარად მიასკდა ფანჯრის მინებს. ლოგინზე მოხტუნავე ტყუპები ზარდაცემულე-ბივით დაეცნენ, თავზე საბანი გადაიფარეს და გაიყურსნენ. ქუხილი რომ მიწყდა, მელაკუდებივით ფრთხილად გამოყვეს თავი საბნის ქვაბულიდან. აქეთ-იქით მიმოიხედეს, ერთმანეთს შეხედეს, ჩაიფრუტუნ-ჩაიკისკისეს, აქაო და საფრთხე აღარ გვემუქრებაო, საბნები მოისროლეს და ისევ ხტუნვა განაგრძეს. თითქოს ბატუტზე ხტუნაობდნენ და მალაყებსაც გადადიოდნენ.

– გეყოფათ, ბავშვებო, ნუ მოსპეთ საწოლი! ჩაიცვით და ისაუბმეთ, – ივედრებოდა ბებო.

პატარები ლოგინიდან ჩამოხტნენ და ფანჯარასთან მიცვივდნენ. წვიმა თავდაუზოგავად, გულმოდგინედ რეცხავდა მინებს. წვიმა მოდის შხაპუნა, შინ შემოსვლა არ უნდა, – წაუმღერა ელისაბედმა და იქვე დააყოლა, – მინდა ხტუნვა-თამაში სულ არ მინდა საბანში.

თანატოლებისაგან გამორჩეული ბავშვი იყო. მოულოდნელად, მისი ასაკისათვის ისეთ შეუსაბამო სხარტულას იტყოდა, გაგოცებდა და დაგაბნევდა. ვინ კარნახობდა და საიდან, ერთმა ღმერთმა უწყოდა. ანცებმა და ონავრებმა მცირე ხანს უცქირეს მინაზე მოთქრიალე წყლის ნაკადს, მერე ფეხზე წამოიწვივნენ და ფანჯრის რაფაზე აცოცდნენ.

– ადექი, ბერიკაცო, მიშველე რამე, არ დავიღუპოთ, ბავშვები არ გადაგვიცვივდნენ ფანჯრიდან! – ბებოს დაძახილზე ბაბუამ თავი შეჰყო ბავშვების ოთახში.

– ბაბუ! ბაბუ! – გადმოფრინდნენ ფანჯრის რაფიდან ონავრები და ბაბუასკენ გაექანენ, – არ გვინდა, ბაბუ, საუბრე, ჯერ ეზოში ჩავიდეთ, ნახე, რამდენი გუბურაა, ცოტა ხანს ვიტყაპუნებთ და მერე ვისაუბრებთ.

– კარგი, მაშინ ახლავე ჩვენს დაუხმარებლად შეიმოსებით. როდემდე უნდა ჩაგაცვათ ჩვენ? – თქვა ბაბუამ.

– ეს კაცი, მგონი, მთლად გამოჩურჩუტდა, რომ დასველდნენ და გაცივდნენ, მერე რა ქვა ვიხალო თავში? – შეშფოთდა ბებო.

– ნიგვზის ძირში რომ მრგვალი რიყის ქვაა, ის იქნება ზედ-გამოჭრილი, – ხუმრობდა ბაბუა, – რა გააცივებთ მაისის წვიმას, თუ გაცივდებიან, არც ეგაა დიდი ბედენა, რომელი ბავშვი გაზრდილა გაუცივებლად, მითხარი ერთი.

– არა, არა, მთლად დაკარგე ჭკუა, ბერიკაცო, ძალით რატომ უნდა გაეხვიო ხათაბალაში, – ბუზღუნებდა ბებო და თან ბავშვებს ჩაცმაში ეხმარებოდა.

ბაბუა ინტერესით აკვირდებოდა პატარების ასაკის შეუსაბამო ამროვნებას და მეტყველებას. ხშირად სიცილით ეკითხებოდა, რა ენაზე საუბრობთ?

– როგორ ვერ ხვდები, – ჩაიცინებდა და იტყოდა ხოლმე ელისაბედი, იგივე ლიზიკო. – ჩემს ენაზე!

ბოლო დროს, უფრო მეტ ყურადღებას უთმობდა პატარებს, უსმენდა მათ დიალოგს და ფიქრობდა, მომკალი და მათი ნააზრევი არ ჰგავს მინიერს, შეუძლებელია უწლოვანი ბავშვების გონება ასე ხატოვნად გადმოსცემდეს სათქმელს. განსაკუთრებით ლიზიკო გამოირჩეოდა. ტყუპებმა, ელისაბედმა და ეკატერინემ, იგივე ლიზიკომ და კატომ ახლახან გააცილეს თავიანთი დაბადების მეოთხე წელი. არაფერი სჯობდა მათი საუბრის მოსმენას, რომელიც ძალზე ახალისებდა, აოცებდა და ანცვიფრებდა ბაბუას.

– ბაბუ, ნავიდეთ ახლა უარსებულო ქვეყანაში, ხომ ვართ ჩაცმულნი, – ვერ ითმენდა ლიზიკო.

– სად ბაბუ? უარსებულ ქვეყანაში?

ბაბუას გაკვირვებული სახე რომ დაინახა კისკისით გააგრძელა:

– ხომ გასწავლე?!

– ხო, მივხვდი, მივხვდი, – ღიმილი გადაეფინა სახეზე, – არ-  
არსებულ ქვეყანაში და რატომ უნოდა ეზოს არარსებული ქვეყანა,  
ბაბუასთვის მაინც გამოცანად დარჩა. წვიმამაც გადაიღო.

– ნახე, ბაბუ, ეზოში რამდენი გუბურაა. სანამ გაიპარება,  
ტყაპუნი უნდა მოვასწრო.

ბერიკაცმა ბავშვებს ხელი ჩასჭიდა და კიბეზე დაეშვნენ.  
ჩასვლისთანავე ბავშვები ხელიდან დაუსხლტნენ და ხან ერთ  
გუბურაში ჩახტნენ და ხან მეორეში. ხტუნავდნენ და თან ფეხებს  
ატყაპუნებდნენ. ვინც უფრო დიდზე ააჩქეფებდა წყალს, ის იყო  
გამარჯვებული. გვარიანად ამოიწუნნენ და არც ბაბუას დააყარეს  
ხიერი. დატყაპუნებდა ლიბიკო გუბურიდან გუბურაში და ახალ-  
მოგონილ სხარტულას მღეროდა:

– ერთ პატარა ქალაქში ხტუნაობდნენ ტალახში.

კატომ მორიგი ახტომისას გუბურაში მოადინა ზღართანი,  
ერთიანად ამოიწუნა და აღრიალდა. ლიბიკო კი მაინც აგრძე-  
ლებდა ხტუნვას.

– ლიბიკო, გეყოფა თამაში! ხომ ხედავ, კატო ჩურჩხელასა-  
ვით ამოიგანგლა, რომ გაცივდეს, ბებო სახლიდან გამოგვყრის,  
– ამუნათებდა ბაბუა.

– ბაბუ, გეხვწნები, ცოტა ხანს კიდევ დავრჩები, – არ ეთმო-  
ბოდა თამაში ლიბიკოს.

– გვეყოფა, ბაბუ, – კიდევ ერთხელ გაიმეორა ბერიკაცმა,  
– ყველაფერს აქვს საზღვარი. გამოვიცვალოთ ტანსაცმელი და  
ვისაუბმთ, შვეისვენთ და მერე ისევ ჩამოვიდეთ.

– ბაბუ, ბაბუ, აასკლინე, კატო ხომ ხედავ როგორ ბღავის.

– რა ვქნა ბაბუ, ვერ გავიგე, – ისევ დაიბნა ბერიკაცი და  
გაოცებული პატარას ონავარ თვალებში შეაცქერდა.

– ბაბუ, როგორ ვერ გაიგე, რამდენჯერ უნდა გასწავლო, –  
დახტუნავდა ლიბიკო და კისკისებდა, – ბაბუა ხარ და ვერ ხვდები  
აასკლინე რა არის? აიყვანე!

– რა ენაზე? – ისევ წამოსცდა ბაბუს და ენაზე იკბინა.

– ჩემს ენაზე, დაგავიწყდა?

ბაბუას აღარაფერი უთქვამს, ქათამივით განუნული ეკა-  
ტერინე ხელში აიყვანა და კიბეს აუყვა.

სადილობამდე პატარები მათ მიერ მოგონილი თამაშობებით ერთობოდნენ. ბავშვის ფანტაზია ხომ ამოუწურავია. ხან თოჯინებს დაარბენინებდნენ, ხან მანქანებს. მერე სათამაშო ცხენებით იჯირითეს, ბოლოს დაქანცულებმა ჩაიმუხლეს და სხვადასხვა ფორმის ფიგურებით და კუბებით სახლის მშენებლობა წამოიწყეს. ბაბუა თავის ოთახში იჯდა და წიგნს კითხულობდა. ელისაბედს თამაში მოსწყინდა და ბაბუას ოთახს მიაშურა. იგი კი, ვითომ არც შეუნიშნავს, თავჩაღუნული აგრძელებდა წიგნის კითხვას. ელისაბედი კი ცნობისმოყვარეობით ხან წიგნს შეაწყერდებოდა და ხან ბაბუას. მიუხედავად იმისა, რომ კითხვა არ იცოდა, წიგნები ძალიან უყვარდა, მოაგროვებდა ხოლმე, ერთ ადგილზე დააწყობდა და იტყოდა, რომ გავიზრდები წავიკითხავო.

ელისაბედი ბაბუას მუხლებზე შეაცოცდა, წიგნი გამოართვა, გადაფურცლა. მერე დახურა, უკან დაუბრუნა და უთხრა:

– ბაბუ, ამ წიგნს რომ წაიკითხავ, მერე სხვა ჩამოიღე, – შეყოვნდა, დაფიქრდა, კარადაში ჩამწკრივებულ წიგნებს გახედა და მთელი ბავშვური სერიოზულობით თქვა, – ბაბუ, ამ წიგნს რომ წაიკითხავ, მერე რამე ჭკუის სასწავლებელი ჩამოიღე.

ბაბუა ცასავით კრიალა თვალებში შეაწყერდა, თავი ვეღარ შეიმაგრა და გულიანად ახარხარდა:

– ხო, ბაბუ, აუცილებლად მასე ვიზამ, ხომ ყველაფერში გიჭერებ? – სავარძლიდან წამოიწია და გადაკისკისებული და აფართხალებული პატარა გულში ჩაიკრა.

– ბაბუ, წვერები მჩხვლეთს, – გადაიბნეა და ხელიდან დაუსხლტა. კართან მისული ისევ მობრუნდა, – ეგ წიგნი არ დამიკარგო, რომ გავიზრდები, აუცილებლად გამომჭირდება.

ბაბუას აღარაფერი უკითხავს, ისედაც მიხვდა: გამომჭირდება – ესე იგი გამომადგება, დამჭირდებაო. რა კარგი ნათქვამია, სწავლა სიბერემდეო. აჰა, ბავშვებთან საურთიერთობო ლექსიკას წარმატებით ვუფლები, ვინ იცის, როდის გამომადგება, გაიფიქრა ბაბუმ.

– ბაბუ, ბაბუ, რატომ ზიხართ ბნელში? გაასინათლე, – შემოიჭვრიტა ეკატერინემ.

ბერიკაცს ეგონა ყველაფერი შეისწავლა, მაგრამ თურმე ჯერ სად ხარ. დაბნეულობა რომ არ შეტყობოდა და კიდევ ერთი შენიშვნა არ მიეღო იქით მიმართა, შენ თვითონ გაასინათლე შვილო. კატომ სკამი კედელთან მიაჩოჩა და ჩამრთველის ღილაკს მისწვდა. აი, თურმე რა ყოფილა გაასინათლე, მიხვდი ბერიკაცო?

– ბაბუ, აბა მითხარი, შენ რა უნდა მასწავლო ახლა?

– მე არაფერი, ბაბუ, შენ უნდა მასწავლო, მე რა გასწავლო?

– ბაბუ, ხომ იცი ქალაქისაგან თვითმფრინავისა და ნავის გაკეთება? ჰოდა, სანამ მეც შევისწავლი, შენ გამიკეთე, ოღონდ ახლა თვითმფრინავი არ გამომჭირდება, ნავი გამიკეთე. აბაბა-ნაში ჩავუშვათ და ვაცურაოთ. ლიზიკოსაც გაუკეთე.

– კარგი, ოღონდ თქვენც უყურეთ და ისწავლეთ, – ბაბუამ თაბახის ფურცლები აიღო და ნავების დამზადებას შეუდგა. რამდენიმე წუთში ორი ნავი მზად იყო შორეული ნაოსნობისთვის. „გემი გაცურდა თეთრი აფრებით“ – ნაუმღერა ბაბუამ და შვილიშვილების სიცილ-კისკისში სააბაზანოში შევიდნენ. კატო ონკანს მისწვდა. თქრიალით წამოვიდა წყალი. ლიზიკო აბაბა-ნაში გადაემხო, მერე თმებშენუნული ნელში გასწორდა, წყლის წვეთებით აციაგებული თვალები ბაბუას შეანათა და გადაიკისკისა.

– ბაბუ, წყალს როგორ მოვაგროვებთ, საგუბარი რომ არ გვაქვს.

ბერიკაცი ისევ შეცბა, მაგრამ წამსვე გამოერკვა. „შე კაცო, საგუბარი, ესე იგი წყლის შემაკავებელი საცობი. რა ორიგინალური მიგნებაა“, – გაუელვა თავში.

– ბაბუ, შეძენა დამავინწყდა. აი, რომ ვიყიდი, მერე ავავსოთ აბაბანა წყლით და ნავები ერთმანეთს შევაჯობროთ.

ბავშვები გულდანყვებილები გამოვიდნენ აბაბანიდან.

– თქვენ არ მოინყინოთ, პატარებო, სხვა გამოსავალიც არსებობს. თითქმის ყოველდღე წვიმს, ეზოში, გუბურაშიც შეიძლება ვაცურაოთ ნავები, – ბავშვები ისევ გამხიარულდნენ:

– ხო ბაბუ, ეზოში ჯობია, ეზოში! – კატო ბაბუას მკლავზე ჩამოეკიდა და ლოყით აეკრა.

აბაზანიდან გამოსვლისას ბაბუას ყურში ჩაესმა ტელევიზორიდან რომელიღაც წამყვანის ხმა:

– მტერი ყველანაირი ხერხებით ცდილობს ჩვენი მიწების მიტაცებას.

– ლიზიკო! – დაუძახა პატარას, რომელიც კატოსთან ერთად ნავებს მაგიდაზე დააცურებდა.

თამაშში გართულს არ უპასუხია.

– ლიზიკო, ბაბუ, მოდი ჩემთან, ერთი წუთით, – პატარა მოცუნცულდა და კითხვაჩამდგარი თვალებით შეაცქერდა:

– ბაბუ, აბა, თუ მიპასუხებ, რა არის მტერი, უფრო სწორად, ვინ არის ჩვენი მტერი?

მუდამ მცქმუტავი და მოუსვენარი პატარა ხანს ჩაფიქრდა, მერე თვალები აახამხამა და გაბრაზებული ხმით უპასუხა:

– ბაბუ, მტერი არის ადამიანი, ოღონდ ბოროტი, მტაცებელი, ამოთხრის და წაიღებს ჩვენს მიწას, – მერე შეყოვნდა, ისევ ჩაფიქრდა და მშვიდად, ბრძენკაცივით გააგრძელა, – ბაბუ, მიწას რომ გვართმევს, რომ გაგვაგდებს და მერე თვითონ იცხოვრებს.

– მოდი ჩემთან, ბრძენპატარავ, მოდი და დამასაჩუქრე.

პატარა მიცოცდა და ბაბუას შუბლზე ეამბორა. ეს ბაბუასათვის ყველაზე დიდი საჩუქარი იყო. ლიზიკოს ისევ წამოუარა სიანცემ, ვერ ისვენებდა და ცქმუტავდა:

– ბაბუ, ბაბუ, შენ შეგიძლია ცალ ფეხზე ხტუნვა?

– რაო პატარავ, სხვა ველარაფერი მოიფიქრე?

– მე კი შემიძლია! – შეხტა ცალ ფეხზე და ხტუნვა-ხტუნვით ფანჯარასთან მივიდა და ეზოში გადაიხედა. იყურებოდა და მღეროდა. მერე წყლით სავსე ჭიქა აიღო, მოსვა და ფანჯარის რაფაზე ჩამოდგა. მზის სხივები ირიბად ეცემოდა ჭიქას, ელისაბედი კი განაგრძობდა მის მიერ შეთხზულ სიმღერას: მზე ამოდის, ნათდება, მერე ჭიქაში ჩავალო...

– კატო! კატო! – დაუძახა ტყუპისცალს, მერე ბაბუას მიუბრუნდა, – ბაბუ, მოდი რა, ისევ ჩავიდეთ ეზოში. ხომ იცი, ბებო მარტოს არ გაგვიშვებს. ნახე, ნახე, როგორ ანათებს მზე.

ბაბუას ბევრი აღარ უფიქრია და შვილიშვილებთან ერთად ისევ ეზოს მიაშურა. გუბურები აქა-იქ ჯერ კიდევ შემორჩენილიყო.

– წყალს აღარ მიეკაროთ, ძალიან ჭუჭყიანია!

ბავშვები ნახევრად ამომშრალ გუბურებზე ხტომით ერთობოდნენ, მერე მოფარფატე პეპელას აედევნენ. დევნა რომ მოსწყინდათ, ჯოხები აიღეს და მინაზე ფიგურების გამოყვანა დაიწყეს. მოულოდნელად იასამნის ბუჩქიდან კატა გამოძვრა. აინურა, კუდი აპრიხა, ხან ერთს გაეხახუნა, ხან მეორეს. უცებ, ფანჯრიდან თავგამოყოფილმა ბებომ შეჰკვივლა:

– არ მიეკაროთ, არ დაგკანროთ, ცოფიანი არ იყოს!

ბავშვებმა ბებოს ერთი კი ახედეს, გაუღიმეს, მაგრამ შიშით და მორიდებით კატას ფარულად მაინც მიუაღერეს. ფისო ბავშვებთან ახლოს დასუნსულებდა, არ სცილდებოდა, ხან ზემოთ აიხედავდა, ხანაც მინას ყნოსავდა.

– ბაბუ, იცი, კატები კარგი მსუნებლები არიან, – ცხოვრებით დაბრძენებული კაცივით წარმოთქვა კატომ, – ნახე, რა ლამაზია, სახლში ხომ არ წავიყვანოთ?

– პატრონი ეყოლება.

– ბაბუ, არ ჰყავს პატრონი, საყელო არ უკეთია. წავიყვანოთ, წავიყვანოთ, მე გამომჭირდება. ვაჭამოთ საჭმელი და ისევ ჩამოვიყვანოთ, თუ პატრონი არ გამოუჩნდა, ჩვენ ვუპატრონოთ, – ჭირვეულობდა კატო.

სანამ ბაბუა და კატო კატის ბედზე მსჯელობდნენ, ლიზიკოს ყვავილებისთვის მიეშურებინა. დასტრიალებდა, ჯოხით ძირებს უჩიჩქნიდა, ხან ერთს დაყნოსავდა და ხან მეორეს. ლიზიკო წამოიწია და ირგვლივ მიმოიხედა, საამური საცქერი იყო მწვანე ბალახებში აყელყელავებული უთვალფერიანი ყვავილები. უცბად მის ფეხებთან ბალახი შეირხა, კაცის მუშტისოდენა პატარა რუხი ფერის საგანი მოძრაობდა. ბავშვი შეკრთა და უკან დაიხია. კარგად რომ დააკვირდა, სიხარულის კვილი აღმოხდა:

– კატო, ბაბუ, ნახეთ რა ვიპოვე ?!

ბაბუა და შვილიშვილი ლიზიკოს მიუახლოვდნენ.

– რა იპოვე, ლიზიკო? – ჰკითხა კატომ.

– ხედავ? ეს ხომ კუსანაა, გოგო.

– კუსანა კი არა კუკუჩი, – შეეპასუხა კატო.

ბაბუა გაოცებული დაჰყურებდა მუშტისოდენა კუს.

– აბა, ამ კუს გაუმართლა, თუ გაუმართლა, როგორი ნათლიები შეიძინა? კუსანა, კუკუჩი. ასეთი სახელები დედამინის ბურგზე არცერთ კუს არ ერქმევა, – გაელიმა ბაბუას.

კატო დაიხარა და კუს ჯავშანზე ხელი გადაუსვა. კუ შეშინდა და ჯავშანში შეყო თავი. მერე ისევ გამოყო, ნერტილივით შავი თვალეები მიატრიალ-მოატრიალა და ტაატიტ გაუდგა გზას.

– ბაბუ, სახლში წავიყვანოთ, აბაზანაში ვაბანაოთ. მე ბალახებს დავუკრეფ, ჩვენთან კარგად იქნება, არც დაიკარგება, – იხვენებოდა კატო.

– ბაბუ, ყველა ცხოველს, ფრინველს და მწერს სახლში ვერ წავიყვანოთ, სახლს ზოოპარკად ხომ არ ვაქცევთ? ისინი აქ, ბუნებრივ პირობებში, უფრო კარგად გრძნობენ თავს. ტყვეობაში, ბაბუ, დიდხანს ვერც ერთი სულდგმული ვერ ძლებს. უმჯობესია ხელი არ შევეშალოთ და თავისიანებთან გავუშვათ.

პატარები კარგა ხანს უყურებდნენ დინჯად მიმავალ კუს. მხოლოდ მაშინ მოსწყვიტეს თვალი, ბალახებში რომ მიიმალა. კატოს ყურადღება ახლა ქედნებმა მიიქციეს, რომლებიც ხის ძირში დაგურგურებდნენ და საჭმელს ეძებდნენ. ლიბიკო კი ისევ ყვავილებს მიუბრუნდა, ჩაიჩოქა და დიდხანს უმზერდა ყვავილის კოკორს.

– ბაბუ, მოდი ნახე, მზე ყვავილებში ზის და ათბობს. რა ლამაზი და კეთილი ყოფილა, ბაბუ, მზე.

განსაცვიფრებელმა მეტაფორამ ბაბუას ცრემლი მოჰგვარა, შებრუნდა და ხმისამოუღებლად ძელსკამისკენ გასწია.

დაუპატიჟებელი სტუმარივით მოვარდნილმა ქარმა ძალუმად დაჰქროლა, მწვანე ბალახი და ყვავილები ერთმანეთზე მიაწვინა, ხის ტოტები ააჭრიალა და შეშფოთებული ფოთლები ააშრიალა. დამფრთხალი ფრინველები მინას მოსწყდნენ და სამალავს მიაშურეს. დილანდელივით დასტექა და დაიქუხა. კანტიკუნტად წამოვიდა წვიმის წვეთები, მერე მოუმატა და თქეშში გადაიზარდა. გაზაფხული გაზაფხულობდა.

– გავიქცეთ, ბაბუ, გავიქცეთ, დავსველდებით! – დაიძახა ბაბუამ.

კატო წამსვე გამოიქცა, ბაბუა და შვილიშვილი ხშირ-



ფოთლოვანი, ფართოდ ტოტებგაშლილი ასწლოვანი ხის ქვეშ შეიყუვნენ. ლიზიკო კი ცას შესცქეროდა, გაშლილი ხელებით წვიმის დაჭერას ცდილობდა, დახტოდა და ხმამაღლა გაჰკიოდა:

– წვიმა მოდის შხაპუნა და ახარებს ბუნებას, – მერე გამოიქცა და ბაბუას ილღიაში შეუძვრა, – ბაბუ, ზევით აიხედე, ნახე როგორ თრთიან ფოთლები, როგორ კანკალებენ შიშისგან, ჩვენ გვიფრთხილდებიან, რომ არ დავსველდეთ და გავცივდეთ?

მეტყველების უნარდაკარგულმა, გრძნობამორეულმა ბაბუამ ხელები მაგრად მოხვია პატარებს და გულში ჩაიკრა. კიდევ ერთხელ იქუხა. თქეშიც შეწყდა, კანტიკუნტად ცვიოდა წვიმის წვეთები. მხემაც გამოაჭყიტა, ბავშვები ისევ დაუსხლტნენ ბერიკაცს, მხენაფერებ წვიმის წვეთებს უშვერდნენ ხელებს და კისკისებდნენ.


– ბაბუკელებო, ასეთ დროს იტყვიან ხოლმე, მზე პირს იბანსო.

– მზე პირს იბანს! მზე პირს იბანს! – იცინოდნენ პატარები, დარბოდნენ და სველი ხელებით თვალებზე ჩამოშლილ, განუნულ თმებს ისწორებდნენ.

გულაჩუყებული ბაბუა შვილიშვილებს შესცქეროდა, თვითონაც ხარობდა, თითქოს შორეულ სიყრმეში დაბრუნდაო.



# გვრიტები





## გვრიტები

პეტრე უცნაურმა ღულუნის ხმამ გამოაღვიძა. თვალები მოიფშვნიტა, ფეხზე წამოდგა და აივანს მიაშურა.

აღმოსავლეთი ვარდისფრად იწვოდა, საცაა დიდი ქალაქის ცაზე მზე ამოიწვერებოდა. ისევ ღულუნმა მიიქცია მისი ყურადღება და აივნის კუთხეში, კარადის თავზე ორი უცნაური ფრინველი შენიშნა მოგრძო ნისკარტითა და წერტილივით წითელი თვალებით – მტრედებს წააგავდნენ. ერთს ნისკარტით ბალახის ღერო ეჭირა, მეორე პეტრეს თავზე დასცქეროდა და ღულუნებდა. კაცმა უღვაშეში ჩაილიმა, წელში ოდნავ მოიხარა და ტკბილი ხმით თქვა:

– სტუმარი ღვთისაა, მშვიდობა თქვენს მობრძანებას! – ამის თქმა იყო და ლამაზად დავარცხნილმა თვალწითელა ფრინველებმა ფრთების ტკაცუნით სივრცეს მიაშურეს.

შესანიშნავ გუნებაზე დადგა პეტრე, მერე თითქოს რაღაც გაახსენდაო, კიბე გამოიტანა და კარადის თავი მოათვალიერა. ბუდის ასაშენებლად ფრინველებს ხის წვრილი ტოტები და ბალახის ღეროები მოეზიდათ.

„თუ ასე გააგრძელეს, მატებასაც უნდა ველოდოთ. აქ, ამ ვინრო და მოუხერხებელ ადგილას ძალიან გაუჭირდებათ“, გაიფიქრა პეტრემ და გახალისებული კიბიდან ჩამოვიდა. მერე მებობლებში გაიკითხა და უცნაური ფრინველები გვრიტები აღმოჩნდნენ.

პეტრეს ბავშვობიდან ოცნებად ჰქონდა გადაქცეული მის სახლზე ჩიტებს ბუდე გაეკეთებინათ და ნაღვლიანი თვალებით

გაჰყურებდა ხოლმე მეზობელი ბავშვების აივნებზე ჩამომწკრივებულ მერცხლის ბუდეებს. ნუხდა პეტრე და ამ ნუხილს ბაბუას უზიარებდა.

ბერიკაცი კი ასე ამშვიდებდა:

– შვილო, თუ მერცხლები სახლს უსაფრთხოდ არ ჩათვლიან, ბუდეს არ გაიკეთებენ. გონიერი და ალლოიანი ფრინველია მერცხალი. ჩვენი სახლი დაბალია, ქარიან ადგილზეა, თანაც მსუნაგი კატა გვყავს, – იქვე მზის გულზე მონებივრე ფისოზე მიუთითა, რომელიც მოჭუტული, მიბნედილი თვალებით იმზირებოდა.

მერცხლებისგან დანუნებული სახლის გამო პეტრე თავს იმშვიდებდა: „რომ გავიზრდები, დიდ სახლს ავაშენებ და მერცხლებს კატის აღარ შეეშინდებათ“.

მზე ჰორიზონტზე ეკიდა და იწვოდა. პეტრემ ბავშვებს მიახარა:

– გვრიტები გვეწვივნენ, თან თხოვნით მოგვმართეს, თქვენს აივანზე ბუდის აგება გადავწყვიტეთ და წინააღმდეგი ხომ არ იქნებითო?

– აბა, ბუდე? – იკითხა ნინიკომ.

– ჯერ მხოლოდ საძირკველი აქვთ ჩაყრილი, – უპასუხა მამამ.

სალომე უკვე კიბეზე მიცოცავდა.

– მეც მაჩვენეთ, მეც მაჩვენეთ! – წიოკობდა ნინო.

სალომემ პეტრეს ხელი ხელში ჩასჭიდა, თავისკენ შემოაბრუნა, ჭორფლიანი ცხვირი აბზიკა, წარბები აზიდა, გრძელი წამწამები ააფახულა და უთხრა:

– მამიკო, იქიდან გადმოცვივდებიან და დაილუპებიან. გეხვევნები, – ყელზე ხელი მიიდო, – ჩვენ თვითონ ავუშენოთ ფართო და მოხერხებული ბუდე, საკენკისა და წყლის დასადგმელით.

– ესე იგი, ავუშენოთ? – ხალისიანად იკითხა კაცმა და სალომეს შუბლზე ჩამოვარდნილი კულული გაუსწორა.

– ავუშენოთ! ავუშენოთ! – ხტუნვა-ხტუნვით წამოიძახეს ბავშვებმა.

– აბა, კირითხურონო, მომყევით, – წაუძღერა პეტრემ.

ნინომ ჩაქუჩი მოარბენინა, სალომემ ლურსმნები და ხერხი. კაცმა მოზრდილი ფიცარი ამოათრია ეზოდან და საქმეს შე-

უდგნენ – ჩორკნეს, ხერხეს, აჭედეს, დაიკანრეს ხელები და, როგორც იქნა, სახლიც ააშენეს.

მშენებლებს გული ძალუმად უცემდათ. ნახელავი შინ შეიტანეს, შუა ოთახში დადგეს, აათვალიერ-ჩაათვალიერეს და დაასკვნეს: – გვრიტებს სახლი აუცილებლად მოენონებათ.

პეტრემ გვრიტების სახლი აივანზე ჩამოკიდა, მერე ოფლიანი შუბლი მოიწმინდა და სახელიმილიანმა შორეთს გახედა. ფრინველები ცას ლაღად სერავდნენ.

– ყველაზე უკეთესი სახლი ჩვენს გვრიტებს აქვთ! – კმაყოფილი პეტრე ბავშვებთან ერთად შინ შევიდა.

– დედიკო! დედიკო! გვრიტებს ისეთი კარგი სახლი ავუშენეთ, მეც დიდი სიამოვნებით ვიცხოვრებდი, – ალტაცებით წარმოთქვა ნინიკომ.

დედამ კი დაეჭვებით თქვა:

– მთავარია გვრიტებს მოენონოთ.

– როგორ?! – წამოიძახეს ნირნამხდარმა ბავშვებმა, – მართლა რომ არ მოენონოთ? – დანაღვლიანებულმა დებმა უგულოდ დაიწყეს სადილობა.

ქალმა გაიღიმა, ბავშვებს ხელი გადახვია, რიგრიგობით ეამბორა და გასამხნევებლად უთხრა:

– ცხვირი რატომ ჩამოუშვით? გვრიტებს სახლი აუცილებლად მოენონებათ. დღეს შაბათია, ეკლესიაში ვართ წასასვლელები.

ტაძრიდან მობრუნებულებს აივნიდან ნაცნობი ღულუნი შემოესმათ.

– ბავშვებო, ბავშვებო, გვრიტები გვენვივნენ, გვრიტები! – წამოიძახა გახარებულმა პეტრემ

ყველანი აივანზე გაცვივდნენ.

გვრიტები სახლის შესასვლელ ხვრელთან მოწყობილ ქანდაკრაზე ჩამომსხდარიყვნენ და ერთმანეთს ტკბილად ეღულუნებოდნენ.





# ძთვისა და მზეკონაჩი





## მთვარისა და მზევინარი

– აბა, ბავშვებო, ძილის დროც მოსულა!

თამაშში გართულ ბავშვებს დიდად არ ეპიტნვათ ეს ამბავი, ჩხიკვთა ქორწილის პერსონაჟების მიბაძვით იყვნენ გართულნი: ერთი ქეთევანივით დაგოგმანებდა, მეორე ყვავივით ჩხაოდა და ქეთევანს დასდევდა. დედის მეორედ დაძახებისას ბავშვებმა უხალისოდ შეწყვიტეს თამაში.

– დედიკო, დედიკო, შუადღის დაღამებაა?!

– ხო, შუადღის დაღამებაა.

რამდენადაც ძილი დაღამებას უკავშირდება, ბავშვებიც შუადღის ძილს შუადღის დაღამებას ეძახდნენ.

– ცოტა ხანს დაისვენეთ, დაიძინეთ და მერე უფრო ხალისიანად გააგრძელებთ თამაშს.

ბავშვებს არ ეთმობოდათ თამაში და ჭირვეულობდნენ.

– აბა, ჩემო კუდრაჭებო, ძილის დროა, – სითბო გამოურია დედამ ხმაში.

– დედიკო, დედიკო, დიდები რატომ არ იძინებთ ამ დროს?..

– აბა, სანოლში, ბაბუაც თქვენთანაა, თუ ჭკვიანად იქნებით, ლამაზ ზღაპარს ნაგიკითხავთ.

ხტუნვა-ხტუნვით მიატოვეს თამაში და ლოგინში შეძვრენ, თან ხმამაღლა გაჰკიოდნენ: ბაბუ – ზღაპარი, ბაბუ ზღაპარიო!

მხრებში ოდნავ მოხრილ წვერულუღვაშიან მოხუცს თითქმის მხრებამდე წვდებოდა დატალღული თოვლივით თეთრი თმა. წიგნებში დახატულ თოვლის ბაბუას ჰგავდა, ხურჯინი და ჯოხი აკლდა მხოლოდ. ღიმმორეული ბაბუა სიყვარულით გასხივოსნებულ თვალებით მიეაღერსა პატარებს, მერე ზღაპ-

რების წიგნს ხელი წამოავლო, სკამი საწოლთან მიაჩოჩა და ზღაპრის წასაკითხად მოემზადა.

– ეგ არა, ეგ არა, შენი ბებოს ზღაპარი გვიამბე! ოღონდ შენც ჩვენთან ერთად დანეჭი, – სთხოვდნენ გოგონები.

რას იზამდა ბაბუა, წამოდგა, ბალიში საწოლის თავს მიადგა, ბედ ბეჭებით მიესვენა და ზღაპრის თხრობას შეუდგა:

ეს ამბავი შორეულ წარსულში მოხდა, ჩემმა ბებომ მიამბო, იმას კი, ალბათ, მისმა ბებომ. ერთი ლამაზი ოჯახი ცხოვრობდა პატარა სოფელში: დედ-მამა და ორი მაცვლისთვალება გოგონა – მთვარისა და მზევინარი.

– ჩვენნაირი, ბაბუ? – ჩაიკისკისეს პატარებმა და ბაბუას ხელები ისე ჩასჭიდეს, როგორც სეირნობის დროს.

– ჰო, თქვენნაირი, – ღიმილით უპასუხა ბაბუამ და განაგრძო: – ფერდობზე შეფენილ სოფელში სულ რამდენიმე კომლი ცხოვრობდა. პატარებს ერთმანეთთან თამაში რომ მოსწყინდებოდათ, მშობლებს სთხოვდნენ მეზობელ სოფელში ბებიასთან და ბაბუასთან გაეშვათ, სადაც ბავშვების გაუთავებელი ჟრიამული გვიან საღამომდე გრძელდებოდა. სოფლებს პატარა ტყე ყოფდა, იმდენად პატარა, რომ ერთი ბოლოდან მეორეში ხმის მიწვდენაც კი შეიძლებოდა. შერეულ ტყეში უხვად ხარობდა ველური ხილი, რას არ ნახავდით იქ: პანტა ვაშლი, მსხალი, ლელვი, კუნელი, ხურმა, თხილი, კაკალი, ზღმარტლი და კიდევ სხვა მრავალი. მწიფობისას ბავშვები შეესეოდნენ ხოლმე ტყეს, რომელიც სტუმართმოყვარე მასპინძელივით გულში იხუტებდა და უხვდაც ასაჩუქრებდა პატარებს. შუაგულ ტყეში ისეთი სუფთა და კრიალა ნაკადული ჩამოდიოდა, დაღევაც კი შეიძლებოდა, თქვენ წარმოიდგინეთ, პატარა თევზებიც ბინადრობდნენ – ღორჯო და ვენახა. ტყე ისეთი უსაფრთხო იყო, რომ უფროსები ბავშვებს გულარხეინად უშვებდნენ. დებს ძალიან უყვარდათ დედულებით თავისტოლა გოგო-ბიჭებთან ერთად გართობა. ხან კენჭაობდნენ, ხან დახუჭობანას თამაშობდნენ, ხან დაჭერობანას, ხან კიდევ – რას. იმ დღეს ბავშვები მშობლებს შეუთანხმდნენ, დედულებს გადავალთო. მშობლები დათანხმდნენ და თან გააფრთხილეს:

– არ დაავგვიანოთ, მზის ჩასვლამდე დაბრუნდით სახლში.

– არ დაავგვიანებთ! – პატარებმა ტყისაკენ მოკურცხლეს.

ბებო შვილიშვილებს მხიარულად შეხვდა, დააპურა და სათამაშოდ ებოში გაუშვა.

თამაშით გული რომ იჯერეს, სამხრობა კარგა გადასული იყო. გოგოები ლახტის თამაშს უყურებდნენ, შხუილი გაჰქონდა ღვედებს, წვივებანითლებული ბიჭები შევარდნებივით დაჰქროდნენ, მხოლოდ გოგოები თუ შეჰკვივლებდნენ ხოლმე, როცა ღვედი მიზანს მიაღწევდა.

– მზევინარ, დავბრუნდეთ შინ, სადაცაა მზე ჩავა, არ დაგვილამდეს, ხომ იცი, ღამის როგორ მეშინია.

– ნუ გეშინია, მალე მივალთ, ჩვენ ხომ ახლოს ვცხოვრობთ, ის მაინც ვნახოთ ვინ გაიმარჯვებს.

ძლივს გამოათრია მთვარისამ მზევინარი შეკგუფებული ბავშვებიდან. პატარებმა ბებოს შეუარეს.

– ცუგრუმელებო, იქნებ ხვალ ნახვიდეთ? სადაცაა, ბაბუაც მოვა და რომ ვერ გნახავთ, მოიწყენს.

– არა, ბებო, დედიკოს დავპირდით, დღესვე დავბრუნდებით-თქო. ბაბუას ხვალაც ვნახავთ.

– კარგი, რახან დაჰპირდით, ნულარ დააყოვნებთ, გზას გაუდექით.

ჭიშკართან მისული პატარები ბებომ კიდევ ერთხელ ჩაიკრა გულში, ჯვარი გადასწერა და გულარხეინად გააცილა, რადგან გოგონები მზის ჩასვლისას შინ ადრეც ბევრჯერ დაბრუნებულან.

სანამ ტყეში შევიდოდნენ, ბავშვებს ფერადი – ყვავილეთით ხალიჩასავით მორთული მინდორი უნდა გადაევიდოთ. ფუტკრები და პეპლები სასურველი ნექტარის მოსაპოვებლად ერთმანეთს ეჯიბრებოდნენ. მოჭიკჭიკე მერცხლები ისე დაბლა დაფრინავდნენ, ღამის ხელებში ჩავარდნოდან ბავშვებს. განსაკუთრებით პეპლების ფარფატმა გაიტაცა. ყვავილების სურნელით გაბრუებული ერთი პეპელა მზევინარს თავზე დაასკუპდა.

– როგორ გიხდება, შენისთანა ლამაზი ბაფთა არავის ექნება, – კისკისებდა მთვარისა.

სიცილსა და ხტუნვა თამაშში დრო შეუმჩნევლად გაილია და

კარგა მოსალამოებული იყო ტყისპირს რომ მიადგნენ.

– სულ შენი ბრალია, მშვეინარ, დედიკომ ხომ გვითხრა, არ დააგვიანოთო.

– რისი გეშინია შე მშიშარა, – მშვეინარმა დაიკოს თავზე ხელი გადაუსვა. – აქ ჩვენთვის ყველაფერი ნაცნობია.

მოულოდნელად ცაზე ელვა გაკრთა და ისე დაიქუხა, დედამინა შეაზანზარა. გულადი მშვეინარი აცახცახებული აეკრა მთვარისას. ჩამობნელდა, ცოტათი კიდევ წამოთქორა. ფოთოლთა შრიალი და შარიშური იდუმალების ბურუსში ჰხვევდა არემარეს. ერთმანეთს აკრული ბავშვები ფრთხილად მიაბიჯებდნენ. წვიმა მალევე შეწყდა, მთვარემაც ამოანათა, ღამის ლანდებიც დაგრძელდა და ზღაპრის პერსონაჟებიც გაცოცხლდნენ. აგერ მოხუცი ჯადოქარი, იქით ცხრათავიანი დევი. ფოთლებზე დავანებული წვიმის წვეთებიც აციაგდნენ, რომლებიც მტაცებლების თვალის ნათებას წააგავდნენ და შიშს ჰგვრიდნენ პატარებს.

– ხომ არ დავბრუნდეთ?

– არა, მთვარისა, ცოტა დაგვრჩა, სულ ცოტა და მალე მივალოთ.

ბავშვებმა სიბნელეში ორი მოძრავი მანათობელი წერტილი შენიშნეს, რომლებიც მათ უახლოვდებოდა და უცნაურად ციმციმებდნენ. გოგონები აცახცახდნენ, წინ ბიჯიც კი ვერ წადგეს. მანათობელი წერტილები კი უფრო და უფრო დიდდებოდნენ. დამფრთხალმა ბავშვებმა თვალები დახუჭეს, გაირინდნენ და ამ დროს ყურში ნანინასავით ჩაესმათ არაამქვეყნიურად მშვიდი, ალერსიანი ხმა. ჟრუანტელმოგვრილებმა თვალები ფართოდ გაახილეს. მათგან ხელის განვდენაზე ორი მანათობელი წერტილი იდგა, ციცინათელებს ჰგვანდნენ, ოღონდ უფრო დიდები. უცნაურად მანათობელმა წერტილებმა დედიკოსავით ნაზი და ტკბილი ხმით მიმართეს ბავშვებს:

– ჩვენი არ შეგეშინდეთ!

ბავშვები, რა თქმა უნდა, დამშვიდნენ. როგორია მოლაპარაკე ციცინათელების ხილვა?!

– წავედით, ბავშვებო! აფორიაქებული მშობლები თქვენს მოსაძებნად მოეშურებიან. წავედით, წავედით, გზას გავუდგეთ! ჩვენ ზეციდან მოვლენილი პატარების მფარველი ანგელოზები

ვართ, თქვენ შესახებ ყველაფერი ვიცით, როგორი კეთილი გოგონები ხართ, ვიცით, როგორ გადაარჩინეთ გუბურაში ჩავარდნილი წინილა, როგორ გაუმასპინძლდით ცივი წყლით მგზავრს. აბა, ცერა თითები წინ წამოსწიეთ, ჩვენ დაღლილები ვართ, ზედ ჩამოვისვენებთ და თანაც გზას გაგინათებთ.

პატარებმა ცერა თითები წინ წამოსწიეს, უცნაური მანათობლები კი დაპატარავდნენ და ნამდვილ ციციანათელებს დაემსგავსნენ. პატარები კი იყვნენ, მაგრამ ვარსკლავივით კაშკაშებდნენ და დღესავით ანათებდნენ ტყის ბილიკს.

– ბავშვებო, ყოველთვის გახსოვდეთ: დანაპირები აუცილებლად უნდა შეასრულოთ, ხომ დაჰპირდით მშობლებს, არ დაგავიანებთო. ღამით სიარული სახიფათოა.

გაყურსული ბავშვები მანათობელ ციციანათელებთან ერთად ნაკადულს მიუახლოვდნენ. ბოგირზე ფეხი შედგეს თუ არა, მამიკოს ხმა შემოესმათ:

– მზევინარ! მთვარისა!

– მშობლები გეძებენ! ანთებული ჩირაღდნებით ჩვენსკენ მოემართებიან. თქვენ აქ დაგტოვებთ, ჩვენ კი გზას განვაგრძობთ. ვინ იცის, კიდევ რამდენი გზააბნეული ბავშვი გველოდება.

მანათობელი ციციანათელები როგორც მოულოდნელად გამოჩნდნენ, ისე მოულოდნელად გაქრნენ. გახარებულმა, გულმიცემულმა ბავშვებმა ფეხს აუჩქარეს და ერთხმად შეჰყვირეს:

– მოვდივართ, მამიკო, მოვდივართ!..





# ყვავილებმა კადმარჩინეს





## ყვავილებმა გადამარჩინეს

გაზაფხული კარგა ხნის დამდგარი იყო, როცა ნინიკო მშობლებმა სოფელში ჩაიყვანეს. გაიხარეს ბებია და ბაბუამ, მიესიყვარულნენ შვილიშვილს და მისთვის გადანახული ნუგბართაც გაუმასპინძლდნენ. ეს მთაგორიანი და ტყით დაფარული სოფელი თავისი ცხოვრებით ცხოვრობდა. სიმინდის დასათესად ისევ მამაპაპურ ხარ-გუთანს იყენებდნენ. ნინიკოს ბაბუასაც ჰყავდა ხარები, რომლებიც ძალიან ლამაზები იყვნენ. ტყუპის ცალებივით ჰგავდნენ ერთმანეთს, ორივენი – მონითალო ფერის, ლამაზად მორკალული წვეტიანი რქებით. ერთს წიქარა ერქვა, მეორეს კი – ნიშა. ნიშა იმიტომ, რომ შუბლი თოვლის გუნდასავით თეთრი ჰქონდა. ერთ დილით ბაბუა ეუბნება ნინიკოს:

– ნინიკო, მოდი, მე წამომყევი. ერთი პატარა ფერდობი მაქვს დასახნავი და მომეხმარე.

– მე როგორ მოგეხმარო, ბაბუ? ხარების მეშინია.

– ხარების ნუ გეშინია, ნინიკო. ისინი ძალიან ჭკვიანები და თვინიერები არიან, არაფერს გავნებენ. შენ მხოლოდ ხანდახან ცივი წყალი მომიტანე წყაროდან. თანაც მიმღერე. ეს იქნება შენი დახმარება.

ბაბუა და შვილიშვილი ფერდობისკენ მიმავალ გზას გაუყვნენ.

ნინიკო ერთხანს ყურადღებით აკვირდებოდა ბაბუას საქმიანობას, როგორ მიმოაბნევდა იგი სიმინდის მარცვალს, აკვირდებოდა, თუ როგორ ერჭობოდა სახნისი მიწაში და როგორ მწყობრად ლაგდებოდა ერთმანეთზე ამობრუნებული ბელტები. მერე მოეწინა და ბაბუას გასძახა.

– ბაბუ! მე წყაროზე ჩავიბრუნ და ცივ წყალს მოგიტან.

– კარგი, შვილო, ოღონდ ძალიან არ დაიგვიანო, ტყისკენ არ გაგექცეს თვალი, თავი არ მაძებნინო.

ნინიკო პატარა თუნგულით წყაროსკენ დაეშვა. ჯერ თვითონ დაენათა ღარში მოჩხრიალე ცივ, ანკარა წყალს, მერე კი თუნგულა შეუდგა. სანამ აივსებოდა, არემარეს მოავლო თვალი, მოავლო და განცვიფრდა. საოცარი სილამაზე გამეფებულიყო ირგვლივ. გეგონებოდათ, ათასფერ ყვავილებს ზეიმი გაუმართავთ მის პატივსაცემადო.

მოდით, ლამაზ თაიგულს შევკრავ და დედიკოს გავახარებ, გაიფიქრა ნინიკომ. ის იყო, მოსაწყვეტად ნაეტანა ყვავილს, რომ იდუმალმა ხმამ ხელი გაუშეშა: „არ მომწყვიტო, მე მინდვრის ყვავილი ვარ, არ მოგვწყვიტო“, ერთხმად ახმიანდა ყვავილნარი. „ჩვენ, მოკრეფილნი, მალე ვჭკნებით და მალევე ვიღუპებით, ჩვენ ასე უფრო ლამაზები ვართ, აბა, რა ფასი აქვს დამჭკნარ ყვავილებს?“ ნინიკო გამოერკვა, გაელიმა, მერე ჩაცუცქდა და ნაზად გადაუსვა ხელი ყვავილებს: „არა, ჩემო კარგებო და ლამაზებო, ხელსაც არ გახლებთ, ისე მოგესიყვარულებით“. მერე ფეხზე წამოხტა და ფრთახატულა პეპელას დაედევნა, თან ეხვეწებოდა: „ნუ გამირბი, ლამაზო, არაფერს გავნებ, ცოტა ხნით ხელზე დამასკუპდი, მაგ ლამაზ ნახატებს დავათვალიერებ და გაგიშვებო“. პეპელას ნინიკოსი არ ესმოდა და თავის საქმეზე მიფარფატებდა. მერე ჭიამაია შენიშნა, ხელზე დაისვა და შეეკითხა:

– ჭია, ჭიამაია, ხვალ თუ კარგი დარია? – სამჯერ გაიმეორა.

ჭიამაია ხელის გულიდან შუა თითის წვერზე აცოცდა, მერე ფრთები გაშალა და თითის წვერს მოსწყდა. ჰო, ესე იგი ხვალაც მზიანი ამინდი იქნება. ის იყო, თავქვე უნდა დაშვებულიყო, რომ მოულოდნელმა შიშმა ადგილზე გააქვავა. მისკენ მაჯის სიმსხო გველი მოცურავდა. მიდამო საშინელების მოლოდინში გაისუსა. არათუ მწერების ბზუილი, ფრინველების ჭიკჭიკიც კი აღარ ისმოდა. ნინიკოს დასაცავად ყვავილები წამოიშალნენ, გველს გზა გადაულობეს. ნაზი ყვავილების გულადობით, სურნელით და სილამაზით გაბრუებული უხსენებელი ბუჩქნარში გაუჩინარდა. ნინიკო წყაროსკენ დაეშვა. ყვავილები კი გამომშვიდობის ნიშ-

ნად თავს ხრიდნენ და ფოთლებს აშრიალებდნენ, „მომავალ შეხვედრამდე, ნინიკო, მომავალ შეხვედრამდე“. ნინიკო ღარის წყალს დაეწაფა. მერე სახეზე შეისხა, თუნგულას ხელი წაავლო და ბაბუასაკენ სირბილით წავიდა.

ბაბუას უღლიდან ხარები გამოეშვა. თვითონ კი კვალის ბოლოს ხის ჩრდილში იმერული ქუდით ოფლიან შუბლს ინმენდდა. ნინიკო მორბისო, რომ დაინახა, ფეხზე წამოდგა.

– ნელა, ნინიკო, ფეხი არაფერს წამოჰკრა, არ დაიმტვრე, შვილო!

– ბაბუ! იქ... წყაროსთან გველი... – სიტყვებს ძლივძლივობით წარმოთქვამდა ნინიკო.

– რა გველი, შვილო! ხომ არ უკბენია? – ბაბუამ შვილიშვილს ხელი დასტაცა და გულში ჩაიკრა.

– არა, ბაბუ. ყვავილებმა გადამარჩინეს.

მზე მხურვალე სხივებს უშურველად უგზავნიდა დედასამყაროს. ჰორიზონტს ალმური ასდიოდა.



# ჭიამაიები







## ჭიამაიები

– ჩვენი ბრაღია ყველაფერი, ჩვენი. დაგვეჯერებინა უფროსებისთვის, ქარსა და გრიგალში რომ მოვინდომეთ ფრენა, რომელი არწივები ჩვენ ვიყავით.

– რა ვიცი, მზიანი ამინდი იყო და მინდვრიდანაც ისეთი სურნელი მოდიოდა, ვერ გავუძელით ცდუნებას და კი ვართ ახლა ასეთ დღეში. ფრთები დაგვიზიანდა და ახლა ჩვენც ჭიანჭველებივით დავბოტიალებთ. ისე, აქაც ბევრი საინტერესო რამ ყოფილა, ყვავლებიც უფრო კარგად გავიცანით, ჭიანჭველებსაც დავუმეგობდით. არა, არა, მომწყინდა მინაზე ხოხიალი, ფრენა მინდა!

მიბოტიალობდა ორი ლამაზად დანინკლულკაბიანი ჭიამაია და თავიანთ უბედობას ჩიოდნენ. სახლამდე ჯერ კიდევ შორი გზა ქონდათ გასავლელი. სახლი კი ქვაყუნციის ქვეშ მოეწყობა, წვიმისაგანაც იცავდათ და მზისგანაც. სანამ სახლში მივიდოდნენ, გზად ერთი ანკარა რუ უნდა გადაეღახათ. ადრე ასეთ დაბრკოლებებს აინუნშიც არ აგდებდნენ, ახლა კი ფრთაჩამოვარდნილები და არაქათგამოცლილნი ძლივს მიბობლავდნენ.

მიადგნენ ნაპირს, გახედეს მოლიკლიკე წყლის ნაკადს და ჩამოისვენეს. გაღმა ნაპირზე, გვირილებით გადაპენტილი ვრცელი მინდვრის დანახვაზე ცრემლები მოადგათ.

– რა გვეშველება? ღამე შეგვცივდება და შეიძლება დავიღუპოთ. არა, არა, მე ფრენა მინდა, ფრენა, – ხმაღლა აქვითინდა ერთი მათგანი.

დაღვრემილ და საგონებელში ჩავარდნილ ჭიამაიებს თავს პატარა ბატკანი წამოადგათ:

– რა გაგჭირვებით ფრთახალიანებო, რას დაღონებულხართ?  
ცრემლმორეულმა ჭიამაიებმა თავიანთი გასაჭირის შესახებ უამბეს. ბატკანმა ჩაიკიკინა, მერე წინა მარჯვენა ფეხი მიწაზე დააბაკუნა და დაღვრემილ ჭიამაიებს მიმართ:

– ახლა ყურადღებით მომისმინეთ! ტირილით საქმეს ვერ უშველით, აუყევით ამ ნაპირს, მოსახვევში, ტირიფთან წყლის ბამბახია გადანვენილი, შესანიშნავი ხიდია. რომ იცოდეთ, ჭიანჭველებიც მაგ ხიდით სარგებლობენ. აბა, თქვენ იცით, – დამშვიდობების ნიშნად ისევ მარჯვენა ფეხი ასწია ბატკანმა და მერე სამჯერ მიწაზე დააბაკუნა.

გუნებაგამოკეთებულმა ჭიამაიებმა მადლობა გადაუხადეს ბეკეკას და გზას გაუდგნენ. პატარა ხნის მერე ისევ ბეკეკას კიკინი შემოესმათ:

– შეჩერდით, შეჩერდით! – ჭიამაიები შეყვინდნენ, – ჭიამაიებო, გული ამიჩვილა თქვენმა სატკივარმა, ცრემლებიც კი მომადგა თვალებზე, არა ხართ თქვენ მიწაზე სახიზილოდ გაჩენილნი, თქვენი ადგილი ცაშია. ვიფიქრე და იმ დასკვნამდე მივედი, რომ ერთადერთი გამოსავალი ადამიანებთან მისვლაა, ისინი თუ გისაშველებენ. აბა, თქვენ იცით, არ დამივიწყოთ. ფრენას რომ შეძლებთ, უსათუოთ მესტუმრეთ.

ჭიამაიებმა პანანკინტელა სალი ფრთები შეარხიეს და დაპირდნენ:

– ფრენა თუ შევძელით, უსათუოდ გენვევით.

– კარგი, კარგი, სადაცაა ავტირდები, ცრემლები მომანვა. არ გემშვიდობებით, მჯერა, რომ ისევ შევხვდებით.

– რა კეთილი ბეკეკაა, თუ გადავრჩით, ვენვიოთ, პანანინა რქებზე დავასკუბდეთ, გავამხიარულოთ. მაგრამ ადამიანებამდე როგორ მივიდეთ?

ჭიამაიები გზას გაუდგნენ და ცოტა ხანში ხიდს მიადგნენ. უზარმაზარი წყლის ბამბახის მორკალული ღერო მეორე ნაპირს სწვდებოდა. ნიავის ნამოქროლებზე ხან მალლა აიწეოდა, ხან დაბლა ეშვებოდა და ნაპირს ელამუნებოდა. ჭიამაიები ჩამოსხდნენ, მოქანავე ღერომ შიში მოჰგვარათ. ჩაფიქრდნენ, თუ როგორ უნდა მოქცეულიყვნენ. იფიქრეს, იფიქრეს და გა-

დანყვიტეს, როგორმე ხელსაყრელი დრო შეერჩიათ, ნიავის დაქროლვაზე წყალში რომ არ გადაცვენილიყვნენ – როგორც კი ქროლა შეწყდებოდა, ღეროზე უნდა აბობლებულიყვნენ. ამ სჯა-ბაასში იყვნენ, როდესაც ხიდს ჭიანჭველების ჯგუფი მიუახლოვდა. ჯარისკაცებივით ერთ რიგად ჩამწკრივებულიყვნენ და მწყობრი ნაბიჯებით მოეშურებოდნენ. ხიდთან რომ მივიდნენ, მეთაური მწკრივს გამოეყო და ჭიამაიებთან მივიდა:

– რას ჩაფიქრებულხართ, რა გაგჭირვებიათ?

ჭიამაიებმა მოკლედ უამბეს თავსდატეხილ უბედურებაზე.

– აბა, ახლა კარგად მომისმინეთ, ჩვენ ამ ხიდზე არაერთხელ გადავსულვართ. ცოტა ირხევა, მაგრამ შიში საქმეს ვერ უშველის. მანამ არ დაიძრათ, სანამ ჩვენ ხიდზე არ შევაბიჯებთ. როცა სვლას დავინწყებთ, გამოგვყევით.

ჭიამაიებმა ჭიანჭველებთან ერთად მშვიდობით გადაიარეს ხიდი. ჭიანჭველების მეთაური ჭიამაიებს გამოემშვიდობა, წარმატებები უსურვა და თავისიანებთან ერთად გზას გაუდგა. მადლობის ნიშნად ჭიამაიებმა ჯანმრთელი ფრთები დაუქნიეს და გვირილების ტყეში შევიდნენ.

– როცა დავფრინავდით, ვერც კი ვამჩნევდით, გვირილები რა მალეები ყოფილან. დაღლილ-დაქანცულნი გვირილის ღეროზე აცოცდნენ. გვირილებს კი ჩამავალი მზის სხივებისკენ მიედრიკათ თავები და ოდნავ ირწეოდნენ. მასპინძელმა გვირილამ სტუმრების მობრძანებისას თავი მოაბრუნა, ფართოდ გაშალა შარავანდედად ქცეული თეთრი ფურცლები და შუაგულში ოქროსფერ მაგიდასთან მიიპატიჟა. მაგიდა ისეთი ლამაზი იყო, გეგონებოდა თვით მზე ჩამობრძანებულა და დავანებულა მის გულშიო. ჭიამაიებმა სული რომ მოითქვეს, ისევ ანუნუნდენ, ცრემლები მოერიათ და მოთქმა დაიწყეს:

– რა გვეშველება, უსათუოდ დავიღუპებით! – ლაპალუპით ნამოსულმა ცრემლებმა ყვავილის გულამდე მიაღწია, მერე კი ფესვებისაკენ დაეშვნენ. ჭიამაიებმა, რა თქმა უნდა, გვირილასაც უამბეს თავიანთი სატკივარი.

შენუხდა გვირილა. დაღონდა:

– რა გიშველოთ, რით დაგეხმაროთ, მე ხომ სიარული არ

შემიძლია, – ცრემლმორეულმა თავი მაღლა ასწია და ირგვლივ მიმოიხედა. მცირე ხნის შემდეგ კი მხიარულად წამოიძახა, – აბა, თავები წამოსწიეთ! – ჭიამაიები გვირილის ფურცლებზე აცოცდნენ, – ხედავთ, ჩვენ წინ ბალახებში ჩანოლილ ტყუბ გოგონებს გვირილებივით მოჩითული კაბები რომ აცვიათ?

– კი, ვხედავთ, რა ლამაზები არიან!

– გოგონებამდე უნდა მიაღწიოთ და უთუოდ დაგეხმარებიან.

ჭიამაიები გვირილის ოქროსფერ გვირგვინს ეამბორნენ, თავქვე ფრთხილად დაეშვნენ და პატარების ფეხებამდე ძლივს მიაღწიეს. მერე ჩამოსხდნენ და მსჯელობა დაიწყეს, თუ როგორ გაეღვიძებინათ. გოგონების გარუჯულ წვივებს მზე დასტამაშებდა, მოჩითული კაბები კი მუხლებამდე წვდებოდათ და ყოველი ამოსუნთქვა-ჩასუნთქვისას კაბებზე დახატული ყვავილები ისე ირხეოდნენ, ცოცხალი გეგონებოდა.

– უსათუოდ უნდა გავაღვიძოთ, მაგრამ ჩვენ ხომ ლაპარაკი არ შეგვიძლია.

პატარა ფიქრის შემდეგ ერთმა ჭიამაიამ თქვა:

– მოდი, ასე მოვიქცეთ, ფეხისგულებზე მოვუღიტიოთ და აუცილებლად გაიღვიძებენ.

გოგონების გაუხეშებულმა ფეხისგულებმა ვერარა იგრძნეს. ცერა თითებამდე რომ მიაღწიეს, გოგონებს გახედეს, პატარები მშვიდად ფშვინავდნენ. მერე თავქვე დაეშვნენ, კოჭებზეც შემოულიტინეს და შეისვენეს.

– მგონი არაფერი გამოგვდის.

– გამოგვივა, გამოგვივა, – თქვა მეორემ ჯიუტად და წვივს აღმა აუყვა.

ახლა მუხლისთავებზე დაარტყეს წრე. გოგონები ოდნავ შეიშმუნნენ და ფეხები გაატოკეს. ჭიამაიები კინალამ ძირს გადმოცვივდნენ.

– მგონი, გამოგვდის, გამოგვდის, უნდა ვიჩქაროთ, დასვენების დრო აღარ არის, მალე დალამდება

ჭიამაიები პატარებს კაბის ქვეშ შეუძვრენ და ბოჭიალ-ბოჭიალით კისრამდე აცოცდნენ. ისე გამალებით უსვამდნენ პანანკინტელა ფეხებს, გეგონებოდათ მთიულურს ცეკვავენო. ის-ის იყო

უნდა ეთქვათ, ამაოა ჩვენი შრომაო, რომ ერთმა პატარამ, რომელსაც ლიზიკოს ეძახდნენ, ჯერ ჩაიფრუტუნა, მერე გულიანად გადაიკისკისა, მუხლებზე წამოინია, ხელი კისერზე მოისვა და ჰოი, საოცრებავ, ხელში პატარა ფრთახატულა ჭიამაია შერჩა. ლიზიკოს კისკისს კატოს კისკისიც შეურთდა, მასაც ხელისგულზე ჭიამაია ესვა.

– ნახე, ნახე, რა ლამაზები არიან!

– არა, ჩემი უფრო ლამაზია!

– ჩემი შვიდხალიანია! – ნიშნისმოგებით თქვა ლიზიკომ.

– ჩემიც, – კატომ ხალები გადაითვალა,

– ჩვენსავით ტყუპები ყოფილან! – კისკისებდენ პატარები.

სული რომ მოითქვეს, მაშინლა შეამჩნიეს, ჭიამაიებს ფრთები დაზიანებული რომ ჰქონდათ. დაღონდნენ. კატოს ცრემლი მოერია.

– რა ვუშველოთ, რით გადავარჩინოთ. ასე ხომ დაიღუპებიან. ასე ვერ მივატოვებთ! – სლუკუნებდა კატო და ცრემლებს ინმენდდა.

– ამათ ბაბუა თუ უშველით, – თქვა ლიზიკომ, – ბაბუასთან უნდა მივიყვანოთ.

გოგონების ბაბუა ცნობილი სახალხო მკურნალი იყო. მთელი წლის განმავლობაში აგროვებდა მცენარეების ფოთლებს, ბალახის ღეროებს, ყვავილებს, ყვავილის ბოლქვებს და ფესვებს. ჰყავდა ფუტკრის რამოდენიმე ოჯახი, რომელთაც თავს ევლე-ბოდა და ელოლიავებოდა. მაგიდაზე გადაშლილი კარაბადინი ედო და ჩაჰკირკიტებდა. სამუშაო ოთახში, რომელსაც თვითონ ლაბორატორიას ეძახდა, ბუნება სუნთქავდა და მისი გამაბრუნებელი სურნელი ნისლივით ედებოდა მთელ უბანს. მკურნალობდა როგორც ადამიანებს, ასევე ცხოველებსაც.

– არ იტიროთ წითელკაბაიანებო, ჩვენი ბაბუა აუცილებლად გადაგარჩენთ. მერე იფრინეთ და იფრინეთ, რამდენიც მოგესურვებათ, – გახარებულმა ტყუპებმა ჭიამაიები მუჭში ფრთხილად მოიქციეს და შინისაკენ მოკურცხლეს.

ჯერ კიდევ არ იყვნენ ჭიშკართან მისულნი, რომ ყვირილი მორთეს:

– ბაბუ! ბაბუ!

ჭიშკარს მხრებით მიანვნენ და ებოში შეცვივდნენ, თან გა-  
ჰყვიროდნენ:

– ჭიამაია! ჭიამაია!

სახლის კარი გაიღო და პარმალს ახოვანი, მხრებგაშლილი  
ბრგე მამაკაცი გამოსცდა. მხოლოდ თოვლივით თეთრი თმა  
მიანიშნებდა მის სოლიდურ ასაკს.

– ისევ ფეხშიშველა დატანტალებთ? რას იტყვის ხალხი?  
დამღალა თქვენი ფეხისგულებიდან ეკლების ძრობამ.

ბავშვებმა სიყვარულგარეული საყვედური ყურს მიღმა გა-  
უშვეს და ბაბუას მკერდზე მიასკდნენ. მხოლოდ ორი სიტყვა  
წარმოთქვეს აქოშინებულებმა და გულაძგერებულებმა:

– უშველე, ბაბუ!

მერე კარს ბურგით მიესვენენ და ჭიამიებიანი ხელი წინ  
გაიწვდინეს.

შეცბუნებულმა ბაბუამ ყურადღებით შეათვალიერა ფრთებ-  
ჩამოყრილი ჭიამიები. მერე სახლში შევიდა და დაჩვრეტილი,  
გამჭვირვალესახურავიანი ხის პატარა ყუთი გამოიტანა, ბავშვე-  
ბს ჭიამიები გამოართვა და ხის ყუთში ფრთხილად ჩაუშვა.

– ბაბუა, ფრთები აქვთ დაზიანებული, აუცილებლად უნდა  
ვუშველოთ, – თქვა ლიბიკომ.

– ხო, ბაბუ, გეხვენები, გეხვენები! – მხარი აუბა თვალცრემ-  
ლიანმა კატომ.

– ვცადოთ, ბაბუ, ვილოცოთ! მარტო ჩემი მალამო რას უშვე-  
ლის. თუ ღვთის ნება იქნება, უსათუოდ გამოჯანმრთელდებიან.

იმ დღიდან მოყოლებული ბაბუა საჯანმრთელო ლოცვებს  
კითხულობდა პატარებთან ერთად. წამლობდა თავისი წამლე-  
ბით და ღმერთს ევედრებოდა შენვნას. თვალს ვერ უსწორებდა  
ცრემლმორეულ ბავშვებს, რომლებშიც დიდი სიყვარული და  
მოლოდინი იკითხებოდა.

ორი კვირის თავზე ბაბუამ შეამჩნია, რომ ჭიამიებს ფრთები  
გასწორებოდათ. ღიმილი მოერია, ბავშვივით გახარებული ებოში  
გამოვარდა და პატარებს ახარა.

ტყუპების სიხარულს საზღვარი აღარ ჰქონდა. ბაბუამ პატარებს განუცხადა:

– ჩვენი ჭიამაიები გამოჯანმრთელდნენ და დღეს საზეიმო გაცილება მოვუწყვით.

პატარა ხანში ბაბუამ ხის პატარა ყუთს თავსახური ახადა და ჭიამაიები კატოს და ლიზიკოს ხელზე დაუსვა. ჭიამაიები ჯერ გაისუსნენ, მერე მოძრაობა დაიწყეს, ცერა თითებზე აცოცდნენ, იქაც პატარა ხანს შეეყოვნდნენ, გარემო მოათვალიერეს, ფრთები აბზიკეს, თითებს მოსწყდნენ და სიხარულისაგან თავბრუდახვეულნი ჰაერში შეცურდნენ. ბავშვებმა ტაში შემოჰკრეს, მერე ბაბუას ჩაეფსკვნენ და აღტაცებულნი გაჰკიოდნენ:

– ხომ ვუშველეთ! ხომ გადავარჩინეთ!

– თქვენ გადაარჩინეთ, ნამდვილად – თქვენ! თქვენმა სიყვარულმა გადაარჩინა! – იმეორებდა ცრემლმორეული ბაბუა და პატარებს თვალებს უკოცნიდა.

მეორე დღეს ეზოში გამოსულ ბაბუას გაოცებას საზღვარი არ ჰქონდა, მრავალისმომსწრე თხილის ხე ჭიამაიებით დახუნძლული რომ იხილა. გეგონებოდათ, ხეს ძვირფასი თვლებით მოოჭვილი სამეჯლისო კაბა აცვიათ. გაოგნებულმა ბერიკაცმა პირჯვარი გადაიწერა და სახეგაცისკროვნებულმა სწრაფი ნაბიჯებით ბავშვების ოთახისკენ გასწია...





„მჩაუალი სიავე  
სვდეზა მანთალს, და  
ყველატუჩისჯან იხსნის უტუალი“





## **„მრავალი სიავე ხვდება მართალს, და ყველაფრისგან იხსნის უფალი“**

უკვე რამდენი წელია, რაც საქართველოს სიმშვიდე სანატრელად გახდომია. ამდენი წლის პოლიტიკური ამღვრეულობის დაწმენდის კონტურები ჯერაც არსად ჩანს! დაფარული, შენიღბული უკეთურებანი, უამრავი მანკიერება წამოტივტივდა ზედაპირზე ამ მოკლე ხანში. ვინც არ იყო კახაბერი, მას მოჰქონდა თავი კახაბერად. რამდენი უდანაშაულო სისხლი დაიღვარა მედროვეთა ბოროტგანზრახულობით, რამდენი იგვემა, იტანჯა, დაუძღურდა და პატივახდილ იქნა. ბოროტმა ძალამ მთელი თავისი სისასტიკით წარმოაჩინა თავი, თურმე რამდენი ბოროტის მსახური ყოფილა. უსასობამ რამდენი სამუდამოდ გადაკარგა ქვეყნიდან. რამდენმა თავზე ნაცარი წაიყარა და გაირინდა. რამდენმა საზოგადოებისთვის ცნობილმა, ვითომ გამოჩენილმა სახემ სამარცხვინო შემგუებლობითა და მანჭვა-გრეხით შეირცხვინა და შეაძულა ხალხს თავი.

მიუხედავად ყველაფრისა, ქართველების ძვალ-რბილში გამჭდარი თავისუფლების სული მაინც ვერ ჩაკლეს. ამდენმა სიგლახემ ერთი კარგი შედეგი მაინც გამოიღო, უბედურებისგან თავის დასაღწევად, სულისა და ხორცის გადასარჩენად, ხალხმა იმედის დიდ სახლს – ეკლესიას შეაფარა თავი. არა მგონია, დაღბინებული ცხოვრებისას ამდენი მრევლი ჰყოლოდა ტაძარს. სამყაროში ხომ ყველაფერი ღმერთის ნებით ხდება, სწორედ მან ჩაგვახედა სარკეში, დაგვანახვა ჩვენი სიბინძურე და გვაიძულა, განვწმენდილიყავით! საუკუნეების განმავლობაში, ქართველ

ხალხს, პატარ-პატარა გამონათებების გარდა, ოღროჩოღრო გზებზე უწევდა სიარული და ყველაზე დიდი უბედურება ისაა, რომ ამ წინააღმდეგობებს ხშირად თვითონ უქმნიდა თავის თავს.

ილიას ოცნება – „ჩვენი თავი ჩვენადვე გვეყუდნოდესო“, გარეშე ფაქტორებზე დამოკიდებული აღმოჩნდა! სამწუხაროდ, დღესაც ასეა. ყველა ოცნებობს ქვეყნის დამოუკიდებლობაზე. ჩვენც გვეღირსა, როგორც იქნა, მაგრამ... მაინც უცნაური დამოუკიდებლობა გვაქვს. რომელ დამოუკიდებლობაზეა ლაპარაკი, როცა შენი ქვეყნის დამაქცევარი, ქვეყნის მოლაღალტე, მყვლეფელი, თაღლითი, ფლიდი, ორპირი, მატყუარა ვერ დაგიკავებია. აუჰ! ეს როგორ შეიძლება? არიქა, ამერიკას ეწყინება, არიქა, ევროპა ვერ გაგვიგებსო. ქვეყნის დამაქცევარ კანონში ცვლილებები ვერ შეგიტანია – აუჰ! ამას ვენეციის კომისია დაგვინუნებსო. როცა შენი მომავალი ვერ განგისაზღვრავს – აუჰ, ამაზე რუსები ტლინკებს აყრიან, ამაზე ამერიკა აღშფოთდება, ამაზე ევროპა შემფოთდებაო!

ის, რაც სისხლხორცეულია, რაც ტრადიციულია, წმიდათა-წმიდაა, რამაც შეგინარჩუნა თავისთავადობა, გამორჩეულობა – ანტიდემოკრატიული ყოფილა! ქვეყნის საკეთილდღეოდ ნაბიჯს ვერ დგამ – არიქა, ცისფერები აღშფოთდებიან, არიქა, ვარდისფერები შემფოთდებიან, სხვადასხვა კონფესიის წარმომადგენლები ზურგს შეგვაქცევენ, ხელს არ ჩამოგვართმევენ, თვალებში აღარ შეგვხედავენ და მერე რაღა გვეშველებაო! ის, რაც ჩვენი ქვეყნის კანონმდებლობით დანაშაულია, – სამშობლოს ღალატი, ხაზინის ძარცვა, ადამიანების წამება-დამცირება, მკვლელობა, ტერიტორიების გაჩუქებისთვის პასუხისმგებლობა, თურმე ჩვენი „კეთილმოსურნეებისათვის“ აღიქმება როგორც პოლიტიკური ზენოლა და ანტიდემოკრატიულია, მათ ქვეყანაში კი მკაცრ პასუხისმგებლობას ითვალისწინებს.

შენ, დაბნეულო ქართველო, საით უნდა გაიხედო? რომელი გზა უნდა აირჩიო?! „ჩვენი თავი ჩვენადვე გვეყუდნოდესო“, და მართლაც, რაში გვავინტერესებს, რას იტყვის დასავლეთ-აღმოსავლეთი. ვიართო ღვთის გზაზე, მივყვით ღვთის რჩეულებს. მტერი არ გამოგველევა – სულ იყეფებენ, მამა პაისი ამბობდა:

ნუ მიაქცევ მათ ყვეფას ყურადღებას, გააგრძელე შენი გზა, ქვებ-საც ნუ ესვრი, თორემ ისეთ სასახლეებს აიშენებენ, ველარაფრით გამოყრიო.

ჰოდა, იშენებენ კიდევ! ძლიერთა ამა სოფლისათა ხელ-შენწყობით რამდენმა მანკიერებამ გაიდგა ფესვი და გაიფურჩქნა. „ქართლის ჭირსა ვერვინ მოთვლისო“... მდგომარეობით გადიდკაცებულების უტიფრობა აღიზიანებს ყველაზე მეტად ხალხს. არ მეგულება ერი, ასე აუგად, მომხმარებლურად ექცეოდეს თავის ქვეყანას, როგორც ჩვენ.

ვივინყებთ ისტორიას, ვრყვნით, ვაბინძურებთ და ვაკნინებთ მშობლიურ ენას, მოდად და განსწავლულობის ნიშნად იქცა წინადადებაში სამი-ოთხი უცხო სიტყვის „შემოგდება“, თითქოსდა ქართულს სიტყვები აკლდეს აზრის გამოსახატავად. იკუმშება, პატარავდება ქართული ენის ასპარეზი! უამრავი დღემოკლე თუ დღეგრძელი ფირმა იხსნება და იშვიათი გამონაკლისის გარდა ყველა უცხოენოვანი სახელწოდებისა.

შე დალოცვილო, უცხოურ სახელწოდებას კი არ მოაქვს მატერიალური კეთილდღეობა, არამედ თავდაუზოგავ შრომას. თუ იაპონელები მსოფლიოში საყოველთაოდ ცნობილ კომპანიებს არქმევენ იაპონურ სახელებს („მიცუბიში“, „პანასონიკი“, „სონი“, „ტოიოტა“ და სხვა მრავალი), პატივს სცემენ თავიანთ ენას და ლექსიკას, ჩვენ რა ღმერთი გაგვიწყრა. ასეთი მატრაკვეცობით ხომ ღარიბდება, კნინდება და ფუნქციას კარგავს ჩვენი ენა. კარგი იქნება, თუ ხელისუფლება დააკანონებს და ყველა დაწესებულებაში ერთ ფილოლოგს მაინც დაასაქმებს, ამით ცოტათი მაინც გამოასწორებს საქმეს.

კატასტროფულად მცირდება ჩვენი ქვეყნის ტერიტორიები – უთავო ხელისუფლების გამო ოკუპაციით, თუ დანაშაულებრივი დაუდევრობით, ერთ ღარად სხვისდება ქართული მატერიალური ქონება, მიწები, რომლებიც ჩვენი წინაპრების სისხლითა და ოფლითაა გაჟღენთილი. ქვა რომ ქვაა, იმასაც კი სისხლი გაუვა, თუ ხელს მოვუჭერთ. იმ ტოტს ვჭრით, რომელზეც ვსხედვართ. ღმერთი არ გვაპატიებს, გადაგვაჯიშებს, როგორც უმადურებს. აკი განაცხადა კიდევ, როდესაც ებრაელ ერს

მოდღვრავდა: „მინა სამუდამოდ არ უნდა გაყიდო, რადგან ჩემია მინა“. ღვთისმშობლისაა ეს მინა და არ გვაპატიებს ასეთ აგდებულ დამოკიდებულებას, დრო მოვა და მწარედ მოგვეკითხება. ვაი, იმ ქართველს, ვინც გასაყიდად შეახებს ხელს მინას. საშვილიშვილოდ დაინყველება მისი მოდგმა და ჯილაგი. ან რა უნდა იყიდო იმაზე ძვირფასი, რაც გაყიდე? რა სარგებელს მოგიტანს, შე დალოცვილო, მინის გაყიდვა? წინაპრებთან როგორი პირითა წარსდგები! და რა პირით მიხვალ იქ, სადაც მისვლა გარდუვალია. მინის გარეშე რაა ჩვენი ქვეყანა, ან რაღა უნდა დაიცვას შენმა ჯარისკაცმა. ამით ხომ ხელს უწყობ უცხო ეთნოსის დამკვიდრებას?

ინდოეთში ერთი გოგო გააუპატიურეს, გააუბედურეს და ერთი უფლებადამცველიც კი ვერ მოიძიეს დამნაშავეს დასაცავად! აქ, საქართველოში კი რა დოღი გააჩაღეს წინა ხელისუფლების მიერ უფუნქციოდ დარჩენილმა ზოგიერთმა დამცველმა, ქვეყნის დამაქცევრების, ნამუსამხდელების, ყაჩაღების, მკვლელების დასაცავად! ნუთუ ქვეყნის სიყვარული, ღირსება, ყოველ ფასეულობაზე მაღლა არ დგას? რას კვლუცობენ, რას ყელყელაობენ, რას იკვანნიებიან კამერების წინ? ადგნენ და უცხოეთიდან ჩამოიყვანონ უფლებადამცველები, ფული არ აქვთ, თუ რა. ხომ იცით, ეს ანტიქართველები, ხვალ შანსი რომ მიეცეთ, საქართველოში ქვას ქვაზე არ დატოვებენ. რა პასუხს გასცემენ შვილებს, შთამომავლობას?

იფიქრეთ და სძლიეთ ეშმაკს. ხომ ხედავთ, რა დღეში არიან, ლამის მუხლზე დაჩოქილი იხვენება ყოფილი „უძლეველი“, მიტინგზე გამოდითო, იმ ხალხს ეხვენება, ვისაც ატერორებდა, ქონებას ართმევდა, ცხვირ-პირს უმტვრევდა, ციხეებში ყრიდა და ცოცხებით აუპატიურებდა. საერთოდ, მწედაცემული და უთავმოყვარეო უნდა იყო, შენ მიერ დანიოკებულ ხალხს ვევედრებოდე, ძალიან მიჭირს, იქნებ მიშველოთო.

განუზომელია პიროვნების როლი ქვეყნის განვითარებაში. წარმატება თუ წარუმატებლობა პიროვნებასთან ასოცირდება. ისტორიაში ამის მრავალი მაგალითი არსებობს. ჭკვიანი კაცის ნათქვამია, „უმჯობესია, ცხვრის ფარას ლომი ხელმძღვანე-

ლობდეს, ვიდრე ლომების ფარას ცხვარიო“. როდესაც ჩვენს ქვეყანაში ლომები მენინავობდნენ, გამარჯვებებიც შთამბეჭდავი იყო. ასე იქნება მომავალშიც, თუ სახელოვანი მამულიშვილების აღმა ხნულს დაღმა არ დავფარცხავთ.

წინ კი ისევ გზაგასაყარია, ერთ მხარესაა ხსნის გზა, მეორე მხარეს, რამდენადაც გასაკვირად უნდა მოგეჩვენოს, გაბჟღვრი-  
ალებული ბნელეთის გზა. ხსნის გზა ხომ ქრისტეს გზაა – „მე ვარ გზა და ჭეშმარიტებაო“, ამ გზაზე მავალმა ქართველობამ დღე-  
მდე მოგვიტანა აუძღვრეველი და შეუბილწავი სისხლი, ჩვენი შეურყვნილი გენეტიკური კოდი, რამაც დასავლეთის ბევრი სახე-  
ლოვანი მეცნიერიც კი გააკვირვა. არასოდეს ყოფილა ადვილი ამ გზაზე სვლა. ამ გზაზე მხოლოდ მართლებს შეუძლიათ სიარული. „ქმნა მართლისა სამართლისა ხესა შეიქმს ხმელსა ნედლადო“, – გვმოძღვრავს ჩვენი დიდი წინაპარი და ამ გზაზე კვლავაც ბევრი ეკალ-ბარდი და ხნარცვი გადაგველობება წინ, მაგრამ თუ ყველა ჩვენგანი სასიკეთო საქმეს კეთილსინდისიერად და პატიოსნად გააკეთებს, ქვეყანა აუცილებლად გადარჩება და გაიმარჯვებს. რას იბამ, სიმართლის გზით სიარული ძნელია, „მრავალი სიავე ხვდება მართალს და ყველაფრისგან იხსნის უფალი“ – ამბობს დავით მეფსალმუნე.

ჭეშმარიტად ამბობს!

## სარჩევი

ანგელოსთა საუფლოში ..... 3

### *მოთხრობები*

ტილოზე ამოქარბული ძვნი ..... 13

ჩამოდი, ჩამოდი!..... 33

ცანგალა და გოგონა ..... 61

წითელი კაბა ..... 73

უხილავი მფარველი ..... 83

კატარძალი ჩემი შვილია!..... 109

მარინე..... 125

ნიკორა..... 139

მოლაპარაკე კაკლის ხე..... 151

თეთრი მძრედი ..... 161

ბოლო გაკვეთილი ..... 171

### *საბავშვო მოთხრობები*

უარსებულო ქვეყანაში ..... 185

გვრიძები ..... 197

მთვარისა და მზეზინარი..... 203

ყვავილებმა გადამარჩინეს ..... 211

ქიამაიები..... 217

### *კუბლიცისტთა*

„მრავალი სიბავშვო მართალს, და ყველაფრისგან

იხსნის უფალი“ ..... 227